

ANECDOTA,

QUÆ

EX AMBROSIANÆ BIBLIOTHECÆ
CODICIBUS

Nunc primum eruit

LUDOVICUS ANTONIUS MURATORIUS,

Sereniss. RAYNALDI I.

MUTINÆ &c. DUCIS

Bibliothecarius.

TOMUS QUARTUS.



PATAVII, Typis Seminarii, M.DCC.XIII.

Apud Joannem Manfrè.

Superiorum Permissu, ac Privilegio.



firmavit. Ejus corpus in præfenti in Aquilejenſi Eccleſia requieſcit.

Gerardus Patriarcha ſedit annos IX. Qui bonis moribus, & bonis operibus plenus in dicta Civitate Auſtria feliciter migravit ad Chriſtum, & optime rexit Eccleſiam ſuam antediſtam.

Peregrinus Patriarcha primus ſedit annos XXXI. Tempore iſtius fuit Henricus Secundus in Aquileja. Hujus etiam tempore Lotharius a Papa Innocentio Secundo coronatur, cui coronationi interfuit idem Peregrinus Patriarcha, & de Regalibus largitionibus ab ipſo Henrico Imperatore inveſtitus fuit.

Peregrinus Patriarcha II. ſedit annos XX. menſes VII. dies III. Hic cum Conrado II. Imperatore Cruce ſignatus ad prædicationem B. Leonardi Confeſſoris circa annos Domini MCXXXVIII. una cum Rege Franciæ mare tranſivit ad Infideles, & rediens cum eodem, vitæ ſuæ in Aquileja diem in Domino clauſit extremum.

Goſfredus Patriarcha ſedit annos XXII. De Regali proſapia fuit. Eccleſiam, & totam ſuam provinciam mirabiliter auxit, ditavit, & honoravit. Hujus tempore Federicus Primus anno Domini MCLIII. per Papam Hadrianum IV. eſt coronatus Imperator, & hic Patriarcha huic coronationi interfuit.

Vodalricus Patriarcha ſedit annos XX. menſes VII. dies VII. Qui Legatus Apoſtolicę Sedis factus eſt, & Federicus Imperator primi conſanguineus: Ab Hadriano IV. & Alexandro Tertio confirmationes privilegiorum ſuorum obtinuit. Huic etiam dictus Federicus omnia privilegia Imperialia, & Regalia confirmans, ſibi etiam Marchiam Hiſtrię, & Carniolę Ducatum, & Comitatum Fori Julii, & multa alia loca, & caſtra, & terram inter Plavim, & Lipientiam jacentem confirmavit. Dedit etiam Eccleſię Aquilejenſi de Imperiali largitione Montem Silicis, qui eſt juxta Paduam per X. milliaria cum omnibus ſuis appendiciis. Et poſt reconciliationem factam inter Alexandrum Tertium, & ipſum Dominum Imperatorem ipſe Alexander fecit dictum Voldaricum

Tom. IV.

Q 3

per

per totam Italiā Vicarium suum generalem. Hic duplici legatione, scilicet Papali, & Imperiali coronatus fuit. Jacet in Aquilejensi Ecclesia, in cujus monumento inscripti versus descripti, & sculpti sunt.

Alter Volricus jacet heic Patriarcha benignus.

Fluctibus illasam schismatis Ecclesiam

Rexit, ditavit, Fratres hos ipse beavit.

Cum justis maneat, gaudia multa habeat.

Peregrinus Tertius Patriarcha sedit annos XIV. menses VII. dies III. Ille reedificavit Ecclesiam Civitatis Austriæ, quæ cum omnibus libris, & thesauris exusta fuit, fecitque in ea tabulam argenteam, & alia mirabilia Clavodia auro argentoque contexta, & eam multis bonis ditavit. Sed pulchriorem fecit in Aquilejensi Ecclesia, quæ pignorata longo tempore per incuriam Pastoris fuit Venetiis, & quam Veneti hodie servant pro pretioso thesauro. Ille primus cœpit amicitiam, & pacta contrahere cum Venetis.

Volkerus Patriarcha Beatus sedit annos XIII. menses VII. Hic ab Henrico V. & Ottone IV. confirmationes privilegiorum Ecclesiæ suæ obtinuit, & coram eis, & coram Federico Secundo Marchionatum Histriæ, quem Dux Baviaræ, Ludovicus nomine, tenebat, per Principum sententias obtinuit. Et facta eidem resignatione per dictum Dominum Ducem de hoc Marchionatu, per omnes tres Imperatores successive præfatus Dominus Patriarcha investitus est. Cui etiam Otto prædictus Montem Silicis donavit cum omnibus juribus suis. Hic multa sanctitatis opera in vita sua fecit, quæ Deus post ipsius mortem mirabiliter ostendit usque in hodiernum diem; nam ejus archa marmorea in Aquilejensi Ecclesia in aere pendebat visibiliter stans circumquaque per quatuor digitos super terram. Et nunc ab uno angulo terram tangit modicum, aliis tribus angulis minime terram tangentibus. Tempore vero ruinationis Ecclesiæ prædictæ ab omnibus partibus manet super terram usque in hodiernum diem.

Bertoldus Patriarcha sedit annos XXIII. menses IV.

Ille

Ille filius Ducis Moraviæ, patruus fuit B. Helisabet; quæ filia fuit Regis Ungariæ, cujus B. Helisabet mater fuit soror dicti Patriarchæ Bertoldi. Hic Archiepiscopus Collocensis existens in Patriarcham assumptus est. Qui Federico Secundo adhærens usque ad ejus depositionem, multos honores, multaque privilegia, & gratias obtinuit ab eodem. Et multa bona una cum patre, & matre, Ecclesiæ contulerunt, & potissime in Carinthia, & Marchia Carniolæ. Cui prædictus Imperator etiam Montem Silicis inter alia tradidit. Hujus tempore Ezelinus de Romano tyrannidem exercebat. Et licet idem Bertoldus indignationem, eo quod adhærebat Federico Imperatori, Sedis Apostolicæ incurrisset, ad Romanam Curiam cum magna Baronum, & Nobilium comitiva accessit, & ibi magnalia multa ostendens, ab Innocentio IV. gloriose susceptus, gratiam, & benedictionem obtinuit. Et rediens de Curia Romana post aliquod tempus multa dimittens de proprio patrimonio Ecclesiis, in Aquileja felici pace quievit. Cujus corpus jacet in introitu Ecclesiæ memoratæ infra Ecclesiam. Et dicitur, quod quando primo Ecclesiam intravit, ubi nunc est monumentum ipsius, cespitavit fortiter, & statim ibi dixit: Hæc requies mea in seculum seculi, heic habitabo, quoniam elegi eam. Hic etiam Civitatem Austriæ ampliavit, & refecit. Necnon Ecclesiam B. Odorici ædificavit in Utino.

Gregorius de Monte longo sedit annos XIV. menses VIII. Hic factus Patriarcha per Innocentium IV. anno Domini MCCLIII. venit ad ipsam suam Ecclesiam. Hic, antequam esset assumptus ad Patriarchalem dignitatem, existens Notarius Papæ, missus fuit Legatus contra Federicum jam depositum de Imperio. Qui dum Parmam obsideret, Parmenses videntes auxilium sibi paratum, egrediuntur, & idem Gregorius una cum Parmensibus exercitum Federici aggressi sunt, & spoliis acceptis ipsum Federicum cum exercitu suo non sine magno damno, & opprobrio expulerunt. Hic gloriosus Antistes multa laudabilia opera operatus est; multas guerras

ras pro libertate Ecclesiæ suæ cum Comitibus Goriciæ perpeffus est, & tandem Ecclesiam suam, dum vixit, potenter protexit. Mortuus est in Civitate Austriæ, quam intime super aliis locis diligebat. Cujus corpus in pace quiescit juxta corpus B. Paulini Patriarchæ anno Domini MCCLXIX.

Eodemque anno electus fuit Philippus Dux Charintiæ, quem Dominus Gregorius Decanus voluit confirmare. Sed factus fuit generalis Capitaneus Ecclesiæ Aquilejensis. Et vacavit Sedes annos IV. Hujus tempore capta fuit Civitas Austriæ proditorie per Federicum de Pinzano Vicarium supradicti Philippi, faventibus sibi omnibus Castellanis, & nonnullis intrinsecis. Expulsi vero fuerunt fere omnes boni populares, & alii capti, alii gladio interemti, & omnia bona sua sibi abstulerunt. Eo autem tempore, & anno Rex Bohemiæ Vassallus Ecclesiæ Aquilejensis habens ab hac Feudum Spirituale, pro redemptione Civitatis Austriæ misit Vicarium suum cum magno exercitu, qui tandem Civitatem obsedit, quia Deus superbis resistit, humilibus autem dat gratiam. Intrinseci proditores ad pacta venientes, terram, & libertatem propriam, & pristinam, restituerunt cum honore.

Raimundus Patriarcha sedit annos XXV. menses II. dies VI. Hic existens Episcopus Cumanus, creatus est Patriarcha per Dominum Gregorium Papam X. anno Domini MCCLXXIII. Iste in adventu suo cum Alberto Comite Goriciæ pacem fecit; sed modicum duravit. Anno vero Domini MCCLXXVII. accessit ad Illustrem Dominum Rodolphum Regem Romanorum, & habito colloquio cum eodem ad primum est reversus. Et quia Veneti coeperunt occupare Terras Histriæ, incœpit graves facere guerras cum eisdem. Quæ quidem guerra incœpit MCCLXXIII. de mense Martii, & duravit fere annos XI. Hoc tempore Veneti obsederunt Tergestum, & fecerunt terram unam juxta Tergestum, quam Romagnam vocaverunt. Ipse autem Patriarcha cum exercitu suo valido, & potentissimo Venetos debellavit,


spo-

INDEX

OPUSCULORUM

TOMI QUARTI.

S	<u>Maximi Taurinatis Episcopi Sermones .</u>	
	<u>pag. I</u>	
	<u>Antiphonarium vetustissimum Monasterii</u>	
	<u>Benchorensis in Hibernia .</u>	119
	Magiltri Manegaldi contra Wolfelmum Co-	
	loniensem Opusculum .	162
	Supplementum Historiarum Johannis de Cer-	
	menate .	209
	Patriarcharum Aquilejensium Vitæ a S. Her-	
	magora usque ad Nicolaum Patriarcham .	229



MAGISTRI MANEGALDI
Contra WOLFELMUM
COLONIENSEM
Opusculum.

Tom. IV.

L

WISCONSIN STATE MUSEUM
GEOL. DIVISION
COLLECTIONS
OF
Fossils.

IN MANEGALDI

Opusculum.

EX Codice MS. 305. lit. S. Ambrosianæ Bibliothecæ descriptum est hoc Opusculum. Ejus Auctor nomine tantum, ac Magistrali munere mihi notus; cetera ignotus, de illo nihil adferentibus celebrioribus Historiæ Literariæ Scriptoribus. Neque porro mihi aut satis otii ut exquiram, aut satis Librorum, ut inveniam aliquam de illo, & de Wolfelmo Coloniensi fortasse ampliorem notitiam. Quod memini me legere olim, in Clariis. Baluzii Miscellan. Tom. IV. memoratur *Manegaudus* quidam; qui vixisse & scripsisse nonnulla videtur circiter An. Ch. 1150. In Schædis quoque meis MSS. reperio brevem catalogum Librorum nondum editorum exhibitum olim eruditissimo Holstenio Bibliothecæ postea Vaticanæ Præfecto, ubi hæc habentur: *Menegaldus, vel Menengaldus Latinus Historicus: Historia Ecclesiastica. Qui plurima e Trogo Pompejo, & Justino quoad profana transcripsisse videtur. Initium Operis hoc est: Assyriorum Regum potentissimus olim fuit Ninus, qui bellum finitimis inferens Regibus &c. Sequitur adnotatio. Lucas Holstenius. Io credo che sia un Manigoldo. Auctor nullius judicii; nec pretii, quorum centuriæ reperiuntur passim in Bibliothecis Monasteriorum; qualis Petrus Comestor, Vincentius Belluacensis, alique ejus farinae consarcinatores, qui quum nullum suis Historiis initium reperire possent, ab exordio Mundi repetebant, ut. mali Poetæ Trojanum*

bellum gemino ordiuntur ab ovo. Forte sub finem ad particularem alienius gentis Historiam, & ad sua tempora delabitur, quæ usui esse possent ad illorum temporum cognitionem: quod de proximo, & in presenti desperandum. At incertum mihi, an ista ad Manegaldum, sive Manegaudum nostrum aliqua ex parte pertineant.

Quo tamen tempore Scriptor hic floruerit, conjectura assequi non difficile possumus. Agit ille de celeberrimis Gregorii VII. Pontificis Maximi controversiis cum Henrico IV. Imperatore, atque ita agit, ut rem non antiquam, sed recentem, & lites ante paucos annos agitatae, non obscure innuat. Carpit enim Cap. 22. in Wolfelmo, ejusque fociis contentiones, & dissensiones, quibus vos operarii carnis maxime totis his temporibus studuistis. Tum Cap. sequ. apertius de his agit, Gregorii VII. causam defendens, atque inter cetera scribit: Non defuerunt eo tempore viri magni, & Religiosi, quibus iniquitas tanta non placuit; bodieque supersunt in eodem Regno (Theutonico) quam plurimi, qui miserante Deo nondum Baal genua curvaverunt &c. Infra subdit: Pudori saltem vestro sufficere poterant discreti viri in circuitu vestro constituti &c. Schisma vestrum libera detestatione impugnantes. Schismate igitur adhuc sejuncti erant ab Apostolica Sede Germani Henrico faventes, & adhuc nulla fere Civitas, ut ipse ait, in tota Latinitate erat, quæ non haberet divisum in varia studia populum, his pro Gregorii VII. jam vita functi memoria, illis vero pro Henrico IV., ut reor, vivente pugnantibus. Addit insuper Manegaudus: Vos ad irritandum Altissimum, & augmentum profanationis, in Sacrificiis vestris pro Wiperto tanquam Patre & Pontifice

fice animarum vestrarum divinam clementiam imploratis : Quæ omnia suadere videntur, adhuc in vivis fuisse Guibertum Antipapam, quum hæc scriberet Manegaudus. Reliqua legantur, quæ idem Auctor habet Cap. Primo, & postremo, ac tandem, ni fallor, statuetur, compositum fuisse Opusculum istud ante Annum Ch. Millesimum & centesimum primum (quo verisimilius est e vivis excessisse Pseudopapam Guibertum) aut saltem non longe ab iis temporibus. In eam itaque sententiam feror, non alium fuisse Opusculi hujus Scriptorem a Manegaldo, cujus mentionem forte ostendi in Annalibus Ptolemæi Lucensis pag. 952. Tom. 25. Biblioth. Patr. Ita vero scribit Historicus ille ad Annum Christi 1090. *Per idem* tempus floruit in Theutonia quidam Philosophus, cui nomen Menegaldus, cujus uxor, & filia in Philosophia fuerunt permaximæ.

Juvabit autem hinc discere Cap. 4. rationem, cur veteres Christiani Antipodas negandos sibi censerent. Nimirum qui eos statuebant, Tellurem excogitarunt in quatuor habitabiles partes divisam, quarum duæ saltem a reliquis præcisæ ita essent causâ interpositæ Zonæ torridæ, ut nulum hominum inter eas commercium intercedere posset : Quare his positis excidebat certissimum, divinitusque traditum, Dogma de humani generis ex Adamo propagatione, & de annunciando Evangelio per totum terrarum Orbem. At Columbus, ac ceteri Americæ Indiarumque lustratores primi, tum Ethnicorum Hypothesim, tum Christianorum metum hac de re omnem sustulere. Deinde Cap. 23. discas, Historiam rerum gestarum a Gregorio VII. Papa elucubratam fuisse per Salisburgensem Archiepiscopum, quem Geb-

hardum, five Gebehårdum fuisse arbitror, in Baronianis Annalibus memoratum. An autem Historia hæc idem sit ac *Epistola S. Gebhardi Archiep. Salisburg. ad Hermannum Metensem*, quæ a Tengnagelio edita est Ingolstadii An. 1612. inter *Vetera Monumenta contra Schismaticos &c.* aliorum erit inquirere. Iterum habes Cap. 24. auctorem Epistolæ cujusdam dolosæ admodum & calumniosæ contra Gregorium VII. fuisse Wiricum Trevirensis Magistrum, qui Virdunensis Episcopi personam induit. Tu reliqua ad Theologiam, & Philosophiam spectantia perpende.

MAGISTRI MANEGALDI

Contra WOLFELMUM

COLONIENSEM

Opusculum.

QUum nuper in hortis Lutenbac conveniremus, & more Scholarium de Scripturis, quæ tunc inter manus erant, sermo mihi contra te oriretur, multa oratione decursa in hoc quasi quemdam nodum incidimus, & trahere cœpimus contentionis funem, ut tu pauca, quæ tibi displicerent, Philosophos, atque Macrobiū de Somnio Scipionis, de quo tunc verbum erat, dixisse contenderes; ego e contra plurima Fidei, & salutis nostræ contraria in ipsis me invenisse assererem; ac eo usque cursus verborum prolapsus est, ut facile patere posset, aut te parum divinis literis eruditum, innata feritate & studio contradicendi, quæ nescires velle defendere, aut si ita sentire, ut dicebas, plane a rationibus sinceræ Fidei deviasse. Et quia contingere solet, quosdam strepitum verborum, & superficiem narrationis attendere, non expendere sensum mentemque scribentis, velut qui sine gustu, & odoratu radicem quidem rerum, sed vim saporis, & odoris sensu perduto non discernunt; quosdam vero per orationum sonum sensuum secreta rimari, & sicut frigida exterius seponunt a calidis, ita interius bona fecerunt

nunt a malis, quæ tanto validius reprobant, quanto in bonis fuerint delectati: ideo accessi propius, & per te ipsum cognovi morbum tuum, obtestans, utrum ita tibi in perceptione illarum sententiarum adquiesceres, ut eas credentibus non intelligeres esse damnosas: heic satis temerarie respondens subiecisti, nescire te quicquam in eis, quod multum tuus animus aspernaretur. Itaque multis a te conviciis laceffit furibundum, minantemque reliqui. Propono ergo aliquid inde ad te scribere, ut in eorum libris, & sensibus, de quorum errore dissimulas, manifeste cognoscas hæreticam pravitatem contineri. Simul etiam arbitratus sum de Domino Papa Gregorio, quem polluto ore laceras, aliquid adnectendum, ut recogites, quia amplioris peccati causa solet esse præcedens peccatum.

CAPITULATIO

Sequentium.

- I. **Q**uod non omnes Philosophorum sententia abjicienda sint, sed illa, in quibus decepti sunt, & decipiunt, & de Pythagora sententia de anima valde detestanda.
- II. De Platone, & ejus involucris, quibus ostendit, ex quibus constat anima, & quod in distantia penetret corpus.
- III. De diversis sententiis Philosophorum de Anima.
- IV. Quod in mensurando Solem, & Lunam, & habitabilibus maculis decepti sint, & si quis inde Macrobio crediderit, in Fide facile periclitetur.
- V. Quod secundum Apostolum talia probanda sunt, & ad sobrietatem Christiana regula refecanda.
- VI. De non sana eorum confessione, & de Casu Origenis, qui se nimis eorum dogmatibus affect.
- VII. De Sancto Spiritu, & ejus sana, & moderata doctrina, quod superbos deserat, & immundo Spiritui dissecandos permittat.
- VIII. Quod Philosophi Patriarcharum benedictionibus privati nihil digne de Trinitatis Mystério sentire meruerint.
- IX. Quod a Spiritu Maligno talia orta sint, & divisionis auctor Idololatriam multis argumentis texuerit.
- X. Quod ipsi sunt Aegyptii a nobis depraedandi, & quod nobis eloquiorum thesauros & ornatus paraverint.

XI.

De Deo, quem habemus loquendi materiam,
& de refectione, & creatione Angelorum,
& hominum, circa quorum casum sententia
Domini misericorditer temperata est.

De Præceptis obediendi, quibus homo reparatur contemptor mandati, qua reparatio multis modis designata sit, ita ut casus priorum patrum ad designandam magnitudinem Gratie permixti sint, sicut David, de cujus genere Auctor venia natus est.

De Prophetis duos adventus prævidentibus, ac desiderantibus.

Quod ordinatis, qua oportuit, Deus de Virgine natus sit, destructa Philosophorum consequentia.

Quo proventu natus sit.

De Deo nato quod omnis veritas Scripturarum ab eodem aperta sit, & de suscitatione animarum, & doctrina humilitatis.

De simplicitate Petri Apostoli, & merito fidei sue.

De duobus Sacramentis regenerationis, & refectionis ante passionem in cena institutis.

Quod in Cruce Jesu Christi sit remissio peccatorum, & redemptio omnium, & priorum Sanctorum.

De Gloria Resurrectionis, & quod Discipuli, non ad philosophandum, sed ad vitam æternam annunciandam vocentur.

De Adventu Spiritus, & quid in eis effecerit, & quod in præsentibus non sit perfectio, sed inchoatio Beatitudinis.

Quod breviter de istis dictum sit, ut ostendatur, quantum periculum sit acquiescere illorum scripturis, qui nihil de corporum resurrectione noverunt, & quod eorum definitio destructa sit, & hoc Spiritus carni subditus non capis.

- XXIII. *Quod Theutonici quidam ab obedientia, & unitate Romana Ecclesia exciderint, dicentes se non habere Pontificem, nisi Casarem.*
- XXIV. *De Epistola ab eis contra Sanctum Papam Gregorium facta, & quod ei Epistola per gratiam Dei respondendum sit.*

CAP. I.

PRimum discretionem legentium volumus esse præmonitam, nos id nequaquam de Philosophis suscepisse, ut omnes eorum sententias damnabiles sentiamus, quarum quasdam pro sua subtilitate vix penetrare sufficimus, quasdam vero a sanctis viris susceptas non ignoramus. Verum temeritatem tuam velle compescere, qui sic eorum subtilitates commendas, ut multifarios errores figmentis illis implicitos non attendas. Neque enim in illis usque adeo primi parentis culpa dotem naturæ damnaverat, quin secundum humanas rationes quarundam rerum communitates, & discrepantias diligenter satis commodeque distinguerent, quantum homo de se ipso præsumere poterat. Sed quia sine Spiritu illius erant, qui *docet omnem veritatem, cujus sapientia attingit a fine usque ad finem fortiter, ac disponit cuncta suaviter*, necesse erat sicut homines, & ideo mendaces, eos interdum fines veritatis excedere, & semel suscepto patrocínio falsitatis per varia deceptionum argumenta raptari. Inde fuit, quod Pythagoras inter primos Duces hujus traditionis, quibusdam utiliter inventis & traditis, cum tandem rationalis animalis scrutaretur arcanum, & eam naturam, quæ sine auctore naturæ male sciri potest, mortali ratione persequi, & comprehendere niteretur, exinanitum ejus ingenium ad tantam demum bestialitatem redactum est, ut humanam animam perpetua ratione donatam aliquando irrationabilem fieri mentiretur. Eo scilicet modo, quo a simplicitate sui dimota voluntate incorporandi ad hæc infima laboretur; quæ quidem si in primo corpore male viveret in præsentī seculo, vel aliquo seculorum futurorum, quorum infinitam seriem promittebat, corpus deterius fortiretur, & ita multiplicatis sceleribus ad hoc ultimum deveniret, ut qui ante fuerat homo, ad vivificandum quodlibet scœdissimum

corpus, horribili carcere truderetur. Ecce ad quem pro-
 ventum sublimis Meditatio illa evaserit, qualemque ne-
 cessitatem secundum stultitiam cordis sui illi creaturæ,
 quæ ad imaginem, & similitudinem Creatoris omnium
 condita est indicare non expavit. Dic quæso, si a sen-
 tentia ista non dissides, quid honestæ spei concipere po-
 tes, quidve de illorum beatitudine expectas, qui in
 perfecta corporum, & animarum resurrectione dupli-
 cem stolam recepturi sunt, secundum ea quæ interim
 oculus videre non sufficit, nec auris audire, quæ vide-
 licet in abundantia gratiæ & gloriæ suæ præparat Deus
 diligentibus se? Hoc enim sensu philosophico fit, ut tu,
 & ceteri complices tui in Regno Theutonico constitui,
 qui ab Apostolica Sede, & obedientia Sancti Papæ
 Gregorii dissensistis, & ob innumera flagitia damnatio-
 nis sententiam excepistis, a præsentis corpore separati
 in futurum seculum corpus turpius subintretis, quod
 quum rursus ferina contagione pollueritis per infinitas
 species animandorum corporum præcipitati, ad ulti-
 mum in visceribus terræ, ac sordidis locis conclusi æ-
 terna salute in perpetuum careatis.

C A P. II.

Verum nec in tempore illo a succedentibus Philo-
 sophis, qui dignius de se ipsis senserunt, crude-
 litas * ista approbata est, sed per leviores infanias tem-
 perata, inter quos Plato acutius ceteris rerum primor-
 dia perscrutatus compositionem animæ quibusdam invo-
 lucræ prægravavit, & ex individua, & dividua essen-
 tia, natura eadem, & diversa, eam constare affirmans,
 sic cœlestia, & terrestria corpora per ipsam vivifica-
 ri commentatus est, ut ille vigor perpetui ignis pro
 natura corporum a se vivificatorum propriæ virtutis
 dispendia pateretur. Quod Macrobius Ciceronem, Vir-
 giliū, & alios Latinos Philosophicæ disciplinæ secta-
 tores sensisse testatur, sicut manifestius cognoscere po-
 terit,

* fort. credu-
 litas.

erit, qui tractatum ejus *de Somnio Scipionis* videre curabit. Hic itaque sicut per introductum discipulum suum Timeum commemorat, ut per quædam quasi deliramenta a numeris tracta consideratione eandem animam quodlibet animatum corpus indistanter penetrare & vivificare ostenderet, quum de Deo fabricante animam loqueretur, prædictarum essentiarum commixtionem fermentum appellans: *Primam*, inquit, *ex omni fermento partem tulit, hinc sumfit dupliam partem prioris, tertiam vero bemioliam secundam, & alia quædam, quæ pro nihilo ad memoriam reduceremus, quoniam ipsa suæ obscuritatis insolentia animum auditoris obtundunt.* Si quis vero ea audire desiderat, ab eodem Platone, sive a Macrobio, qui easdem tenebras quodammodo elucidandas suscepit, hæc animadvertere poterit; mirum tamen erit, si non audita contemnat.

C A P. III.

HAbes ibidem coadunatos Pythagoram, Platonem, Xenocratem, Aristotelem, Possedonium, Hippocratem, Heraclitum, Zenonem, Democritum, alium Heraclitum, Crisolaum, Hypantum, Anaximenem, Empedoclem, Parmenidem, Xenophontem, Boetem, atque Epicurum, quorum plures diversis errorum spiritibus devii, & sensu carnis suæ inflati, tamquam per quædam abrupta dispertiti, contra se dissonas, & controversas sententias in animæ suæ judicio ediderunt: Quorum Plato, quod ad verum satis videtur accedere, animam definivit essentiam se moventem, alius numerum se moventem, alius Entelechiam, quod interpretantur corporis formam, alius harmoniam, alius ideam, alius exercitium quinque sensuum, alius tenuem spiritum, alius lucem, alius stellaris essentiæ scintillam, alius spiritum concretum corpori, alius spiritum insertum atomis, alius de quinta essentia, alius ignem, alius ærem, alius sanguinem, alius ex terra & igne, alius ex terra

terra & aqua, alius exaere, & igne & spiritu mix-
tam. In tam varia igitur divisione considera, si te u-
num omnibus sano sensu accommodare possis; ac si con-
sentire potes animam tuam jure sanguinem nuncupari,
dic rogo, quæ Cœlorum Regna expectes? Hoc enim
modo tu constans, sanguis & caro, Regnum Dei pos-
sidere non potes.

C A P. IV.

Quod autem de Sphæra, & orbibus, & Cœlesti
harmonia, de fallaci mensura Solis, & Lunæ,
& orbis terræ, de quatuor habitabilibus maculis
in circuitu terreni puncti secundum fidem tui Macro-
bii constitutis, & de Antipodis, seu Antoeccis per eas in-
commensabiliter dispositis affirmatur, in quantum pericu-
lum talia dicantur, parum mihi attendisse videris. Su-
scepto enim semel, quatuor habitationes hominum es-
se, quorum ad se invicem nulla penitus possit esse per
naturam commendi licentia, dic age, quomodo verum
erit, quod Sancta, & Apostolica rationabiliter confite-
tur Ecclesia, Salvatorem videlicet, per primos Patres
ab ipsis, ut ita dicam, hujus Mundi cunabulis præsigna-
tum, & a Patriarchis, & Prophetis consequenter mul-
tissime, & multis evidentibus modis præfiguratum, tan-
dem in plenitudine temporis, ineffabilibus humilitatis,
& caritatis suæ operibus cognitum, ac clarificatum, in
salutem totius humani generis advenisse, si tria homi-
num genera excepta sunt, quæ prædictus Macrobius
præter hanc habitabilem, quam incolimus, secundum
Zonarum Cœli, & terræ temperiem, posse esse persua-
det, ad quæ tantæ salubritatis notitia pervenire non
potuit? Ubi est, quod ille fidelis, quem invenit Do-
minus virum secundum cor suum, in spiritu veritatis
clamat: *Ante conspectum gentium revelavit justitiam suam
Deus.* Et ibidem: *Videbunt omnes fines terra salutare Dei
nostri,* si aliqui fines terræ sunt ab hominibus inhabita-
ti,

ti, ad quos sonus Prophetarum, & Apostolorum nostrorum prohibente natura per inaccessibiles aquarum, frigorum, calorumve distantias transire nequirit?

C A P. V.

EQuidem legi hæc tecum, & ut recorder frequenter dicere solebam, hæc ita debere accipi, ut Speræ tantum notitia haberetur, non ut veritate munita crederentur, quia secundum Apostoli præceptum omnia probanda sunt, & puro mentis intuitu examinanda; quoniam sicut in his, quæ sensibus subiecta sunt, ita quoque in intellectualibus, præsertim in scientiis, tam multæ & variæ species sunt, ut nisi Spiritus pietatis adsit, cujus regula dirigamur, cor hominis pravum, & inscrutabile, pronum sit verisimili ratione seduci; & nisi sobrietate quadam intelligentia refrænetur, aliquando in altum elata ipso tandem tumore in immensum crescente rumpetur, quandoque vero sinistrorsum nimis ad ima devergens in tenebras fatuitatis submergetur. Providebat hoc animus Apostoli Spiritus Sancti gratia illustratus, qui inter regulas Fidei, quas nobis imitandas præfixit, somnoperè admonuit: *non plus sapere quam oportet, sed sapere ad sobrietatem*. Proinde quum aliquid menti nostræ occurrit, quod ipsa sui sublimitate, atque probabilitate delectat, habemus quadraturam Christianæ doctrinæ, quam intellectis, & cognitis juxta ponere debemus, & si quid de meditationibus nostris excesserit, ad normam illius festinato iudicio rescare. Ita & damnabilium errorum periculum devitari, & Philosophorum peritia, quæ tamquam superflua quædam immodestas nostris studiis apta est, commodè salubriterque poterit famulari. Ut autem indissimulabiliter pernoscas, quam perniciosum sit eorum imitari fidem, quorum ingenium admiramur, aspice, quid prætendat in prima parte sui Philosophicæ confessionis assertio, quam ab eisdem sumtam Macrobius libro suo apponendam curavit his verbis.

CAP.

C A P. VI.

Deus, qui prima causa & est, & vocatur, unus omnium, quæ sunt, quæque videntur esse, princeps & origo est. Hic Deus superabundante majestatis fecunditate de se mentem creavit. Hæc mens, quæ vocatur, qua patrem inspicit, plenam similitudinem servat actoris; anima vero de se ipsa creat posteriora respiciens. Rursus anima vñs patrem qua intuetur induitur, ac paulatim regrediente respectu in fabricam corporum in corporea ipsa degenerat. Nonne si horum verborum sensibus adquieveris, denuo suscitare videris multos errores, qui in primo statu Ecclesiæ vigili solertia Patrum convicti, & suffocati sunt? Inter quos Arius inæqualitatem personarum in simplicitate Divinitatis inducit. Manichæus autem partem Divinitatis degenerem Diabolum, eundemque malarum creaturarum conditorem affirmat, quorum nefanda perversio quantas strages Fidei dederit, quantumque fructum malitiæ fecerit, nullus, qui Ecclesiasticas Historias legit, ignorat. Cujus Philosophicæ muscipulæ laqueum Origenes magnus vir in Ecclesia, & divinorum eloquiorum mirabilis tractator, tremendo Dei judicio evadere non meruit; sed quum post multos tractatus, quos utiliter, & excellenter ad honorem Sanctæ Ecclesiæ edidit, ad enodanda demum Cantica accessisset, asseruit, Patrem a Filio, Filiumque a S. Spiritu non videri. Quod B. Hieronymus in Epistolis suis significans, & tanti Doctoris casum graviter ingemiscens: *Origenes, inquit, quum in aliis ceteros vicisset, in Cantico Canticorum se vicit.* Cujus laudabile ingenium quamdiu caritate duce incaluit, & ab Apostolicæ Doctrinæ lumine non recessit, per directum gradiens, altitudinem spirituale intellectus salubriter aliis ministravit; ubi vero profunditatem sapientiæ, & scientiæ Dei incomprehensibilem, & homini per se fatuo non potestate, sed dignatione capabilem, profanus

Tom. IV.

M

Græ.

Græcorum dogmatibus, quibus se fortassis prius nimis affecerat, commiscere tentavit, sicut quando de Resurrectione tractans soliditatem, & veritatem resurgendorum corporum denegavit, miseranda humanæ fragilitatis sorte; vir egregius, & sublimis considerationis, quasi de altissima specula lapsus gravissime corruit, exemplumque posteris factus est, cum quanta reverentia, & timore, divini consilii celsitudo, & profunditas mysteriorum Dei attingenda sit, & ut quisque de se sciat, quia quanto velocior est animæ suæ motus, tanto paratior illi casus est, nisi cum cautela, & cœlesti præsidio moveatur. Quod Salvator discipulis indicat, quum ante potestates mundi, quarum timore, vel amore de Spiritu Sancto facile labi possent, præ testimonio Fidei sistendos præmunit. *Nolite cogitare, quomodo aut quid loquamini; non enim vos estis, qui loquimini, sed Spiritus Patris vestri, qui loquitur in vobis.*

C A P. VII.

Hic est ille Spiritus, qui Disciplinæ effugit fictum, quem corpus peccatis subditum non meretur, qui unde vult recedit, & sine difficultate loci, & temporis quocumque vult venit, & signaculum sui ventens secum adfert; quod enim suggerit, rectum, & pium est; quod emittit, robustum, & sanum; quod fructificat, suave & jocundum. In eo enim est gratia veritatis, per ipsum nobis est spes vitæ & virtutis. Quum habitaculum infantium ingreditur, dilertos reddit, & quum frigenti, & tenebroso cordi supervenit, vitiorum sedem puritatis tribunal tacit. In præsentia sua nihil fatuum, vel inutile esse potest, nihil diligit singulare, vel dissonum, nil immoderatum amat; ipse enim modus, & immensurabilis mensura est; omne donum ei sufficiens est, quia etsi desiderio meo parum videtur, quod mereor, in plenitudine tamen corporis Ecclesiæ, quam ipse Deus vivificat, totum possidens nullius egestatis detrimento confun-

fundor . Hic itaque Spiritus quum mentem de se præsumentem cernit , quia amator humilitatis est , superbiam locum contemnit , & quia ipse unus , & idem , sic gratiarum suarum dona multiplicat , ut tamen per distributionem illam unum simplex & verum insolubilis caritatis corpus efficiat , scissuras , & scandala detestans . Quo fit ut animam sectionibus vacantem Spiritus immundus invadat , eamque suis qualitatibus , & potentiis informatam miserabiliter distrahat , & per varios errores discernitam ad perditionis interitum perducatur .

C A P. VIII.

Hoc contigit his , de quibus loquimur , quos prior ætas Gentilium Philosophos appellavit , quorum patres a Patriarchatum Israelitici populi genere profuentes , hereditariis benedictionibus privati , vera Domini Dei nostri notitia caruerunt , eandemque ignorantiam jacturam filiis suis reliquerunt , donec semen benedictum venit , cui hereditatio gentium debebatur . Interim ergo naturali fame torqueri cœperunt , & sicut qui panem in caute , seu in silice aurum , vel Solem in Cavernis terræ quærunt , ita in inquirenda natura rerum , & cognoscenda universæ fabricæ Mundi subsistentia , & elementorum concordia discordia alii occupati , alii autem in causarum proventibus dignoscendis , quos indici sibi fatali necessitate per concursum Planetarum , & Siderum opinati sunt , his quasi deviis disparati , circa summum bonum frustra consumptis multis studiis erraverunt . Quod si inter eos extiterunt , quos purior liberiorque ratio stimulare aliquid esse insistendum , quod antiquius , & melius ipsa creatura foret , cujus potentia totius creationis universitas ambiretur , cujus providentia sub certis ponderibus , & numeris cunctorum existentium , contingenterque transeuntium series neceretur ; tamen quum ad illud lumen inaccessible , quod omne firmamentum , omnemque Cœlorum altitudinem excedit , perventum esset ,

M 2 inef-

ineffabilis Trinitatis venerandam, adorandamque simplicitatem, ejusdemque simplicis Majestatis trinum Mysterium sentire nullatenus meruerunt. Unde factum est, ut tria sibi principia ponerent, Artificem, Formas, & Materiam intelligibilem esse, mundum in mente divina collocantes, qui exemplum hujus sensibilis secundum numerorum rationem cuncta, quæ sub sensibus casura erant, in se intelligibiliter contineret; in quibus principiis omnipotentiae Dei derogabant, nihil ex nihilo fieri sancientes. Hæc sunt, in quibus addiscendis te multam operam consumsisse gloriaris, quæ tecum ipse legi, & lecta ex maxima sui parte reprobare curavi. Habebant enim difficultatis plurimum, utilitatis parum, salutis nihil. Quum tamen experiendi causa, quorsum evaderent insectarer, quasi per quosdam fumorum orbes immensis tractibus involutum, quo tandem vellent ponere admirabar, nisi quia suspicabar profecto, quod nequaquam veritatis exitum promittebant.

C A P. IX

TAlia sunt nimirum illius semina, qui per superbiam Deo suo esse similis affectavit, qui quum Gentilium mentes semel sibi permissas invasit, sublimia promisit, eduxit in altum, paravit casum. Nec potuerunt ad cavendos ejus dolos, & mille nocendi artes, mortalium corda sufficere, quia interdum inducendo impietatem, pietatis spem gerit, laxat jura imperii, ut fautores sui in quamdam partem ad virtutem se erigant, in altera parte premit, ut familiari sibi fœditati subjaceant, & pro tempore suum inficit eorum bonum miserandoque nimis commercio de pretioso alieno vilitatem suæ confusionis circumtegit. Non locorum angustiae, non longitudo temporis incentivorum ejus spiculis renituntur. In promptu sunt ei secreta naturæ, illam solam arcem subiattare veretur, cui præsidet ille Spiritus, qui diligit sanctitatem. Hic tam potens, & efficax,

ficax, quum prostratam, & jacentem prædictæ generationis massam conspiceret, cœpit in ruinas, quas fecerat, debacchari, & sicut est discissionis actor, animale hominem in varia dogmata, & contrarias sectas partitus est. Inde Socratici, Pythagorei, Platonici, & aliæ innumeræ professiones diversis tramitibus aberrarunt, & errores suos argutis inventionibus adjuverunt. Proficiente quoque, & invalescente Diaboli seminario, subsequuta est Poetarum turba, qui tamquam joculariores ad nuptias Idololatriæ concurrentes, figmentis, & immodestis laudibus animas vana sectantium oblectati sunt; causa enim quæstus ad adulandum, & maledicendum parati sceleratos Principes, & violentes prædones deificando, & inflatorum verborum tinnitu, & sententiarum ornatu, nulla veri puritate munito, inutili memoriæ, & inani gloriæ serviendo, obscœna, & turpia quibusdam involucris adornarunt, & prout natura singulorum vixit, alii Comœdi, alii Lirici, Satyrici, Tragœdi effecti multis phantasmatibus animas peccantium seduxerunt, simpliciores quoque, qui honorem suæ conditionis sub profunda nocte ignorantie non intelligebant, comparabiles, imo deteriores juvenis usque ad culturam lapidum, & turpitudinum curaverunt.

C A P. X.

Isti sunt Ægyptii, quos dispensatio Dei sanctæ Ecclesiæ deprædandos exposuit, quorum spoliis faciem templi Domini adornamus, & naturale donum, quod ipsi in superbia, & abusione ad damnationem suam detinuerunt, amatores humilitatis in usus debitos retorserunt, nihil de suis juribus præsumentes, nil adscribentes sibi, nec quærentes quæ sua sunt, sed gloriam Regni æterni annunciantes, simpliciter prudentes, & prudenter simplices, armaturam perfidiæ in cultu Fidei transulerunt, & scientiam inflatam, & mortuam spi-

Tom. IV.

M 3

ritu

ritu caritatis animaverunt. Hi sunt, de quibus ad nos dictum est: *Alii laboraverunt, & vos in labores eorum immisit.* Omnis sapientia, quorum in altissimis questionum puteis devorata est, in quibus fons aquæ salientis in vitam æternam a perscrutantibus non inventus est; sed copiosæ verborum divitiæ, & eloquiorum thesauri nobis, quibus scientia salutis in remissione peccatorum per viscera misericordiæ Dei donata est, commodissime præparati. Itaque laqueos, & sensuum fraudes, quas velut aranea tabescentes, & interiora sua exhaurientes vane conturbati stultorum imitationi prætexebant, tamquam retiaculum Diaboli perumpentes, cadaver. Idololatriæ nudum reliquimus, & ornatum orationum, & quarundam consuetudinum, quò vasa contumeliæ longo tempore morticinum suum celaverant, Salvatori, & Liberatori animarum nostrarum obtulimus.

C A P. XI.

Materia vero, circa quam supellectilem verborum expendimus, idem ille nobis est, de quo nunquam satis potest esse, quod dicitur, Sapientia videlicet Dei Patris, consubstantialis, & coæterna illi cum Spiritu Sancto, unus Deus immortalis, invisibilis, cujus solius honori, & gloriæ cuncta cœlestia, terrestria, & infera, voluntaria, vel invita famulantur. Qui quum omnia, quæcumque voluit, fecit in Cœlo, & in terra, in mari, & in omnibus abyssis circa miserabile genus humanum; misericordi prudentia reflexit justitiam voluntatis, & caritate temperavit fortitudinem potestatis. Non in aliqua parte sui aliquo modo degenerans, sicut insulsa Philosophorum confessio persuasit, numquam deficit; neque recipit aliquid essentialiter, quod ipse incipiat esse, & ante non fuerit; ubique totus, & nullas loci angustias sustinens; semper existens, sed conditor temporum, certus librator omnium numerorum, & ponderum.

rum . De quo tunc recte sapit rationalis homo , quum
 pertinendam , & laudabilem nimis ipsius magnitudinem
 recognoscit . Cujus sapientia , & providentia infatigabi-
 liter , & sine errore non solum elementorum distinctio-
 nem , sed ex elementis constantium rerum causales pro-
 ventus serie admiranda connectit . Hic est Dominus no-
 ster , & non est alius ad ipsum , qui quum in se perfe-
 ctus foret , nec alieni favoris , vel laudis indigentiam pa-
 teretur , secundum beneplacitum voluntatis suæ Cœlum ,
 Terram , & universa , quæ Cœli ambitu continentur ,
 Dominus universorum de nihilo condidit . Inter quæ nil
 æquale quidem sibi , sed simile , rationalem Angelum
 creavit , & hominem , ut & in coelestibus invisibili Deo
 per innumera adstantium Spirituum agmina æterna laus
 persolveretur , & in terris ab homine gratiarum nihilo-
 minus actiones pro facultate transitoria exhiberentur ;
 & ipsa laudum exhibitio pro affectu expensa laudantium
 hoc tantum laudato Domino grata foret , quo ad conse-
 quendum æternitatis præmium laudantibus profuisset .
 Ab assiduitate cujus laudis prior ille destitit , quicunq̃
 sublimior factus erat ; non enim cogente Conditoris , sed
 ipsq̃ abundantia sui arbitrii abutente , & in superbia ef-
 ferente , mentitus est sibi ipsi , immoderatam rapinam æ-
 qualitatis Dei arripere concupiscens . Unde quia altissi-
 mo Creatoris consilio irrecuperabiliter factus est casus
 ejus , coepit universitatem creationis circuire quærens ,
 quem ruinæ suæ adscisceret . Prætermisit legiones Ange-
 licas , de quarum stabilitate diffidebat ; irrationabilem
 creaturam neglexit , cujus finem velocissimum sentiebat .
 In solum hominem , quem sive sciret , sive laboretur ,
 æternitati propagatum videbat , totius malignitatis suæ
 argumenta contorsit , totis nisibus in eo contendens ima-
 ginem abolere factoris , ut sui similis effectus irrevoca-
 bilis damnationis judicio mulcetur . Persuasit itaque ,
 & auditus est ; pugnavit , & vicit . Et licet pius Domi-
 nus figmento suo præter libertatem arbitrii , qua non pec-
 care poterat , cautelam contulisset mandati ; scientiam
 deceptibilem limum aliunde consilium superbiendi acce-

pisse, ita circa deceptum miserum severitatis suæ sententiam temperavit, quatenus & ex præcepto suo mortalitatis necessitas solveretur, & tamen infra mortis debitum per meritum obedientiæ resurgendi acquireretur facultas, quæ interim animæ præstanda foret; finito vero præsentis vitæ spatio, corpori, & animæ pariter restituenda.

C A P. XII.

O Bediendi itaque documenta primis patribus ante Legem præfixit, & ut res magnas compendio transigamus, per Melchisedech Sacrificium, per Abraham Circumcisionem, & immolationem, per Jacob titulerectionem in figuram summi Sacerdotii, verique Sacrificii, quæ per Filium suum opportuno tempore Ecclesiæ exhibenda erant, præordinavit. Per Moysen quoque famulum suum præcepit, & legalibus institutis carnalem populum prægravavit, tantæ profunditatis mysteriis, ut in illis omnibus humanæ salutis, & adventus sui Sapientia Dei Patris multifariis modis Sacramenta signaret, & illius populi actiones veritatem in novissimis temporibus agendorum mystica denunciatione concluderent. Nec enim aliud insitit tota Tabernaculi, & Holocaustorum descriptio & Templi Domini cultus, nisi ut præsentis Ecclesiæ status, & futuræ figuretur. Porro quanta cura Deo fuerit, hominem exsuscitare ad sciendum, & intelligendum reparationis suæ Sacramentum, non servientis creaturæ secreta rimari nec animum sterili meditatione lassare, intueri licet etiam ex casibus virorum prioris populi, inter quos maxime David lapsum Sancti nostri altiori intuitu considerantes, magnum gratiæ revelandæ præconium continere arbitrati sunt, nec sine causa vel fidei, quæ in Patriarchis gloriose refulsit, commendatione factum esse intelligunt, quod post adulterii crimen, cui nulla ex Legis litera remissio debebatur, ad exemplum misericordiæ servatus est. A Domino

mino

mino quippé, qui non impulsor, sed ordinator malorum est, salubriter provideri decebat, ut qui per fidei meritum de imo ad Regni sublimitatem pervenerat, per libidinis culpam de sublimi deiceretur in imum, & electus Domini specialis vicinæ gratiæ prædicator experiretur in se ipso, quantum indigeret miserentis Dei auxilio miser homo. Qui enim de carnis sua peccavit, fructum carnis, Absalonem scilicet, persecutorem sustinuit; & qui obediendo Deo gloriosus exiterat, superbientis carnis sequutus lasciviam eo usque ignominiosus factus est, ut servorum lapidibus impetitus, & laceffitus maledictis, regalem dignitatem fugitivus amitteret. Verum postquam in se reversus de gravi inferno, ad quem propinquaverat, humiliatus ad misericordiæ fontem, de quo sæpe prius potaverat, pudibundos oculos elevavit, & de profundo cordis clamavit ad multitudinem miserationum Dei, qui nullam sibi spem per Legem indultam sentiebat, tamquam signifer subsequens Salvatoris effectus, haustum gratiæ peccantibus se propinaturum promittit: *Docebo, inquit, vias tuas iniquos, & impii ad te convertentur*, ut ex eo ad vaticinium Domini veniens ardentior reus fieret, quo de legali severitate redemptus, nec infamis Regno, nec vita privaretur adulter. Imo tantæ dignitatis privilegio Rex humilis cumulatur, ut stupendo divinæ dignationis miraculo contentis genus abundantia fidei justificatum, & gratia Spiritus Sancti, quem idem Propheta ad innovanda viscera, & cor suum sincero affectu poposcerat, emundatum, aptum fieret ministrare virginelem illam creaturam, quam virga Aaron contribulis ejus sine terreno fomento florens, & fructificans insolito miraculo designarat, & Esajas statim evidenti Oraculo præmonstraturus erat, Spiritu operante ineffabiliter concepturam totius propitiationis fontem, & totum serviret gratiæ, quod de semine poenitentis actor indulgentiæ nasceretur. Hoc verbum bonum, hoc opus sanctum, hoc Canticum novum Cytharista, qui poenam Legis evaserat, tamquam jam junctus futuro populo, & quasi an-

te

re thalamum perpetuæ Virginis saltans , spirituali júbilo præcinebat : *Suscepimus Deus misericordiam tuam in medio Templi tui* , & alia plurima , quæ magis indicare videntur plenum gaudium assequuti , quam desiderantis affectum .

C A P. XIII.

NEc tempus remissionis tantum Sancti Prophetæ prænunciare contenti sunt , sed alternatim ad duos adventus Filii Dei fideles oculos retorquentes , indicant humilitatis unum , alterum sublimitatis , primum mansuetudinis , secundum potestatis . Et quia humana superbia contentui habere solet , quod humile est , cum quanta reverentia præcedens suscipi debeat , ostendunt per magnificentiam consequentis , ut absque omni præjudicio , qui indulgentiæ tempus contemserit , terribilem in die iræ sententiam mereatur . Hoc evangelizans Esaias , & Hieremias lamentans , prius vocationem Gentium , & compactos parietes in unum angularem lapidem significant , & sub destructione populi , & Hierosolymitanæ Urbis , communis captivitatis ærumnas deplorantes , manentem Civitatem , in qua nos Dominum Majestatis cum carne nostra jam sedentem aspicimus , inquirunt . Hæc est repromissionis terra , & regio vivorum ; non illa , inquam frequenter cecidere multa millia , & in qua prospiciebant filios , & nepotes suos , violentia Regum , fame , gladiis & aliis mortis generibus perituros , sed illa , de qua inter alios prædictus David clara veritate admiratur dicens : *Quam dilecta tabernacula tua Domine virtutum . Et Beati qui habitant in domo tua Domine , in secula seculorum laudabunt te .* Et ad quem animam suam converti hortatur , postquam Dominus benefecerit ei , quod tunc futurum intelligit , quum eripietur a morte , pedibus a lapsu , & oculis a lacrymis liberatis . Aspiciebant , inquam , & in obtentu illius summis desideriis suspirabant . Verum cum vident desertum Mundi ple-

num

num amaritudinibus; & convallem lacrymarum interjectam, in terra terrenæ repromissionis positi, validiorem, & meliorem Moysen assiduus gemitibus implorabant clamantes: *Veni Domine, & noli tardare: excita potentiam tuam Dominator Deus*. Nec ante venerabilis ordo illorum Patrum vociferari quievit, donec instante nativitate Jesu magni ducis perurgentibus gaudiis exultaret, & diceret: *Ecce advenit Dominator Deus, & Regnum in manu ejus, & potestas & imperium*. His & aliis talibus præparabant mentes carnalium ad suscipiendum Salvatoris humilem ortum veridici præcursores, certisque signis, & potentiae suæ indiciiis nascituri in salutem omnium magnitudinem notaverunt, ne perfidus Judæus, & vanus Gentilis dissimularet agnoscere, quem tot sibi prælagiis cerneret indicatum. Quorum Prophetarum scripta si secundum interiorem degustare curaveris, experieris profecto, summæ dementiæ fore, ita insistere mundanæ scientiæ studium, ut non colatur, & ametur spiritualium salubris profunditas Scripturarum.

C A P. XIV.

ORdinatis igitur, & decursis omnibus, quæ ad insinuandum novi hominis ortum figuratiter oportebat præmitti, secundum prædestinationem ante omnia sæcula apud misericordis Dei consilium habitam, in plenitudine temporis *misit Deus Filium suum in terris factum ex muliere, factum sub Lege*, ut non solum eos, qui sub Lege erant, redimeret, sed quia neminem perire volebat, neminem a salvatione excluderet. Quum autem audis: *Misit Deus*, non intelligas majoritatem mittentis, nec missi mutationem, quia Divinitas non recipit vicissitudinem; sed accipe bonam Patris voluntatem, & piam Filii obedientiam, completam per consubstantialis Spiritus cooperationem. In hujus Incarnationis opere si de modo quæris, nescio quid commode dici possit, quam quod ex inquirente Virgine, & Archangelo respon-

spondente percipitur, videlicet quod superveniente Spiritu, & obumbrante eam virtute Altissimi, cum virginea carne Divinitas uniretur, tanta efficientia sanctitatis, ut Filius Dei, ante omnia tempora Deus de Deo genitus de Virgine sub tempore nasceretur, credibiliter, non effabiliter factus caro, non confusa substantia, sed Dei, & hominis una persona. Sic docet Vas Gratiae, postquam squamæ perfidiae ab ejus oculis ceciderunt, qui raptus ad tertium Coelum ea etiam arcana audivit, quæ homini loqui non licet. Ut enim indicaret, ex naturali, & insito Patris, & Filii simplicissimam unitatem, *formam Patris* Filium appellavit, ubi nihil rapinae intervenit propter ejusdem Majestatis æqualitatem. Nec propter *formam* verbum, quod tibi significat apud homines, aliquid a formato diversum facias; in subjecta sectione extendit nos Prædicator veritatis, & per Verbum sensibilibus commodatum ad sapiendum ineffabile Verbum mortaliū intellectum traducit, ut fide capiantur, quæ verbo humano enarrari non possunt. Qui ut Incarnationis mysterium ad salutem credentium aperiret, consequenter subjecit: *Exinanivit semetipsum*, & ut exinanitionis verbum circa immutabilem Deitatem non imminutionis Verbum, sed significativum dignationis adverteres, circumspecte subdidit: *Formam servi accipiens*. Utraque igitur nativitas admirabilis est. In utraque humanæ inventionis argumenta deficiunt. Prima enim propter unitatem Trinitatis, Angelorum, & hominum supergreditur intellectum: secunda propter insolitum nascendi modum totius Philosophicæ rationis evacuat firmamentum. Constanti namque consequentia proponebant: si peperit, cum viro concubuit. Verum natus est puer fortis, Angelus consilii, Philosophus castitatis, & pervenerandam de perpetua Virgine nativitatem prædictam propositionem cassavit, quum de matre natus sit, quæ Virum non cognovit, & ideo nulla ratione cum viro concubuit.

CAP. XV.

QUo autem proventu novum istud super terram factum sit, redeamus ad Magistrum Gentium, qui hujus natalis effectum ostendens: *Apparuit, inquit, gratia Salvatoris nostri Dei omnibus hominibus, erudiens nos, ut abnegantes impietatem, & secularia desideria, sobrie, & iuste vivamus in hoc seculo, expectantes beatam spem, & adventum gloriae magni Dei.* Itaque erudimur in novi hominis ortu, ut desideria seculi, quæ salva pietate amari non possunt, abnegemus, & sicut Patres Sancti prioris populi sub desiderio primi adventus anhélaverunt, ita nos, quibus jam veritas de terra orta est, sub expectatione secundi gemamus, patienter beatam gloriam sustinentes. Ante adventum gratiæ humanum genus soli vanitati, & superbiæ vacans male securum vivebat præter paucos Israelitas, quibus datum fuerat præsentire mysterium Regni Dei. Pro qua vero Rex humilitatis apparuit magna sollicitudine mansuetudinem ejus sequi, & castitatem amplecti jubemur, ut jugiter Cruci ejus affixi membra nostra, quæ sub veteri homine immunditiæ servierant, in sanctificationem immobilia conserveamus, & omni superbiæ humiliationis Dei signum tamquam vexillum victoriæ opponamus. Et licet huic signo stultitia Gentilium, & Judæi perfidia contradicat, quæ inæstimabilis bonitatis Dei ignara idcirco tantum ingrata sit, quia nimis propter se factus est humilis Deus; nos tamen, qui cum Apostolo audimus, quid ipse loquatur in nobis, lignum vitæ superbiæ opponimus, respondentes Judæo cum eo electo ex Judæis Paulo: *Christus factus est pro nobis obediens usque ad mortem Crucis; Gentili vero de inani scientia glorianti: Nihil judicamus nos scire inter vos, nisi Jesum, & hunc Crucifixum, quoniam propter hoc exaltavit illum Deus, & dedit illi nomen, quod est super omne nomen, ut in nomine ipsius*

sius omne genu flectatur ; humilitatis enim finis exaltatio est , sicut superbientis casus .

C A P. XVI.

Inclinato ergo Rege Judæorum , & Gentium , & modo convenienti Deo per Virginem edito , utrum ipse esset , qui ex Lege , & Prophetis prænunciatus fuerat , singularis operationis privilegio declaravit , & prius legalem Circumcisionem passus est , ut præcedentis Testamenti probaretur non destructor , sed actor , & homicida Judæus interficientem literam persequens per observatum exterius ad interiorem vitam salubriter trahe-
retur . Quapropter scriptum sustinuit , ut exhiberet sententiam , complevit literam , largitus est Spiritum , removit figuram , aperuit veritatem , & sicut in Mediatore duæ naturæ convenerant , ita in liberandis hominibus , & de tenebris ad lucem rapiendis quemdam ordinem conservavit , dum Lex completur , ut ingeratur Gratia , restituuntur vitæ mortui , ut vivorum animæ suscitantur , ut utrinque validissima probatione constaret ex subjectione Legis verus , & justus homo , ex doctrina , & operatione omnipotens Sapientia Deus . Hanc animarum suscitationem trium mortuorum resurrectio distincta significat , quoniam quæcumque anima peccatorum morte damnatur , aut intus adhuc est cum Archisynagogi filia , ut tamquam e vicino morti tradita vitæ facile reducatur , aut conscientie bonæ portas egressa turbis circumstantibus mortua deportatur , aut diuturniori morte jam foetida clausa sub indurationis lapide coarctatur . Sed accedente omnipotente medico manus puellæ tenetur , & surgit ; adolescentis locus tangitur , & vocatus mortuus reviviscit : præmissis compatiens lacrymis tumulatus clamatur , & prodit ; nullaque est passio animæ penitus morientis , quæ medentis Salvatoris superat facultatem , quia ipse est , *qui propitiatur omnibus iniquitatibus tuis , qui sanat omnes infirmitates tuas , qui redimit etiam*

etiam de intuitu vitam tuam. Ut enim velit, propitiator est; ut possit, dominus; qui potentia sua in suscitatis mortuis usus est, ut quod cernis in toto homine factum, in parte posse fieri non desperes, idcirco in paucis ut antequam tumuleris acceleres. Nec de indignitate, vel infirmitate sua metuat miser homo, quia nullus accedens indignus sibi nari videtur Deo, qui, ut omnes accessum habeant ad ipsum, dignatus est fieri pauper homo. Hæc est voluntas Patris, hæc est obedientia Filii, ut in assumpta carne humilitatem veram, & spontaneam, cujus specialis doctor advenerat, edoceret, & superbum hominem ebrium vanis mundi, & inter corruptelas concupiscentiarum carnalium delirantem, ad se ipsum reduceret. Hoc egit nativitas de paupere, & humili Virgine, hoc angustii præsepis positio, hoc Circumcisionis, & oblationis legalis perfunctio, hoc susceptio Baptismi a Præcurlore, & maligni Spiritus congressus, atque jejunii sanctificatio, & postremo electio discipulorum, quæ ita solo respectu humilitatis, & Caritatis facta est, ut omnis superbiendi occasio de discipulatu suo penitus amputaretur, quum illi præcipue electi sint, qui nequaquam possent de dignitatibus relictis, sive divitiis aliquando gloriari. In quo etiam magna eligentis providentia cautum est, ne consortio ejusdem gratiæ alios propter terrenorum pauperiem indignos arbitrarentur, in quibus de humana gloria nihil inventum est, unde eligi mererentur.

C A P. XVII.

A Slumitur præterea Simon Barjona, mansueti conventus Magister, qui prærogativa simplicitatis, & amoris in Christum in sublimem illam speculationem erectus, non carne, & sanguine, sed Patre luminum revelante, puram de Salvatore confessionem, & universis Fidelibus tenendam, collegis hæsitantibus, festina responsione depromsit: *Tu es Christus Filius Dei vivi, qui in hunc Mundum venisti.* Propterea tam perspicacis fidei

fidei soliditas ab ipso Dei Filio fundamentum Ecclesiæ facta est, super quod totius ædificii structura confurgeret, & ipse Petrus Divino testimonio Beatus Regni Cœlorum clavigeratum suscepit, tanta plenitudine potestatis, ut quod ligaverit, ligatum, & quod solverit, solutum sit in Cœlis pariter, & in Terris. Proinde quia revelationem illam in Petro Pater Deus per Spiritum Sanctum fecit, vis solutionis, & collata potestas, quæ ex merito confessionis descendit, secundum interiorem maxime expendenda est, quam experiri non potest, nisi qui fidei oculum adhibebit, quamquam ligationis poena interdum in quibusdam, sicut in Anania, & Saphira, usque ad corporalem quoque damnationem proruperit: Quocirca si mundo corde credis, absolveris; si vero ore confiteris, salvaris, quia corde creditur ad justitiam, ore sit confessio ad salutem, & hoc modo ædificatus super fundamentum Apostolicæ confessionis justificaris, & justificatus ex fide vivis. Hujus profecto justificantis Fidei præviis est Apostolorum Princeps, cui primatum Cœli, & Terræ inter coelestos fidei copia contulit, hac excellentia dignitatis, ut gratiam Domini obtinere omnino indignus sit, qui Clavigeri hujus obedientiam non custodit, nec Regnum Dei intrare permittitur, cui non præstat introitum clavis Petri; cujus enim peccatum retinet, retentum est, & cujus dimittit, dimissum. Hoc cœleste munus, & spiritualis potentia, quamvis largiente Redentore cunctis Apostolis data sit, specialius tamen in illo eminere videtur, qui & de amore an plus aliis Discipulis diligeret, sapius prætentatus est, & peculiariter de sollicitudine ovium pascendarum admonitus.

C A P. XVIII.

E Lectis autem Discipulis, & in Regnum filii adoptatis, miraculorum quoque signis, quæ numquam posset facere tantum homo, & quæ operatricem Divinitatem

tatem inesse corporaliter Filio hominis indissimulabili veritate arguerent, abundanter exhibitis, quum instaret hora, in qua ex hoc Mundo transiret ad Patrem, susceptæ humilitatis, & caritatis propositum servans, ut coheredibus suis certam spem hereditatis relinqueret, novum in se ipso condidit Testamentum, secundum quod vetus homo in novam creaturam convertendus ablueretur per lavacrum regenerationis, postmodum de Christi corpore reficeretur, quod de Virgine sumtum erat. Hoc licet ante resurrectionem immortale tamen, & incorruptibile, potentia divina porrigitur, ut quum audis Dominum ad Cœlos corporaliter ascendisse, non ideo æstimes, fideles suos tanto munere defraudari; sed licet irrevocabiliter sedeat ad dexteram Patris, eadem tamen potentia illud idem etiamnum accipit in Altari fidelis, quod tunc dedit Discipulis, quum adhuc inter eos appareret mortalis. Sicut enim in Baptismo Christo consépeliris in mortem, & baptizantis manus tamquam quædam instrumenta exterius ministrant, medius autem stat, de quo dicitur: *Hic est, qui baptizat*, quem Fidelis videt, Infidelis ignorat, qui effectum operatur salutis; sic in mensa Christi ejusdem non figurativo, sed vero corpore reficeris, quantum fide capis visibiliter, quantum adest ille invisibilis Sacerdos propositæ creaturæ mutator, atque assumtor tanta efficacia sanctificationis, ut Sacerdote verba Domini, quæ viva, & sanctificatoria sunt, proferente, attendendum, & sumendum sit, teste B. Ambrosio, non quod natura formavit, sed quod benedictio consecravit.

C A P. XIX.

QUO Sacramento cum Discipulis celebrato, & instituto post sermonem, mysteria caritatis, & unitatis capitis, & corporis inestimabili dulcedine continentem, sicut S. Johannis Evangelistæ narratio indicat, volens uti potestate, quâ susceperat animam ad depo-

Tom. IV.

N

nen-

nendum eam, ut eandem resumeret, infirma quidem carne, sed prompto spiritu processit ad Crucem, ut suo sanguine testatoris firmum fieret testamentum. De cujus sanguinis effusione, quid salutis contineat, quidve ab his, quorum redemptioni fusus est, mereatur, hoc sentiendum est, quod ad retribuendum omnis humanarum actio gratiarum inferior sit. Est tamen pia præsuntio Christiani, ut vitalem mortem pretium Redemptionis suæ continua memoria celebret, & intus applaudens Domino Deo suo tantum beneficium inconcussa fidei firmitate amplectatur, recolens pro se fuisse mortuum, quem surrexisse ex virtute Dei, & in Patris dextera confedentem omnis creatura rationalis adorat. Humilietur ante Crucem Domini sui, configens timore illius carnes suas, & si forte multitudine criminum gravatur, vel angustia temporis ad pendentem latronem elevet oculos. Sanguisenim ille semper lavat nos a peccatis nostris, qui nec in fundendo ab effectu salutis vacavit, dum sub ipsa damnationis poena, & mortis articulo iniquitates longo tempore contractas absolvit, & cui præsens vita claudebatur ex scelere, aperta est per confessionis meritum requies æternitatis ex fide. Sanctificavit etiam tormentum suum Christus, & Crux, quæ ante fuerat ignominia damnatorum, eo faciente, apud quem blasphemantis conscientia horrendæ immunditiæ æstimantur; facta est terror immundorum spirituum, & gloria Salvatoris. Hanc quicumque Jesum sequi desiderat, se ipso abnegato, portabit, qua initiatur ad vitam, roboratur ad pugnam, & contra Mundi pericula superbiam calcaturi præferimus, ut in quo Magister oblatu est, discipulus muniatur. Hoc libationis suæ signum quum Dominus ad inferna suos liberaturus descenderet, effractis portis mortis, & tenebrarum principe debellato, cognoverunt vasa Fidei, antiqui scilicet Sancti, qui sedebant in tenebris, & umbra mortis, expectantes ut viam pacis interclusam sibi per mortificantem Adam, per vivificantem reciperent; quibus utique ad hereditatem percipiendam quantum ad fidem

fidem nihil defuerat, quam quod nobis de præterito certum est, hoc illis ipse certa de futuro constabat. Sed quos prius sub pædagogo positos servile jugum Legis gravaverat, conclusi sub peccato differebantur a Regno, donec Agnus ille verus levaretur in Cruce, cujus sanguine signatus Israeliticus populus liberaretur, sub quo Filio tamquam potentissimo cunctorum Rege, seniori, & juniore populo eadem resurgendi facultas, & gratia præstaretur. Quod in quibusdam de prioribus jam contigisse, Evangelii testimonio comprobatur, quando creaturis virtutem morientis Salvatoris indicantibus, *Sol obscuratus est, & petra scissa sunt, & apertis monumentis multa corpora Sanctorum, qui dormierant, surrexerunt, & venerunt in Sanctam Civitatem Hierusalem, & apparuerunt multis.*

C A P. XX.

GLorificata itaque mortui contumelia per gloriam resurgentis, tunc demum compleri cœpit, quod adhuc passibilis dixerat: *Quum exaltatus fuero, omnia traham ad me;* quoniam non solum priores Patres, ut diximus, qui adventum primum desideraverant, de tenebris evocati sunt, verum etiam Gentes, quæ in lacu miseriæ, & profundo vitiorum jacebant, mox post adventum Spiritus lumen Fidei susceperunt, ut Apostolis nunciantibus virtutes ejus, qui in suscitato corpore suo evidentissime declaraverat, quid futura essent Fidelium corpora, firmiter sperarent de se ipsis, quod in eadem natura præcessisse constabat. Neque enim ob aliud Deus Verbum susceperat corpus, & animam nostram, nisi ut utrumque unumquodque in suo tempore suscitaret. Quocirca licet adhuc mortali homini dominetur primæ maledictionis sententia, quam mortis debitum solvit, tamen animæ humanæ resurrectionem, cui propter dignitatem sui velocius fuerat succurrendum, nulla cunctatione distulit misericordia Dei, sed clementissime, &

ante Legem, & sub Lege per fidem Jesu Christi, quæ vita est, electorum animas suscitavit, quibus vivificatis nihil damni pateretur, etsi solveretur caro crederentium, quum apud prædestinationem ejus in fine seculorum, procul dubio futura esset resurrectio mortuorum. Cujus resurrectionis veritatem usque adeo nobis certam Dei Filius præparavit, ut corpus incorruptibile Discipulis contra naturam incorruptibilium palpabile exhiberet, & gemino documento dubitantibus sese videndum, & non videndum præstabat, ut ex altero dubii munirentur ad fidem, ex altero desiderium festinandi ad illam vitam conciperent, in qua oculis mutatis in melius; jucundissima visione Dominici Corporis semper fruerentur, quod heic interdum immortalitate beatificatum mortalibus oculis videre non possent. In qua sui ostensione nec Sanctarum foeminarum tactum refugit, sed sive contingendo, seu convalescendo more suo humilitatis Dominus usque in diem, qua assumptus est, familiarium suorum animos loquendo de Regno Dei ad inquirendam illam patriam incitabat, in qua illi masculus, & femina, mutato quidem vitio, sed naturæ veritate servata, occursuri erant in mensuram ætatis plenitudinis suæ. Cujus Regni heic habemus initium per ipsum, in quo factæ sunt primitiæ resurgentium, & tunc perficietur in nobis, quum cœperit esse corona Sanctorum. Unde quum rudes adhuc Discipuli ab eodem de Baptismo Spiritus audirent, & in virtute illius temporale Regnum Israel restaurandum putarent, & quærerent: *Domine, si in tempore hoc restitues Regnum Israel? Non est vestrum*, inquit, *nosse tempora, vel momenta, qua Pater posuit in sua potestate, sed accipietis virtutem supervenientis Spiritus Sancti in vos, & eritis mihi testes in Hierusalem, & in omni Judea, & Samaria, & usque ad ultimum terra.* Non enim Creator temporis ad dimetiendas plagas Coeli, & Planetarum concursus sive motus siderum discernendos, seu ad mundanæ Philosophiæ studium, quod totum pene circa peritura expenditur, amatores perennis vitæ vocabat, sed

Acci-

Accipietis, inquit, supervenientem Spiritum ad testificandum nomen meum. Tamquam pauperibus Spiritu, & mundi contemtoribus diceret: nolite inquirere Solis anfractus, vel evagationem Lunæ, quibus nimis mundi Philosophi studuerunt; sed ignari adhuc, quid vobis querere, & amare utilissimum sit: Expectate promissionem Patris, quam audistis per os meum, & sedete, donec induamini virtute ex alto. Quum enim veneris Spiritus veritatis, docebit vos omnem veritatem, & qua ventura sunt, annuntiabit vobis.

C A P. XXI.

HAnc promissionem Christo ad Cœlos illis videntibus elevato, & ad Patris dexteram ultra omnem sublimitatem collocato, post completionem dierum Pentecostes accepere, facto repente de Cœlo sono tamquam Spiritus vehementis, apparentis illis in specie linguarum, & ignis. In quibus quid effecerit, non est pusillanimitatis nostræ differere, sed adsit ipse & nobis, & doceat infantiam nostram, ut se digna sentire, & eloqui valeamus. Quis enim, nisi flumina de ventre ejus fluant aquæ vivæ, concipere sufficiat, qualiter adveniens Spiritus Sanctus eos baptizaverit, & purgata totius iniquitatis rubigine, repleverit omnium virtutum munere, ut repente fierent fortes ex timidis, ex fatuis prudentes, ferventes ex tepidis, ea abundantia pietatis, ut esset illis cor unum, & anima una, caritate Dei diffusa in cordibus eorum per divinitatem ejusdem Spiritus, qui copiose datus est eis? Tunc enim demum opere Dei confirmato in illis, vera libertate donati, voluntaria munera Fidelium cordium Christo Domino obtrulerunt, & qui prius sicut servi timuerant, vivificante eos Spiritu, magnalibus Dei edocti in conspectu malignantis Concilii injunctum resurrectionis testimonium virtute invincibili reddiderunt. Tunc vere Cœli enarraverunt gloriam Dei, & firmamento Apostolico opus

Spiritus nunciante, vox majestatis desertum concutientis insonuit in virtute, & magnificentia. Nec fuere diversitates gentium, apud quas voces eorum non intelligerentur, ita ut divini ignis incendio scintillante in omnem terram sonus eorum exiret, & Spiritu omnia continente, ac ideo orbem replente terrarum, multis etiam nationibus vocis scientia traderetur. Hic *dona sua dividens, prout voluit, aliis genera linguarum contulit, aliis gratiam sanitatum, quibusdam discretionem spirituum*, omnibus in Salvatorem credentibus peccatorum remissionem, & quod his excellentius est, indeficientem Dei, & proximi dilectionem. Inflammarvit linguas docentium, & auditorum duritiem emollivit. Complevit loquentium ora, & ad capiendum verbum vitæ corda prævenit discitentium, ut esset magisterium sine morâ, disciplina sine difficultate, doctrinæ salutaris verax, & jucunda perceptio. Tunc compleri cœpit illa effusio, quam per Joel Dominus Deus ante prædixerat, dicens: *Effundam de Spiritu meo super omnem carnem, & filiis Judæorum, Sanctis videlicet Apostolis, vitam futuram prophetantibus*. Hinc Synagoga perdidit cruorem animalium, illinc gentilitas culturam Idolorum, quoniam Spiritus, qui per latibula Prophetarum signaverat adventum suum, emissus a Patre & Filio, discusso Legis velamento, processit in publicum, ut nova creatione facta terræ faciem renovaret, & remotis Idolatrarum sordibus disparatos parietes in unam domum Domini coadunaret, & fieret *gens sancta, populus acquisitionis, electum genus, regale Sacerdotium*, omnibus vocatis in admirabile lumen Domini J. C. Hoc Paracrito suggerente omnia, & efficiente per Apostolicam manuum impositionem, sacrorum Ordinum institutum est Sacramentum, & venerandi Concilii pia collatio. Quam formam sequentes Patres imitarentur, quatenus eodem Spiritu illustrati subrepentes Hæreses devitarent, & pro temporum, atque locorum ratione sancirent regulas moderamine mansueto. Hoc ipso animati tam Apostoli, quam Apostolici viri constanter caducorum Regum

gum superaverunt tormenta, & fide, verbis, moribus Deum in se glorificantes robustiori amoris aestu exustiones corporum contemserunt, in patientia sanctas animas possidentes, & usque ad hujus vitæ exitum, & coronam Martyrii, thesaurum Fidei in vasis fictilibus conservantes. Hujus inspiratio est, quod ubique sentit Catholica confessio Sacerdotum, & quicumque de incarnato Verbo, sive ad aliorum eruditionem, seu ad sui consolationem sano intellectu loquuti sunt, non aliunde quam ab illo hausserunt; nemo enim amat Dominum Jesum Christum, nisi in Spiritu Sancto, qui adveniens electorum cordibus, in amorem coæterni sibi verbi accendit, & postulare eos facit gemitibus inenarrabilibus, & cum Psalmista gemere: *Notum fac mihi Domine finem meum, & numerum dierum meorum, qui est, ut sciam, quid adhuc citra mortis debitum commoranti desit mihi.* Ad hunc manentium dierum numerum infinitum transilire quandoque nos facit Spiritus pietatis, & unctione sua, qua docet de omnibus, suggerit, ne totum nos comprehendisse arbitremur, sed præsentibus Sacramentis initiati, cum Apostolo in ea, quæ ventura sunt, extendamur ad bravium supernæ vocationis Dei, memores illius hereditatis, in qua de manu omnium inimicorum invisibilium, seu visibilium liberati, in sanctitate & justitia coram ipso corporaliter præsentari, omni tempore serviemus ei. Sicut enim priora significativa sunt præsentium, ita ista effectiva quidem salutis sunt, sed præsentatio futurorum; spe enim salvi facti sumus, & videmus nunc per speculum, tunc autem facie ad faciem visuri sumus, quum apparuerit Christus vita nostra, & cœperit apparere, quid erimus.

C A P. XXII.

BReviter longam seriem operum Dei attigimus, & subjecimus conspectui tuo Ecclesiæ status, ut exinde judicares, quam inconvenientes in plerisque, &

dissonæ sint cœlestis institutio, & humanorum versutiæ
 figmentorum. Quamvis enim in morali discretionē præ-
 ter ea, quæ ad Fidem sanctificantem cuncta pertinent,
 in pluribus Philosophicæ rationes a Catholico sensu
 non discrepent, sicut in descriptione virtutum, quas po-
 liticas, purgatorias, & purgatas appellant, & aliis mul-
 tis, ex quibus Ecclesiastici rectores, & gubernatores di-
 vinæ Reipublicæ quædam sumere; tamen quum ad cor-
 porum nostrorum disputationem ventum est, miserabili-
 ter desipuerunt, statuantes sibi perniciosas sententias,
 quæ veniunt contra Resurrectionis mysterium, circa
 quod maxime divitiæ bonitatis, & humiliationis Dei
 versantur, quod nimirum nec natura duce comprehen-
 dere, nec inspirante Deo cognoscere meruerunt. Cor-
 pus namque ex elementis compactum arbitrantes, quod
 ipsius ponderosum erat opinabantur in terram inevitabi-
 li necessitate redire, ut spiritu ad stellam comparem re-
 deunte, singula, ex quibus concretum corpus constite-
 rat, in matrices essentias retexerentur; unde nihil aliud
 corpus, quam carcerem, & sepulcrum poenitentis ani-
 mæ æstimabant. Proinde quicumque illarum scriptura-
 rum sensibus, sicut veris, adquieverit, quæ reparatio-
 nem corporum in æterna vita impossibilem esse conten-
 dunt, tamquam verius reputans, quod ab Ethnicis san-
 citum sit, omnia scilicet pondera suo nutu in terram
 ferri, iste absque dubio hostis est sui ipsius, & ingra-
 tus elementorum Auctori, qui omnia quæcumque vo-
 luit fecit, cui pro certo tam facile est unum in supre-
 mo locare, quam facile fuit in prima creatione compu-
 gnans Chaos elementaria distinctione stabilire. Et in
 hoc, ut opinor, mecum convenis, quod omnia, quæ
 vult, possit Deus. Sed fortassis inquires: licet cuncta fa-
 ciat, quæcumque velit, nec aliud faciat, & aliud velit,
 sed ea etiam velit, quæ facit, quia voluntatem ejus ne-
 mo compellit, philosophanti tamen in dubio manet, u-
 trum ipse voluerit, quod cum voluisse, & fecisse bea-
 ta simplicitas Fidelium credit. Hic quæstionis nodus,
 sicut non credenti difficilis, ita facilis est credenti, &
 quan-

quantum in homine est, ut existimo ; insolubilis , nisi addit clavis David , quæ claudit , & nemo aperit , aperit , & nemo claudit . Nobis autem hoc solutum est in fidei Abraham , in cujus semine etiam credens Philosophus benedicitur , in columna nubis , & ignis tempore Moyse , in divisione maris rubri , & ceteris a nobis superius comprehensis , in quibus consuetudo naturæ totiens victa est , ut jam ipsa de se natura parum confidere possit . Ad ultimum natus est homo Deus de perpetua Virgine , idemque homo sepultus resuscitatus est in æternum cum vero corpore , qui prius in argumentum virtutis suæ foetidum cadaver Lazari veraciter restituerat mortali vitæ . Mentitur ergo Philosophus enunciando , omnem hominem esse animal rationale mortale ; quia Christus resurgens ex mortuis jam non moritur , mors illi ultra non dominabitur . Ac pro hoc quidam homo factus est animal immortale , qui salutare dogma imitatoribus suis confert , & in disputando adjuvat , quatenus Diabolo , qui extinctor Fidei est , & membris ejus viriliter resistentes , credant , & clament , velociter futurum esse , ut collata homini immortalitate , qua Deus differebat ab eo , removeat mortalitatem , qua homo miser recedebat a Deo , & sic per Christi sapientiam , & gratiam sub una definitione conveniant , quos mortalis Philosophus per infatuatam prudentiam transitoria qualitate dividebat . Hoc non percipitur , postquam Spiritus subiectus est carni , quoniam quum caro adversus spiritum concupiscat , si spiritus abnegatis fructibus suis , qui sunt secundum Apostolum Galatas cohortantem , caritas , gaudium , pax , fides , continentia , castitas , & alia talia , quæ cogenti legi non subjacent , sub dominio carnis transierit , & turpissimus servus lascivientis dominæ pressus imperio , sensualitatis jugum portare consueverit , statim longanimitate , qua mansura bona sustinentur , abjecta , implicatur , & confunditur operibus carnis , quæ sunt fornicatio , immunditia , avaritia , quæ est Idolorum servitus , sub qua Idololatria comprehenditur inobedienciæ scelus , contentiones etiam , & dissen-

ſenſiones, quibus vos operarii carnis maxime totis his temporibus ſtudiſtis, qualia qui agunt, Regnum Dei non conſequuntur; ſicque privatus gratia Dei, quæ eſt vita æterna, militat ſtipendiis peccatorum, quæ ſunt mortis perpetuæ indeficientia tormenta. Sicut enim carnem Spiritus magiſterio virtutum, & ſanctorum exercitio morum ad capeſſendam immortalitatis ſtolam erudire, & promovere debebat, ita caro eundem excecatum, & præſocatum demergit ſecum ad recipienda præmia Inferorum. Hinc denique perit fides, quæ per dilectionem operatur, fortiſſimum argumentum futurorum bonorum, & ſuccedit perfidia deſperationis creatrix, extinctisſque oculis rationis, quibus verum honeſtum, & purum utile diſcerni ſolet, vivitur in ſervitute ſenſuum, ut appetatur quicquid inhoneſtum, & turpe eſt, quicquid damnoſum ametur, & homo in honorem Dei conditus jumentis inſipientibus ſimilis redigitur in dedecus beſtiale. Sine differentia namque de vitio itur in vitium, ubi etiam peccati cauſa fit præcedens peccatum, & aſſidua peccandi delectatio reprobum ſenſum in profundum pertrahit peccatorum, ut jam nulla videatur ſibi poſſe fieri remiſſio delictorum. Tunc quod omni victima potius eſt, obedientiæ bonum contemnitur, ubi nimirum deſuncto timore Dei, ſoli dominantī libidini obeditur.

C A P. XXIII.

Confuſionis tantæ baratrum, niſi major Dei miſericordia perditioni veſtræ ſubvenire dignabitur, vobis, & ſibi præparaſſe videntur, non qualeſcumque perſonæ, ſed quos Archiepiſcopos, & Epicoſos appellatis, quorum furor in tantum abundante iniquitate deſipuit, ut non dubitarent contemnere ſalubres admonitiones, & Canonica decreta Sancti viri, videlicet Gregorii VII. Romanæ Sedis Epicoſi, & abrumpere ſe a viſceribus Apoſtolice Eccleſiæ univerſorum matris.

Quum

Quum enim ab eodem Gregorio pro suis criminibus Canonis rationibus urgerentur, & vel damnati, vel metuentes damnari nullum sub prudenti, & instanti agentis viro, impietati suæ evadendi aditum cernerent derelinqui, involverunt eadem damnatione Regem suum Henricum, quem sicut actorem Hæresis suæ habuerant, ita & defensorem haberent. Crevit rabies Regni Theutonici in immensum, & ultra modum peccantes, imitatores Judaicæ perfidiæ facti estis, dum objicientibus vobis his, qui de parte Catholicorum stabant, non sic agendum esse contra Magistrum totius Ecclesiæ, summæ Sedis Episcopum, posthabita totius divini cultus reverentia, sæpe clamare non erubuitis: non habemus Pontificem, nisi Cæsarem. Ut tamen corpus Sathanæ suam integritatem obtineret, petiistis virum homicidam donari vobis, Wipertum scilicet exarchiepiscopum Ravennatem, quem pro certis, & publicatis sceleribus prius in plenaria Synodo, eodem Gregorio Pontifice præsentante, Romana Ecclesia condemnaverat. Discipulum vero Jesu, qui in hoc se totum impendebat, ut Sancta Ecclesia ad debitum honorem, & necessariæ libertatis statum repararetur, quantum in vobis fuit, expellendum, & crucifigendum votis & actionibus nefariis postulastis. Verum quia novit Dominus, qui sunt ejus, & in omni gente elegit viros acceptabiles sibi, qui eum timeant, & operentur justiciam, non defuerunt eo tempore viri magni, & religiosi, quibus iniquitas tanta non placuit; hodieque supersunt in eodem regno quam plurimi, qui miserante Deo nondum Baal genua curvaverunt, qui præclaras dignitates pretiosiores quam salutem suam facere neglexerunt, sed cuncta quasi stercorea reputantes; ut Christum lucrifacerent, ad Apostolorum Principem, & Successorem ejus Gregorium se pro defensione Fidei contulerunt. Contra quem quam impie etiam secundum leges seculi actum sit * totius quoque gestionem negotii, in quo decennio, & eo magis in Vita Sancti Papæ non sine gravi quassatione Sanctæ Ecclesiæ laboratum est, ex Historia, quæ viri in illas partes illustris, & appri-

apprime in eadem re pro iustitia fatigati, Salsburgensis
 Archiepiscopi esse dicitur, manifestius cognoscetur. Ex
 quo magis mirandum est super imprudentia tua, & alio-
 rum, qui in causa Ecclesiæ contra rationes Fidei tam
 frequentes, & inanes verborum pugnas facitis, nescien-
 tes penitus, quid loquamini, vel de quibus affirmetis.
 Si enim Scripturæ sacræ, quas duritia vestra intelligere
 non meretur, minus satisfaciunt vobis, & Salvatoris
 verba testantia non esse discipulum supra Magistrum;
 Spiritus Sancti quoque auctoritas, qua statutum est,
 summum Pontificem a nemine judicandum, & præterea
 concordia decretorum, quæ non solum impiis manibus
 vestris iudicii gladium, quo Patriarcham Christianitatis
 jugulare intenditis, extorserunt, sed cervicositatem ve-
 stram iugo obedientiæ ipsius modis omnibus subdiderunt:
 Pudori saltem vestro sufficere poterant discreti viri in
 circuitu vestro constituti, eruditi in lege Domini, lega-
 les quoque Principes Deum honorantes, postremo Mo-
 nachi, Heremitæ, omnium propositorum Religiosi, Schis-
 ma vestrum libera detestatione impugnantes. Quod e-
 nim Canones Canonibus objicitis, vecordis imperitiæ
 est, præsertim ubi res nulla ambiguitate implicita est,
 quo minus, ubi volueritis, vero iudicio demonstretur;
 uti autem velle viribus, ubi iudicia manifesta sunt,
 violentorum est, & de iustitia desperantium. Ita nam-
 que usque in hodiernum diem duæ Civitates, quarum
 una est Christi, altera Diaboli, a principio negotii hu-
 jus in suis Civibus distinctæ manserunt, ut nulla fere
 Civitas in tota latinitate sit, quæ non habeat huius
 causæ oppositos defensores, quorum alii cum sanguina-
 rio Chain in spicis coram Deo offerunt aristas exacerba-
 tionis, alteri cum Abel iusto in simplici agno innocen-
 tiam veritatis. Unde est etiam, quod vos ad irritandum
 Altissimum, & augmentum profanationis in Sacrificiis
 vestris pro Wiperto tanquam patre, & Pontifice ani-
 marum vestrarum divinam clementiam imploratis. Nos
 eundem hominem Hæreticum, qui vivente patre, &
 Domino nostro per cruentam manum facinorosi, & ex-
 com-

com-

communicati Regis ad obligandas obligationes in peccatis, sacratissimam Sedem Apostolorum usurpare, & polluere conatus sit, damnatissimum execramur. In quo nihil medium est: aut vos, si verum dicimus, tamquam qui perniciosissime Diabolum pro Christo colunt, indissimulabili condemnatione teneri; aut nos, si mentimur, intolerabili, & nimis odiosa super innocentis præjudicio præsumptione seduci. Restat itaque, ut eo probato, quod obijcimus, aut furor & indignatio Dei vos perseverantes corripiat, aut misericordia respiciat poenitentes. Sed ut existimamus, nullus vestrum, qui ipsius patrocinium suscepistis, adeo attritæ frontis erit, ut quod de invasione dicitur, audeat diffiteri, quum universus pene Romanus orbis his veluti diffamatis, & publica notitia convictis attestetur. Quum igitur protervitatem vestram in hoc validissime coarctari sentiat, insumitis aliud suffragium evadendi, sicut fures deprehensi, qui pernegant quicquid sibi nociturum prævident, contingunt autem quicquid putaverint profuturum, mentientes illum numquam fuisse Papam, quem sancte, & religiose in gremio ejusdem Ecclesiæ a puero educatum, in tempore necessitatis quando ingruentibus vitiis virum plenum fide, & Spiritu Sancto ad suscitandos Canones oportebat assumi, eadem Catholica Mater per celebrem electionem eorum omnium, qui pro instantia temporis interesse debuerunt, & potuerunt, præfecit sibi rectorem, & gubernatorem omnium in Christo regeneratorum. Hunc non solum Gallicanæ Ecclesiæ, sed Theutonicæ, & Hispanæ, postremo Græcæ, & Latinæ sine contradictione cum debita veneratione susceperunt, & usque in præsentem diem se tantum Pontificem habuisse non sine gratiarum actione reminiscuntur. Talia eos Canones docuerant. Hoc Spiritus, qui a Patre procedit, columbæ suæ, quæ sine ruga, & macula esse cupit, inviolabiliter servandum mandavit, ut Successores illius, qui Barjona, idest filius columbæ, a Domino dictus est, Summi Pontifices haberentur, in quos sicut succedenter ejusdem Apostoli semel suscepta potestas transfundebatur,

ita

ita honor Ecclesiastici culminis, & aliorum negotiorum pondera referrentur, nec in dandis judiciis de Apostolica dignitate quicquam adimeret vita inferior succedentis, ubi per Catholicam ordinationem adessent & Spiritus Sancti gratia, & Petri merita præsentis. Utrum autem vos eundem receperitis aliquando Summum Pontificem, arguit post primam excommunicationem satisfactio Regis vestri facta in Italia, quando rerum desperatione compulsus nullus vobis miseriæ exitus occurrebat præter absolutionem ipsius, quem licet perfidis mentibus Pastorem tamen, & Dominum cognovistis. De quibus plura scribere omittimus, quum in præfati viri Historia de his omnibus plene lucideque digestum sit.

C A P. XXIV.

Illud vero prætermittendum nobis nulla ratione visum est, quod malignitas vestra confinxit de Epistola quadam ad corrumpendos minus intelligentes in eundem Sanctum Gregorium composita, & ad persuadendum, & ingerendum scelus vestrum mentibus simplicium, quasi quod agitis, ex æquitatis Zelo non ex odii falsitate procedat, per diversas partes Regni directa, ut indiscreti homines, qui non recogitant, utrum sit, sicut dicitur, sed credunt ita esse, quod sic scribitur, adjuvent partes vestras, & mendaciorum, quæ intenditis, horrore permoti inauditam crudelitatem vestram excusabilem opinentur. In qua liquidum est recte sapienti, quod vos, per quorum ora pater mendacii ex propriis loquutus est, ex patre Diabolo estis, qui in veritate non stetit, sed talia de Christo Domini, & Beatorum Apostolorum Successore, vos dicere, & scribere compulsi, quæ nec verisimile est in quemlibet plebejum hominem cadere potuisse. Sed quia in toto malignantium conventu, in quo Treveris, ut audivimus, consilium opprimendi iusti habitum est, nemo illorum, qui in Cathedris pestilentiaæ sederunt, idoneus inventus est, qui sciret ad increpandum

dum innocentem, & subvertendam justitiam verba componere, & ornate detrahere sermonibus veritatis, injuncta fertur esse hujus negotii cura cuidam homini grammatico Wirrico Treverensi Magistro, qui sub personâ Eliphaz Temanitis, Virdunensis scilicet Episcopi, fraudulentis verbis, & dolosa percunctatione augetet dolorem sancti Job in sterquilinio mundanæ tribulationis sedentis, & scaturientes vitiorum vermes de Corpore Ecclesiæ radentis compassionis manu, & testa veritatis. Ille vero Grammaticus ad exprobandum Deo viventi de Philistæorum cœtu electus, gaudens suscepit operam, atque more Scholarium Rhetorum, qui in suscepto themate non attendunt quid gestum, vel non gestum sit, sed in fictis causis præcuentes linguas, tantum eloquuntur, quantum quilibet vel inferre injuriam, vel ipse sustinere potuerit, fecit Epistolam contumeliis Sanctæ Ecclesiæ redundantem, cui velocius respondere deliberamus, adjutorium nobis præstante ipsius gratia, cujus dono scimus discernere, quid sit superbia, & obedientia, quid turpitudine, & castitas, quid distet a falsitate veritas, & Angelum Sathanæ, quum transformat se in Angelum lucis. Ita enim introductus Episcopus in verbis illius Epistolæ amicum se simulat, ut tamen sub habitu inquirentis totum inimicorum virus effundat. Qui si verus amicus foret, non pateretur sub suo nomine sacrilegorum blasphemias publicari, quum facile illi esset, si curaret, refellere calumnias objectorum. Sed optimus amicus maluit Domini, & Magistri sui ficta convicia decantare, quam offendere impiorum confessum; quæ, si pie saperet, combureret debitis flammis potius, quam susciperet deleganda. Et prædictus quidem Domini servus Gregorius absconditus in abscondito faciei Dei a conturbatione vestra, & protectus in tabernaculo ejus a contradictione linguarum vestrarum perfruitur decore Domus Dei, cujus honorem, & libertatem amavit, prædicavit, & docuit in verbo veritatis, & virtute Dei, cum prædecessore suo B. Paulo in conspectu hominum incedens armatus justitia per infamiam, & bonam famam,

nam, ut seductor, & verax, quasi moriens, & ecce vivit, ad horam contristatus, semper autem amodo gaudens, & locum habitationis gloriæ Dei adeptus, inebriatus ubertate gratiæ ejus, & torrente voluptatis æternæ potatur, experiens cum fideli David, quam magna multitudo dulcedinis tuæ Domine, quam abscondisti timentibus te. Ideoque, linguis vestris adhuc per terram serpentibus, benedicit Dominum, qui mirificavit misericordiam suam sibi in Civitate munita, superna scilicet Hierusalem, ad quam stultitiæ, & maledicta vestra aspirare non possunt, quia ibi præsidet veritas Patris, quæ de loco Sancto suo prodit omnes, qui loquuntur mendacium; propugnatores vero æquitatis, & defensores Christianismi sui indubitanter animat, ut confidant, quia ipse vicit mundum. Quoniam etsi differt, non deficit, sed præsens auxilium omnipotentis suæ semper illis communicat, quibus dicitur: *Ecce ego vobiscum sum in consummationem sæculi.*

Supplementa
**HISTORIARUM
JOHANNIS
DE CERMENATE:**

Tom. IV.



THE
MILITARY
SCHOOL
OF
ARTILLERY

Supplementa

HISTORIARUM

JOHANNIS DE CERMENATE

Addenda Tomo II. pag. 60. Anecdotorum.

IN JOHANNIS

DE CERMENATE

Fragmenta.

Historiam Johannis de Cermenate Notarii Mediolanensis *de rebus gestis Henrici VII. Imperatoris* evulgavi ego Tom. II. Anecdotorum meorum pag. 31. At in Prolegomenis dolebam, quod in Codice MS. unde illud Opus descripseram, aliquot folia desiderarentur, idque etiam factum suspicabar, ut alicui mos gereretur, cujus interesset non omnia Cermenatensis scripta luce donari. Sed suspicionem tandem istam a me depulit Lazarus Augustinus Cotta Jurisconsultus Novariensis, vir eruditione Librisque editis clarus, quippe qui integrum ejus Historiæ exemplar nactus, ea quæ editioni meæ defuerant, non solum descripsit, sed etiam benevole, ut solet, communia mihi fecit. En ipsa igitur Supplementa, quæ nunc demum profero, addenda suis locis, & ejusmodi, ut nec inutile futurum putem edidisse, neque ingratum legisse.

pravis moribus ubique præcipue per Italiam confundere, cujus contratæ incolas suo damno nimium spernunt, quod vacationis Imperii per tot tempora maximam; imo solam causam puto: heu quod antiqua, & fida Imperialis aulæ hospitia pravus ordo Germanicus a se pellit culpa sui. Cum itaque de cunctis partibus portarum Vercellinæ, & Ticinensis ad Viperina signa concurritur, dumque jam ibi frequenti agmine factò Galeaz, & qui secum erant, versus propinquum vicum, quem vulgo *Curiam Ducis* dicimus, frontem darent, ibi sollicitam Germanorum turbam vident, quippe quoscumque in armis cives timent. Tunc Boschinus Mantegacius nuper beneficio Regis de exule factus civis, ut paventium animos Germanorum firmet, de suorum agmine (nullo, quod eum compositorem, aut nuncium esse significet; signo dato) ad eos solus tendit. Contra quem iratus Teutonius hostiliter eum accedere ratus, nudo ense sponte venit. Verùm Boschinus illico de vertice galeam tollens civiliter, ac blando vultu ad eum tendens, se suum probat amicum: deinde secum ad sociorum turbas pergit, quos omnes per paratos interpretes illico securos, & multum lætos fecit, docens, Galeaz Matthæi filium, cunctos etiam, quos armatos vident, Regi fideles fore: cujus beneficio cuncti cum familiis nostris, inquit, olim dispersi in dulcem patriam reducti sumus. Sinite, volumus, atque pacati in armis sumus, vobis, atque nobis, & nostris rebus dare subsidium. Itaque his actis illico Galeaz, & qui cum eo convenerant, congratulantur. Reddita sibi mente Teutoni, & junctis fide dextris uno agmine una equitant per amplam stratam S. Thomæ usque ad latum vicum veteris pontis portæ Cumanæ. Anteibat Galeaz.

leaz cum Episcopo illius agminis Germano duce . Cui, quidnam, inquit Galeaz, nobis agendum est, dicite. At ille: Scitis, inquit, Ducem Austriæ cum omni turba ejus, quæ non modica est gentis nostræ, non intra urbis mœnia, verum etiam extra urbis muros juxta Cœnobium S. Simpliciani portæ Cumanæ foris hospitio fore . Hi clausis foribus ad nos introire, ac nobis subsidio esse nequeunt . Tunc * Guelforum circumstantium vis pontis veteris amplum locum occupat, ibidem relictis peditibus Cresone Crivello, cujus Turrianæ nurus vinculum Johanni filio ejus nupta nunquam sedavit animum, quippe nimis infidet alta mente cæsi patris injuria prope ripam Guafæ . Galeaz ad portam Cumanam tendit; & pandita porta quingentos præfati Ducis Austriæ equites introducit. Qui urbem intrarunt, dominum suum solum quærunt: ipsum, suamque salutem, aut discrimen illico scire volunt. Hic enim Dux primus puber paulo ante tumultus initium paucis comitatus alumnis, quibus eum genitrix mandarât alendum in armis, visitans hospitium Regis, & inde rediens (heu miseræ genitrici) pêne a crudeli facto innocens puer ereptus est: nam juxta communem porticum S. Marcellini temere volat lancea, inermis pueri crudeliter latus petens. Sed fidelis bailus, velut subito facto amens, ocius occurrens inermis, & ipse prono corpore nimium sævum capit telum . O præclara, & utilis modo fides! o grata Deo virtus! Qui fideliter protexit Dominum suum, a Domino cuncta merito cernente servatus est, cujus fortis manus venientem hastam torquens per summa vestimentorum fidelis militis, omnem periculosi corporis locum vitans, innocens rexit ferrum . Pluribus itaque, qui viderant, asserentibus salvum Ducem, una omnes læti ad veteris pontis locum veniunt. Ibi Creso Crivellus antiquis, & novis offensionibus, & injuriis turbidus, ac patriæ cædis non immemor,

quem Turrianus gladius percusserat ad flumen Gualfæ, multis referentibus, confusos Guelphos, atque Turrianos Vastis victos fore, percipit. Quod Galeaz & Teutonius secum redeuntibus nunciat, alta voce vociferans, delendam ubique per Urbem Ghellicam gentem censeo. Cujus vocem laudant Teutonius, ac nudos ostentantes gladios, finite, inquit, his gladiis utiliter rem vestram geri; ut securi in urbe semper sitis, provideatis semel vobis. Tum Barbarorum dictum cuncti probant etiam stolidi cives nostri. Solus in ea turba principum junior Galeaz, Dei, atque hominum ea die memor fuisse videtur. Nam primum sermone blando alloquens, Cresonius iram mitigat: deinde cunctis audientibus: locus, inquit, certaminis ante omnia visitandus est: ibi quod periculi, atque ambigui est, de medio tollendum, ac seditionis Duces, sicubi reperiantur, gladio puniendos puto. Omni itaque agmine ad Turriana Vasta ruitur: ibi ex Turrianis sequacibus plerisque cæsis, ac rubicundo solo stratis, per fugam cæteros evalisse, reperiunt, per plenas Domos Teutonius prædam quærentibus plusquam cædem. Spoliabantur non modo Guidonis agnatorum, atque sequacium ejus, verum etiam innocentium vicinæ nimium miseris Turrianis domus juxta Turriana vasta. Miserum certaminis locum habitabat dives, & popularis familia de Segazonibus, qui conductores, ac studiosi Gallicæ, & Britannicæ lanæ erant negotiatores. Horum domos adductis de Gallia, aut permutata lana drappis plenas Teutonum manus occupat vi, & violatis famulis cunctas domos: capiunt claves, & qui intus sunt jure belli sua esse volunt: nec ullo Galeazii dicto, aut facto illius boni civis pacificam innocentis familiæ domum testantis inde prædo barbarus educi voluit, nocentibus innocuo rebus suis, aut qui secum erant, aliorumve bonorum civium de horum popularium domo minime belli-

bellicosa, omnique causa seditionis ignara, divitiis ac rebus suis sibi nocentibus, deduci valere hi prædones barbari: imo pluribus diebus non modico rerum damno claves domus tenuit prædo, donec continuo crescere sua damna videns tam pacificus civis noster auro redimeret, quæ remanserant in domo sua utpote reliquias prædæ.

Erat tunc Mediolani Paganus de la Turre Episcopus Paduanus innocentis Zonfredi frater, qui primi tumultus vocibus stupefactus, illico apicem, & baculum pastorem sumens in Ecclesiastici Pastoris habitu ante germani sui portas ædium verendus stetit, aliquot pie circumstantibus pacificis Gibellinis; cui sacræ Religionis, & circumstantium reverentia vix sua * vita, boni fratris domo penitus spoliata. Interea Matthæus consensu Regis tumultus loca visitans, tollendi injurias, ac sedandi prædas gratia, domum dilecti civis Fratris Jacobi de Beccaloe Virginis Gloriosæ militis petit, ignarus, quid ibi latitet. Ubi nunc divitis Guidonis superbia, qui patria urbe vivere æquo jure nesciens, nunc dum plebeji civis domi latitans volantium stridorem avium timet, Matthæi Vicecomitis famulis pulsantibus, stridentes domus fores sentit? ad quas currit ille sedulus, & fidelis Frater Jacobus, nullius servi domus fidens: qui patefactis portis Matthæum licet amicum videns, non pro se, sed pro deposito præsentiam ejus timuit, ac tantum utcumque timore presso, satis claro vultu, inquit: Quid vultis, quidve quæritis a domo vestra? At ille: nihil nisi, ut domus, & quæ in ea sunt, dum possumus, secura sint. Deinde paratos in armis famulos ostentans offert, quos secum teneat præsidii causa domus. Cui ille inquit: Nec præsidium vestrum repudio, nam scio præsto erit, nec dubito, si necesse erit. Verum illico vestra opera sedabitur (existimo) furor iste, & omnis innocens civis securus erit. Ite, nullum discrimen cunctos defendentibus cives

vestros, & bonum vobis fuit, erit. Etenim verbum illud subitum, ac cunctis notandum civibus, si animus nobis foret ratus. Nam tunc primum hæc prospera in tam periculoso rerum discrimine, aspirante fortuna, Teutonus furor effrænis factus, exultat nimis, & licentius in quoslibet cives sævire cœpit. Itaque non modo eorum, qui arma sumpserant contra Regem, spoliantur domus, verum etiam innocentum, & imo eorum, quorum studium Turriani nominis, ac suæ factionis extiterat odiosum. Hujus rei non modica causa fuit pestifer invidiæ morbus inter cives tunc nimium perdita caritate laborans: nam ob prava, quæ diutius in urbe fuerant, partium studia multis veteribus, ac novis offensionibus, & injuriis multorum, ut fit, mutuo datis, apto (ut sibi visum est) tempore suscitantur odia; inde neque verso pollice multorum Barbaris signantur domus. Hæc adeo crevit pestis, ut plerique, qui ad suorum civium spolia causam dederant, suscitatis deinde in eos prædonibus spoliarentur. Sic sæpe digna meritis præmia mortalibus reddit Deus. O vilissimi vilium cives, quos canina nimium rabies vexat. Saltem vos moveant ridiculi prædonum risus. Ridet Teutonus, & omnis Barbarus amentia vestra, qua utitur, gaudens. Offendere, non tegere potestis vicinos vestros: non Matthæi, & qui injuriam ægre ferunt, opera tollitur illa pestis: quippe cum se opponere Teutonis non audeant, protectione parum profunt. Utrum instantia, qua possunt, ad Regem, & ejus Principes, atque humili intercessionem proficiunt. Quippe nec ipse Matthæus, qui præ cæteris erat civibus, ac Gibellinæ partis primus, se in urbe tenere nequit, & innocens vivere domi suæ. Nam post paucos dies Matthæus in Aftam, Galeaz filius ejus Tarvisium jussu Regis in exilium pergunt. Verum si bi plurimum nocuit invidia, atque plurimorum pavor: nam Magnatibus Gibellinis ejus crescens potentia

tia aut odiosa nimis fuit , aut pavoris causa . Nam plerique eorum olim cum ipso Matthæo magna vi regnante militantes , facta in castris conspiratione cum hostibus iusta Meltium , adeo procuraverant casum ejus , ut eorum opera sub specie tractandæ pacis in manus Alberti Scotti (quem Comes Philippo de Langusco , & Antonius de Fixiraga contra eum incitaverant) traditus ex Domino urbis suæ , ac magnæ partis Liguriæ , factus sit exul usque ad hujus Regis adventum . Reliqui vero dum mente recolligunt , & examinant regnantium morem , specialiter in urbe nostra , ne ejus potentia libertatem civium occupet , timent . Sed brevi tempore operosi cura Francisci de Garbagnate , omni suspitione Regis prorsus dempta , cum maxima , ac solerti sollicitudine , uterque in patriam , ac Regis gratiam revocatus est . Nam plerique eorum , qui Matthæum ambitionis vitio accusaverant , apud Regem nec sua vitia occultare valuerunt , quin ipsius Francisci opera , atque judicio Rex perpenderet , eos etiam neglecto Reipublicæ ac communis boni studio , pro se quemquam , ac pro sua magnitudine laborare . Quo fit , ut ubi sic vivitur , quod vitio civium commune bonum propriæ utilitati postponitur , potentiores , qui etiam præcæteris vicinis suis molestius servitutis jugum ferunt , tyrannicum imperium in urbe provocent . Nam dum impune more suo proximos inferiores premunt , humiles populares etiam invitos ad creandum Dominum ex primoribus urbis cogunt , de quo licet , ut fit , simulent , non confidunt , ut saltem pravorum civium injuriis sub quoque regimine vivant tuti , unicuique potius , quam plures , volentes Dominum .

At Matthæus per literas Regis exilii liber factus in patriam rediens Papiam venit , quo visendi gratia antiqua Imperialis urbis mœnia venisse Regem senserat : ibique benigno Regis vultu receptus sperare cœpit intentum suum . Nam cum discumberet ante Regis faciem ,

ciem, oblato sibi primo Regis ferculo, puer Lupoldus Austriæ Dux (in quo Matthæus magnam spem præsidii gerebat) signum, inquit alta voce clamitans, Matthæe, tibi maturæ promotionis nuncio. Quid hic moror? quid amplius super his hoc loco differendum est, nisi quod puer iste, ut apparebit inferius, veridicus, & verus vates fuit? Ad alia transfundendum est, ut hæc aptius nobis occurrant.

Interim fama volax pulsi Guidonis nuncia undique variis rumoribus per Italiam sparsa multos mortaliū sollicitos, ac nimium pavoris plenos fecit, quorum plerique varia intentione rebelles fiunt Regi. Verum illa nova seditio (pessima res) non modo Regi, imo etiam cunctis ejus subditis prius tres Ligurum, ac proximas urbes nobis monuit, Laudam scilicet, Cremonam, & Brixiam. Sed astu callidi Antonii de Fixiraga, qui de cœtu Consilii Regii Laudam armatus fugerat, ille prius scrutata annona, nec non per Laudensia horrea modico bladi reperto, consilium rebellionis temere sumptum ponit, & Comitibus spe, ejus literis, ac nunciis, & sub fide data fretus Mediolanum veniens præfata Laudensis urbis claves ad pedes Regis prostratus offert: & non reverentia, neque cupidine pacis motus, sed urbem ad longæ stationis obsidionem minime dispositam, atque paratam sentiens dixit: peccavi, fateor, Domine, miserere mei; urbis dominium cape. Idem Basanus ejus frater, & Antonius de l'Acqua, & quamplures, quos majoris fidei causa secum Lauda duxerat, supplici voce ferunt. At Rex indignatus nullam faciem, aut vocem miseris supplicantibus dedit. Tunc Comes Sabaudia non miserorum causam deferens, ubi Italiae fines tetigit Rex, seu quæstu, ut fit, seu conscientia, consilioque Regis per industriam (hic Guelfico semper favit) ad Reginæ Cameram post Regem tendit, Antonium de Fixiraga quasi pavore perditum secum trahens. At ubi clemens Regi-

na signo per Comitem cognatum suum dato Antonium vultu confusum vidit, benigno mota spiritu, ac miseris compatiens suo more, inquit Viro: Domine mi, misere quæso revertentis amici, & cunctis mortalibus certum spei signum dabis. Tunc sumpto animo venales preces reparat, ac spe opportunus, infestusque nimium Gibellinis Comes. Hinc utriusque non una intentione rogantis prece victus Rex, inquit: Antoni, tota Ligurum in te fallit opinio, dum te partialibus studiis deditum, obtinatumque perverso vocabulo contumacem vocant. Deplorabimus item fidem tuam: attende, si quam hic tam libera voce dedis, atque paratam, apertamque nobis asseris, Civitas de facto detur nobis, non salvus modo, verum etiam in aula nostra electus eris: quod si aliter, certe pro meritis dignam pœnam dabis. Deinde Henricum de Flandria Mercalcum ad se vocari iussit, cui cuncta prius docto negotium dat, commendans sibi Antonium de l'Acqua, & Bassanum de Fixiraga, qui una secum veniant, ac dum pateant Laudensis urbis aditus, obfides sint. Itaque cum magno equitatu ad urbem Laudensem properans haud longe a portis Henricus sistit iter suum, unde portas clausas, muros armatis viris plenos sentit. Tunc electa arbore, qua illico miseri pendeant vades exutis superioris togæ vestibus, festinate, inquit, vadibus, nuncium bonum, & fidum nobis mittite, cui, si qua vobis est in urbe fides, detur qui nunciet, vos, atque alterum Antonium, & qui cum eo Mediolani in aula Regis sunt, ni vestræ urbis mœnia illico patefiant, passuros horridæ mortis casum, nuncientque, Laudensem agrum incendio futurum. Nec plura inquiens, jam ad famulos versus, injicelictor amborum laqueum collo. At Antonius de l'Acqua in tam arcto, atque extremo casu nec sui immemor, nec desertor fuit, inquiens: Marefciale, non hac intrabis urbem via: opinione sua falli-

fallitur, quicumque putat intentum Regis exequi morte nostra. Non sic panditur ulla vobis porta: quin imo cuncti civium animi claudentur vobis, cum senserint casum nostrum, & spe salutis seposita, priusquam de deditioe loquantur, cuncta extrema pati volent; armatos etenim per muros cives cernitis: eos non aspera, & furiosa crudelitas, sed magnanima clementia revocabit ab armis. Credite, inquit, mihi, licet miseris minima fides detur: nullo præter me nuncio in hac parte opus est: profecto sine me mittitur quilibet alius frustra. Ego autem solus (quisquis fortunæ casus ferat, utcumque respondeant cives) in potestatem vestram rediturus (placeat modo) vadam explere mandatum, ac voluntatem Regis queo. His itaque, quæ veri similitudinem continebant, dictis, data fide, dimissus prope, in urbem Antonius venit: cunctos cives incurians, amplexansque, plerisque spem vultu simulans, bonam Regis voluntatem nunciat, cunctosque uno, ac generali sermone lætificans, eis sperandi causam dabat: alios utpote domesticos, & familiares lacrymans, suum, & suorum extremum casum docet. Tandem cunctis familiaribus, proximis, & amicis precibus oneratus, ac sua cuique data cura, in jam frequentis Senatus pavidam turbam vadit; ibique huiusmodi verba habuisse dicitur. Post pestiferum; inquit, Cives, quibus cuncta scire licet, Guidonis de la Turre, & filiorum suorum casum, quos, si vera fateri volumus, non Rex, sed sua temeritas expulit urbe sua, temere rebellionis arma sumimus contra Regem, more catuli a longe latrantis ad aprum, quem solo sentit odore, & venientem expectare non audet. Deinde post tam solidam audaciam vestram tarde, & forte frustra, nisi invenissetis amicos quærentes consilium rebus vestris, examinare voluistis, quid intra mœnia victus erat, & aliarum rerum, quæ hostem in statione mi-

nan-

nantem timere minime patiuntur, quarum rerum modicum invenistis, quo territi ad iratum nobis Regem nos nuncios destinastis purgandi criminis causa. Periculum caute indignationis maximo cum pavore subivimus, & amici nostri Comitissæ Sabaudicæ comitiva freti iratum Regis vultum vidimus, & una cum tanto intercessore veniam orantes, frustra irato Principi obtulimus urbem, & urbis jura. Ille præsentia nostra offensus, imo eo loco pulsus indignationem augens, torvo vultu vadit immurmurans sæva nobis. Itaque dum in tanto, & tam tristi discrimine laboramus, & dum quisque nostrum sese reputat in extremo vitæ situm, fortuna, quæ nec semper miseros linquit, paulum aspirans nobis, ad Reginæ cameram dirigit gressus Regis, quo per amicum nobis Comitem introducti, iterum miseriarum, ac lacrymarum pleni fundimur ante pedes Regis, ubi dum more suo pro nobis spargit preces Comes, Regina clemens, & semper pia, miseros sedula prece suscepit, & relevat miseram, ac prope perditam causam nostram. At tamen Rex primum gravia, & nimium horrenda nobis verba jactat, & velut nobis increpans, sed fortius Antonio de Fixiraga inconstantia crimen imputat. Deinde serenus, ac subito placidior vultu factus, moneo vos, inquit, debitæ fidei memores, ac deinceps commodo vestro constantes sitis; deinde dum promissæ fidei idem semper sumus, multa promissit nobis bona; & contra multa minatus est nobis; verum multo fortius Antonio de Fixiraga, cui: Experiemur, inquit, fidem tuam: ni urbem promissam nobis dederint cives, tuique complices, nostræ genti, quam hic a longe nobis deditam, & paratam nobis asseris, pro meritis pœnas dignas dabis. Verum si dedita nobis Civitas in te adhuc fidem sperari dederit, non modo salvus, verum etiam in aula electus eris. Interea Henricus Marefcalcus ad se vocatus venit, cui Bassanum de Fixiraga, meque secum custo-

dien-

diendos tradidit. His tecum vadibus, inquit, accedas urbem Laudæ, & si quid rebellionis invenies, fac ambo pendeant laqueo in conspectu rebellium prope portas, deinde captis, cæsisque colonis Laudensem agrum undique incendio ponas; quid de hoc Antonio, & reliquis proditoribus fiat, per hujus incendii signum significans nobis statim. Itaque, Cives, vestram, ac nostram scitis conditionem: igitur si indigna, ac misera vestrorum legatorum mors, quos non Regis, verum sententia vestra necat, nullius vestrum mentes mollit, vos saltem moveat proximus, ac certus casus famis, quæ vobis obsessis jam prima, & subita malorum comes aderit. Esto quod multi jam clarissimi viri, & nos similiter pro populo moriamur, dum hoc sine crimine vestro fieri possit, & saltem dum certa maneat vobis aliqua salutis via, dicite quæso, unde novum apparuit consilium tam salubre vobis, crevitque hac nocte, quæ heri vacua reliquimus, in horreis gravum? Redibo, quoniam ita sedet animo vestro, aliis Legatis vestris certus comes necis. Sustinebitisne tristem abeuntis faciem ad tam deformem patibulum more latronis, quod non merui? Sed video, placet vobis peccato vestro peream cum cæteris, quos perdit sola fraus vestra. Credite tamen in extremis mihi, vaticinor moriens: hæc erit vobis post magnam pestem famis præambulum vestræ necis. An creditis, vos veniam meruisse post mortem nostram, si rebellionem vestra moriamur? Nulla causa nostri, nisi forte pro causa simplicitas imputetur nobis. At si vobis incredulis nulla Regiæ promissionis boni restat spes, in ipsius saltem Principis consorte thori sperare licet, cujus benigna vox nos in aula sua liberavit animio Regis furore: deinde suaviter nobis jam sua intercessione securis, inquit: Recipite beneficia Regis, quæ, si vultis, vobis parata sunt, nusquam deerit favor noster. Unde nescio emergat amplius vobis timoris causa, neque quic-

quicquam molesti inferant milites Regii timendum est. Nam edictum Regis sciunt, ut omni domo libera, & rebus hospitem salvis, mercato vivant, quippe florenorum Mediolanensium pleni ad vos veniunt. Exponite per vicos venalia, quibus egent, & implete bursas vestras nummis. Deinde largas fundens lacrymas (post stuporem) ultimum verbum dixit. Deliberate, malitis potius cum tanto discrimine vestro mortem nostram, quam vos vestro commodo nobiscum salvos esse? His lacrymis cives victi pandunt Teutonibus urbis portas. Tum omnes introducuntur extorres, & antiquorum exulum natorum nati, quorum plerique nesciunt domos suas.

At ubi Rex deditam urbem recepit, exercitum, quem contra Laudenses edixerat, illico atque instantius pacari iussit, Cremonensibus, ac Brixiensibus publice hostibus nunciatis, quorum nova defectio exagitat nimium mentem ejus. Itaque iterata præconis voce edicitur in foro iustitium, tabernas clausas, quas stationes vocamus, victualia pacata, atque vehicula intra urbem coram Officialibus ad hoc deputatis præsentari, cunctosque, qui per ætatem arma ferre possunt, equis, & armis illico paratos esse. Tunc tanta ex agris in urbem plaustrorum copia introducta est, ut non modo fora, & alia loca communia, verum Cœnobiorum, & aliarum religioforum domorum spatia. . .

Pag. 73. in fine hæc addantur post verba
honorifice susceptus est.

Ibique superveniente Bavariz Duce, & de pluribus Italiz partibus, & aliunde in subsidium comitiva, consumptam, ac prope perditam militiam reparavit. Verum ibi irrecuperabile damnum passus est, sanctissimæ consortis morte, cujus transitum plorant pauperes, quibus sæpissime suis manibus ministrabat

bat in mensa: lugent Proceres, & Magnates, quibus honores, & dignitates, atque ipsum horum datorem Regem conciliabat: lugent qui intercessionem Dominae reconciliati sunt, & qui reconciliari sperabant suis precibus inimici. Verum ut sit, in tam cunctis amaro Reginae transitu sua quisque potius (etiam Rex) damna lugent. Neque hic Reginae transitus pro se, aut sui causa lugendus erat, cum ipsa terrestrem coronam relinquens transierit ad celestem. Sed a summo ad infimum plerique mortaliū cuiusque generis nimium pestiferum sentient suae mortis damnum. Quis amodo tam pie, tam misericorditer, ut haec, miserorum causas apud Regem suscipiet? quis reos, quis rebelles, quis miseros contumaces tanta confidentia reducet ad Regis fidem? Neque hic loci silere possum ridiculum illud civis nostri Rizardi de Marliano, qui libros Sibyllinos antiquitus servatos habebat in domo, qui affirmabat, Regem moriturum, priusquam Janua decederet: ubi inde abiisse, & Pisas venisse rescivit, eos ut falsos projecit in ignem, inquit: amplius non fallara vobis, non forte propheticum illud intelligens sana mente, nec considerans, quod tam pia, & clemens Regina decesserat, cujus fons clementiae roborabat, & conservabat Regnum viri, sine qua moritur omne Regnum. Ego autem vivum Regem sine Regno nunquam vidi.

Dum itaque Rex noster Januae moram trahit simpliciter ambulans, & bona fide pacem appetens cum Rege Roberto, ad quam procurandam Summus Pontifex operam suam dabat, dum tanti inediatoris opera, & autoritate confidit, ipsum Regem Robertum, sicut jam alios, ad solennia consecrationis suae amabiliter convitavit, suscitans canem dormientem. Nam Robertus iste susceptis literis Regis nostri, ipsius successus in Lombardia nimium aegre ferens, ac videns, quod sibi

nihil profuerant in Lombardia jacta seditionis semina, aut ullius Guelphicæ factionis opera, quin ille, quem solo odio, quod in eum occulte gerit, extimat inimicum, jam prope sit, ut aureum diadema suscipiat, ad impediendum ipsius Regis nostri propositum, Romam illico destinat Johannem fratrem suum cum quatuor centum equitibus, falso tamen testificans Regi, quod ipsum destinat ad solennia coronationis suæ, cum ad id, ut desiderabat, personaliter interesse non posset. Johannes iste ubi Romæ fuit, illico pecuniam fratris per potentes Romanos sparsit, ut potuit; sed primum Urinos, & partem Guelpham, in quorum potestate erat Basilica S. Petri (ubi ab antiquo coronantur Reges) sibi fidos, ac sui consilii participes statim fecit, multis tamen promissionibus sollicitans Colonnenses, si eos corrumpere posset ullo modo. Eis tamen intentum suum aperire non audet, ac eisdem proponit, ut non impediant Dominum amicabilem operam dare, ut eos cum Urinis componat. At postquam sensit, Colonnenses in fide Regis constantes nullis subdolis verbis, neque promissionibus in propositum suum trahi, illico bellum sumpsit contra eos, cunctis procurans viribus pellere ipsos urbe.

Hæc ubi sensit Rex, Regi Roberto statim scripsit, quod multum mirabatur de hujusmodi fratris sui novitate. Qui rescripsit, quod non miserat fratrem suum in rebellionem, neque ut obstaret coronationi suæ, sed ut ad ipsius coronationis solennia convivia afforet honoris causa, asserens, nullam novitatem fieri Romæ causa sui: imo, inquit, suscitata sunt inter Romanos antiquarum seditionum semina more suo. Quodcumque scribitur, Romanorum Rex nihil mali suspicans omnino credit, & in pura, ac fida simplicitate constantis animi cuncta ferens, & gerens, nec propterea tractatum Clementis Papæ respuit, qui matrimonii copula jamdiu ventilata vinculum

dilectionis, & pacis proponebat inter Reges : cujus rei causa Conradus Lanzia Federici Siciliae Regis Nuncius tunc Januam frustra venit eam Regis nostri filiam, cujus per Pontificem tractabatur matrimonium, petens pro Petro ipsius Siculi Regis filio.

Erat tunc Januæ Ludovicus de Sabaudia, qui ab initio rerum præcurfor, ac Legatus Regis, Romæ fuerat, ibique mira alacritate receptus, atque ob reverentiam Regis Senator Urbis factus rexerat per tempus certum : Deinde dimisso, qui populum regeret vice sui Jacobo de Ambalis, in castra Regis venerat juxta Brixiam. Hunc (frequentantibus Colonnensium nunciis Januam venientibus, requirentibus subsidium, ac celerem adventum Regis Romam, non ut guerrificet, verum ut civiles motus componat) misit, cui non ultra quinquaginta equitum Germanorum comitivam dedit, nil aliud suspicans, nisi quod paucitate lictorum Judices, & Vicarii, quos ibidem Ludovicus in urbe dimiserat, hos urbis tumultus sedare non possent. At Ludovicus Romæ cuncta rebellionis plena, & suos Vicarios corruptos reperit, qui nullius divini, aut humani juris, aut fidei memores, neque juramenti, quod præstiterant, gerentes animum rebellionis contra Regem, nec Vicariatum, nec Capitolium Ludovico reddere voluerunt.

1312. Interim Rex de Janua Pisas venit, maris iter tennens, cunctis itineribus terrestribus opera Guelphorum clausis. Jamque erat annus Domini MCCCXII. ibique Pisano populo admodum gratus duorum mensium spatium moram traxit, nulla contra rebelles Tuscos novitate suscepta belli, salvo quod voluntate Regis per Marchiones Malaspinas bellum Lucanis indictum, atque susceptum est. Ibique frequentibus nunciis referentibus, publicus famæ rumor Pisanam urbem replet, dictum Johannem fratrem Regis Roberti sedere hostiliter cum exercitu ante Pontem Mol-

Mollem, quem sub ponte Tiberis tenebant Colonnenſes, atque unicum in urbe tranſitum fervabant Regi. Nunciatur etiam, ipſum pontem multis inſultibus, multis machinis, & bellicis inſtrumentis continue tentari. Attamen Rex noſter adverſus Regem Robertum nihil ſuſpicatur, & ſimulantem hoſtem ſentit, quodcumque ſibi ſignificatum fuerat, credit. Verum Stephanus de la Colonna vicinorum ſuorum artis, & operum non ignarus ſponte (non tamen diſſentiente Rege) properavit ad urbem, ut ſi viam viderit, prava Guelphorum conamina reprimat, & tumultus urbis tollat. Inſuper Rex non ſpernens tractatum pacis, imo ipſius pacis authori complacere cupiens Papæ, priuſquam de Civitate Piſana decederet, ex Secretariis ſuis contrahendi dicti matrimonii cauſa ad Robertum Regem miſit, eum Siculo Regi præferens pacis cauſa. Miſit etiam duos Episcopos, qui Romæ ſignificent adventum ejus, præcipue dicto Johanni, quique regredientur eidem, quod Romam venerit ad ſolennia coronationis ſuæ. Verum amicabiliter requirentes ab eo, ut ob reverentiam, & amorem ſui a Colonnenſium obſidione recedat, & omnis animus ſeditionis deponatur, & peſtiferum opus belli deleat., indictis treguis ſaltem uſque ad diem coronationis ſuæ, ſignificans, quod nullum ibi Romæ, aut alibi animum partialem habebat, intendens, ſumpto ibi Imperiali Diademate, de conſilio, & benevolentia fratris ſui ibidem operam pacis dare.

Interea Rex fideles Piſas linquens, ipſius urbis civium opibus fretus, multumque Italico milite roboratus, celeri, ac continuo itinere die primo Maji Viterbium venit, multos Guelphorum paſſus incuſtoditos tranſiens, multo tamen mortalium labore fruſtra munitos. Groſſetinus enim Guelphus ad vicini fluminis ripam adventanti Regi, quem pluſquam mortem timet, non audet, ut minabatur, obviare,

1372.
1. Maji.

ubi quinquaginta retinere potuissent plusquam mil-
levos

Hæc ubi (præsentibus Cardinalibus , qui secum erant) nunciata sunt Regi , illico in plano campo castra locari jussit : deinde proxima aurora diei , signis canentibus , in aciēs vocat , atque instruit gentem suam . Cardinales vero ubi Germanicam gentem raptis confestim signis , & armis citato agmine iter aggredi versus urbem vident , Regem tractatibus , atque suis intercessionibus fatigatum , atque ira fortiter mutatum de campo abeuntes linquunt . At Rex properans ad pontem , hostem non invenit , cum quo ibi manus pugnae avidas conferat : verum nec ab hoste transitus relictus est totus liber . Nam ante Regis transitum faciendum locus Colonnensium erat , quem natura satis , & antiquorum arce munitum vulgus Erupitionem nominat , & Saracenos opus esse dicebat . Hunc locum hostes , durante obsidione pontis , proximum occuparant , ac præsidio armatorum præcipue sagittariorum plenum , cum recederent ab obsidione , dimiserant , ne saltem volatili ferro Regis transitum impedirent . At dum Rex examinat in transitu per certam viam nimium sagittis hostium proximum periculum , & detrimentum gentis suæ , excitat ad passum ægro animo..

C A P. XLIII.

PATRIARCHARUM
AQUILEJENSIIUM
VITÆ.

Tom. IV.

P 3

THE UNIVERSITY OF
SOUTHERN CALIFORNIA

IN VITAS PATRIARCHARUM AQUILEJENSIVM

Prolegomena.

Ferdinandus Ughellus V. C. Tomo V. Italiae sacrae Aquilejensium Patriarcharum seriem, ac vitas proxime elapso seculo nobis dedit, eoque in labore illum praefecerant Dandulus, Sigonius, Panvinus, Sabellicus, Leander, Doglione, Claudius Robertus, & fortassis omnium diligentissime Johannes Candidus. Supervacaneum itaque videri possit, post tot Scriptores in eodem stadio versari, atque eruditus oculis materiem minime novam rursus exhibere. Dignitas tamen Aquilejensis Ecclesiae facit, ut libenti animo accipiendum sperem & hunc libellum. Siquidem in eo quaedam non contemnenda habentur, aliis ignota, & digna profecto, quae ad posterum transeant. Quis Opusculi Auctor fuerit, prorsus ignoro, quum nullius nomen in Ambrosiano Codice appareat, unde illud exscripsi. Tempus autem, quo vixerit, conjecturis nonnullis assequi possumus. Quum Catalogum suum perducit hic Scriptor usque ad Nicolai Patriarchae mortem, scilicet usque ad Annum Christi 1338., nihilque referat de Ludovico Turriano illius Successore, veri mihi videtur simile, sub eodem Ludovico, aut non longe postea, conscriptum fuisse

²³²
se Opusculum. Certe ante Annum 1420. hæc literis mandata fuerunt, ut illinc discere possumus, ubi de S. Marco legitur : *Euangelium propria manu scripsit, quod HODIE in Aquilejensi Ecclesia omnibus videre volentibus demonstratur*. Eruditissimus vero Fontaninus in Epistola quadam, apud Cl. V. P. Bernardum de Montfaucon legendæ, in Diario Italico pag. 56., ostendit, vetustissimum Euangelii memorati Codicem Venetias, ubi nunc servatur, circiter annum 1420. fuisse delatum. Quare intelligas, ante ea saltem tempora Scriptorem nostrum hæc literis consignasse. Quanta vero fide, ac sedulitate in his referendis usus ille fuerit, non vacat in præsentia disquirere. Laudato Fontanino hujusmodi curam, ac studium relinquere juvat, quippe qui Forojuliensium res, patriæque suæ Historiam amplissimis nunc & elaboratis commentariis persequitur. Uberius ille nos docebit, quantum ab Historiæ veritate dissentiant, quæ heic de anticipata Patriarchatus appellatione, & de duobus Peregrinis, & Gotfredo Patriarchis, habentur; reliqua vero pro sua eruditione aut corriget, aut novis luminibus augebit.

PATRIARCHARUM AQUILEJENSIVM VITÆ.

IN nomine Domini Jesu Christi. Amen. Post ipſius ſacratiffimam Aſcenſionem ad Patrem omnes Apoſtoli, miſſis ſortibus, per Mundi elementa ad prædicandum Verbum, per quod omne genu fleſcitur Cœleſtium, terreſtrium, & infernorum, & in quo ſalvamus, & ſalvi ſumus, diſperſi ſunt; & licet Beatiffimo Principi Apoſtolorum Petro, data fuerit ſuper univerſalem Eccleſiam, ligandi, atque ſolvendi in Cœlo, & in Terra plena poteſtas, Spiritus tamen, qui ubi vult ſpirat, eundem Apoſtolum Principem una cum Apoſtolo Paulo, ſuper quos velut ſuper firmas baſes Eccleſia Dei fundata eſt, Romam deduxit. Ubi quidem Apoſtoli miraculis, & doctrinis prædictam Eccleſiam ſub Nerone illuminarunt. Quorum diſcipulus B. Marcus Euangelista, qui ab ore Petri Euangelium ſcripſit ex præcepto dicti Petri ad Urbem Aquilejam fa-moſiſſimum caput Italiæ, Pontificatus ab eodem Petro accipiens bâculum venit, & per plures annos verbum ſalutis ibidem prædicans, & affirmans cum Apoſtolo: *Quoniam hic eſt Chriſtus*, Euangelium propria manu ſcripſit, quod hodie in Aquilejenſi Eccleſia omnibus videre volentibus, quia tale lumen ſub modio poni non debet, ſed ſuper candelabrum, ut luceat, demonſtratur. Et ſic primus prædicator in Aquileja fuit B. Marcus Euangelista, qui prædicationis ſuæ rugitu infinitis populis ad Fidem Chriſti converſis, & jam fundata Eccleſia, vultum Petri magiſtri ſui videre deſiderans, & ire Romam, populum occulte dimittere ſatagebat. Sed Dei intuitu vociferante populo, & omni turba Paſto-rem

rem petenit, B. Hermagoras iter cum B. Marco arripiens Romam pervenit, & a B. Petro baculum accipiens Pontificatus, & velamen sacrum suscipiens, Proto-Episcopus Provinciæ Italiæ ordinatur, & super omnes Ecclesias Italiæ primatum obtinet. Et reversus ad Urbem Aquilejam, Ecclesiam suam miro componens modamine, Seniores, & Levitas ordinavit, quos ad Civitates alias trans mittebat. Tandem xx. annorum ab ipsius ordinatione decurso curriculo, omiſſis ejus sacris operibus, & miraculis gloriosis, quæ in ipsius Legenda declarantur, sub Seasto Præsidi in prædicta Urbe Aquilejensi, Nerone Monarchiam gubernante, per diversa tormentorum genera cum S. Fortunato Diacono suo decollatus, Aquilejensem Ecclesiam sacro Martyrio decoravit, præmittens ad palmam nobiles sacratissimas Virgines Hufoniam, Dorotheam, Teclam, & Herasfam, quas propriis manibus baptizavit. Hæ Virgines post Christi Passionem primo per Martyrii palmam immaculato Agno sua corpora tradiderunt, quæ in Ecclesia Aquilejensi quotidie gloriosis coruscant miraculis, & hujus S. Præsulis precibus Aquilejensis provincia est ab invasione Dæmonum liberata, nec aliquis de hac Provincia, ubicumque fuerit, a Dæmone vexari potest, nec periclitari moribus scorpionum.

Huic Beatissimo Præsuli successit B. Hilarius Patriarcha, qui sibi commissum populum in Fide Christi verbo confortans, & opere, expletis ordinationis suæ x. annis sub Numeriano Principe una cum Taciano Archidiacono suo, & aliis tribus SSS. Dionysio, Hilario, & Felice, bonum certamen certantes cursum gloriosum Martyrio consummarunt. Hilario successit Grisogomas Patriarcha, qui completis annis x. suæ ordinationis, mirifice protexit, & rexit Ecclesiam suam; postea in pace vitam in Domino consummavit. Grisogoma successit Theodorus Patriarcha, qui plenus bonis operibus ix. annos ordinationis suæ mirificus puginator pro Fidei Catholicæ nomine in pace migravit ad Christum. Grisogonus Patriarcha sedit annos xii.

Agapetus

petus Patriarcha sedit annos xv. Valerianus Patriarcha sedit annos xviii. Benedictus Patriarcha sedit annos xxv. Hi omnes quatuor, licet sub magnis Infidelium persecutionibus, Fidelium tamen auxerunt Ecclesiam eorum sacris precibus, prædicationibus, moribus, & exemplis. Post hos superscriptos successit B. Cromatius Patriarcha Doctor mirificus, contemporaneus egregii, & primi Doctoris B. Hieronymi, quem Cromatium idem Hieronymus natus in Oppido Stridonis in Dominio Ecclesiæ Aquilejensis sito, inter viros illustres commemorat. Et in quadam Epistola scripsit Domino suo Cromatio beatissimo Episcopo Aquilejensi Doctor eximius, qui librum de Historia scholastica composuit, & multos alios de Græco in Latinum, & Hebraico transtulit. Fuit hujus tempore Rufinus Presbyter Aquilejensis, qui & multas epistolas direxit Hieronymo, & Hieronymus ipsi. Sedit autem annos XVIII. & plenus bonis moribus in Christo quievit. Cromatio defuncto successit Augustinus Patriarcha, qui post annos XVIII. ab ordinatione sua, aucto populo Dei, in pace æterna quievit. Adelphus Patriarcha sedit annos IX. Maximianus Patriarcha sedit annos XX. Januarius Patriarcha sedit annos VIII. Secundus Patriarcha sedit annos III. De istis quatuor nihil reperitur propter Schisma, & persecutionem Infidelium. Niceta Patriarcha sedit annos XXXII. cujus tempore regnante secundo Theodosio Augusto circa annos Domini CDXXV. Attila flagellum Dei cupiens sibi Romanum Imperium subjugare, & debellatus a Romanis, quibus adhærebant fere omnes populi Occidentales, ubi occisa sunt CLXXX. millia hominum, reversus in Pannoniam, & reassumptis viribus, iterum intravit Italiam. Et primo veniens in Forum Julii destruxit omnes munitiones, & fortificia ejus, & postea Castrum Forjuliense, quod nunc Civitas Austriæ appellatur. Et obsedit Urbem Aquilejam tribus annis, & collem, ubi nunc est Castrum Utini, pro sui tuitione manualiter fieri fecit. Tandem peccatis exigentibus post trium annorum obsedionem, infra quod

quod tempus multa millia hominum Aquilejæ occisa sunt, Aquilejam cepit; & destruxit, dictum Nicetam Patriarcham inhumaniter jugulando. Deinde ad partes alias Italiæ progrediens Civitatem Concordiam, Altinum prope Tervisum, Opitergium, Patavium, & alias multas delevit Civitates. Attamen precibus B. Leonis Papæ Primi idem Attila judicio Dei extinctus est. Post Attilæ necem sedit in Aquilejensi Sede Marcellianus Patriarcha annos XXVIII. Hujus tempore Zenon Romanus fastigium gubernabat. Odoacer Ruthonorum Dux, occiso quodam Augustulo, qui Romanum Imperium invadere præsumerat, Romam ingreditur, & totius Italiæ per XIII. annos obtinuit Principatum. Quem Theodoricus Rex Gothorum ad Italiam properans, cui dictus Odoacer occurrit cum innumerabili exercitu, juxta Aquilejam, & in campis Uberinis debellavit. Post Marcellianum Marcellinus in Sede instituitur Patriarchali, quam rexit Annos XV. & VI. menses. Et non modico tempore Anastasii Augusti reformavit Ecclesiam suam, videlicet Urbem Aquilejensem, quam propter invasionem, & destructionem Attilæ invenit plurimum deformatam, & quasi totaliter destructam, & ibi quasi nemine permanente.

Post Marcellinum sedit Stephanus Patriarcha in Aquilejensi Sede annos XV. Hic sub Justino Christianissimo Imperatore, & Theodorico regnante in Italia, qui erat Ariana infectus Hæresi, & Arianos protegebat, multa pro Fide Catholica perpeffus est. Sed, Christo protegente, non solum Ecclesiam, verum etiam totam Provinciam a peste liberavit, & mirifice rexit Ecclesiam suam.

Maxentius Patriarcha sedit annos IV. menses V. Macedonius Patriarcha vir clarus, & pius successit Stephano, qui Justiniani Augusti assumtus temporibus, vitam ducens laudabilem, & Provinciam Italiæ peragrans, fratres mirabiliter in Christo confortabat, & alebat, Tandem post annos XXVI. ab ordinatione sua felici cum pace in Domino requievit.

Huic

Huic successit Paulus gloriosus Antistes tempore Justiniani Imperatoris. Ejus tempore Longobardi Narsetis Patricii ductu Italiam intraverunt, quorum Historiam Paulus Historiographus, qui fuit natione Civitatenfis, diligentius scribit. Et dicti Longobardi primo Forum Julii intrantes, Civitatem Austriam, quæ tunc Castrum Forlivienfe dicebatur, depopulati sunt, & totaliter destruxerunt. Qualiter autem, & quomodo, & quid de Ducissa, & filiis, & filiabus accidit, & in cujus ductu Longobardi Italiam intraverunt, ipsa declarat Historia. Hic Paulus Patriarcha timore dictorum Longobardorum ductus, cum thesauro, & reliquiis Ecclesiæ ad Gradensem Insulam se contulit, quam novam Aquilejam appellavit, & ibi XII. sui Pontificatus annum finivit in Domino in prædicta sua Civitate nova.

Probinus Patriarcha Paulo successit, qui anno uno apud Gradum vitam finivit. De ipso nihil invenitur, nec dicitur, quia parum vixit, & ibi quiescit.

Helias Patriarcha sedit annos XXII. Hic quia tria capitula Chalcedonensis Concilii suscipere noluit, tamquam Hæreticus reprobatus est. Sed Pelagius Papa Secundus eidem misit Epistolam satis utilem, quam B. Gregorius, dum adhuc esset Cardinalis scripsit. Tunc Helias Patriarcha ab errore revocatus, de prædicti Papæ Pelagii consensu XX. Episcoporum Synodum convocavit, & Gradensem Insulam, quæ, ut prædicitur, nova Aquileja vocata fuit, totius Venetiæ etiam Metropolitim constituit. Ad quem Heraclius Augustus, devotione ductus, B. Marci Sedem, quam dudum Helena mater Constantini tulerat de Alexandria, Aquilejam direxit, & ibi hætenus veneratur apud B. Hermagoræ Sedem, ubi primo prædicaverat verbum Christi. Venetiæ quippe duæ sunt. Prima est illa, quæ in antiquis Historiis continetur, quæ a Pannoniæ termino usque ad flumen Danubii extenditur, cujus Aquileja, olim Civitas maxima, caput est. Secunda est Venetia, quæ apud Insulas maris Hadriatici ex collectione populorum

lorum propter rabiem Attilæ, deinde Longobardorum, infra aquas, & paludes maris fundata est.

Severus Patriarcha successit Heliæ apud Aquilejam novam, & annos XV. menses VI. sedit, quem Smaragdus Patricius, nolentem Ravennati Episcopo hære, cum tribus Episcopis de Grado violenter abstrahens eum, injuria Ravennam duxit, compellens dictum Severum Ravennati Episcopo in tribus damnationis Capitulis adhærere. Sed iusto judicio Dei Smaragdus Patricius a Dæmone correptus, Constantinopolim remeavit. Severus vero, expleto anno uno, ad Gradum cum tribus Coepiscopis rediens, non est receptus a populis. Nec illi voluerunt alii Episcopi communicare, quia errore Ravennati Episcopo communicaverat. Sed convocata Synodo X. Episcoporum in Mariano idem Severus, dato erroris sui libello, a fratribus benigne in Patriarcham receptus est. Ipsi autem, qui dictæ Synodo interfuerunt, fuerunt Petrus de Altino, Clarissimus de Sablone, Angelus Tridentinus, Junior Veronensis, Horatius Vicentinus, Laurentius Bellunensis, Rusticus Tervisinus, Folcherius Feltrensis, Angelus Cenetensis, Maxentius Julicnsis, & Hadrianus Polensis. Hujus etiam tempore, sæviente multitudine Longobardorum, & imperante Mauritio Augusto, fames maxima, & mortalitas per universam Italiam, ac clades maxima perpeffa fuit.

Post obitum Severi Patriarchæ Joannes Abbas cum consensu Regis & Agisulfi Duci Forjuliensis in Patriarcham in veteri Aquileja ordinatur. In Grado quoque Candianus caput Schismatis a Romanis instituitur. Candiano defuncto apud Gradum, Epiphanius non sine schismate ordinatur, & ex tunc incipit appellari Patriarcha Gradenfis. Qui Epiphanius erat primus Notariorum Imperialium Romanorum.

• Martianus Patriarcha sedit annos VIII.

• Fortunatus Patriarcha sedit annos XIII.

• Johannes Patriarcha sedit annos X.

• Petrus Patriarcha sedit annos X. & nota, quod a Seve-

Severo Patriarcha usque ad Callistum, qui sequitur, Patriarchæ propter incurSIONem Romanorum non audebant stare in Aquileja; sed habitationem sibi elegerant in Cormono.

Serenus Patriarcha sedit annum unum, de quo nihil reperitur.

Sublato itaque Patriarcha Sereno, successit Callistus vir egregius, & Ecclesiæ Tarvisinæ Archidiaconus, qui adjurante Luitprando Longobardorum Rege, regimen Aquilejensis Ecclesiæ suscepit. Hoc vero tempore in Castro Foro-Juliano, quod nunc Civitas Austriæ appellatur, Peno Dux præerat. Callistus vero Cormoni habitabat de consensu, & voluntate Ducum priorum. Federicus in Castro Foro-Juliano Episcopus instituitur. Ipso decedente Amator subrogatur. Callistus vero, qui erat vir nobilitate conspicuus, videns quod in Diocesi sua cum Duce suo, & Nobilibus Amator Episcopus habitaret, & ipse Callistus rurali vulgo sociatus vitam duceret, valde sibi displicuit. Et ad prædictam Civitatem veniens, Amatorem de Foro Julii expulit, & domum ejus sibi habitationem statuit. Qua de causa inter Callistum Patriarcham, & Penonem Ducem discordia orta est. Quid ultra? Dux Peno contra Patriarcham cum multis Longobardis Nobilibus consilium iniit, & apprehensum eundem Patriarcham ad Castellum Pusini super mare, ut submergeretur, duxit, quod tamen Deo prohibente non fecit. Attamen ipsum diebus multis, tribulationibus, pane, & aqua in carcere fovit. Quod Rex Luitprandus audiens, contra Penonem Ducem in iram exarsit, & de Ducatu deposuit. Peno timore Regio in Sclavorum patriam cum suis fugit. Rex vero dicti Penonis filios, & omnes, qui Penoni hæserant, longo tempore carceribus cruciavit. Posthæc Patriarcha de Carceribus ad Civitatem rediens, ibi Ecclesiam, & Baptisterium S. Johannis, & Palatium Patriarchale construxit, & Regis suffultus favore Ecclesiam strenue gubernavit. Postea, XL. suæ ordinationis anno exacto, in pace quievit. Cujus corpus in prædicta,

dicta, quam construxit, Ecclesia, quiescit in Domino.

Signoaldus Patriarcha de genere Grimoaldi Regis sedit annos XLII. natione Civitatenfis. Ibi habitavit, & Ecclesiam suam prospere, & laudabiliter gubernavit.

S. Paulinus Patriarcha sedit annos XV. Qui finito jam Regno Longobardorum, & in captivitate ducto Desiderio Rege ipsorum una cum uxore, & filiis, ad gloriosum Carolum Magnum Imperatorem pro juribus Ecclesiae ampliandis profectus est. Et vir iste mirae sanctitatis ab Imperatore Carolo multa privilegia obtinuit. Et rediens in Civitate Austriae multis in vita miraculis clauit, & in morte. Ejus corpus in praedicta Ecclesia Civitatenfi quiescit, & veneratur.

Ursus Patriarcha sedit annos V. Hic primus coepit proclamationem facere de Grado Insula plebe Synodali jure subiecta Aquilejensi Ecclesiae. In qua quidam Venerius Patriarchae nomen irrationabiliter usurpavit.

Maxentius Patriarcha sedit annos XXVI. Ad ejus preces B. Augustinus Papa, & Ludovicus Imperator ad instantiam Lotharii filii dicti Ludovici universalem Synodum Mantuae celebraverunt, in qua eodem Maxentio reclamante, quod quidam Venerius falso sibi nomen Patriarchae in Grado Insula plebis Aquilejensis usurpaverat, & retracta hujusmodi causa per dictam Synodum declaratum fuit, Gradum esse plebem Synodali jure Ecclesiae Aquilejensi subiectam.

Et deposito Venerio supradicto, Andreas Patriarcha sedit annos X. Hic similiter de Grado plebe Aquilejensi ad Lotharium Imperatorem proclamavit; qui Lotharius una cum Papa Leone vocato Concilio, iterum adjudicavit Gradensem plebem esse Aquilejensis Ecclesiae.

Venantius Patriarcha sedit annos III.

Theotmanus Patriarcha sedit annos XXI. Hic supradicto Lothario, & Domino Ludovico ejus filio regnantibus, Ecclesiam mirabiliter gubernavit, & pro Gradensi plebe reclamavit, & a Ludovico obtinuit Papiam.

Lupus Patriarcha sedit annos III. Hic similiter a praedicto

dicto Ludovico in protectione susceptus est, & coram dicto Papa, & ipso definitum est, Insulam Gradensem esse Aquilejensis Ecclesiæ.

Walpertus Patriarcha sedit annis XXVII. Hic Carolum Secundum filium Ludovici, & coronatum a Papa Joanne VIII. Romam sociavit, & ab ipso multas gratias impetravit.

Federicus Patriarcha sedit annos LIII. Hic mirabiliter auxit, & protexit Ecclesiam. Hujus tempore imperante Carolo III. magna Ungarorum gens a Syria egressa in quandam Provinciam, quæ adjungitur simbriis Ecclesiæ Aquilejensis, primitus venit, & ibi habitare coepit; erat enim gens crudelissima, carnem comedens, & sanguinem bibens pro potu. Quos dictus Federicus Patriarcha repressit, & longius fugavit, reddens pacem Hesperiae, quæ est caput Ecclesiæ. Corpus ipsius in Aquileja quiescit, & supra ejus sepulcrum scriptum est tale Epitaphium.

Conditur inferius nitido Patriarcha lapillo,

Præclarum nomen cui Federicus erat.

Pannoniæ rabiem magno moderamine pressit,

Et pacem afflictæ contulit Italiæ.

Egregius Pastor mittens dum pasceret agnos

Semper utrique gregi pabula lecta dedit.

Annosæ ætatis post cursum in luce quiescit

Et cumulata capit præmia pro meritis.

Hunc Deus omnipotens proprio ditavit honore,

Post hæc Angelicis associando choris.

Tu quoque Præcursor Christi Baptista Johannes

Pontifici meritis auxiliare tuis.

Leo Patriarcha sedit annos XXII. Hic quia pro libertate Ecclesiæ suæ laborabat, a quodam Roaldo Longobardorum Duce Fori Julii occisus est. Propter quod omnia ejus bona per sententiam Principum confiscata fuerunt, ut inferius apparebit.

Ursus Patriarcha sedit annos XXIII. Hic tempore Berengarii secundi totus Deo deditus multas graves sollicitudines pro Ecclesia sua Aquilejensi pertulit. In Civitate

Tom. IV.

Q

Au-

Austriæ felici pace quievit, & hoc fuit circa annos Domini DCCCCXXI.

Lupus Patriarcha, sicut in antiquis Chronicis legitur, sedit annos LVI. Sed non ita in autenticis privilegiis reperitur, quum Berengarius Tertius, qui fuit sub annis Domini DCCCCXXI. multa privilegia concesserit Patriarchæ Hengelfredo; nec non Rodaldus successor suus largas sibi fecerit donationes, & Ecclesiæ suæ prædixit.

Hengelfredus Patriarcha sedit, ut dicitur, annos LVII. Sed non certe reperitur. Verum Berengarius, & Otto primus multa privilegia Ecclesiæ Aquilejensi tempore istius contulerunt, & quod valde bonus, & utilis fuit Ecclesiæ suæ, bene reperitur.

Rodaldus almificus Patriarcha nobilis genere, sed nobilior opere, qui pro exaltatione Ecclesiæ suæ ubique laborans ab Ottone Secundo, & Tertio plura privilegia, & plures gratias, & largitiones obtinuit. Et inter cetera quidquid quidam Longobardus nomine Rodaldus, qui Leonem Patriarcham interfecerat, de quo supra mentionem feci, habebat inter Placum, & Lipientiam, Ecclesiæ Aquilejensi tradidit. Sed quantum sederit, pro vero non reperitur. Sed fertur, quod annos LVIII. sederit.

Johannes Patriarcha successit eidem, seditque annos XIX. Hic ab Ottone Tertio plura privilegia habuit, & de Grado Insula in qua erat quidam Patriarcha Urso nomine coram Henrico Primo Imperatore contra eum reclamavit. Qui Henricus Secundus appellabatur. Ejus uxor fuit Beata Cunegundis.

Popo Patriarcha venerabilis sedit annos XXIV. Hic Cancellarius magni Conradi Imperatoris, qui totum orbem pacificavit, in Patriarcham assumptus est. Hic gloriosus Antistes Templum Aquilejensis Ecclesiæ de novo construxit, quod una cum B. Papa Johanne XVIII., & aliis S. R. E. Cardinalibus, & aliis Episcopis Suffraganeis suis consecravat. Monasterium B. Mariæ Virginis extra muros Aquilejæ construxit. Et tam Templum, quam ipsum Monasterium mirabiliter dotavit, innumera-

bilia-

biliaque bona ipsi Ecclesiæ fecit, quæ brevitatis causa omitto. Hic apud prædictum Papam Johannem, & Conradum Imperatorem fieri Romæ Concilium procuravit, & demum Ravennæ, in quorum itaque proclamatione facta de Grado plebe sua, & citato Ursone, qui sibi falso nomen Patriarchatus assumerat, & contumaciter in dictis duobus Conciliis non comparente, dicta Insula adjudicata est, plebem esse Aquilejensis Ecclesiæ, & falso Patriarchatus titulum sibi inesse. Et ipso procurante armata manu omnes Theauri Ecclesiæ Aquilejensis, qui portati erant per Dominum Paulinum olim Patriarcham, reportati sunt per dictum Dominum Poponem. Et huic Patriarchæ B. Papa Johannes super XVI. Episcopatus potestatem contribuit una cum præfato Imperatore, & alia multa privilegia, & largitiones Ecclesiæ Aquilejensi, quæ nimis prolixum esset narrare per singula. Cujus corpus jacet in Ecclesia Aquilejensi in medio. Et vere in medio Ecclesiæ aperuit Dominus os ejus. In ejus sepulcro marmoreo hi versus ab omnibus leguntur.

Popo Sacerdotum lux, & decus Ecclesiarum,

Gloria Romani spes simul Imperii.

Constrictus vinclis humanæ conditionis

Ecce sub hac mole fit cinis ex homine.

Instruit ut Paulus, fuit omnibus omnia factus,

Ferre studens Domino dupla talenta suo.

Hic locus est testis, quibus ille resplenduit actis,

Ille quidem donis, moribus atque probis.

Exornans istam Christo fundaverat aulam,

Ultima principio quem dedit hora suo.

In libra Phœbo duodena parce beato

Agne Dei, Domino, te rogo, parce meo.

Hebenardus Patriarcha huic successit. Dies vero ordinationis suæ fuerunt anni V. Et de ipso nihil dicendum invenitur.

Gotpoldus Patriarcha successit huic, & sedit annos XVII. Qui etiam de Grado Insula proclamationem maximam fecit. Cui tam per Alexandrum Papam Secundum,

Q 2 dum,

spoliaque infinita tulit, & Romagnam prædictam destruxit, & tandem sub annis Domini MCCXCI. pax inter partes facta fuit, & publice proclamata. Mortuus autem præfatus Raimundus Patriarcha in Castro Utini, & Aquilejam portatus, ac sepultus in Capella S. Ambrosii, quam ipse construi, ac fabricari fecit anno Domini MCCXCIX. Ejus anima requiescat in pace.

Petrus Patriarcha sedit annum unum, & menses VII. dies XXVI. Hic licet magnanimus fuerit, & antiquus dierum, ideo modicum supervixit. Ejus corpus in Utino jacet in Capella S. Marię Castri Utini. Defunctus est anno Domini MCCCII. De cujus gestis nulla fit mentio.

Ottobonus Patriarcha sedit annos XIII. menses II. dies XVII. Qui dum esset Episcopus Paduanus, creatus est Patriarcha a Sede Apostolica, videlicet per Dominum Bonifacium Octavum sub annis Domini MCCCII. Hic mirabiliter regere cœpit. Multa solvit debita Romanę Curię. Salinas Mariani cœpit, & fecit. Cœpitque Castrum Manzani, & pretio, antequam veniret in Sede, emit Salicetum. Hujus tempore sub annis Domini MCCCIV. Ricardus de Camino cum exercitu suo valido expugnavit Spinginbergum, ipsumque habuit sub certis pactis anno Domini MCCCII. Idem Patriarcha cœpit Castrum Budii fortissimum & bene muratum, gentibusque, & victualis munitum; sed iusto Dei judicio mirabiliter captum est, de gentibus ipsius Domini Patriarchę nemine lęso; omnes autem intrinseci captivi facti sunt sub ipsius Domini Patriarchę misericordia; & relicto vexillo S. Ecclesię Aquilejensis in Castro prædicto, ad propria cum gaudio, & honore est reversus. Eodem autem anno obsedit Castrum de Urimisporch, ipsumque obtinuit. Eodemque anno Sacilum recuperavit detentum per dictum Dominum Ricardum de Camino. Insuper anno Domini MCCCIX. idem Dominus Patriarcha destruxit, & ruinavit muros Terrę Venzoni; necnon eodem anno Ricardus de Camino fuit debellatus in Utino, & unus Nobilis de Sping-

ginbergo fuit interfectus gladio, ac multi alii Nobiles rebelles præfato Domino Patriarchæ tunc captivati sunt. Et multa alia fecit, quæ causa brevitatis heic omittuntur. Postremo currentibus annis Domini MCCCXIV. præfatus Patriarcha pergens ad Curiam Romanam, quadam oppressus infirmitate in loco, qui dicitur Arquæ Comitatus Placentiæ, Domino tradidit spiritum.

Castonus de la Turre Mediolanensis Diocesis eidem successit, seditque in Patriarchali Sede annum unum, menses VII. dies XX. & non pervenit ad Ecclesiam suam; sed veniendo de Curia migravit ad Christum in Florentia, & ibi requiescit in pace.

Paganus Patriarcha successit eidem, seditque in Patriarchali Sede annos XII. menses VIII. diem unum. De cujus gestis non fit mentio in præfenti. Bavarus Dux Baviaræ, & Marchio Bramburgensis a tribus elegantibus ad Imperium Laicis, duobus vero Clericis Archiepiscopis non consentientibus, cupiens Imperium usurpare sub anno Domini MCCCXXXI. manu forti, & animo ingenioso, & cauto intravit Italiam, Romæ cupiens coronari ex quorundam sapientum sibi adhaerentium consilio tempore Johannis Papæ. Iste Bavarus in Romana Civitate Papam fieri fecit, & Cardinales, & multos Prælatos, contraque Apostolicam Sedem multa gessit, & ab ipsis Coronam accepit Imperii contra Ecclesiæ voluntatem, a quo Papa tunc depositus, & excommunicatus fuit, & similiter a Papa Benedicto, & Clemente VI. subsequenter. Tandem ab Ecclesia misericordiam consequutus tempore dicti Clementis, ab excommunicatione solutus, migravit apud Ducatum suum. Cui successit quidam ejus filius, cum quo Carolus Rex Bohemiæ multas habuit guerras propter Comitatum Tirolensem in dorem per præfatum Bavarum datum cuidam suæ filiæ in matrimonium traditæ cuidam Domino Joanni fratri in uxorem postmodum a viro suo separatam nonnullis legitimis occasionibus. Idem Carolus habuit contra eum bella maxima, & obtinuit. Tandem bonis meritis a Christo exigentibus

bus præfatus Carolus , faventibus sibi Papa Clemente prædicto , & Domino Philippo Rege Francorum ab eligentibus ad Imperium communiter est electus Imperator .

Isto autem tempore electo Carolo , & confirmatione a præfato Clemente Papa , & Romana Ecclesia comprobata , & roborata , in S. Aquilejensis Ecclesiæ Sede residere tunc Bertrandus Patriarcha de S. Ginesio Doctor miri Juris , vir bonus , pius , sanctus , & justus , cujus opera , & probitates multæ fuerunt , quæ alibi in loco suo statum sibi clare vendicant . Cui Carolo adeo tamquam pater erat una cum filio intime dilectus , de quo Patriarcha multa erunt scribenda , quæ in præfenti capitulo brevitatis causa omittuntur . Idem autem Patriarcha sedit annos XV. menses XI. dies VI. Qui crudeliter ab inimicis Ecclesiæ apud Villam , quæ est in Richiniult juxta Tulmentum ipso a Sacilo cum suis militibus , & gentibus Utinum veniente , gladio penetrante occisus est , & Utinum ductus , apud cujus sepulcrum marmoreum historiatur in S. Maria Majori in Urbe per eum a Domino miracula fiunt . Et , ut supra prædiximus , fabricavit Sacilum ex muris Cavolani acquisiti per eum , & recuperavit Cadubrium armata , & potenti manu , quod tenebat Ecclesiæ suæ violenter quidam Heugilinarus , & alia infinita notabilia , & bona opera fecit , dum in hac luce , & regimine vixit , sed in opusculo hoc nihil ad præfens tractatur .

In cujus S. Sede successit Nicolaus Patriarcha prædicti Caroli IV. Imperatoris frater anno XI. Clementis Papæ VI. videlicet MCCCCL. Hic Patriarcha contra Johannem Franciscum de Castello perpeti rebellem suum , & Ecclesiæ Aquilejensis , victoriam una cum Nobilibus , & Communitatibus suis , & D. Marinardo Comite Goriciæ sibi favente obtinuit . Castrum Tercenti obsedit , ac funditus diruit , consumtis omnibus , & suffatis planatis , ac duobus ejus filiis captis , postmodum liberatis . Castra eorum Tercenti perierunt , & ibi rebelles Ecclesiæ persistentes , per ipsum Patriarcham obses-

sa

sa sunt, & capta, ac funditus diruta, uno ipsorum fratrum capto, & perpetuo carceribus mancipato. Postquam idem Johannes Franciscus capitur, mirifice in Civitate Caprularum per nonnullos Furlanos, & ligatus Utinum ductus est, & ibidem a filio primitus sententiatum, & a multis aliis capitale subiit sententiam. Cujus caput in hasta, per medium diem in platea omnibus ipsum videre volentibus permansit. Hic quoque Patriarcha similiter alias multas contra rebelles Aquilejensis Ecclesiæ obtinuit victorias, multosque per judicium decolari fecit. Castellatum, & alia loca funditus dirupta sunt. Et heic brevitatis causa omittuntur, quæ alibi declarabuntur. Hic etiam Patriarcha decoravit Cameram, quæ omnia, sive eorum major pars, restaurata sunt post ejus mortem. Hic tulit brachium S. Viti de Marano, quod etiam post ejus obitum recuperaverunt. Et tandem divino judicio ipso eunte, vel fugiente con Reliquiis, & rebus antedictis in Civitatem Feltrensem, seu Bellunensem, crudeliter, & turpiter extremum vitæ suæ clausit diem. Et sic, ut prædicitur, supradicta omnia fuerunt restaurata. Multa etiam alia dicenda forent, quæ nunc omittenda duximus. Cujus corpus sepultum fuit in Ecclesia Majori B. Mariæ de Utino.

FINIS.

**S. MAXIMI
TAURINATIS
Episcopi
SERMONES.**

Tom. II.

A

THE HISTORY OF THE CITY OF NEW YORK

FROM
1609 TO 1898

IN SERMONES
 SANCTI MAXIMI
 Episcopi
 TAURINENSIS.

Codex MS. unde hos Sancti Maximi Taurinensis Episcopi Sermones descripsi, est in Ambrosiana Bibliotheca Lit. C. num. 98. Venerandam autem antiquitatem spirat, quippe scriptus mihi videtur ante mille circiter annos. Characteres ad Langobardicam scripturam omnino accedunt, similesque sunt iis, e quibus constat vetustissimus Josephi Codex in Ægyptiaca papyro exaratus, & in eadem Bibliotheca veluti insigne antiquitatis monumentum adservatus. Neque aliter de ipsius Codicis vetustate iudicavit Cl. V. Johannes Mabillonius Tom. 1. Par. 2. Musei Italici in Præfat. ad quasdam Homelias ejusdem Sancti Maximi a se primum editas, & partim ex hoc ipso Codice descriptas. Quidquid ibi doctissimus ille vir hanc in rem adnotavit, dignum plane foret, quod heic repeteretur. Sed illuc ego Lectorem dimittens, quod meum erit, heic breviter prodam.

Floruit Maximus Seculo Christianæ Aetæ quinto. Eum ultra An. Ch. 465. vixisse, eruditi non pauci putant, non satis Gennadii Codicibus fidentes, ubi mortuus dicitur ante An. Ch. 423. Leguntur Homiliæ complures inter Opera SS. Ambrosii, & Augustini, quæ tamen S. Maximum auctorem habuere. Neque vero easdem satis hucusque distinxerunt collectores Operum S. Maximi: ad quod tamen & laudata Mabillonii Præfatio, & cura hæc nostra non parum inserviet. Siquidem non modo Sermones multos heic damus, nondum

evulgatos, sed etiam adnotamus, qui jam editi fuerint inter Opera S. Ambrosii, aut ipsius S. Maximi. Porro minime sponderem, singulos Sermones, qui in laudato Codice Ambrosiano leguntur, ad Maximum Taurinatem esse referendos. Mutilus in fronte, in calce, aliisque in locis est Codex, quæ causa forte adferri potest, cur desiderentur clariora documenta de harum Homiliarum Auctore. Præterea sunt quidam illic Sermones, qui expressè nomine tribuuntur *S. Maximo Taurinensi Episcopo*, ut in ipsa editione apparebit; ac proinde suspicio ingeritur, ne ceteri, quorum ipse non scribitur Auctor, ad alios Auctores pertineant. Et certe Eruditus non ignotum, consuevisse veteres e diversis Scripturibus Homilias in unum Codicem congerere, qui *Homiliarius* postea dicebatur, & ad manum erat minus doctis aut Episcopis, aut Sacris Oratoribus, quum ad populum conciones erant habendæ sive in Euangelii explicatione, sive in Sanctorum laudibus exponendis. Et hinc plane factum, ut Sanctis Augustino, Ambrosio, Chrysostomo, aliisque Ecclesiæ Patribus tot tribuæ progressu temporis Homiliæ fuerint, quæ tamen omnes ab ipsis nequaquam prodierant.

Ut cumque id sit, non me poenitet, hæc omnia publici juris fecisse, eaque sub nomine S. Maximi Taurinatis universa produxisse, tum quod aliæ heic Homiliæ habentur, quibus præfixum non fuit Maximi nomen, & nihilominus ad eundem procul dubio spectant, tum etiam quod eam in omnibus Styli similitudinem comprehendere mihi visus sum, quæ unum eundemque Scriptorem satis deceat.

Ceterum *Sermo I. in S. Alexandri* multa habet communia ac simillima cum altero Sermone ejusdem argumenti edito inter opera S. Augustini antiquæ editionis: Antea quoque prodierunt *Sermo VI. VII. VIII. & IX. de Sancto Eusebio Martyre Vercellensi*, nempe in Libro, cui titulus: *Antiquorum Patrum Sermones & Epistola de S. Eusebio Vercellensi Episcopo, & Martyre*, collecta jussu Joannis Francisci Bonhomii Episcopi Vercellensis, ac impressa

5
se Mediolani Anno 1581. Isti vero Sermones in nostro Codice recitati dicuntur Vercellis, & propterea Auctorem designant, qui in alia, quam in Vercellenſi Ecclesia, degeret. Rursus vero quum in margine Codicis ter adnotatum ad eisdem Sermones reperiatur: Vercellinum se esse ostendit; Nota quod Vercellinus est; Nota quod Vercellinus est iste; conjecturæ sit locus, S. Maximum, cujus patria ignoratur, Vercellis natum fuisse, si tamen eorum quatuor Sermionum is Auctor est.

Neque sine aliqua animadversione dimittendi Sermones duo, nempe XXXII. & sequens *de Idolis aufereñdis de propriis possessionibus*. Eorum ope sententia confirmatur arbitrantium, ideo sub primis Imperatoribus Christianis Ethnicos *Paganorum* nomine fuisse notatos, quod eorum Superstitio ex Urbibus eliminata, legibusque Cæsareis interdicta, se in Pagos & rude rusticorum vulgus recepisset, unde ne S. Maximi quidem ætate evelli prorsus potuerat. Ibidem adhuc aspicere erat *Aras ligneas, & Simulacra lapidea, pallentes cespites, mortuos carbones, & Sacrificia, & lymphaticos rusticos suo sanguine Diis falsis clam, ut puto, litantes. Tu vide Baronium in Notis ad Martyrol. Rom. die 31. Januarii. & Gothofredum in Notis ad Tit. X. Lib. XVI. Cod. Theodof. Memoratur autem in iisdem Sermonibus Domnedius, qui nihil aliud erat sermone corrupto illius ætatis, quam Dominus. Hac eadem voce usus est non uno in loco S. Paulinus Nolanus, uti animadverti Dissert. XIII. Tom. I. Anecdor. meorum, quo significaret S. Felicem Dominum ac Patronum suum.*

SERMONES SANCTI MAXIMI TAURINATIS Episcopi.

D *Esiderantur priores pagina.*

SERMO II.

In Pascha.

E Xultandum nobis est, Fratres, in hac die, quam fecit Dominus, continuata læticia &c. *est editus inter opera Sancti Maximi.*

SERMO III.

De Pascha.

N On minus etiam nunc lætari debemus, Fratres, quam hesternò lætari sumus; licet enim præterita tenebrosa nox intercefferit gaudiis nostris, eadem nobis tamen dies est sanctitatis; licet tempora distinxerit obscuritas vespertina, perpeti tamen luce fulget Beatitudo Dominica. Christus enim, qui nos inluminavit hesternò, etiam hodie nos ipse circumfovet. Nam sic dicit B. Apostolus: *Iesus Christus veri, & hodie, ipse est.* Ipse enim nobis dies factus est. Ipse nobis hodie genitus est, secundum quod ait David ex persona Dei Patris: *Filius meus es tu, ego hodie genui te.* Hodie, inquit, genui te, hoc est non quo in die ille genuerit Filium,

lium, sed quod ipsum Filium velut diem, lucemque genuerit. Ergo cum Christus unigenitus hodie generatur, ut intelligatur in Nativitate Salvatoris non tam hominem natum esse, quam lumen, quod fulgeat cunctis; luceat universis. *Hodie* autem dicitur, quod velut præsens, & indeficiens lumen cuncta sæcula perpeti luce contineat, & pro ipsa perpetuitate fulgoris una dies esse videtur. Unde ait S. Propheta: *Mille anni ante oculos tuos, tamquam dies una*. Una plane dies est Christus, quia una est in eo divinitatis æternitas. *Hodie* autem vocatur, quod eum nec vetusta antiquitate subterfugiunt, nec futura ignorance prætereunt. Sed tamquam potentissimum lumen cuncta continet, universa cognoscit, & velut in præsentem habens possidet omnia. Quia apud eum nec præterita labuntur, nec futura celantur. Quo autem tempore dictum sit Filio: *Ego hodie genui te*, scire debemus, non illo; quo ex Maria Virgine secundum carnem natus est, neque illo, quo secundum divinitatem ex Dei Patris ore processit, sed illo tempore, quo a mortuis resurrexit, sic enim Apostolus Paulus ait: *Resuscitans Dominum Jesum Christum, sicut scriptum est in Psalmo: Filius meus es tu, ego hodie genui te*. Recte ergo tunc hodie dicitur, quando de Inferorum tertia nocte ad superos, velut præclarum lumen emicuit. Recte dies dicitur, cujus veritatem Judæorum factio tenebrosa obscurare non potuit. Nec potuit plane melius, nisi hodie nomen accipere, qui omnibus defunctis & diem reddidit, & salutem, qui vetustate homines moræ resolutos hodiernæ vitæ præsentia suscitavit. Latemur ergo, & exultemus in hac die, in qua nobis Dominus lucem intulit, salutem intulit, intulit pacem; pacem, inquam, nobis Christus resurgens intulit, quia & passurus pacem proditori discipulorum non negavit, aut quemadmodum complectitur confidentes, qui sic osculatus est denegantem. Osculum autem illud Judæ Ischarioth nolo existimetis a Domino, nisi de caritate datum, & ante sciebat illum proditorem futurum. Sciebat plane; amoris pignus & ideo non negavit; pietatis

enim genus est non negare extrema oscula perituris , & his, quos dileximus , ultimum persolvisse solatium . Simul etiam ipso dilectionis officio eum voluit emendare , ut admonitus pietate non desereret amantem , non traderet osculantem ; atque ideo quasi ad iudicium Judæ illud osculum datum est , ut si emendaret , esset pacis vinculum discipulo ; si traderet , esset sceleris testimonium proditori . Ait ergo Dominus : *Judæ osculo filium hominis tradis ?* Ubi est subtilitas factionum , ubi latentes doli ? Ecce deprehenditur nequitia omne secretum , & proditur proditor , antequam prodatur . *Osculo* , inquit , *Filium hominis tradis* , hoc est : amoris pignore vulnus insigis ; officio caritatis sanguinem fundis ; mortem inrogas pacis indicio . Rogo quæ ista dilectio est ? Osculum porrigis , & minaris ? Non sunt ista oscula , sed venena , per quæ servus Dominum , Discipulus Magistrum , electus prodit Auctorem .

In Pascha. IV.

VENERANDA Passio Salvatoris nostri , atque ab Inferis ejus mirabilis reditus , attestatur , divinam illi , humanamque fuisse substantiam . Quis enim dubites ineffabiliter eum Filium Dei , filiumque esse hominis , qui potuit & mortem perpeti , & morte devicta semetipsum suscitare de tumulo ? Nam suscepta carne de Virgine , ne quam in fide nostræ Confessionis nebulam pareremur , toto prædicationis suæ tempore verum se revelabat Deum , perfectum ostendebat & hominem . Flebat quippe , ut nostro dolore mœrens , sed ut sua virtute potens miseratus cœcorum tenebras , huic necdum formatos faciebat oculos , illi reddebat amissos , navigans cum discipulis suis somno hominis dormiebat in puppi , sed conscientia majestatis imperio insurgentium fluctuum moles , minaceque ventos serena protinus tranquillitate compescuit . Morituum se , ut temporalis vitæ homo , sæpissime testabatur , sed ut æternus Deus refuso in corpora vitali spiritu ad lucem mortuos redire præcepit .

cepit. Ut filio hominis ingerebantur convicia blasphemantium, sed ut ignara mortalitas inoffensam credendi disceret veritatem, quasi unicum filium suum Pater adloquebatur è cœlo. Si ergo credis, o homo, indigna, quæ pertulit Christus, cur non magis credis miranda quæ præstitit? Ita sane incomprehensibiliter caro in Deo; & in carne Deus, ut neque Deum ab homine passio separaret, neque per hominem Deus humanis passionibus subjaceret. Quod vero adiuvantur, Filius Dei natus est de Virgine, tanto in miraculo non debet humana fluctuare fragilitas, quia stupendæ huic novitati Deum, cui opus omne possibile est, confitemur auctorem. Beatus namque David omnipotentiam Dei Sancto Spiritu revelante decantat dicens: *Omnia, quaecumque voluit, Dominus fecit in Cælo, & in terra.* Qui ergo fecit, quæ voluit, fecit ut Virgo conciperet. Qui fecit omnia, quæ voluit, fecit quod nobis omnibus subveniret. *Omnia,* inquit, *quæ voluit, Deus fecit.* Voluit ex nihilo formare mundum? fuit ei tam magni operis effectus in Verbo. Voluit hominem figurare de pulvere? est virtus tantæ non defuit voluntati. Voluit inter ipsa Cœli, terræque primordia virili de corpore educere feminam? E latere mox Adæ mater humani generis Eva processit. Voluit de viro, & semina utriusque sexus homines nasci? Legge voluntatis ejus replevit orbem iusta fœcunditas. Voluit, ut dictum est, Virginem parere? Et obumbratione majestatis ejus nullo Virginei pudoris damno Christus processit ex Maria. Et inde est, quod Philosophi gentium, prudentesque mundi, qui omnia sibi propria volunt disceptatione constare, dum terreno sensu divina discutunt, sapientia sua desipientes, ad plenitudinem non perveniunt veritatis. Qui hanc igitur desudant habere doctrinam, ut quod ipsi advertere nequeunt, superbo tumentes Spiritu, Deum aut non recte velle, aut non posse contendunt. *Qui,* ut ait Apostolus, *dicentes se esse sapientes, stulti facti sunt.* Et iterum: *Evanuerunt in cogitationibus suis.* Quis enim ita demens in illo conceptu virgineo semen quærat humanum, ubi agitur

Cœle-

Cœleste mysterium? Quanta recordia in illo nascendi
 genere generalitas mortalis obtenditur, ubi opere o-
 mnipotentis pro vita pereuntium partus salutaris efflo-
 ruit? Sed fortasse perfidus occurrit, & dicit: Nemo un-
 quam ita est natus. Nemo revera, quia nullius præter
 hanc caro unita cum Deo est. Quid incassum disputas?
 Quid retractas? Qui solus dedit hominibus nasci per
 conjuges, solus voluit prodire de Virgine. Mirabiliter
 natus est Christus; & obstinatione perfida non credis
 Deum? Quid faceres, si communi esset lege conceptus?
 Inanis ergo, & stulta causatio est; nullum ita fuisse na-
 tum, quia Sacramentum foecundæ Virginis, quod uni-
 tum Dei est opus. Neque habere ante se potuit, nec
 post se reliquit exemplum. Unde & tu, Frater, si sa-
 pienter incomprehensa rimaris, quod singulare pervi-
 des, crede divinum. Denique cum a Discipulis suis,
 quis esset, & ab hominibus crederetur, Salvator inqui-
 reret: Beatissimus tum Petrus sacrata voce respondit,
 dicens: *Tu es Christus Filius Dei vivi*. Ecce, Fratres,
 loquitur lingua hominis, quod cor hominis ignorabat.
 Loquitur Apostolus, quod non meditatione didicit, sed
 revelatione cognovit. Unde enim sciret terrenus mor-
 talisque homo incomprehensæ generationis arcanum,
 nisi & Pater ipse, cuius verus erat Filius, non revelas-
 set e cœlo? ut ait ad illum Dominus: *Beatus es Simon*
Bar Jona, quia non Caro, & sanguis revelavit tibi, sed
Pater meus, qui est in Cælis. Quod enim præcipuus A-
 postolorum Redemptorem omnium vivi Dei Filium di-
 cit, paternæ in eo Deitatis substantiam confiteretur;
 quod eundem Christum pronunciat, materni inesse cor-
 poris adserit veritatem. Sic revera Beatissimus Petrus
 utramque in Christo naturam sub una est appellatione
 complexus, ut ineffabilis mysterii Sacramentum brevissi-
 mo sermone delibans, neque geminata divideret, ne-
 que unita confunderet. Ut autem plenius advertere-
 mus in Salvatore nostro neque a Deo hominem, ne-
 que Deum ab homine separandum, ait gloriosissimus
 Magister Fidei Paulus Apostolus, dicens: *Myst. Deus Fi-*
lium

lium suum factum ex muliere, factum sub lege. Non urique factus est Filius Dei, ut mitteretur, sed ad id quod missus est, Filius factus est hominis. Salva enim divinæ proprietate naturæ, naturam in se suscepit humanam, non facta confusione, sed unitione perfecta. *Misit*, inquit, *Deus Filium suum*, misit non creaturali conditione subjectum, sed naturali caritate concordem. Ipse enim Dominus ait: *Ego, & Pater unum sumus.* Qui ergo unum sunt, non possunt a se invicem impari potestate distare. Misit Pater proprium Filium, non a se discedentem, sed ad nos nostra pro salute venientem. Venit autem Dei Filius, non ut mittentis tantum Patris exsequeretur imperium, sed ut communem perageret voluntatem. Venit Dei Filius, non qui de loco transiret ad locum, sed in loco, quo vellet, propositi sui munus implectet. Et revera Deus, cum ubique semper sit, atque omnia gremio suæ majestatis includat, illuc tamen ire, aut venire creditur, ubi se revelare dignatur. Hæc, Frater, nisi Fide sequaris, nulla mundani sensus ratione concipies. Tantum enim abest ab operibus Dei intelligentia mortalis ingenii, quantum distare potest ab æternitate mortalitas. Sed optima homini ratio est, ut in his, quæ non potest mente complecti, cedat mentis Auctori. Scire ergo debemus, Karissimi, quia Nativitatem, Passionemque Dominicam non nobis ejus dedit conditio, sed voluntas. Nostri nimirum exegit causa negotii, Christum Dominum pudorem ventris non declinare seminei, sordentem pannis infantiam perpeti, crescentem per moras expectare pueritiam, convalescentem temporibus agere juventutem, & cum omni patientia Judaici furoris injurias, caedesque perferre. Neque vero superflua voluntatis erat, aut vacua, ut Dei Filius per tantarum dedecora passionum materia humanitatis moreretur in terris, qui coelesti in Regno paterna Deitate vivebat, nisi nasci illum remedii nostri necessitas flagitasset. Quid Deus ad carnem? Quid immaculatus ad Crucem? Quid æternus ad mortem? Essent quidem Dei Filio verba ac vulnera omniaque inlata Passionis

sionis opprobria reputanda ; nisi universa , quæ passus est , Resurrectio mox secuta curasset . Quis ergo ita desipiens retractando decolorare præsumat , quod Crucifixus est Christus , qui tot virtutibus , tantisque miraculis mirabilior factus est sua passione ? Quis illi tri-duanam exprobrare audeat sepulturam , cujus cum sempiterno Patre permanens æternitas prædicatur ? Immo quis non toto stupore miretur Inferna illum fuisse dignatum , qui virtute propria & ad vitam potuit redire post mortem , & Cœlum non dubitavit ascendere post Inferos ? Et ideo Fratres illud unum nobis est salutare , ut metientes nos metipsos , & pectoris nostri angusta , quæ ultra modum se efferunt , castigantes , veri Dei , cujus potentiam probamus , sequamur in omnibus voluntatem , qui vivit , & regnat in sæcula sæculorum . Amen.

S E R M O V.

In Pascha.

IN Paschali Festivitate , Fratres Karissimi , qua Dominum nostrum rediisse ab Inferis exultamus , est nobis gaudium commune cum Cœlo . Latantur enim Angeli , inimicum Domini sui , & Tyrannum cœlestis imperii , legitimi , atque æternæ Regis virtute deletum . Mortales etiam , infirmique homines gloriamur munere Dominicæ Passionis , Diaboli tandem servitute deposita , in libertatem nos vivendi , atque in jus paternæ pietatis esse revocatos . Hoc est nimirum illud , quod ait Beatus David : *Latentur Cæli , & exultet terra* . Unum profecto ; atque id ipsum factum est gaudium cœlestibus , atque terrenis , quia unus , idemque est Dominus , qui vicit in terris , & qui regnat in Cœlo . Et iterum idem : *Hic est , inquit , dies , quem fecit Dominus , exultemus , & latemur in eo* . Sic dicit : *hic est dies , quem fecit Dominus* , quasi sit aliquis dies , quem non fecerit Deus ? Omnem quidem diem Dominus dedit , sed hunc specialiter

liter fecit, qui perpetuo fulgens lumine vicissitudinem non recipit tenebrarum. Hic est dies, qui discussa scelerum nube caligantibus mortalium oculis lucem perpetuitatis inradiat. Hic est dies, quo vitæ Dominus ingressus Infernum, sævientem mortem æternæ noctis horrore terribilem nova improvisaque majestatis suæ claritate deterruit. *Exulemus*, inquit sermo Propheticus, & *latemur in eo*, quasi non sufficeret dixisse: *Exulemus*, nisi adjiceret: *Et latemur*. Sed idcirco Prophetica præscientia spiritualium nobis gaudiorum verba congeniat, ut omni mortis tristissimæ mœrore deterso, & præsentis vitæ lætitiâ prædicet, & futuræ. Exulemus ergo nunc redempti, ut postea possimus gaudere salvati. Exulemus resurgente Domino, ut possimus eodem regnante lætari. Et recte gaudebimus, Fratres, si nos veræ Fidei munera, & præstita jam Redemptio, & Resurrectio promissa lætificet. Cur autem, Karissimi, de omnipotentis beneficiis ambigamus? Numquid sine causa homo est factus ex femina, qui incomprehensibiliter de Deo natus est Deus? Numquid frustra vagire in cunis voluit, qui terrificis tonitruum suorum vocibus terram, Cælumque tremefacit? Numquid incassum flevit, qui a nativitate cæcum novis oculis sputamenti sui virtute ditavit? Numquid otiose potatus aceto, cibatus est felle, qui vastissima in heremo sitientibus de petra rivos, & esurientibus de cœlo potuit manna præbere? Numquid inanis ejus est Passio, qui in investigabili voluntatis suæ secreto de cœlestibus descendit ad crucem? Et ideo quia crassitudine carnalis ingenii Passionum ejus mysteria comprehendere non valemus, tenebimus autem, quæ præstitit, teneamus. Tenebimus autem, capiemusque dona gloriæ ejus, si vitam nostram Fides muniat, & a Fide vita non discrepet. Et sicut ille nobis voluit placere moriendo, ita nos gestiamus ei non displicere vivendo, ipso præstante, qui cum Patre &c.

S E R M O VI.

De Pascha.

JUSTissime, Fratres, generali hodie gaudio mundus exultat, quandoquidem revertente a mortuis Christo cunctis ubique mortalibus spes orta est resurgendi. Et necesse est, ut creaturarum Domino triumphante, illustrata per eum creatura lætetur. Gaudet itaque Cœlum, quia videt jamdiu peccatis sordentem terram Domini sui cruore purgatam. Gaudet multitudo cœlestis exercitus, quia conspectu Regis sui omnis inimici Principis debellata militia est. Gaudet etiam Sol, quia lugubres illas tenebras, quas Domino moriente pertulerat, lætioribus radiis, & perpeti gratulatione compensat. Inter ista, Karissimi, præcipue nos convenit exultare, quorum causa Unigenitus Dei, & ipse Deus, humanam induit carnem, quatenus per carnem hominis veniret ad crucem, per crucem susciperet mortem, per mortem spoliaret Infernum. An non lætandum nobis est, quibus novi mysterii Sacramento peccata tolluntur, cœlum datur, redditur Paradisus? Denique latroni tunc in Cruce pendenti, cum Fidem ejus nec sua, nec Christi pœna turbaret, ait ipse Dominus: *Amen dico tibi: Hodie mecum eris in Paradiso*; dicebat enim latro: *Memento mei Domine, cum veneris in Regnum tuum*. Quam mira hæc fides est, Fratres, ut latro, qui vitam non merebatur habere præsentem, inter supplicia sua spem perpetuitatis adsumeret, camque sibi a Crucifixo crederet posse præstari? Et quam juste tantæ promissionis munus latro fidelis accepit, qui tunc regnum confessus est Christi, quando & Apostoli turbabantur? Atque ideo omnia Latronis antea facta scelera unius meriti confessionis absolvit, & quidquid longa ætate deliquerat, brevissimo sermone delevit. Nec latrocinii eum sui apud Deum sanguis damnavit, quia Christi sanguinem regnum credidit esse,

esse, non poenā. Quod factum, Karissimi, universo hominum generi profecisse non dubium est. Nam quis de Dei gratia absoluto Latrone desperet, si tamen supplicantium preces Latronis credulitas subsequatur? Habemus & aliud magnificum Dominicæ pietatis exemplum, quo omnem mortiferæ desperationis formidinem deponentes de ineffabili Redemptoris nostri indulgentia confidamus. Cum enim condemnatus ab impiis penderet Christus in Cruce, furorque Judaicus inluderet Crucifixo, omnipotentem Patrem pro intersectoribus suis ipsa inter vulnera pius suffragator orabat dicens; *Pater dimitte illis. Nesciunt, quid faciunt*; & cum in manu esset ejus vivorum, mortuorumque judicium, veniam tamen pereuntibus precabatur; sed ea, ut arbitror, ratione, ut indubitanter ostenderet, & se ejus tam nefarium relaxare delictum, & a suo illos Patre non esse damnandos, quibus ipse parcebat, si tamen ad nomen Christi repudiata perfidia convenirent. Nam quis revera de petitionis cunctetur effectu, ubi remedium miseris bonus polcit a bono? *Nesciunt, inquit, quid faciunt*. Sciebant quidem Judæi, sanguinem se fundere innocentis, sed nesciebant peccata omnium illo cruore deleri. Sciebant acerbissimo se Crucis supplicio punire Christum, sed nesciebant Dei Filium triumphare per Crucem. Sciebant, eum esse moriturum, sed rediturum a mortuis ignorabant. Unde egregie a Domino dictum est: *Nesciunt, quid faciunt*. Nesciebant profecto Judæi, illa sua impietas quantæ esset ministerium pietatis. At vero Dominus virtutis suæ sibi conscius, errores miseratus humanos, plenissime sciens supplicia illa quæ quantaque gaudia sequerentur, crucifigentium facinus & inter tormenta benignus absolvit, mortemque suam vitam voluit esse occisorum, & damnationem fieri noluit occidentium. Rediens autem ab Inferis sic suos requisivit Apostolos, ut inesse sibi & potentiam divinitatis, & veritatem carnis ostenderet. Et ideo, Fratres Karissimi, Christo a mortuis resurgente lætemur, carnemque illum suam ab Inferis revocasse credamus, ut possimus & Apostolicæ gra-

16
gratiæ, & Dominicæ Resurrectionis desiderabile confortium promereri.

S E R M O VII.

De Pascha.

ANnua quidem nobis, Fratres Karissimi, Dominicæ Resurrectionis festivitas redit, sed ubi Religionis est veritas, novum semper est Fidelibus Sacramentum, ut ait Beâtissimus Paulus: *Vetera transierunt, facta sunt omnia nova*. Nec immerito semper novus credendus est Dei Filius, qui nullam sentit prætereuntium temporum vetustatem; novus quippe est, Fratres, in quo ætatis nulla mutatio est, nec aliquando aliud novit esse, quam natus est. Deus enim procedens de Deo, ut nativitatis non habet tempus, ita finem non potest habere vivendi, ut ait ad eum gloriosissimus Patriarcha David: *Tu autem idem ipse es, & anni tui non deficiunt*. Et non solum ipse homo Christus, qui cum Deo factus est unum, semper est novus; sed, sicut videri datur, spiritualium aquarum fomento, & cœlestis Fidei nutrimentis humani generis labentem renovat senectutem, dicente B. David: *Emitte Spiritum tuum, & creabuntur, & renovabis faciem terræ*. Renovatur nimirum facies terræ hominis, cum vetusta Diaboli captivitate deposita, novam novi Regis inducit libertatem. Ipsi namque Domini sententia est dicentis: *Si vos Filius liberaveris, vere liberi eritis*. Et recte, Carissimi, solus Dei Filius peccatores liberat, quia solus liber est a peccato, ut ipse de se testari dignatus est per Prophetam dicens: *Factus sum sicut homo sine adjutorio inter mortuos liber*. Sine adjutorio itaque tunc videtur effectus, cum saviendi in eum acciperet furor Judaicus potestatem. Exitit vero inter mortuos liber, quia inter omnes mortales solus causas moriendi non habuit. Propter quod & victa per eum mors retinere eum non potuit resurgentem. Vide-
te au-

te autem, Carissimi, quantum sit in Christi humilitate mysterium, qui cum æternus sit ab æterno, & Dominus universitatis, servorum tamen suorum perficiat libertatem. Gaudet injuriis, exultat opprobriis, omnisque ei triumphus in Cruce est, admirandoque remedii genere Diabolum patiendo superat, & hominem moriendo vivificat. Quæ omnia pro nobis Unigenitus Dei pietate adgressus est; virtute sustinuit; humilitate perfecit. Ait de hac ejus humilitate Esaïas Propheta dicens: *Sicut Agnus coram tondente se sine voce; sic non aperuit os suum in humilitate sua.* Quam speciosa, Fratres, comparatio ista, atque accommoda veritati. Sicut enim cum tondetur agnus, nescit reclamare tondenti, ita cum crucifigeretur Christus, non restitit vulneranti. Spoliatur Agnus, & silet; occiditur Christus, & tacet. Silentium agni lanigero detonso vellere hominem vestit. Taciturnitas Christi cunctis credentibus æternæ salutis indumenta prætexit. *Non aperuit, inquit, os in humilitate sua, idest quod inter opprobria, & maledicta tacuit Christus, non fuit miseræ, sed virtutis.* Tali enim proposito Dei Filius mundum redempturus advenit, ut superbos humilitate, contumaces modestia, maledicentes silentio triumpharet. Ita sane & legitur: *Cum malediceretur, non maledicebat.* Nec dubitandum hæc, Fratres, quia maledicere vera benedictione sciebat; neque enim terrenis moveri poterat maledictis, qui benedictiones venerat præstare de Cœlo. Et recte sapientia Dei Christus, nulla maledicentibus maledicta referebat, quia omne maledictum patientia percussum in suum redit auctorem. *Humiliavit itaque se Christus, ut ait Apostolus, factus obediens usque ad mortem; mortem autem Crucis.* Usque ad mortem se crucis humiliat, ne cœlestis hostia vili aliqua, & consueta morte succumberet. Sed ut Dei, atque hominum mediator in medio Cœli, & terræ susceptæ mortis perficeret Sacramentum. Auctor itaque vitæ nostræ conditione est mortuus, ut nos illius privilegio viveremus. Crucifixus ergo est Dei Filius, non ut Crux Christum fœdaret, sed ut Sacramento Christi

Tom. IV.

B

Cruce

Crux nostræ fieret insigne victoriæ . Denique nos omnes, qui Christi confessione gaudemus , Crucis signaculo gloriamur . Neque vero Christiana quis potest militia censerī, nisi fideli manu vexillum erexerit Crucifixi . Ob hanc Crucis mortem , sicut legitur , exaltavit Omnipotens Christum suum , nomenque illi super omne nomen dedit . Dedit illi nomen super omne nomen , cum ditioni , potestatique ejus cœlestia tradidit , mundum , & inferna subjecit , ut ait ipse Salvator : *Omnia mihi tradita sunt a Patre meo in Cælo , & in terra .* An non videtur tenere super cuncta dominatum , an non habere principatum , quem , sicut legitur , creatura omnis flexo curvata genu tremit , & suspicit imperantem ? Denique nonnullæ jam gentes , cum inter se diversitate vivendi , & linguarum varietate diffideant , in confessione tamen Christi uno pariter ore concordant . Et licet aliqui ex eis suasionē pessimā de ejus a nobis discrepent Deitate , nobiscum tamen & passum illum , & redisse a mortuis confitentur . Et ideo nos , dilectissimi , Resurrectionem Christi Regnumque credentes , castis mentibus , & sancta devotione lætemur , quatenus quod universitas credit , nos quoque non discredere fide , & operibus adprobemus .

S E R M O VIII.

De Pascha .

Prophetarum præcipuus Beatissimus Esaias , qui mysteria Nativitatis , Resurrectionisque Dominicæ clarissimis vocibus intonavit , ait inter cætera : *Latere Cælum , & exultet terra , erumpant montes jocunditatem , & colles justitiam , quia misertus est Deus populo suo , & humiles populi sui consolatus est .* Hoc præconium , Fratres , ad hos quam maxime pertinere dies , festivitatemque prænunciare Paschalem , & ex ipsius lectionis advertimus serie , & ex consequentibus edocemur . Recte igitur

tur

tur nunc Cœlestia in omnem lætitiā provocantur , quando Unigenitus Altissimi , contritis Interni portis , dejectoque Diabolo , mœstissimis mortalibus gaudia beatæ perpetuitatis invexit . Quomodo autem poterat non gaudere Cœlum , cum videret Dominum suum peracto salutis nostræ proelio ad sedem majestatis suæ , & ad dexteram Patris sedere victorem ? Gaudet Cœlum , quod Dominus suus , proposito paternæ voluntatis implero , ac triumphi sui merito Regnum universitatis accepit . *Lætare* , inquit , *Cœlum* , & *exultet terra* . Exultat nimirum humani generis terra , quæ sanguine Agni cœlestis aspersa non solum redditur Paradisum , sed regnatura cum Domino vocatur ad Cœlum . Exulret & caro nostra , quæ verè est terra , quoniam glorificata per Christum societatem divinitatis emeruit : *Erumpant* , ait , *montes jocunditatem* , & *colles justitiam* . Hos montes , collesque , qui excitantur ad gaudia , Patriarchas dici non inconvenienter accipimus , sicut & in David Sancto legimus : *Inluminas tu mirabiliter a montibus æternis ; & a libi : Montes exultaverunt , & arietes , & colles , sicut agni ovium* . Nec immerito justii quique montes nuncupantur , & colles , qui terrenæ conversationis humilia relinquentes , ad superiora Cœlestis vitæ Fidei suæ verticem sustulerunt . Justissime itaque venerabiles Patriarchæ adsumere jocunditatem sermone Prophetico commonentur . Quorum proles , idest Christus Dominus , mortis suæ resurrectionisque mysterio , etiam præteriti sæculi Patribus vitam refudit amissam . Jocundantur omnimodis Patriarchæ , quorum de germine natus Dei Filius , universam mundi faciem Diabolicis dudum impietatibus sordidatam immaculati corporis sui novo cruore deterfit . Et ideo , Fratres , quia lætari Cœlum , exultare terra , montes , collesque gaudere cognoscimus , nos quoque religiosa Deo nostro gaudia deferamus ; celebremus Pascha Domini , ut ait Apostolus , *non in fermento malitiæ , & nequitia , sed in Azymis sinceritatis , & castitatis* . Celebrabis , Frater , Pascha in Azymis sinceritatis , & castitatis ; si sensus tui redolentes Dominicum panem , nullo

vitiorum fermento, nulla Diaboli aspersione coalescant. Celebrabis Pascha, & claritatis ejus splendore fulgebis, si in corde tuo nullæ tenebrę cogitationis adulteræ tanti Sacramenti lumen obscurent. Celebrabis Pascha in Azymis veritatis, si ad Ecclesiam Dei castus, si sobrius, si justus, si pacificus, si plenus fraternæ Charitatis advenieris. Nemo enim potest, vita inemendabili, corde impœnitens, & cum Diabolo scelerum habere consortium, & cum Christo sanctitatis celebrare mysterium. Deponamus itaque omne iniquitatis fermentum, ut possimus vere participes hujus esse lætitiæ, ad quam per Spiritum Sanctum voce Prophetica montes convocantur, & colles, ad quam etiam Cœlum invitatur, & terra. Quis enim ita sensu hebeti stupet? quis ita mersis in terram oculis tenebroso mente cæcatus est, qui non hæc totius orbis vota omni cum exultatione concelebrat, in quibus remissio peccatorum, regenerationis gratia, Redemptionis mysterium, Resurrectionis gloria, & spes æternitatis adridet?

S E R M O IX.

De Pascha.

Redemptionis nostræ mysterium, Fratres Karissimi, quod de Cœlo veniens salutem nostram operatur in terris, tanta se majestate, tantaque dignatione circumfert, ut virtus ejus, & veritas occulta sit perfidis, manifesta credentibus. Ut enim quod est sanctum Fidelibus innotescit, ita rem Fidei videre non potest perfidia. In examinandis namque cœlestibus rebus omnis sapientia infatuatur humana, atque omne cor mortale torpescit, ut ait gloriosissimus Doctor Paulus Apostolus: *Sapientia hujus mundi stultitia est apud Deum*. Ipse etiam Dominus, ac Salvator noster mundi hujus sapientiam reprobens dicebat: *Gratias tibi ago Pater, quia abscondisti hæc a Sapientibus, & prudentibus, & revelasti ea parvu-*

parvulis. Discite itaque per hæc, Fratres, sacramenta vitæ nostræ non Philosophicis adsequenda doctrinis, sed parvulorum simplicitate credenda, quia profundo illo Dei nostri, magnoque iudicio, quod sapientibus conditur, parvulo revelatur. Parvulus enim dicitur, non cui ætas sit imperfecta, sed qui mysteriis nescit contrariare divinis. Et recte parvulus nuncupatur, qui voluntati Dei sui non parat argumenta, sed Fidem. Absconditur ergo sapienti, ne manifesta videat, quod superbe, & imprudenter elatus plus se sapere, quam Deum posse, contendit. Et ideo quæstiones sæcularis sapientiæ refutantes, teneamus Fidem, quæ parvulis revelatur, incunctanter credentes operatione Cœlesti Virginem concepisse, atque edito Filio Virginem mansisse post partum. Nec dubitemus eum natum de Virgine, quem sola digne potuit parturire Virginitas. Et hoc est, Karissimi, in quo a mundi hujus Sapientibus discrepamus, quia illi in Christo immoderatis disceptationibus suis partus feminei despiciunt vilitatem. Nos vero, inluminati Fide, Virginalis uteri suspicimus Sacramentum. Christus enim Deus, ac Dominus noster ita in semetipso quod habebat de Patre, & quod de matre sumebat, ineffabili societate devinxit, ut Incarnationis ejus profundum, repulsa procul sapientum prudentia, simplicitas inspiceret parvulorum. Denique ut ad sequentia veniamus, rident Gentes, quod Crucifixus est Christus, non intendentes, quia per Crucem illius Mundus intremuit, clausus est dies, & quod nullis antea contigit sæculis, Cœli Dominum Inferna viderunt. Adjiciunt etiam dicentes: Quomodo Christus vester, ut Deus, a vobis colitur, qui timuit mori? Si ergo nosti, quia mori timuit Christus, cur ignoras, non ignaviæ, sed mysterii fuisse, quod timuit? Timuit quidem Christus, sed ut timere aut vellet, aut posset, de nostri illud corporis infirmitate suscepit. Inde enim timuit, unde & esurivit, unde tristis erat, unde dormivit, unde doluit, unde flevit. Quid hoc rei est? Vides Christum timentem mori, & non aspicias eum triumphali manu captivæ mortis spo-

lia detrahentem? Vides, quod timuit moriē, & videre detrectas, quod mortuum suscitavit? qui peragratis Inferis sibi vitam reddidit post sepulcrum? Noli ergo illum despiciere mortuum, qui sepulturam suam Resurrectione glorificat. De Matre enim traxit, quod mortem susceperat; a Patre detulit, quod mortuum suscitaret. Surgens autem ab Inferis, ut ostenderet sibi inesse suscitati sui corporis veritatem, ait ad Discipulos suos dicens: *Palpate, & videte, quia Spiritus carnem, & ossa non habet, sicut me videtis habere*. Ossa sua ostendit, & carnem, ut nullus ambigeret ipsum redisse de tumulo, qui clavis fuerat transfixus in ligno. *Palpate*, inquit, *& videte*, idest palpate manu, videte Fide, quia inest mihi & corporis mei veritas, & proprietates Deitatis. Spiritus, inquam, carnem, & ossa non habet, sicut me videtis habere. Idest non est naturæ, ut spiritus vel ossa possit habere, vel carnem; meo vero mysterio factum est, mea Patrisque mei virtute, ut & caro mea in Spiritu, & Spiritus in carne semper mihi inseparata constarent. Videte ergo, videte, quia ego ipse sum, qui clavis, lanceaque transfossus mortem timendo non timui, qui vulnera mea non medicinalis artis industria, sed moriendo curavi, qui in corpore meo clavorum vestigia non mihi, sed vestræ Fidei reservavi. Volui enim salutaris illius Passionis in me non delere memoriam, ut in cordibus vestris Resurrectionis meæ veritas permaneret. Et ideo, Fratres, honoremus Domini morientis mysterium, ut possimus gloriam resurgentis accipere. Veneremur Crucifixum, ut mereamur eum videre Regnantem. Elegit enim mori, non ut illum sibi vindicaret Infernus, sed ut mortuos a mortuis liberaret.

S E R M O X.

De Pascha.

Supernæ voluntatis, ac dispositionis profunda, Fratres Karissimi, nisi fide sequamur, intelligentia interturbatur humana, & in magnitudine operum divinarum nisi omnipotentis Dei terreremur arbitrio, mortalis ingenii ratio velut infirma succumbit. Et ideo quæ Deus agit, non sunt rimanda verbis, sed devotione credenda. Nam in Christum Dominum nostrum ita Dei, hominisque Sacramenta concurrunt, ut sub quodam geminæ actionis officio, & in maiestate ejus humilitas fulgeat, & regnet in humilitate maiestas. Erat quippe ipse Christus sub unitate substantiæ diversæ, per mysteria Redemptionis nostræ, homo potens, & humilis Deus; sed secundum propositum gloriæ suæ humilitas Dei homo est, & potentia hominis Deus est. Humilis sane dicitur Deus, ubi prærogativam propriæ divinitatis inclinans Cruci suum corpus adfigi, mundo ipso lugente, permisit; & potens est homo in Deo suo, cum verbi ejus imperio infirmitates discedunt, sanitates languentibus redeunt, immundi fugiunt spiritus, & Angeli obsequuntur. Itaque cum novi hominis hujus sit tanta potentia, debemus advertere, quia omnis illa Dei humilitas dignationis est pietas, non deletio potestatis. Per hoc nimirum Sacratissimum Incarnationis mysterium ita in unum Dominum, unamque personam caro convenit, & Verbum, ut & Deus putaretur natus e femina, & homo credatur venisse de Cælo, secundum quod ait: ipse Salvator dicens: *Nemo ascendit in Cælum, nisi qui descendit de Cælo Filius hominis, qui est in Cælo.* Quæso nunc, quomodo ante Passionem suam Christus, cum necdum glorificatus properasset ad Patrem, in cælo esse se dixit, ascendisse etiam vel descendisse de Cælo? Quomodo, Fratres, nisi quia ipse erat Filius hominis, qui Fi-

lius Dei? Nec possumus seorsum aut hominem sine Deo, aut Deum sine homine confiteri. Nonne videtur cœlum transcendisse homo, quando in utero Virginis unitus est Dei Verbo? & tunc descendisse de cœlo, quando nihil sibi de genuina maiestate sua vindicans, hominem suum poenali tradidit passioni? Atque ideo in Cœlo erat Christus, cum potestate cœlesti miranda faciebat; erat nihilominus & in terris, cum mitis, & humilis terrenas per impios pateretur injurias: Inde etiam erat, quod dum inter concertantes Judæos de ipso Domino populorum ferberet diversa sententia, alter illum despiciebat ut hominem, alter mirabatur ut Deum. Inde erat, ut alii illum crucifigerent, alii adorarent, sicut & Latrones illi pariter crucifixi, unus illum tamquam consortem supplicii, ut perfidus increpabat, alter ut Deum sentiens precabatur. Et hoc ideo, Fratres, quia erat tunc simul in Christo & Regnantis dominatio, & ministerium servientis. Nam, *cum in forma Dei esset*, ut docet Paulus Apostolus, formam induit servitutis. Erat revera in forma Dei Christus, cum aquas in vino vertendo creaturarum se esse Dominum revelabat. In forma Dei erat, cum præcepto ipsius de obsessis corporibus, ac vetustis & sedibus reclamantes Dæmones pellebantur. Erat in Dei forma, cum mediis in fluctibus unda solidata, nec tamen sine timore, venerandis ejus vestigiis serviebat. In forma autem servi erat, cum itineris-fatigatione lassatus velut requiescens super os putei sedebat. Formam servi agebat, cum in eum insultantes impii sordidissimi oris sui sputamenta proficerent. Servi formam susceperat, cum faciem suam, quam intueri credentibus pavori erat, a palmis, & ictibus ludentium non vertit, & quod his, qui vere sunt servi, perpetui erat turpissimum, etiam scapulas suas, quibus nostra venerat peccata portare, verberantium manibus inclinavit. Quasi servus utique erat, cum salutare ipsius caput inimicorum contexta manibus spinea corona fœdabat. Itaque, Fratres, cum unus, idemque Dei Filius mira fecerit, stenda pertulerit, unus idemque erat & ser-

& servus, & Dominus. Totum enim ut Dominus poterat, & totum patiebatur ut servus. Sed jam videamus, quibus potissimum virtutibus, quibusque gradibus ille, qui servus erat, Deum se esse suis discipulis confirmavit. Primo omnium fidelissimi Centurionis necessarium famulum, cum lethaliurgeretur incommodo, rogarus ab ejus domino, absens absentem, ut vere Deus, missa sanitate curavit, & aegrotum illum, quem paulo longius decumbentem corporaliter non videbat, Deitatis suæ oculò visitavit. Deinde miserandæ viduæ unicūm Filium, cum jam sepeliendus lecto portaretur ad tumulum, jussione vivificantis imperii suscitatum, vitæ simul ac matri, medias inter turbas, & morte ipsa teste, restituit. Post hæc Sacerdotum Principe pro salute filiae suæ supplicante, ipse qui vitam nascenti dedecrat, defunctæ puellæ animam proprium reduxit in corpus. Ac ne de miraculis recentioris obitus apud impios concludii remaneret ulla suspicio, & putarentur non esse mortui tam velociter suscitati, ad Beati Lazari pergitur sepulturam, qui quadriduanus, & foetidus, vinculis insuper, ut moris est, conligatus, ad præceptum Christi vocantis exiliens, factus est continuo Domino suo in colloquio particeps, & in mensæ societate conviva. Quæ omnia facta sunt idcirco, Karissimi, ut nemo penitus de ejus reditu ab Inferis disputaret, qui probabatur tanta gloria suscitasse defunctos. Et ideo credamus Domino Deo nostro tam stupenda mirabilia facienti. Amemus cum tam magna nobis beneficia conferentem, suscitantem mortuos. Veneremur ab Inferis resurgentem; colamus, adoremus etiam ad Patris dexteram consedentem, atque omni devotione vivorum mortuorumque venturo Judici serviamus, qui cum Patre, & Spiritu Sancto &c.

HOMILIA SANCTI MAXIMI TAURINATIS EPISCOPI

De Natali Sanctorum Martyrum.

Sicut scimus, Fratres, vota semper Domini subsequitur festivitas servulorum. Unde recte post Sanctum Pascha Christi Domini Natalis celebratur Martyrum Beatorum, scilicet, ut quem subsecuti sunt similitudine Passionis, etiam comitentur & gloria Resurrectionis. Comitantur autem cum & gloria Resurrectionis dicente Apostolo: *Quod si socii passionum estis, & resurrectionis eritis.* Est ergo Sanctis Martyribus cum Christo in ejus Resurrectione societas; est plane, quia etsi nondum surrexerunt, certe jam merito, etsi adhuc non sumpturunt sua membra, sumptur jam gratiam. Si nondum liberati sunt ab Inferis, liberati sunt a peccatis; hæc est enim prima Resurrectio peccatorum evasisse tenebras, lucem possidere justitiæ. Verumtamen etiam fortasse plurimi ex hisdem Beatis Martyribus cum Domino Resurrectionem corporaliter vel consequantur, vel fuerint consecuti. Nam si legimus in prima Resurrectionis festivitate suscitante se Domino multa Sanctorum corpora suscitata revixisse, & introisse in Sanctam Civitatem, cur non quotienscumque Resurrectionis ejus Festivitas celebratur, totiens resurgere credamus & Sanctos? Ubi enim votorum jugis est solemnitas, gratia jugis est & donorum. Sed fortasse quis dicat: Sepulcra clausa sunt, monumenta constructa, quemadmodum prodire exinde potuerunt? Ut taceamus, quia omnia possibilia sunt Deo, & quod clausi tumuli penetralibus possit spiritale corpus educere, ut hæc omnia prætermitteram, Johannis tamen Apostoli habemus exemplum, quem tumulus susceptum claudere potuit, custodire non potuit; nam depositum corpus perdidit, non absumpsit. Sic enim clauso e tumulo gratia Resurrectionis ablatum est,

*Nota de S.
Johanne E-
vangelista.*

est, ut constaret sepultura, non inveniretur sepultus. Denique cum Sacerdotes honorandi causa corpus inquirerent, referato aditu tumulus non potuit reddere, quem suscepit. Hostias ergo secum suas Salvator suscitavit, cum resurgit.

SERMO XII.

De Ascensione.

Religiosis admodum gaudium, devotaque lætitia, Fratres Karissimi, hodierni mysterii nobis est celebranda festivitas, quia Christus Dominus noster, cui inter primordia congressionis suæ remptator ille dicebat: *Si Filius Dei es, dic ut lapides isti panes fiant*, Cœlum hodie penetrans omnem credentem vivi lapidis confirmat munimine, & cœlestis panis refectione vivificat, & quem totius doli artifex explorabat dicens: *Si Filius Dei es, mitte te deorsum*, non solum deorsum non corruit, sed sumptis æternæ gloriæ pennis victor æmuli sui volavit ad cœlum. *Ascendit* enim, sicut scriptum est, *super Cherubim*, & volavit, volavit *super pinnas ventorum*. Et cui tunc Diabolus, si ab eo esset adoratus; regna & potestates sæculi promittebat, sprete vanitate temptantis, Dominatum mundi, & sempiternum Cœli accepit imperium, ut ait ipse: *Omnia mihi tradita sunt a Patre meo in Cælo, & in terra*. Nec immerito Beatissimo remuneratus est regno, qui legitimi Regis animum gerens, tyrannica promissa despexit. Magnis igitur, adprobatis, incomprehensisque miraculis mysteria nobis Christi, virtutesque succrescunt. Nam quem maternus uterus in usum præsentis vitæ humana per incrementa produxit, ingenito confœderatus Patri dextera ejus perpetuus Dominator adsedit, & quem terris persequentum vox impia blasphemabat, obsequentium nunc Angelorum laudatio indefessa concelebrat, sicut scriptum est: *Laudatio ejus manet in sæculum sæculi*. temur

temur itaque, Fratres, & exultemus in Domino, quia hodie Coeli alta transcendens ad paternæ sedis incogitabilem majestatem Christus ascendit, & hominem, quem invidia malignantis inimici prima illa Paradisi habitatione depulsum, projectumque in hanc mundi labem fecerat esse peregrinum, Angelica in patria collocavit, & Paradisi exulem civem cœlestium fecit. Propter quod, Karissimi, immensa nobis est gratulatione lætandum, quia quos temptator elisit, Salvator crexit, & quos peccatum Diaboli vinxerat, Christi gratia liberavit, sicut ait Beatissimus Paulus Apostolus: *Ubi abundavit peccatum, superabundavit & gratia*. Vere superabundans gratia, quæ delecto homini mortem transfudit ad vitam, & penam vertit in præmium. Nam quod revera potest majus esse præmium peccatori, quam quod ejus causa Unigenitus Dei induit carnem, Crucem pertulit, sepulturam dignatus est, inferna non horruit, damnatoque ipso auctore delicti susceptum hominem portavit in Cælum? Intendite itaque, dilectissimi, quia plus profuit homini culpa, quam nocuit; nam qui prævaricationis humiliatus lege captiva Diabolico jugo colla subjecerat, omnia tyrannicæ captivitatis vincula a Dei Filio captus evasit, sicut ait de ipso Domino Redemptore nostro venerandus David: *Ascendens in altum captivam duxit captivitatem, dedit dona hominibus*. Quid ergo prodest nobis, si captivitatem nostram captivam sursum Dominus duxit, ut quod captum a Diabolo erat non desineret esse captivum? Per omnia nobis prodest, Karissimi, & inestimabiliter prodest, quia in captura Diaboli dura est servitus, & beata in Christi captivitate libertas. Nec dubium, quia omnis captus a Diabolo, traditus Inferni tenebris semper in luctu est, & in lumine cœlestis Regni Christi captivus exultat. Ait ergo Beatus David: *Captivam duxit captivitatem, dedit dona hominibus*. Videte, & advertite, quam nos expediat Christi esse captivos, qui captis suis non solum æternam tribuit libertatem, sed & ineffabilia cœlestium munerum dona largitur. Ideoque alio in loco Patriarcha

cha

cha decantat: *Converte Domine captivitatem nostram, sicut torrens in Austrum.* Converte, ait, non averte, id est præsta Domine ut qui jamdudum capti a Diabolo sumus, tui tandem mereamur esse captivi. Scimus enim, quia Diabolo esse subjectum peramara conditio est, & inexpleta tibi Domine servire jocunditas. Nec ambiguum hoc, Fratres, quia ipse Dominus ait: *Jugum meum suave est, & onus meum leve.* Idcirco distrumpentes infidelitatis vincula, & projicientes a cervicibus nostris jugum Diaboli, omni cum devotione colla nostra Dominico subdamus imperio, quia magnam credentibus confert Evangelicum jugum, & Christi captivitas suavitatem. Qui cum Patre &c.

SERMO XIII.

Idem.

De Ascensione.

Hodierni diei festivitatem, Fratres Karissimi, mysterium nobis Dominicæ Ascensionis instituit, ut Unigenitum Dei, quem pro Redemptione omnium ad terras venisse gaudemus, pro æternitate nostra Cælum lætemur ingressum; nam hæc est veritas Fidei salutaris, ut cujus passionem credimus, gloriā non negemus. Nec magni sane miraculi res est, quod ad Cælum redit, qui venit e Cælo, sed quod hominem, quem suscepit e terra, pervexit ad Patrem. Ait Beatus David: *Latentur Cæli, & exultet terra,* quod eum de Sacramento Christi cecinisse non dubium est; nam exultat terra, quæ regnare suum videt in cælestibus Redemptorem. Lætatur Cælum, quia & Deum suum, quem habuit, non amisit, & hominem, quem non habebat, accepit. Gaudet terra, Filium Dei descendisse de Cælo, sed non minus exultat Cælum Filium hominis ascendisse de terra. *Sedit,* inquit, *ad dexteram Patris.* Quam necessarium erat, Karissimi, ut caro hominis, quæ jamdiu erat peccato dominante captiva, illic vivendi acciperet libertatem,

rem, quo culpa transire non possit? Ascendit ergo ad Patrem Salvator, ut & ipse debito potiretur imperio, & nobis æternitatis promissæ spes integra permaneret. Nec dubitandum, Fratres, de hoc Domini, quem prædicamus, ascensu. Nam si Helias quondam Dei famulus ob castitatis, & Fidei merita curru flammeo, & equis igneis usque ad cælum est elevatus, cur non tota devotione credamus, Christum nostrum cælos supergredi potuisse, qui sempiterni Patris & Verbum est, & voluntas? De hoc nempe dictum est per Spiritum Sanctum: *Regna terra psallite Domino, qui ascendit super Cælos Calorum ad Orientem*. Et iterum: *Dominus in Cælo paravit Sedem suam, & regnum ejus omnibus dominabitur; & alibi: Dominus ascendit super Cælos, & tonat*. Aut quomodo poterat non in Cælum recipi, qui humanum genus vocabat ad Cælum? Exultemus itaque, Dilectissimi, & lætemur, quia ibi esse nostrum novimus Redemptorem, unde cuncta & prospicere possit, & regere, & quia illic creptum ab Inferis hominem collocavit, ubi non arbor scientiæ boni, & mali mortifera poma prætendat, sed salutaris, ac simplicis bonitatis inhabitat plenitudo.

Unde supra.

S E R M O X I V .

De Ascensione.

Quantus & quam investigabilis sit in operibus suis Unigenitus Omnipotens Dei, ineffabilem mysteriorum ejus magnitudo declarat, qui suscepto adversus mundi Principem prælio, pugnando in homine, & vincendo per hominem, terrarum incolam cœli, terræque Dominum fecit. Qui etiam corpus illud humilitatis nostræ, quod fragili adsumpsit e femina, variis persequentium objecit injuriis, Cruci etiam permisit adfigi, elevatis æternalibus portis secum, & in se hodie evexit ad Patrem. Denique Beato David instruyente cognovimus, collo-

colloquentibus inter se Virtutibus Cœli hæc prædicta mortalibus; ait enim: *Tollite portas Principis vestri, & elevamini porta æternales, & intraibit Rex gloriæ*. Recte, Karissimi, æternales elevatæ sunt portæ, quia gloriosissimo Regi, & æternitatis Domino, mirabilis ad superna parabatur ingressus. Adnunciatur ergo per Patriarcham, eundemque Prophetam, elevatas æternales portas, ut advertamus præeunte illuc Christo, Cœlum jam patere mortalibus. Patebunt, dilectissimi, portæ illæ Fidelibus, & semper patebunt, quas devicta morte, triumphatoque Diabolo, ad Patrem pergens prævius Salvator aperuit. Mirantibus autem, & percunctantibus, quis esset iste Rex gloriæ? ita protinus respondetur: *Dominus fortis, & potens, Dominus potens in prælio*. Ideo ergo potens, quia fortis. Et illa revera est prædicanda potentia, quæ non alienis fulta viribus, sed sua sibi per omnia potestate subsistit; quæ a Domino, & Redemptore nostro non ambitione præsumpta est, non numerum redemptionis commercio, non ulla adulatione quaesita, sed perfecta, & simplici virtute possessa. Nam quod *Patri obediens fuit usque ad mortem Crucis*, sicut ait Apostolus, *dedit illi nomen, quod est super omne nomen, ut in nomine Jesu omne genu flectatur caelestium, & terrestrium, & infernorum*. Hic enim cum dicit: *Dominus fortis, & potens*, non genuina Christi a Patre potentia, sed invicta novi hominis fortitudo laudatur. Neque vero magnum erat, fortem dici illum, per quem creata sunt omnia, & qui omnipotens ab omnipotente processit. Fortis ergo, & potens in prælio, Dominus. Fortis non quia inimicos suos potenter occidit, sed quia pro nobis patienter occisus est. Potens, quia inter obprobria, & supplicia passionum tantæ sibi virtutis conscius, ut ministerium Redemptionis impleteret, suam noluit ostentare potentiam. Cum enim in forma Dei esset, non rapinam arbitratum est esse se æqualem Deo, sed semetipsum exinaniuit, formam servi suscipiens. Fortis itaque, potens est, & gloriosus. Fortis, dum a Diabolo in congressione non vincitur. Potens, dum subjugaturus mortem Inferni claustra

stra disrupit. Gloriosus, dum immaculato Sanguine suo captivitatis nostræ chirographo ex lege deleta ad Sedem paternæ gloriæ cunctis cœlorum virtutibus adorandus ascendit. Quæ igitur est hujus profunditas Sacramenti, quam insuspicabile Divinæ operationis arcanum, quod is, qui ante sæcula prodivit a Patre, & ille, qui in fine temporum processit ex femina, unus factus est Deus! Atque hoc ideo, ut cum esset Unigenitus indivisus a Patre, haberet homo in Unigenito Dei paterna cum immortalitate consortium. Propter quod, Fratres, sic Dominum ascendisse confiteamur in Cœlum, ut non nos sine eodem relictos esse credamus, quia ipse sub momento Ascensionis suæ, ait Apostolis: *Ecce ergo vobiscum sum omnibus diebus usque in consummationem sæculi.* Nam qui ita descendit a Patre, ut apud Patrem inseparabilis permaneret, sic nimirum de terris ascendit in cœlum, ut non relinqueret mundum. Est enim hæc omnipotentia Deo nostro, est hujusmodi ejus, & tam indefinita potestas, ut eum pro immensitate sui omnis ubique habeat creatura præsentem. Cui honor, & gloria in sæcula sæculorum. Amen.

SERMO XV.

De Pentecoste.

QUanta sit omnipotentis Dei cura de salute mortalium, ipsa solemnitatum nostrarum frequentissima Sacramenta declarant. Nam primo omnium, ut in celestem gloriam naturam transire possit humana, mortalis hominis corpus substantia divina susceptum, atque ut in hanc tantam beatitudinem mystici nos lavacri gratia præpararet, totius fluentia mundi suo Dominus Baptismate consecravit, & benedictio sacri corporis ejus cunctis ubique aquis regenerandi tribuit potestatem. Deinde ut Diabolum ipsum nostræ salutis, suæque voluntatis inimicum justus Dominus. justo certamine

mine triumpharet, crucifigi se ab eo sua, Patrisque sui voluntate permisit, ut immaculati passio fieret damnatio persequentium. Moriendo etiam Christus sese mortalibus adæquavit, ut superata morte vitam mortalium repararet. Cœli nihilominus alta conscendit, ut spem credentium, quam blanda promissione nutriverat, mirabilis ascensus sui præmisso confirmaret exemplo. Sed quia hæc omnia specialiter quodammodo per Unigenitum Dei munera nobis delata videbantur, Spiritus quoque Sanctus, cujus hodie salutarem celebramus Adventum, ut ejusdem se, qua Dei Filius erat, voluntatis, ac Deitatis ostenderet, redemptos Christi sanguine maiestatis suæ virtute supplevit, ut qui in utero B. Mariæ corpus novi hominis, salva ejus virginitate, formaverat, Apostolorum quoque ejus & corda cœlesti vigore firmaret, & linguas novo ditaret eloquio, quatenus idem Spiritus, qui redemptioni omnium Christum Dominum femineo mirabiliter a ventre produxerat, præstita varietate linguarum cunctis cum gentibus per Apostolos prædicaret. Quis non advertat, Karissimi, Unigenito Dei, & Spiritui Sancto concordem in omnibus voluntatem; quandoquidem quos Christus elegit in terris, Spiritus visiteret e cœlo? Et ideo, quorum unam videmus in Apostolis gratiam, unam necesse est credamus & in Deitate virtutem. Sic revera Apostolorum pectora Paracletus adimplebat, ut & Christi eis præsentia non deficeret; nam quorum indivisa sunt munera, est utique inseparata divinitas. Quod vero ingreditur Spiritus, in quos habitat Christus, non eis ad Deitatis crescit augmentum, sed ad Fidem proficit unitatis. Potuit nimirum Dei Filius, qui creaverat usum loquendi, discipulis suis diversitatem dare linguarum; sed reservata virtus est, per quam verus esse Deus etiam Spiritus probaretur. Hæc namque est, ut credimus, incomprehensæ dispensatio Trinitatis, ut cum omnia simul Pater, & Filius, & Spiritus Sanctus ejusdem Deitatis effectu inseparabiliter operentur, quædam tamen specialiter a singulis tribuantur. Nam pro remedio vitæ nostræ Pater nobis larg-

gitus est Filium, Filius regenerationis præstitit gratiam, virtutem Spiritus ministravit, sicut doctrina Patriarchæ psallentis adnunciat, cum dicit: *Verbo Domini Cæli firmati sunt, & Spiritu oris ejus omnis virtus eorum.* Quam necesse autem dedit Apostolis Spiritus scire gentium linguas, ut veritatem salutaris Fidei omnis per eos posset audire Gentilitas. Sed quod præstat Spiritus, præstat & Pater, quia totum cum Patre habet, qui totus semper a Patre procedit. Et quod præstat cum Patre Spiritus, præstat & Filius, quoniam de eodem Patre natus est Filius, a quo procedit & Spiritus: Ait enim Christus: *Omnia, quæ habet Pater, mea sunt.* Si omnia, quæ habet Pater, Filii sunt; ergo & quod Spiritus habet cum Patre, & Filio commune est. Et ideo quorum in nomine nulla divisio est, una eorum in omni operatione & voluntas credenda est, & potestas. Sic igitur in suis Fidelibus cœlestia Trinitas peragit Sacramenta, ut quamvis discreta videatur operatio, indiscretum tamen probetur imperium. Una itaque Filio, ac Spiritui Sancto cum Patre est Deitas, quia sicut de Deo nasci non potuit nisi Deus, ita dubium non est esse Deum, qui procedit a Deo. Qualiter autem ab uno, eodemque Patre, & Filius, qui erat, natus sit, & Spiritus, qui natus non est, procedat, ipsi soli divinitati notum est, quæ ut est, sola se novit. *Nemo enim, sicut lectum est, novit Patrem, nisi Filius.* Quod ergo novit Filius, novit & Spiritus, cui cum Filio, & Patre unum nomen, ac una est Deitas. *Qui, ut ait Apostolus Paulus, scrutantur altitudines Dei.* Scrutari autem dicitur Spiritus altitudines Dei, non ut ipse quasi occulta sibi, ac abdita rimari videatur in altero, sed ut tu advertas inscrutabilia tibi esse, quæ Dei sunt. Perspice itaque, Frater, profunda Patris nisi Filium, qui de ipso est, & Spiritum, qui ab ipso est, scire neminem posse. Nec coneris intendere, quod nulli est videre concessum. Credere enim tibi id, quod est, iustum est; non hoc ipsum, quod est, qualiter sit, investigare permissum. Acceperunt ergo Apostoli per Spiritum Sanctum diversitatem,

loquendi; sed unus Deus est, quem loquuntur. Et ob hoc cœperunt varietatem linguarum, ut diversitas gentium sermone multimodo Fidei disceret unitatem. Denique ut lectum est, differente Beatissimo Petro, *tria millia hominum crediderunt*. Nec incredibile sit hoc nobis, quia idem Spiritus & Apostolorum erudiebat linguas, ut credenda loquerentur, & ut prædicantibus Apostolis crederetur, audientium pectora idem Spiritus præparabat. Qui dabat loquentibus sensum, præstabat audientibus intellectum, ut non dubitetur unius esse virtus in ore loquentium, & in corde credentium. In his, Karissimi, opus quidem visibile, sed invisibilis operator; manifestus virtutis effectus, sed efficientis occulta majestas. Rectissime igitur victoriam, Fidemque Christi Spiritus adnunciat, qui adventum ejus promiserat per Prophetas, qui cum Virgineo formavit in utero, qui Baptismo ejus cum testimonio paternæ vocis adfuit in columba. Credentes itaque, Patrem, & Filium, & Spiritum Sanctum unius semper esse voluntatis, & operis, vinculo etiam Christianæ pacis uniti in præcepta Divinæ vitæ nostræ semitas dirigamus, ut plenitudinem gratiæ Dei, ac visitationem Spiritus Sancti sanitate Fidei, & actuum nostrorum conversatione mereamur.

SERMO XVI.

Ejusdem.

De Pentecoste.

POST festivitatem Dominicæ Ascensionis, Fratres Karissimi, Sancta Pentecostis hodie mysteria celebramus, ut sicut lætati sumus, cœlum pro nobis ascendisse hominem, ita nunc exulemus, nostri causa Spiritum Sanctum descendisse de Cœlo. Perrexit Christus ad Patrem; Paracletus venit a Patre; ut non ambigamus omnia nobis salutis æternæ munera omnipotentis Patris dispositione, & voluntate conferri, a quo Spiritus venit, & ad quem Filius vadit. Ascendit ergo in Cœlum

C 2

novus

novus homo, ut per ejus gratiam venire ad terras Spiritus dignaretur. Venit e Cœlo Spiritus Sanctus, ut regnare cum Patre Christum mortalibus nunciaret. Nam quis alius habitantibus terram divinum poterat aperire secretum, nisi particeps Divinitatis venisset e Cœlo? Lectum itaque est, ut audistis: *Et dum complerentur dies Pentecostis, erant omnes unanimes simul in eodem loco.* Et post pauca ait: *Repleti sunt omnes Spiritu Sancto, & ceperunt loqui variis linguis, prout Spiritus dabat eloqui eis.* Erant ergo unanimes Apostoli, & repleti sunt Spiritu Sancto. Ad unanimes venit, concordēs visitat, pacificos muneratur, & libenter venerabilium Apostolorum replevit corda, quorum jam pectora auctor, & magister pacis Christus habitabat; *seditque*, ut audivimus, *Spiritus Sanctus supra unumquemque eorum.* Advertite, Karissimi, quia pacificorum pectus sedes est Dei, ut ait Beatus David: *Et factus est in pace locus ejus.* Nec dubitandum, Apostolos invicem erga se unanimi gratiam custodisse, quibus transiturus ad Patrem prædixerat Christus: *In hoc cognoscens omnes, quia discipuli mei estis, si dilectionem habueritis ad invicem; & iterum: Pacem meam do vobis, pacem meam relinquo vobis.* Non est ergo mirum, si in peccatoribus Apostolorum dilectio murua, & pax Christi Spiritum Sanctum delectabat. Legimus etiam in Evangelio, Salvatorem dixisse discipulis suis: *Ego rogabo Patrem, & alium Paracletum dabit vobis;* & iterum ait: *Nam si ego non abiero, Paracletus non veniet ad vos; si autem abiero, mittam illum ad vos.* Quis itaque poterit impune non credere, vel Sanctum Spiritum esse Deum, qui per Dei Filium prædictus advenit, vel Christum Dominum, cujus salutare promissum Pater sempiternus implevit? Magnum hoc, Fratres, incomprehensumque est Sacramentum, cum de terris ad Cœlum vadit homo, qui Deum nobis ad terras mittat e Cœlo. Et est revera hæc pax, & consonantia Deitatis, ut & Christus adnunciante spiritu nasceretur, & Spiritus Christo promittente descenderet. Invicem se loquuntur, invicem se mittunt, invicem sibi obediunt, quia

quia non est in eis aut velle; aut posse diversum, & unum semper cum Patre agunt pro mortalium æternitate mysterium. *Expedis*, ait, *vobis, ut ego vadam*. Quam mirabile hoc nostræ salutis est munus! ut sicut expedivit nobis, Christum venire de Cœlo, ita illum expedierit & redire. Expeditum illum venire, ut suum pro nobis sanguinem daret; expeditum nihilominus & redire, ut suum nobis Spiritum largiretur. *Repleti sunt ergo*, ut lectum est, *Spiritu Sancto, & ceperunt loqui variis linguis, prout Spiritus dabat eloqui eis*. Varietas ista linguarum divinitatis adnunciat unitatem. Diversus quidem, & multiplex sermo prodiebat a singulis, sed unus in omnibus spiritus loquebatur. Sonat Hebræus linguam, quam ante non didicit, ut possit fidem, quam ignorabat, audire Gentilis. Nec mirum, Karissimi, si Apostolis suis Christus per Spiritum Sanctum linguarum notitiam dedit, qui claudis gressum, cœcis oculos, mutis potuit reparare sermonem. Et ideo, Fratres, non dubitemus de his, sed tota cum devotione credamus, quia & Deo omnia sunt possibilia, & necesse erat, ut novam Fidem nova loquendi miracula confirmarent.

S E R M O X V I I

Unde supra.

De Pentecoste.

MAnifestum est, Fratres, cunctisque perspicuum; quanta omnipotenti Deo Patri de universis sit cura mortalibus, cui parum fuit unicuique mortali filium tradidisse pro nobis, nisi in corda Fidelium suorum etiam plenitudinem Sancti Spiritus effudisset, sicut dictum est a Domino per Prophetam: *In novissimis diebus super servos, & ancillas meas effundam de Spiritu meo, & dabo prodigia in Cœlo sursum, & signa in terra deorsum. Sol convertetur in tenebras, & Luna in sanguinem. Dat profecto Dominus prodigia in Cœlo, cum in nativitate Christi nova Chaldæorum oculis stella præfulger, & in Pas-*

Tom. IV.

C 3

fione

sione ejus repentina obscuritate fuscatus Sol meridianus occumbit. Dat etiam in terra signa, cum ipsa terra in-
 consuetis moribus contremiscit, cum rupta in partes sa-
 xa diffiliunt, cum etiam sepulcra refundunt luci corpo-
 ra defunctorum. *Sol*, inquit, *convertetur in tenebras, & Luna in sanguinem*. Quid aliud est, Karissimi, si spiritalia contem-
 plumur, converti in tenebras Solem, nisi cum Christus transit in mortem; aut commutari in sanguinem Lunam, nisi cum Sancta Ecclesia pro confessione Chri-
 sti sui variis passionibus cruentatur? Traditur morti Christus, non utin corruptione remaneat sepulturae, sed ut post Inferi tenebras fulgentior elucescat. Vexatur Ecclesia manibus cruentorum, non ut inter supplicia; poenasque deficiat, sed ut per multimodos victoriarum ritulos in omnem pulchritudinem cruore triumphantium Martyrum decoretur. Hæc vero omnia agit, & perficit una, atque eadem gratia concordantis Christi, & Spiritus. Christus utique, qui servorum suorum pectora in omne patiendi desiderium spe perpetuæ retributionis succendit. Spiritus nihilominus vigore virtutis Divinæ in contemptum mortis credentium corda confirmat. Et ideo postquam Dominus rediit victor ad Patrem, suumque se recepit in Regnum, paterna secum gratia largiente, dedit Apostolis suis Paracletum, quem promissit, ut fidem; quam in eis ipse plantaverat, veniens desuper Spiritus custodiret. Descendit ergo in Apostolos Spiritus promittente Christo, ut appareat, unam eorum esse in omnibus indissociabilem voluntatem. Quam congrue autem ipsa se Divinitas alterno testimonio humanis inserit sensibus, cum Christus prænunciat Spiritum venturum esse de Cælo, & regnare in Cælo Christum Spiritus attestatur! Quis autem dubitet, vocem esse verissimam, & ejus qui pergit ad Cælum, & illius qui venit de Cælo? *Repleti itaque sunt hodie Apostoli*, ut lectum est, *Spiritu Sancto, & ceperunt loqui variis linguis; prout Spiritus dabat eloqui eis*. Illos nimirum replevit Spiritus Sanctus, quorum corda adventui ejus, sanguis, & doctrina Christi purgaverat. Et hæc prima fuit Spiritus adve-

advenientis utilitas, ut hi viri, qui in salutem universarum gentium fuerant ordinati, sermone omnium loquerentur. Tantaque Paræleti gratia Apostolorum & linguam replevit, & pectus, ut nec virtus verbis eorum deesset, nec verba virtuti. Neque sane est aliud in divinis, humanisque rebus, quod ita hominem faciat gloriosum, quam sancti sermonis perfectio, & cœlestis fortitudinis plenitudo. Loquebantur ergo Apostoli per unum Spiritum variis linguis, ut in unam Christi Fidem gentium varietas conveniret. Unde dubium non est, Sanctum hunc Spiritum Deum esse cum Patre, & Filio confitendum; nam quis hæc alius ageret, nisi Deus, ut Romanus homo, Parthus quoque, & Medus, & Phrygius, omnisque Barbarus linguam suam in Judæa peregrinus audiret, & vir Galilæus arcana Cœli non solum decore Græci, Romanique sermonis, sed etiam stridulo murmure, gementique conatu auribus barbaris loqueretur? Olim namque cum ad cœlum ire contendens turrem sibi construeret humana præsumptio, nec contumax haberet conatus effectum, unius sermonis consortium inmissa subigo linguarum varietate divisum est, ut dum alter alterum non intelligit conloquentem, omnis illa protinus impietatis fabrica solveretur. Nunc vero, ubi Deus homini ad Cœlum parat ascensum, præconibus tantæ gratiæ cunctarum datur peritia linguarum, ne cujus gentis hominem tam magnum Dei possit latere promissum, sicut ante multa sæcula Prophetico Sermone dictum est: *Non sunt loquela, neque sermones, quorum non audiantur voces eorum.* Unde manifestum est, Karissimi, omnipotentis Dei Filium, qui universarum varietate linguarum æternæ salutis voluit mysterium prædicari, non unius tantum Judaici populi, sed omnium venisse hominum Redemptorem. Et ideo, Fratres, quia bonitas Christi nullum vult perire mortalium, ab omni nos impudicitia, & iniquitate mundemus, ut in adiutorium vitæ nostræ nostræ quoque benignissimus Dei Spiritus corda illuminare dignetur.

S E R M O XVIII.

De Pentecoste.

QUanta pro salute mortalium, Fratres Karissimi, omnipotenti cura sit Deo, quove dignationis affectu pericula miseratus humana, Diabolicam vacuaverit potestatem, hinc plenissime, & sine dubio possumus æstimare, quod & Filii sui sanguine ad Fidem nos veritatis adtraxit, & Sancti Spiritus visitatione concessa credentium corda firmavit. Christus enim nos ad vitam redemit, erigit ad virtutem, ut gratiam, quam Filio tradente suscepimus, Spiritu custodiente servemus. Videmus quidem, Karissimi, Unigeniti Dei, & Spiritus Sancti sub dispensatione mysterii beneficia esse distincta, sed eandem in utroque voluntatem, atque unum pietatis advertimus sacramentum. Christus namque pro salute nostra de femina nascitur, sed hominem ipsum Spiritus cooperatur in Virgine, sicut dictum est ad B. Mariam: *Spiritus Sanctus superveniet in te, & virtus Altissimi obumbrabit tibi*. Baptizatur etiam pro nobis in Jordane Filius Dei, sed ad glorificandum ejus baptismum, adest de Coelis Spiritus Sanctus in columba. Usque adeo autem unum est illis propositum, unumque consilium, ut & Christus Spiritum repromittat hominibus, & Spiritus adnunciet Christum, dicente ipso Domino: *Cum veneris Paracletus, quem ego mitto vobis a Patre, Spiritus veritatis, qui a Patre meo procedit, ille testabitur de me*. Alternis nimirum se invicem testimoniis prædicant, qui indiscreta se noverunt majestate regnare. Denique ut manifestius cognoscamus nulla eos penitus divisione sejunctos, ipsos Paracletus visitat, & inlustrat, quos mysteriis suis idoneos Salvator elegit. Pro omni quidem hominum genere Dominus Jesus pependit in Cruce, sed non omnibus ejus inluxisset Euangelium, nisi Sancti Spiritus dono, dum Apostolis variarum lingua-

guarum scientiam tribuit, Dominica Passio ad universarum gentium notitiam pervenisset. Parthi enim, & Medi, vel Elamitæ, & cæteræ, sicut lectum est, nationes propriis apud Judæam audiunt linguis Dei magnalia, & vitæ suæ remedia prædicari. Quis igitur hæc, nisi vere omnipotens Deus, implere potuisset, ut & feræ mentes religiosam discerent sanctitatem, & coelestem susciperet barbarus sermo doctrinam? Divino ergo, Fratres, cultu veneremur hunc Spiritum, cui plena regenerandi virtus, & peccata remittendi potestas est, sicut instruit Dominus discipulos suos dicens: *Ite, docete omnes gentes, baptizantes eas in nomine Patris, & Filii, & Spiritus Sancti*. Et alibi idem ait: *Accipite Spiritum Sanctum, quorum remisistis peccata, remissa erunt, & quorum retinueritis, detenta erunt*. Quis igitur tam demens hunc ambigat esse Deum, cui cum Patre, & Filio inseparabilis gloria, & nomen est indivisum, qui dominatione communi & peccantis superbiam puniit, & humilitatem contentis absolvit?

S E R M O XIX.

De Ipso Pentecosten.

AB initio sæculorum, Fratres Karissimi, per Patriarchas, ac Prophetas Filium Dei pro mundi Redemptione venturum Sanctus nobis Spiritus repromissit; ipse enim illum suscepta novi hominis carne de Virgine nasciturum, injurias ab impiis, probra, Crucemque passurum, Resurrectionem quoque ejus ab Inferis ante multa annorum millia prophetavit. Quo completo per Dominum nostrum Jesum Christum, perfectoque mysterio, Apostolorum ejus corda mirifico majestatis suæ inluminavit adventu, ut cujus humilitatem prius, passionemque cecinerat, nunc triumphato Diabolo, & morte devicta, æternam Regni ejus gloriam prædicaret. Quem tamen Paracletum ipse Redemptor noster ante non

non multos dies venturum esse de Cœlis, & a Patre mittendum adnunciavit discipulis suis. Atque ita fit, ut dum Spiritus Christum Unigenitum Dei Patris prophetat, & dum Christus a Patre venturum Spiritum reprobmittit, mutuaque invicem se attestazione prænunciant, unum esse, unum velle, & unum semper posse credantur. Hic est, Karissimi, Spiritus Sanctus, qui secretioris operatione mysterii uterum Virginis cœlesti foecunditate ditavit. Hic est Spiritus, qui Baptisma Christi Domini nostri, in specie columbæ visus quidem a Johanne, sed tacitus, visitavit, nec suam credidit necessariam vocem tunc, cum Pater ipse loqueretur e cœlo dicens : *Tu es Filius meus dilectus, in quo bene complacui*. Atque hæc iccirco ita sanctarum Scripturarum testimoniis edocemur, ut personarum nobis indiscreta quidem majestas, sed distincta proprietas reveletur, Nam quantum ad Deitatis pertinet unitatem, in Verbo Patris consensus est Spiritus, & in sermone Spiritus voluntas est Patris. Quis enim Spiritum Sanctum!, nisi forte aut impius Hæreticus, aut perfidus Judæus dubiter esse Deum, sine quo nec Baptismatis perficitur Sacramentum, nec remissio tribuitur peccatorum? Quis illum ita demens abneget Deum, in quem blasphemasse ita est impium, atque mortiferum, ut blasphemantis peccatum nulla venia subsequatur, pronunciante Salvatore nostro, ac dicente : *Qui dixerit Verbum in Filium hominis, remittetur ei; qui autem in Spiritum Sanctum, non remittetur ei neque in hoc sæculo, neque in futuro*. Hic, inquam, Spiritus Sanctus procedens a Patre, promissus a Filio, dona gloriæ suæ in Apostolos Christi est dignatus infundere, ita ut passiones, regnumque ejus omnium gentium sermone loquerentur. Hac profecto dignatione, ut quia omne hominum genus vocabatur ad vitam, dispensationem mysteriorum Dei totus ubique mundus audiret. Quanti illud, Fratres, miraculi fuit, quod Hebræus homo subito erumpens in verba non sua de Magnalibus Dei instruebat Græcum, docebat Romanum, alloquebatur Ægyptium, atque omnes barbaras nationes propriis

43
priis earum linguis informabat ad fidem ! Et ideo , Karissimi , omnipotentis Dei misericordias imploremus , ut & nos de Deo annunciare , quæ digna sunt , valeamus , & vos ea , quæ dicuntur , audire , & intelligere debita veneratione possitis .

SERMO XX.

Ejusdem

De Pentecoste.

INæstimatæ bonitatis est gratia , Fratres Karissimi , quam nobis Deus omnipotens vel creando potenter tribuit , vel regenerando clementer indulgit . Creando namque præstitit , ut vivificato in homine pulvere , operatione mirabili nos omnes , qui non eramus , essemus ; regenerando autem contulit , ut ea , quæ prima nobis natura non dederat , nativitas secunda conferret . Quæ utique secunda nativitas per Baptismatis Sacramenta servos gignit in filios , & Cælum Fidelibus pollicetur . Nobilis quidem prima illa hominum creatura ; hæc vero subsequens non solum mysteriorum puritate nobilior , sed & Beati Spiritus consecratione cœlestis est . Illa nativitas peccata suscipit , ista deponit . Ibi nascendo morimur , hic vivimus moriendo . Denique ut hanc Christus nobilitatem generi præstaret humano , servilis pro nobis partus indigna suscepit , etsi conceptione dissimilis , simili tamen ratione nascendi . In quo quidem conceptu quamvis Pater æternus adfuerit , tamen neque Matri lex mutata est pariendi , neque nascenti puero defuit vagitus infantæ . Tenuit nimirum suo Pater in Filio geminæ substantiæ virtutem , quatenus majestate virtutis ejus veneranda Puerpera unum eundemque Christum , & ut Deum conciperet , & ut hominem pareret . An non ille Dei Filius videtur esse conceptus , ubi carnali cessante germine , & homo creditur Virgineo formatus in utero , & Deus non dubitetur esse , qui natus est ? Mirabilis partus Matris intactæ ; sed multo est mirabilius

lius Virginitatem parienti mansisse post partum . Nam, quod mirum sit dictum , caro nata de carne inviolata naturalis pudoris claustra servavit . Hæc vero tam sancta , tamque magnifica fecit ille Deus , cui omnia Cœli , terræque opera pro voluntate potestatis suæ respondent , cui incomprehensa facere , non in labore vel opere , sed in iussione consistit . Qui ut novum daret Virgini partum , illa egit virtute , qua cuncta fecit ex nihilo . Divini namque esse operis , quod Mundo huic fecunditas Virginalis inluxit , Gabrihel Angelus missus ad Mariam revelavit dicens ad eam : *Spiritus Sanctus superveniet in te , & Virtus Altissimi obumbrabit tibi ; ideoque & quod nascetur sanctum , vocabitur Filius Dei* . Sed & venerando illi Joseph dispensatione cœlesti semper sponso , nec unquam marito , Beata Maria intaminati ventris sui servans incorrupta signacula , non filium , sed Dominum parturivit . Cui Joseph dictum est ab Angelo : *Quod in utero habet Maria , de Spiritu Sancto est* . Et ideo hoc ipsam in aures Patriarchæ vox Angelicæ attestacionis intonuit , ne forte tanto miraculo stupentis juvenis animum sinistra suspicionis macula vulneraret , & semineam putaret culpam , ubi mirandum Angelis Sacramentum , ubi salutare nobis mysterium nascebatur . Nec poterat , Fratres , aliter Sponsus ille innocens , atque sollicitus tantam fructificantis uteri credere novitatem , nisi eidem parituræ sponsæ pudicitiam virginalem missus ab alto prædicasset adsertor . Sanctus itaque Spiritus , sicut legitur , in utero Virginis Unigenito Patris univit hominis carnem ; univit , non artificis figurantis ingenio , sed majestate formantis , quem Spiritum vere esse Deum virtus , & veritas novi operis attestatur . Nam quomodo in illa salutis nostræ fabrica idem in conceptione Christi , ubi Pater non deerat , ubi inerat Filius , ubi caro nostra divino consortio jungebatur , idem Spiritus velut auctor adscribit , nisi esset illi eadem cum Patre , & Filio & in natura potestas , & in voluntate communio ? Videtis itaque , Fratres , quia cooperator Dei , nisi Deus esse non poterat . Erat enim ut est Spiritus Sanctus & indi-

visus a Patre , & inseparatus a Filio . Quibus utique sicut sacre lectionis fidelis sermo nos edocet , non est in virtute distantia , sed in operatione distinctio . Ait namque de eo Christus discipulis suis dicens: *Cum venerit Paracletus , quem ego mittam vobis a Patre , Spiritus veritatis , qui a Patre meo procedit , ille testabitur de me .* Item de se ipso ait Salvator : *Ego sum via , veritas , & vita . Ego sum ,* inquit , *veritas ;* si ergo Filius , qui veritas est , Spiritum esse adserit veritatis , quis illum negare poterit Deum , nisi qui veritati de veritate non credit ? Itaque Spiritus verus est Deus , quem Christus & a Patre procedere , & a se esse mittendum pari professione restatur . Mittit autem Dei Filius Spiritum Patris sui ; mittit , non quasi obedientem praecepto , sed mysterio concordantem . Et ob hoc ipse Spiritus procedens a Patre legitur missus a Filio , ne aut aliud esse , quam Pater est , aut quicquam diversum velle , quam vult Filius , crederetur . Propter quod , Fratres , sine cunctatione clarescit , unam esse Patris , & Filii , & Spiritus Sancti voluntatem . Quandoquidem & Filius mittit , quod Patris est ; & Pater , quod suum est , impertit , ut a Filio dirigatur . Hic igitur Spiritus unum cum Patre , ac Filio Redemptionis nostrae peragens Sacramentum , universarum gentium linguis maiestatem Christi mittentis adnunciat , non ut superiori officium deferens , sed imperium conregnantis insinuans . Qui idcirco Apostolis dedit varietatem linguarum , ut per eos doctrina salutaris Fidei populorum omnium penetraret auditum . Erat revera ipse Paracletus in sermone multiplex , omnipotens in virtute , diversus in singulis , & unus in omnibus . Miratur omnis auditor os gentis extraneae non extraneum proferre sermonem . Stupet & ipse , qui loquitur , ab ore suo non sua verba procedere . Et perinde factum est , ut dum sermo varius unam per multos loquitur fidem , ad unius Fidei societatem gentes dissonae convenirent . Et ideo , Fratres , declinantes vana Mundi , & brevissimae hujus vitae oblectamenta calcantes , illum jugiter sapiamus , atque ipsum semper loquamur ,

mur, qui mortalibus cœlestia sapere, & terrenis loqui divina concessit. Cui honor, & gloria in sæcula sæculorum. Amen.

SERMO XXI.

De quinque panibus, & duobus piscibus.

DE Feriarum vota solemnitate solet dulcius esse quod remanet, & suavius sapere consuevit reliquæ de magno convivio, quæ supersunt. Unde & nos celebrantes Dominicum Natalem, libentius debemus excipere ea, quæ nobis de apparatu sunt amplissime reservata. Non enim reliquiarum possumus timere fastidium, quia epulæ Salvatoris semper sunt integræ, semper sunt inlibatæ, nec contaminatione aliqua minuuntur. Sed cum ex illis quicquam decerpseris, rursus vigore cœlesti in sui gratia renovantur. Magnus ergo cibus, ubi & sumis, quantum volueris, & integrum remanet omne, quod sumpseris. Scriptura enim divina ejus vigoris est, ut cum plurimum de ea dixeris, supersit tamen amplius, quod dicatur, ita ut quantum sese in profundum disputatio prædicantis extenderit, in tantum mens sancta altitudinem inveniat disputandi. Unde ait Apostolus: *O altitudo divitiarum & scientiæ, & sapientiæ Dei, quam inscrutabilia sunt judicia ejus, & investigabiles viæ ejus!* Non igitur timere debemus, ne post tam grande convivium fastidium, famemque patiamur. Totum quidem pro devotione expendimus, sed pro gratia totum remansit; & ne mirum sit, quod dixi, expensis omnibus omnia remansisse, recordamini Scripturæ Evangelicæ, quæ nuper est lecta, & invenietis quod plus auferatur de mensa Domini, quam infertur. Quinque enim panes inlati sunt, & duodecim fragmentorum coffini sunt relati. Plus ergo inveniunt, qui reliquias colligunt, quam detulit, qui cibum convivio ministravit. Denique saturatis quinque millibus virorum vix duodecim Apo-
sto-

stoli duodecim coffinos sustulerunt, quod unus puer manu, antequam aliquid expenderetur, attulerat. Ita panis in manu Domini multiplicatur, dum frangitur; crescit dum minuitur; dum erogatur augetur; atque utiliore dispendio creatura cibi populos pascit, & proficit; crescit in ore comedentium, quod minus esse putabatur in manibus ministrorum. Denique ait S. Andreas: *Est puer unus hic, qui habet quinque panes, & duos pisces, & reliqua*. Mirum igitur in modum benedictione Christi Domini panis solida natura fuit, abundat, exuberat, & quodam vigoris inriguo comedentibus non jam aquarum fons efficitur, sed escarum. Legimus in Prophetis, quod idem Dominus potum sitientibus de duro saxo protulerit. Ecce nunc esurientibus de sicco pane saturitatis fluentia produxit. Ibi petram resoluit in fluctus, hic cibum multiplicavit in copias. Hæc igitur omnia Scripturis sunt, sicut dixi, Euangelicis figuraliter comparanda, quæ paucis versiculis resciant populos Christianos, nec aliquando deficiunt, quæ benedictione sui pascunt esurientes animas, & cum satiaverint, plus abundant. Quis enim cum refectionis fuerit mandatis Euangelicis, non his mandatis velut ditatus, gratiarum referat actionem, habens scilicet thesaurum, quo & ipse satiatur semper, & possit esurientis alter os saturare?

S E R M O XXII

Ejusdem.

Quantorum mirabilium operator sit Dominus N. J. C., intelligere possumus ex hac Evangelica lectione, quæ describit tanta per eum beneficia &c. *Editus est inter Sermones S. Ambrosii.*

SER.

S E R M O I.

In Natale S. Iohannis Baptiste .

Solemnitates nobis diversorum Martyrum , Fratres Karissimi , vitæ præsentis occasus &c.

S E R M O II.

De Eodem .

Cunctorum quidem Prophetarum , Fratres Karissimi , veneranda recordatio est &c.

S E R M O III.

De Eodem .

Festivitatem præsentis dici , Fratres Karissimi , venerandi Iohannis Baptiste genuina nativitas est &c.
Sunt editi hi tres Sermones inter S. Maximi opera .

S E R M O IV.

De S. Iohanne Baptista .

Religionis , devotionisque nostræ ratio exigit , Fratres , ut hodie de Beatissimi Iohannis Baptiste nativitate lætemur , qui prædestinatus a Deo humani generis lætitiæ , & Cœli gaudium prædicaturus advenit . Hic est , decujus ore adesse Redemptorem nostrum , adesse Agnum Dei , nova voce mundus audivit , qui ut tanti mysterii indubitatus & nuncius esset , & testis , desce-

desperantibus de successione parentibus per Angelum promittitur nasciturus. Quis autem prudentium non credat, cum divina adnunciasse mysteria, in quo procreando curam pervideret fuisse cœlestem? qui cum necdum esset filius, imperfectusque adhuc in utero gestaretur; prærogativa tamen indultæ sibi gratiæ æterno gaudio viscera materna supplevit, & felicitatem dudum sterilis ventris ante partum suum beata Mater agnovit? Ait enim, sicut lectum est Helisabeth ad Mariam: *Ecte ut facta est vox salutis tuæ in auribus meis, exultavit in gaudium infans in utero meo. Et unde hoc mihi, ut Mater Domini mei veniat ad me?* Non mirum, dilectissimi, si anus hæc præscientiæ ditata est munere, quæ Altissimi Dei erat paritura præconem. Facta est autem sterilitate sua gloriosior, quæ dum ejus differtur fecunditas, dono partus unius honorem totius posteritatis obtinuit. Quæ dum velut infructuosa viro suo usque in ætatem ultimam congemiscit, subito non sibi tantum filium, sed universo mundo salutis æternæ nuncium parturit, & hujusmodi nuncium, ut priusquam prodiret ex utero, privilegio jam futuri ministerii maternæ linguæ Prophetalem Spiritum propinaret, atque os Zachariæ Patris, quod incredulitas clauferat, prædicti per Angelum nominis sui virtute referaret. Conticuerat enim Zacharias, non ut mutus remaneret, sed ut divinitus ei loquendi usus redditus cœleste testimonium Prophetico perhiberet infanti. Ideo autem Sacerdos, qui universæ plebi loquebatur, obmutuit, ut quia publica erat taciturnitas Sacerdotis, ad totius populi notitiam sacratæ nativitatis mysterium perveniret, & non credere ei nullus auderet. Quem quia nasciturum dubitaverat Pater, vindictam taciturnitatis incurrit. Ait etiam Evangelista de eo: *Non erat ipse lux, sed ut testimonium perhiberet de lumine; ut omnes crederent per illum.* Non erat quidem lux, sed erat totus in lumine, qui testimonium meruit vero lumini perhibere. Et ideo, Fratres, ob honorem Beatissimi Johannis hunc nativitatis ejus diem omni cum exultatione celebremus, qui ad

90
propellendas Mundi tenebras, sempiternum Cœli lu-
men, & ante omnes agnovit, & primus ostendit.

SERMO V.

De S. Johanne Baptista.

MUltis, magnisque virtutibus, Fratres Karissimi, Deus, ac Dominus noster concurrentium ad se populorum animos, fidemque confirmat, qui electorum suorum non solum laudabilem vitam, sed etiam civitatem fecit esse mirabilem, sicut de B. Johanne Baptista decursa Evangelii lectione cognovimus, cui tanta indulgentia est prærogativa nascendi, ut Prophetis, atque Evangelicis prænunciaretur vocibus nasciturus. Aut quomodo non omnibus erat mysteriis consecrandus, qui veniebat pro redemptione deficientis mundi Sacramentorum Dominum revelare? Concepit ergo eum, sicut audistis, de justissimo viro senissima, & sterilis femina, ut ex multiplici desperatione & nascentis pueri gloria, & potentia operantis Dei magnificentior appareret. Hic est, de quo prædictum legimus per Prophetam: *Vox clamantis in deserto*. Et ideo Zacharias Sacerdos sub sententia Angeli increpantis obmutuit, quia promissi magnitudine conturbatus futurum se patrem adaunciatæ vocis esse non credidit. Quod quidem magna Dei dispensatione factum esse perspicimus, ut universa Judæorum plebi, dum causam tanti silentii percunctatur, procreandi pueri disceret veritatem, & sanctæ conceptionis secretum magni Pontificis taciturnitas publicaret. Indicitur ergo silentium patri, ne præco cœlestis verbi per silentium nasceretur; quamquam altioris in hoc mysterii arcana pandantur. Nam in illo silentio Sacerdotis, adventante utique Christi gratia, & se veritas antiquæ legis obmutuit, & ritus omnis carnalium contuitur victimarum. Sed tamen ne quid in B. Johanne non esset mirabile, linguam patris, quam concipiendus vinxerat, natus absol-

absolvit, ut beatissimus senex, qui inter officia veterum traditionum usum sermonis amiserat, innovata per filium voce, nova mysteria prædicaret. Nec mirum, si hæc tam stupenda miracula per illius merita provenerunt, quem tanta Dei comitata est gratia, ut de adventu Christi mensuram humanæ conceptionis egressus intra viscera adhuc materna gauderet. At enim, sicut audivimus, Helisabet ad Mariam: *Ecce ut facta est vox salutis tue in auribus meis, exultavit in gaudium infans in utero meo*. Tanta enim illum, etiam cum formaretur, jam virtus agebat, ut ad documentum Coelestis mysterii, quod prædicaturum se humano generi sentiebat, nativitatem suam Prophetalibus indiciis præveniret. Quid ergo miramur, si Johannes venientem Christum ad Baptismum suum absque ulla hæsitazione cognovit, si cum necdum ipse prodisset in lucem, Virginali eum in utero adesse præsensit? Quæ vero eum intra alvum maternam exultatio commovisset, clarissima postmodum voce testatus est dicens: *Ecce Agnus Dei, ecce qui tollit peccata mundi*. Propter hanc vocem, Karissimi, omnia illa, quæ audistis in Johanne, præmissa sunt Sacramenta, propterea illius gloriosa conceptio, & vita est laudabilis præparata, ut de ore tam sancto absolutionis suæ vocem mundus audiret. Quam pulchre autem Christum Dominum nostrum Agni vocabulo nuncupavit, cujus solius sanguine placandus erat Deus, & universa redimenda mortalitas! Dignum ergo est Fratres, ut pro honore tanti viri devotissimis semper Festivitatibus exultemus, qui uno pariter testimonio & præsentiam Domini prodidit, & imminentis ejus remedia prophetavit.

S E R M O VI.

De S. Johanne Baptista.

Conceptio, atque Nativitas venerandi Johannis Baptistæ, quæ nunc Evangelica lectione decursa est, nativitatem Dominicam, cujus secretum mens humana non concipit, testatur esse credibilem, & fructus senilis ventris edocet fecunditatem Virginalis uteri non negandam. Nam quis revera renuat credere nativitatem nascentis Christi, quandoquidem de vetustis parentibus procedit desperata successio? Ibi de senibus Propheticus editur puer, hic vero de Virgine Dominus nascitur Prophetarum. Ibi disceptatio de senectâ duorum est; hic autem de unius puellæ Virginitate miraculum. Nec sane mirum, si illa sterilis, & hæc Virgo concepit, quia ibi salutaris mysterii nuncius, hic ipsum vitæ nostræ mysterium nascebatur. Ibi temporalis lucerna resplenduit, hic Sol perpetuitatis influxit. Inde Johannes Propheta, & plusquam Propheta legitur natus, hinc autem novus homo, & plusquam homo salus omnium Christus advenit. Plus utique est quam Propheta, Johannes, qui & lucem mundi hujus ab aliis prophetatus ingreditur, & Christum Dominum materno prophetat in utero, eundemque celebrato ejus Baptismo non solum ore prædicat, sed etiam ad plenitudinem testimonii circumstantibus populis velut digito monstrante consignat dicens: *Ecce Agnus Dei, ecce qui tollis peccatum Mundi*. Plus autem quam homo est Christus, immo magis homo, & Deus, & Christus. Plusquam homo est Christus, quia idem ipse Verbum, & caro unus est Dominus, atque unus idemque æternus, & novus est; æternus a Deo, novus a femina. Ibi incomprehensibiliter genitus ab ingenito; hic mirabiliter natus e Virgine. Ibi paterna maiestate editus, hic Spiritus operatione formatus. Ibi simplex in genitore natura est; hic gemina in Redemptore sub-

substantia . Ibi totus impassibilis a Patre suo Deus est ; hic autem tantus processit a matre, ut & pati non possit . Pati enim poterat, sicut & passa est caro nata de carne, & pati non poterat Deus natus in carne . Edidit namque nobis per uterum Virginis Deus carnem, & caro Deum . Nec ambigendum, Fratres, si ille Deus potuit esse, quod voluit, qui omnia, quod voluit fecit . Neque cunctandum si Dei Filius potuit hominem sibi sociare passibilem, quem poterat Passionis triumpho impassibilitatis gloria coronare . Si novum fuit, quod Deus est natus in terris, multo magis est novum, quod homo regnat in Cœlo . Quibus inspectis perfectam gloriosissimi Johannis Baptistæ beatitudinem comprobamus, quem in tantam sublimitatem dignatio cœlestis evexit, ut mysterium salutis nostræ terris, cœloque mirabile, & necdum natus prophetare meruerit, & natus ostendere . Erat enim tunc Johannes dispensatione divina acerbus ad partum, maturus ad gratiam ; nam qui nativitati propriæ nondum videbatur idoneus, ortus Dominici factus est idoneus prædicator ; cumque naturali lege totum adhuc hominem venter maternus includeret, jam tamen spiritum nascituri filii læta matris lingua prodebat ; ait enim Helisabeth, ut lectum est, ad B. Mariam dicens : *Ecce ex quo facta est vox salutis tuæ in auribus meis, exultavit in gaudium infans in utero meo .* Intendite, Fratres, quanta Beatis illis matribus conlata sunt munera, quibusque miraculis parituræ feminæ decorantur . *Infans,* inquit, *exultavit in utero matris suæ ;* exultavit, ut pariter & suum meritum, & Virginei ventris gloriam revelaret . Nam inspirante Deo anilis ille uterus sensit adventasse Dominicum ventrem, novoque gaudio mortalibus nunciat, quantam mundo lætitiā Christus nasciturus inferret : Quis non stupeat, Fratres, quod inter ministeria redemptionis humanæ, mirantibus matribus, nondum nata gaudet infantia ? Nascitur inter hæc Johannes, & Christum nativitate præcedit ; quatenus Domino suo, quem intra materna viscera per gaudia celebrabat, exhiberet famulantis obsequium . Hic ergo est

Johannes, de quo dictum est a Propheta: *Vox clamantis in deserto: parate viam Domino*. Clamabat in solitudine, ut corda mortalium incredulitatis squallore deserta ubertate Prophetici sermonis excoleret. Hic est Angelus missus ante faciem Christi, qui populorum pectora monitis vitæ sanctioris instructa Salvatoris adventui Doctor sollicitus præparavit. Hic est ille Baptista, qui Dominum suum ob hoc baptizare meruit, ut sese magis dilui baptizati sui virtute sentiret. Hic est præco Regis æterni, qui terris adesse Agnum Dei, ipsumque mundi peccatum tollere, sua quidem lingua, sed Deo loquente clamabat. Hic est, pronunciante Domino, inter natos mulierum major; & vere major, quia Dei Filium, ut Propheta, præloquitur, ut Præcursor antevenit, ut Baptista suscipit, ut testis ostendit. Et post omnia, hic est ille, quem nulla indumentorum oblectante molliæ, cameli texta de pilis asperior tunica vestiebat, neque cum ulla voluptas epularum suavior, aut edacis gulæ temptamenta capiebant, sed tamquam vere censorem faucium suarum, & jejuni ventris Dominum per deserta gradiens arida locusta pascebat. Mel etiam sylvestre legitur manducasse, ut advertamus, eum non cibo humana sollicitudine præparato, sed pastu simplici, & inlaborata vixisse substantia. Et hæc ideo, ut arbitror, Fratres, ne adsertorem justitiæ a præconio veritatis aut speciosior vestis abduceret, aut oblectatio depravaret escarum. De hac profecto magnanimitate descendit, quod dum Herodem Regem de concubitu fraternæ conjugis confidenter incusat, nec gloriosam subire mortem, nec mundi lucem spernere formidavit. Neque tristis hanc vitam reliquit, quia semper custodiens Prophetalem rigorem, numquam penitus fuerat fallacis sæculi suavitate mollior. Propter quod patientissime præcepto Regis injusti capite truncatur in carcere, qui, fortissimi obitus præmio remunerante cœlestis imperii Rege, & caput se suum recipitur noverat, & salutem.

S E R M O VII.

De S. Johanne Baptista.

Sancti Johannis Baptistæ natalem hodie prosecuturus tacere velim &c.

Est editus inter Opera Sancti Ambrosii.

S E R M O VIII.

De S. Johanne Baptista.

Diximus superiore Dominica, cum silentii nostri veniam peteremus &c.

Est editus inter Opera S. Ambrosii.

S E R M O IX.

*Ejusdem**De S. Johanne Baptista.*

IN Sancti ac Beatissimi Johannis Baptistæ laudibus, cujus natalem hodie celebramus &c.

Est editus inter Opera S. Ambrosii.

Hic deest pagina, deinde fragmentum hoc subsequitur:

..... sum via, veritas, & vita. Eadem ergo die Johannis celebramus Natalem, qua & nostris initia procuramus. Magna utraque Nativitas, quæ & inopiam viscerum repulit, & famem abstulit peccatorum. Inde me jam tabida lues non mæcerat, hinc pestilens conscientia non absument, refectionem pariter sentio sensibus, atque visceribus, immo ipse Johannes messis nostra est; nam de Prophetia ejus fructum salutis emittimus, & de verborum ejus tamquam gravi culmo granum salutis adsumimus. De quo grano in Evan-

D 4 gelio

36
gelio scriptum est : *Nisi granum tritici cadens in terram
moriatur , ipsum solum manet . & reliqua .*

*Quatuor subsequentes Sermones sunt editi inter opera
Sancti Maximi .*

S E R M O I .

De Natale Apostolorum Petri , & Pauli .

Gloriosissimos Christianæ Fidei Principes annuis so-
lemnitatibus honorantes , Fratres Karissimi &c.

S E R M O II .

De Eodem .

Apostolici Natalis gaudio , Fratres Karissimi , Petri ,
& Pauli , quorum hodie beatissimis passionibus
jucundamur &c.

S E R M O III .

De Eodem .

Beatissimorum Apostolorum Petri , & Pauli , insepa-
rabilem fidem , passionemque germanam &c.

S E R M O IV .

De Eodem .

Beatissimorum Apostolorum passio , Fratres , quorum
hodie natalem solemniter celebramus &c.

S E R -

S E R M O V.

De eodem Natale Apostolorum.

Necessarie, Fratres Karissimi, de Venerabilium Apostolorum passionibus, atque obitu Patrum nostrorum annua festivitate lætamur, quia fiducia Christianæ Fidei credimus, eos tormentis suis indeptos esse gloriam, & perpetuitatem vivendi vitæ suæ sine quæsisse. Quis enim dubitet, illos suo regnare cum Domino, qui sequentes ejus vestigia mortem moriendo vicerunt, aut quomodo non manifestum est apud illum Regem in cruciatibus esse victoriam, cui triumphus in Cruce est? Elegerunt itaque Ecclesiarum Principes ob honorem Fidei patienter occumbere, quos auctor vitæ præmissio suæ mortis exemplo mortem docuit non timere. Lætetur ergo, & exultemus, gloriosissimos Patres nostros obisse pro Christo, quia qui * primitus pro æterno ipso crucioris sui censu vitam sibi mercatur æternam. Æternitatis enim mercatus agitur, ubi non pecuniæ quantitas, sed sanguis fidelis in pretio est, ubi sic mors adimit vitam, ut inlatae morti immortalis vita succedat. Et ideo, Fratres, cui amore Christi exosus est mundus, mundum non invitus amittit, sicut dicebat Beatissimus Paulus: *Mibi vivere Christus est, & mori lucrum.* Quam pulchre ait: *& mori lucrum!* quoniam qui Christo vivit, si pro Christi honore moriatur, Cœli sibi regnum damno præsentis lucis acquirit. Mori namque pro Christo regnare cum Christo est. Qui religiosam mortem in lucrum sibi reputat, ostendit se morte sua proficere, non perire. Nam & Dominus, & Salvator noster ait: *Qui perdidit animam suam propter me, inveniet eam.* Quid hoc est, Karissimi, qua ratione amissa semel anima suo poterit ab homine reperiri? Poterit, Fratres, poterit non ratione, sed Fide. Poterit sine dubio, quia resurrectionis beneficio reparato corpori anima servata reddetur.

Quod

Quod enim Deo possibile est facere, homini non est possibile cogitare, ut ait futurorum conscius Paulus Apostolus. *Nec oculis vidit, nec auris audiuit, & in cor hominis non ascendit, quæ præparavit Deus diligentibus eum.* Dicendo ergo Dominus: *qui perdidit animam suam propter me, inveniet eam*, ostendit in illa adventus sui gloria, in quo omnis homo substantiæ suæ statum, vitamque recipiet, animæ nostræ corporisque consortium formandum; homo enim anima, & corpus est unum; sine altero disjuncta, ac dissipata natura est. Si removeretur corpus, * amittit. Cum ergo dicitur: *Qui perdidit animam suam, inveniet eam*, revelatur nobis, cum secundum Dei nostri fidele promissum renovabitur mundus, & animam corpori, & corpus animæ esse reddendum. Ideo & Salvator dicebat: *Nolite timere eos, qui occidunt corpus, animam autem non possunt occidere, sed potius cum timete, qui potest animam, & corpus perdere in Gehenna.* Itaque potestas disperdenda animæ ostendit in Christo reparandi hominis potestatem. Nec miremur, Karissimi, si perfidiam sævientiis sæculi Paulus gladio, Petrus cruce damnaverunt, quorum Dominus ipsum mundi Principem mirabilibus terruit, increpationibus arguit, passionibus triumphavit. Invenit quippe in eis Diabolus quod possit occidere, non tamen invenit, quod posset tenere captivum. Et quid mirum, si perimitur gladio servus occisi? Quid mirum si in crucem tollitur discipulus Crucifixi? Qui secuti sunt patientis exemplum, consecuti sunt regnantis imperium. Adsumpsit ergo Christus Petrum, & Paulum, unum piscantem, alium persequentem. Et Petro quidem regni sui claves, Paulo verbi sapientiam dedit. In utroque opus mirabile. In utroque Dei omnipotentis est gratia, ut & fidem adfereret persecutor, & Cælum piscator aperiret. Nec incredibile hoc, quoniam qui aquam produxit e petra, Ecclesiam fundavit in Petro. Qui adorare compulsi Magum, persecutorem docuit prædicare. In his duobus, Karissimi, quantum exiguis sentire fas est, gemina Ecclesiæ forma, & humani generis diversitas figuratur. Petrum namque

com-

commendat simplicitas, Paulum doctrina sublimat, ut advertamus in Ecclesia Dei & scientiam esse necessariam, & simplicitatem esse dilectam. Simplicitatem autem dico non illam, quæ ignaviæ stupore torpescit, sed illam quæ vigilanter incedens prodesse aliis noverit, nocere ipsa non possit, ut in uno eodemque sit homine cauta simplicitas, & benigna prudentia, secundum illud quod dictum est: *Estote ergo astuti, ut serpentes, & simplices, ut columba*. Nam simplicitatem Petri & vigor vivacissimæ mentis armabat, & spiritualium consiliorum providentia muniebat. Simplici utique prudentique corde Petrus erat, cum Incarnationis Dominicæ Sacramentum non inquirendo confessus est, sed credendo, dicens. *Tu es Christus filius Dei vivi*. Qua confessione, Karissimi, & profuit universis, ut simplex, & opiniones non recte credentium repulit ut astutus. Igitur Doctrinæ gratia Cælum Paulus ingreditur, simplicitatis merito aperiendi Cœli Petrus accipit potestatem. Hæc nobis idcirco, Karissimi, ut intelligamus, a fide Dei nostri nec doctos repelli, nec simplices refutari. Quantum autem fidei veritas habet, manifestum est omnibus, simplicitatem Petri habuisse Paulum, ipsique Petro Pauli prudentiam non defuisse. Nam utrumque idem Spiritus edocebat. Hac ratione, Karissimi, & Paulus petra est Christi, & vas electionis est Petrus. Uterque enim velut cœlestis lapis fortitudinem præstat infirmis, uterque velut vas electum sitientibus fidem Christi ab æterno fonte vitalis poculi fluentia profundit. Et ideo, quia una illis fides, una gloria, unus victricis passionis est dies, una utrumque devotio populorum omnium plena confessione veneratur.

S E R M O VI.

De eodem Natali.

EXultemus, Fratres, & gloriemur in Domino Deo nostro, quia Apostolorum Natalis Ecclesiæ est nutrimentum; sicut enim parvulus quisque materni uberis lacte nutritur, ita tunc Ecclesiæ consurgentis infantia paterni sanguinis ubertate convaluit. Nam ex quo benedictionem sæcundi cruoris sterilis terra suscepit, innumera exinde per universum orbem multitudo credentium pullulavit. Quis ita demens Christianæ Fidei inesse abneget veritatem, quam tristitiæ non fatigant, supplicia non conturbant, neque ullus corporeæ mortis terror inclinatur? Cui etiam in sempiternum gaudium persequentium tormenta proficiunt, cujus regnum per æternam, invictamque potentiam mundanis dominatur imperiis. Ut autem plenius advertamus, quanta sit cælestis Regni, terrenique distantia, documenta nobis de præsentibus capiamus exemplis. Ecce Reges prætereuntis hujus sæculi devotionem erga se militum suorum in hac tantum vita honoribus, muneribusque conservant, nihil penitus habentes, quod possent suis, sibi que præstare post mortem. Christus autem, Rex omnium sæculorum, electos suos labore, nuditate, fame, cruciatus, morte insuper remittit affligi; quia potestas ei est suscitare defunctum, spoliatum præsentis vite Regni sui luce vestire, & remota lege mortis, perpetuitatem dare mortali. Quod autem nonnumquam a fidelibus viris Regum præmia renuuntur, quod eis abominatæ sunt omnes sæculi dignitates, quod ut vanum respuunt quidquid illis hic mundus obtulerit pretiosum, spes illa omnimodis facit, quia per gratiam Christi sui potiora sibi quandoque præstanda fides servata præsumit. Quis non stupet in voluntate Christi esse hoc tam mirabile Sacramentum, qui Sanctis suis sic sua promittit præmia,

ut

ut eis tormenta præmittat; sic futuræ vitæ prædicat caritatem, ut præsentem doceat non amari? Hic religionis est veritas, ubi tristitia gaudium gignit, ubi inops nuditas incorruptionis vestimenta prætexit, ubi decorari gloria, ubi exuri refrigerium, ubi occidi triumphus est. Hæc est mors, Karissimi, si modo fidem nostram Sancti Spiritus erigat, & confirmet auctoritas, quam pueri non renuunt, juvenes non declinant, maturiores eligunt, senes ambiunt, feminae non paverunt. In passione enim Martyrii, ubi Fides firmior regnat in homine, sicut sæpe jam factum est, nec ætas ulla se subtrahit; nec sexus excusat. Ibi, Fratres, ibi prætenditur infirmitas corporis, ubi Fides non habet firmitatem. Ideo gloriosissimus Petrus stabilitate Fidei suæ omni firmior petra, dum Christi Crucem prædicat, suam vicit; nec timuit crucifigi, quia Crucifixum timuit, & amavit. Passus ergo est Petrus, ut optimus servus pro Domino, ut fidelis discipulus pro Magistro, & ut pro commissis sibi ovibus Pastor electus illius ad mortem securus vestigia, cujus semitam sequebatur ad vitam; & quia consimilem Regis sui subjit passionem, cœlestis Regni clave suscepta similitudinem regnantis suscepit. Aut quomodo ille vitæ propriæ timeret occasum, qui probaverat Christum suum regnare post mortem? Quomodo refugeret crucem, qui in corpore Domini sui redeuntis a mortuis beatæ Crucis signa cognoverat? Quomodo crucifigentum vulnera recularet, qui Redemptorem Mundi clavorum vestigia portasse secum sciebat ad Patrem? Ille pro suo Domino obitum formidaret, cui ipse vitæ auctor & mortem, & genus mortis præ scientiæ suæ ore prædixerat, ita dicens: *Cum esses junior, cingebas te; & ibas quo volebas; cum autem senueris, alius te præcinget, & ducet, quo tu non vis.* Hoc est dicere: cum esses junior, Petre, manus te propriæ ministerio succingens, tuam sequebaris in omnibus voluntatem. Cum autem senueris, manus te cinget extranea; & ducet quo tu non vis, ac juventutis tuæ libertatem mutabis in servitium senectutis. *Ducet, inquit, quo tu non vis.* Numquam nolc-

nolebat Petrus pati pro Domino suo, cui ante jam dixerat : *Animam meam pro te ponam* . Volebat quidem ut devotus mori, sed quia velut ultro morti se ingerebat ; quandam præsumptis habere videbatur audaciam ; nam qui ut infirmus mori non vult , & idem ut confortatus a Deo non refugit passionem pariter in semetipso ; & trepidæ carnis ostendit affectum , & fidelis animi impleti officium . Igitur ubi Apostolus sponte morti se offerebat ; ibi timuit mori , & ubi nolens est ductus ad crucem , non timuit crucifigi , quia illic humana fatigabatur infirmitas , hic celestis spiritus fortitudo vincebat . Omnis enim nostra devotio si quasi suis viribus fidat , continuo ut infirma lassescit . Si vero quis prece supplicii divinæ gratiæ boni sui propositi commendet effectum , nulla illum cogent sæculi hujus adversa nutare . Cavendum itaque , Fratres , ne quid virtuti , prudentiæque nostræ de his , quæ recte gerimus , adrogemus docente Domino Apostolos suos , & dicente . *Quia sine me nihil potestis facere* . Qua sententia præmonente ab ipso nobis speranda sunt omnia . Cuncta etiam , quæ prospere veniunt , illius reputanda muneribus , sine quo ; ut ipse dicit , nullum penitus votorum nostrorum possumus habere successum . Denique quando præsumpsit Petrus dicere Domino : *Animam meam ponam pro te* , non longe post puellæ interrogatione turbatus respondit nescisse se hominem . Propter quod flevit amarissime ; & ubi ait Christus Petrum ducendum esse , quo noller , ibi victoriam triumphalis Passionis obtinuit . Non ergo est reprehendendus Apostolus , si pro Christi honore animosius optabat & mori , quia præsumptio illa , quæ de fervore Fidei venit , etsi laudabilis non videtur , magnam tamen habet ad Dominum ex ipsa conscientiæ suæ devotione fiduciam . Verum propter cautelam fidelium suorum , nostræque infirmitatis periculum dicebat Salvator discipulis suis : *Si vos persecuti fuerint in Civitate ista , fugite in aliam* . Hoc est dicere : declinate quidem passionem , ne forte per tormenta vincamini ; capiti tamen nolite cedere persequentibus

volo

volo enim servos meos mortem nec expectare, nec timere, quatenus inesse vobis sapientiam, nec deesse fidem stultus persecutor agnoscat: quia mortem non vitare, cum possis, temeritatis est vitium, perimenti autem non cedere fortitudo credentis est. Habet hoc ratio, & virtus Fidei nostræ, ut in confessione Christiani nominis nec optemus mortem, nec timeamus occidî. Sic ille Vas electionis gloriosissimus Paulus, ne a Gentilibus vel virgis macularetur, clamabat civem se esse Romanum, & injuriam corporis sui sæcularium legum præscriptione submovit, creptumque se de periculis, ac mortibus scripta exultatione gaudebat. Quod si ut curiosus inquiras, cur privilegio Gentium sese tuebatur Apostolus, scito hoc Apostolici fuisse consilii, ut illos, qui Dei nostri reverentiam non habebant, propriis eorum legibus territos confutaret, nec data sibi a Domino potestate voluit in eos exercere vindictam, qui se missum ad salutem noverat persequentum. Nam quid virtus possit Apostoli, sensit Magus ille cæcatus, & de muliere divinante Piton probavit ejectus. Sed tamen ubi dispensatione Dominica tempus ei passionis advenit, confidenter Gentili ferro fidelia colla subjecit, & qui dudum verbera respuebat, gladium non refugit. Hæc enim sancta, perfecta que mensura credendi, hæc inreprehensæ devotionis est sanitas in certamine Fidei & nolle mori, & patienter occumbere, quia Deus noster non mortem nostram requirit, sed illam mentem, quam mors superare non possit.

S E R M O VII.

De Eodem.

Natalem Beatissimorum Petri, & Pauli hodie celebrantes diversis epulis &c.
Est editus inter opera S. Ambrosii.

SER.

SERMO VIII.

De Eodem.

Notum omnibus vobis est, Fratres, & universo mundo notissimum, quod Beatissimorum &c.
Editus inter Opera S. Ambrosii.

SERMO I.

In Natale S. Laurentii Levitæ, & Martyris.

Beatissimi Laurentii Martyris, cujus natalem hodie celebramus, passionem nosse vos credo &c.
Editus inter Opera Sancti Ambrosii.

SERMO II.

De Eodem.

Sanctum est, Fratres, ac Deo placitum, ut natalem Beati Laurentii præcipua devotione veneremur &c.
Editus inter Opera S. Maximi.

SERMO III.

De Eodem.

Sicut Patrum nostrorum, Fratres Karissimi, non incerta relatione didicimus, cum venerabilis &c.
Est editus inter Opera S. Maximi.

De-

*Desunt quedam pagina; & sequitur fragmentum
Sermonis secundi de Sancto Cypriano.*

.....
 custodivit, pacem verbis suasit, pacem corde
 servavit, omniaque vitia sancto ore respuit, mente san-
 ctiore damnavit; sic pullulantes diversorum scelerum
 fontes acutissimo linguæ suæ mucrone defecuit, ut ma-
 gis ea inculpabilis vitæ integritate truncaret. Erat et-
 iam, ut vere spiritalis magister, amarus vitiis, virtu-
 tibus blandus, & tranquillitatem peccatoris sui medica-
 mento acrioris remedii condiebat, ut quos bonitatis e-
 jus clementia minime coercerat, increpantis linguæ cen-
 sura terreret. Sic acrimoniam suam admixtæ lenitatis dul-
 cedine mollebat, ut sæpe solet unda ferventior aquæ
 frigida stillicidio temperari. Nonnullos sane animo du-
 riores armati oris sui salutiferis jaculis fauciabat, ut qui-
 bus cura placida prodesse non poterat, spiritalia vulne-
 ra subvenirent. Et hoc peritissimi more medici, qui cum
 in corpore hominis lethalia altius ulcera repererit dese-
 disse, cum bonus, atque optimus sit, velut adsumpta
 crudelitate, ferro adgreditur noxias emortuæ carnis de-
 secare putredines, & summam medendi artem non par-
 cit, ut pareat, irascitur ut succurrat, & pro ægroti sui
 necessitate sævitiam præterdit, ut sanet; nam & sapien-
 tissimus Salomon ait: *Suaviora sunt vulnera amici, quam
 voluntaria oscula inimici.* Hæc vita, hic animus Beatissi-
 mum Cyprianum & Sacerdotio provexit, & Martyrio
 consecravit. Hæc illum mentis, sermonisque perfectio
 clarum sæculo, & Cœlo reddit gloriosum. *Pretiosa, in-
 quit, in conspectu Domini mors Sanctorum ejus.* Recte,
 Fratres, venerabilis Cypriani pretiosa mors facta est,
 quam sibi a Domino Deo suo multiplici virtutum suarum
 pretio comparavit. Vere pretiosa mors ejus, cujus com-
 mercio hæreditatem sibi Cœli, & regnum emit æternum:
 Et ideo, Karissimi, tam magnificum hoc Martyrium ejus
 omni cum devotione, & reverentia celebremus, quia ad

Tom. IV.

E

omnem

omnem illam gloriam vita locuples, lingua ditissima, & mors pretiosa sublimat in Christo Jesu Domino nostro, qui cum &c.

SERMO III.

De S. Cypriano.

IN Martyrio Beatissimi Cypriani, Fratres Karissimi, universa nobiscum exultat Ecclesia &c.

Est editus inter Opera Sancti Maximi.

SERMO IV.

De S. Cypriano.

Non immerito, Fratres Karissimi, speciali quadam celebritate frequentissimo concursu Beatissimo Martyri Cypriano præcipua exhibetis obsequia, quem & ad summi Sacerdotii apicem prærogativa vitæ præcedentis evexit, & Pontificii ejus fidele ministerium ad palmam Martyrii sublimavit. Justum revera, dignumque est, ut memoriam confessionis ejus devotiore colat Christi honore Ecclesia, cujus non minus doctrina, quam sanguine gloriatur. Quid enim apud Ecclesiasticos viros Martyre sanctius? Doctore clarius? Sacerdote sublimius? *Pretiosa*, inquit. B. David, *in conspectu Domini mors Sanctorum ejus*. Quanta ergo, Fratres, a Fidelibus hic veneratione est honorandus, cujus non solum in conspectu Domini pretiosus occasus, sed sub abundantia Fidei & vita locuples fuit, & sermo ditissimus? Recte, ut reor, ejus vita locuples prædicatur, cujus sancta conversatio bonorum copia morum, & variarum semper virtutum est latata thesauro. Nec incongrue illius ditissimus, ac splendidus dicitur sermo, cujus tanto lumine præfulgidum radiavit eloquium, ut
inter

inter iniquorum minas, persequentiumque terrores Fideles erigeret, confirmaret dubios; incredulos confuteret. Neque enim ullo avocari poterat metu, quominus illam doceret Fidem; pro qua de Christi promissione securus non formidabat occidi. Quæ autem Fidei ejus confidentia fuit, & virtutis! quanta constantia! qui non solum semetipsum contra imperum sæculi vigore generosæ mentis armavit, sed complures Fidelium spem futuræ Beatitudinis adstruendo mortem docuit non timere. Unde apparet, Karissimi, quanta inter Angelicos Choros nunc claritate resplendeat, qui & propria passione est mirabilis, & aliorum confessionibus gloriosus. Tanta enim ejus fuerunt spiritalium ornamenta verborum, & cœlestium sententiarum censura tam vehemens, ut credentium mentes plus ejus adhortatio, quam sævientis inimici gladius permoveret. De Beato autem Cornelio quid ego memorem? cui ad omnem hoc sufficit laudem, quod Apostolicam Sedem, quam merito indeptus est, venerandi cruoris munere decoravit.

SERMO V.

De S. Cypriano.

Quanti meriti, Fratres Karissimi, Beatus Cyprianus, quantæque sit gloriæ, & venerabile ejus Martyrium, & nota omnibus doctrina testatur. Nec enim extraneis eget laudibus, quem apud omnes homines magnificentia proprii sermonis inlustrat. Denique ut tantus ad nostram quoque perveniret ætatem, admiranda eloquentiæ ejus monumenta fecerunt; namdum creditos sibi populos in observantiam cœlestium mandatorum solitus Magister erudit, suam ad posteros vitam, fidemque transmisit. Quod ita esse omnis mecum studiosus agnoscit, quoniam in libris ejus advertitur, quanta in illo fuerit castitatis puritas, sanctitatis bonitatis, Fidei magnitudo. Nam dum peccantium vitia se-

E 2 vera

vera objurgatione castigat, dum Sanctorum merita digna laude prosequitur, cœlestem inesse cordi suo aperuit disciplinam. Unde hic sine dubio ex illis est Fratribus, de quibus dictum est per Prophetam: *In omnem terram exiit sonus eorum, & in fines orbis terra verba eorum*. Exiit utique in omnem terram sonus Beatissimi Cypriani, quoniam sub universo coelo, & Passionis ejus innotuit gloria, & clarissimæ linguæ ejus tuba personuit. Et vere tubæ modo sermonis ejus clangor increpuit, cum Ecclesiam Dei spiritali proelio decertantem adversus minas, terroresque Gentilium sonitu cœlestis eloquii accendit, & ne videretur plebem Dei in contemptum præsentis vitæ eloquens magis quam fortis armare mortem, quam prædicando docuerat non timendam, suscepta pro Christi nomine passione calcavit; atque ita factum est, ut omnem Fidelem ad subeunda pro Religione tormenta non solum sanctorum adhortatione verborum, sed fortissimo sanguinis sui provocaret exemplo. Vere hic ab omnibus, ac toto orbe venerandus, qui tanta perfectione divinæ virtutis opus & adseruit, & implevit.

SERMO VI.

De S. Cypriano.

QUanta sit, Fratres Karissimi, Christianæ Fidei magnitudo, quæve fiducia, hinc vel maxime nos discere oportet, quod inter miranda cœlestium promissorum munera votivum nobis oritur gaudium de morte Sanctorum. Nec enim naturæ nostræ, sed Religionis est ratio, quod occasus hominis, ubi Deus est causa moriendi, Infidelium contristat mentes, & pectora Christiana lætificat. Ideo denique preceptorum Martyrum obitus in Ecclesia Dei velut genuinus Natalis excolitur, quia novo nascendi ordine ad novam Cœli vitam morte parturiente nascuntur. In hujusmodi enim morte, quæ pro veritate salutaris Fidei venit, quia vivo, ac vero cre-

creditur Deo, spe sæculi melioris pulsa procul affectatione carnali, luctum non habet pater, nec mater inclamat; filius suspiria consolatur sua, mœrorem frater repellit, tristitiam maritus abjurat, & dilecti conjugis calcat uxor affectum. Cedit namque, cedit terreni amoris calor, ubi Christiani mentem flamma divinæ Caritatis accenderit. Hoc profecto igne succensus ardentissimus Cyprianus Sacerdotium, vitamque suam in Passione contempsit, ut ipsa eum passio gloriosorem Christo redderet Sacerdotem. Quid hoc magnificentius viro, cuius non minus mors est admiranda quam vita? Fuit enim ei fideli in sermone confessio, & mirabile in confessione Martyrium. Fuit in eo cordis, ac linguæ simplex consensus, atque indivisa societas; nam quidquid ori ejus cordis ipsius Spiritus intulisset, hoc cunctis audientibus sancta ejus lingua dictabat, ut ait Salvator: *Bonus homo de bono thesauro cordis sui profert bona*. Et quis potest habere bonum mortali in corde thesaurum, nisi cuius pectus Christus inhabitat, sicut docuit gloriosissimus Paulus dicens: *Habemus thesaurum istum in vasis fictilibus, ut sublimitas virtutis Dei sit, & non ex nobis*. Hic est, Fratres, boni cordis thesaurus, qui servorum Dei os bonum, & linguam divitem facit. Hic est thesaurus, cuius pretio omnis fidelis beatam sibi Paradisi sedem, & regnum mercatur æternum. Hoc thesauro venerabilis Cyprianus unumquemque credentem proflua linguæ suæ largitate ditavit, nullam tamen ipse, dum legitur omnibus, divitiarum suarum sentiens paupertatem. Tanta enim thesauri hujus est copia, ut & totum consequatur accipiens, & qui dederit, nil amittat, in modum lucernæ ardentis, quæ & flammam suam admotis sibi lampadibus præstat, & ipsa nihilominus sine damno traditi luminis perseverat. Novi, Fratres, novi miraculi res est, quæ habeas dare, & eadem dando non amittere; totum transfundere, & nullum sentire defectum. Propter quod Beatissimus Cyprianus cunctorum est Fidelium devotione celebrandus, qui largiendo populis, quæ habebat, ac retinendo, quæ dederat, laudabilem vitam

suam & clarissimo sermone extulit, & pretiosissimo sanguine consecravit, quatenus universo orbi loquentis fidem virtus patientis ostenderet. Rectissime de hoc dicitur illud Davidicum: *Os ejus meditabitur sapientiam, & lingua ejus loquetur judicium, & lex Dei ejus in corde ipsius.* Erat utique in perfectione Sacerdotii ejus cor sanctum, os sapiens, lingua terribilis. Terribilis nimirum erat Cypriani lingua, quæ & integritatem pectoris ejus, & illa omnipotentis Dei tremenda judicia peccantibus ingerebat, qui se ita totum sancto in sermone fundebat, ut nihil penitus in secreto sui pectoris relinqueret, quod lateret. Latet autem intra semetipsum, latet peritus quisque, nisi sapientiam cordis ejus docta dicendi lingua prodiderit. Quid non in illo viro præcipuum, quid non mirabile, in cujus ore sapientia, in cujus lingua judicium, in cujus corde lex Dei, quæ justitiæ mater est, permanebat? Nec otiose, Karissimi, consequens Psalmi ipsius ordo subtexuit dicens: *Et non subplantabuntur gressus ejus.* Non sunt revera Cypriani subplantata vestigia, quia in ejus corde lex Dei viget. Qui in ore, ac lingua sua coelestem sapientiam, divinumque judicium meditatur, gressus ejus lapsum sentire non possunt. Aut quod in illo umquam peccati tempus, quodve momentum Diabolica potest reperire subreptio, cujus os, cujus lingua per omne spatium noctis, ac diei voluntatem Dei & sapit, & loquitur, secundum illud, quod dictum est a Propheta: *Et in lege ejus meditabitur die, ac nocte.* Credite, Fratres, quia numquam inter adversa hujus sæculi movebuntur ejus pedes, cujus pectus a tramite veræ Fidei non declinat. Et quia omnia virtutum genera Beatissimus Cyprianus, ut Sacerdos, ut justus, ut Sapiens possidebat, inconcusso pede consistens moveri sua in passione non potuit. Et inde est, quod ab uno eodemque viro & inoffensam recte vivendi regulam, & fortissimum Martyrii tenemus exemplum. Ille enim nos Deo vivere, & pro Deo mori non solum sermone docuit, sed & opere confirmavit.

SERMO VII.

De S. Cypriano.

A Nte dies cūm Beatissimi Martyris Cyprianis celebraremus natalem &c.
Editus inter opera S. Ambrosii.

SERMO VIII.

De S. Cypriano.

S Ancti Cypriani festivitatem, sicut omnibus notum est, hodie celebramus &c.
Editus inter opera S. Ambrosii.

SERMO IX.

De Natale Sanctorum, præcipue in S. Cypriani.

Q Uotiescumque, Fratres, Sanctorum Martyria celebramus, totiens laudes Salvatoris dicimus, & quotiens eorum adferimus passionēs, totiens Christi gloriam prædicamus. Non enim suspicimus, quod passi sunt, sed propter quem passi sunt, admiramur. Igitur non pena in laude, sed Fides est in honore. Magnificamus ergo Martyres, non quia gravibus subjacere suppliciis, sed quia justitiæ causa eadem tolerare supplicia. Nam plurimos sceleratorum peiores poenas vidimus esse perpeſſos; sed nihil eis prosunt, quia Martyres causa justificat, sceleratos conscientia sua damnat. Summo igitur, & præcipuo loco propter fidem habendi sunt Beati Martyres. Videte autem, quem iidem locum apud homines mercantur, qui apud Deum locum sub altario

meruerunt. Dicit enim S. Scriptura : *Vidi subtus aram Dei animas occisorum propter verbum Dei, & propter testimonium, quod habebant, & clamaverunt, & reliqua. Sub ara*, inquit, *Dei animas occisorum*. Quid reverentius, quid honorabilius dici potest, quam sub illa ara requiescere, in qua Deo Sacrificium celebratur, in qua offeruntur hostiæ, in qua Dominus est Sacerdos, sicut scriptum est : *Tu es Sacerdos in æternum secundum ordinem Melchisedech* ? Recte ergo sub ara Martyres conlocantur, quia super aram Christus imponitur. Recte sub Altario justorum animæ requiescunt, quia super altare Domini Corpus offertur. Nec immerito illic pro justis vindicta sanguinis postulatur, ubi etiam pro peccatoribus Christi sanguis effunditur. Convenienter igitur, & quasi pro quodam consortio ibi Martyribus sepultura decreta est, ubi mors Domini cotidie celebratur, sicut ipse ait : *Quotiescumque hæc feceritis, mortem meam annuntiabitis, donec veniam*. Scilicet ut qui propter mortem ejus mortui fuerunt, sacramenti ejus mysterio quiescant. Non immerito, inquam, velut consortio quodam illic occisi est tumulus constitutus, ubi occisionis Dominicæ membra ponuntur, ut quos cum Christo unius passionis causa devinxerat, unius etiam loci religio copularet. Legimus plebsque justorum Abraham sinibus refoveri, nonnullos Paradisi amœnitatē latari; nemo tamen melius præter Martyres meruit, hoc est ibi requiescere, ubi & hostia Christus est, & Sacerdos. Scilicet ut & propitiationem de oblatione hostiæ consequantur, & benedictionem, perfinctionemque Sacerdotis excipiant. Inter cæteros igitur Martyres, quos sub ara Dei consistere prædicamus, etiam B. Cyprianus adsistit, & cunctorum vindictam facundia uberiore prosequitur; neque enim dubitandum est, eum in Martyrio plura præ cæteris exorare, qui in Sacerdotio præ cæteris plura conscripsit. Et licet cum omnibus stolam splendoris remunerationis acceperit, tamen fortasse eloqui minus cessat, quo plus se intelligit promereri. Dicitur ergo illis vindictam postulantibus post datum munus, ut quiescant, atque sustineant, donec im-

impleatur numerus confervorum illorum, & reliqua. Videtis ergo, quoniam propter nos Martyrum vindicta differtur. Dum enim nos retardamus, horum sanguis inultus est. Sed hoc contingit nostra desidia, qui non, sicut dignum est, religiose vivimus, qui non pie, sicut congruit, operamur. Nam si bonorum operum ad Deum justitia nostra præcederet, jam confervorum numerus, qui expectatur, esset impletus. Nulli autem dubium est, vindictam post judicium Martyres percepturos, qui etiam ante judicium præmiis cœlestibus honorantur.

S E R M O I

In S. Alexandri.

Cum omnes Beatos Martyres, quos nobis tradit antiquitas, honorificentia digna miremur, præcipue tamen Sanctos Alexandrum, Martyrium, & Sisinnium, qui temporibus Nostris passi sunt, debemus tota veneratione suscipere. Nescio quo enim pacto majorem circa hos habemus affectum, quos conscientia novit propria, quam quos docet historia. Illos enim extitisse Martyres lectione, istos oculorum contemplatione cognoscimus. Illorum passiones fama nuntiante condiscimus, istorum supplicia vultus testimonio continemus. Majorem ergo affectum ibi debeo, ubi credulitatem meam mea cogit contemplatio, quam ubi fidem meam hortatur opinio. Majorem, inquam, affectum illic debeo, ubi per ea, quæ vidi, compellor devotius credere etiam illa, quæ non vidi. Nam cum audita aliquanta mihi impossibilia viderentur, cœpi ea credere potuisse fieri, dum similia facta esse conspexi. Et ideo temporis nostri Passio hoc nobis præstitit, ut præsentem conferret gratiam, & fidem præteritam confirmaret. Supra dictos igitur Beatos viros tota debemus veneratione suspicere, primum quia dies vitæ nostræ pretioso sanguine suo inlustrare dignati sunt. Deinde quod prærogativam nobis apud Deum

Deum non minimam contulerunt; ostendentes, qualis esset ætate nostra in Christianis fides, de quorum consortio existere Martyres mererentur. Tertio quod iidem tam sanctæ conversationis fuerint, ut coronam Martyrii tempore pacis invenerint. Cum enim nullus Rex persecutor urgeret, nullus sacrilegus tyrannus insisteret, fecit eos Confessores non publica persecutio, sed Christiana devotio. Nam cum in Anauniæ regione proprio sumptu Ecclesiam construentes ejus Sancto Altario præficerent, siquidem unus ex his Diaconatus, duo Clericatus officio fungerentur, & ejus regionis homines, apud quos Christianum nomen cognitum antea non fuisset, adueto sacrilegio, quod Instrum' dicunt, loca vellet universa pollueret, ac Sancti viri arguerent eos, erroresque eorum manifestanter rationabili castigatione convincerent, tunc illi inebriati plus furore, quam vino rapuerunt eos, & cæde crudelissima fauciarunt, ita ut unus ex his post multa supplicia semivivus expectaret, ac videret suæ mortis exitium; nam destructa Ecclesiæ fabrica pyram de ejus trabibus construentes flammis Beata corpora tradiderunt: Vere Beata corpora, quæ non ad pœnam Idoli funestus ignis adsumpsit, sed ad requiem Dominicæ Domus sancta flamma suscepit. Sancta plane flamma, quæ ideo suscepit Martyres, non ut eos noxio ardore consumeret, sed ut ab his manus sacrilegas prohiberet. Tali autem incendio Beatorum consecrata sunt viscera, non cremata. Convenit huic passioni, quod ait Apostolus: *Ipse autem salvus erit, sic tamen quasi per ignem*. Salvi enim isti facti sunt, dum venerabilis confessionis sunt incendio concremati. Hæc ergo tota causa passionis est, Fratres, propter quam morti addicti Sancti viri cursui similes esse cæteros hortarentur; nam exhortatio illorum in tantum profecit, ut illis e sæculo recedentibus fides eorum regionis ipsius loca universa pervaserit. Ita Christus, ubi tunc in tribus Martyribus persecutionem passus est, nunc illic plurimis Christianorum exultet in populis.

SERMO II.

De Eodem.

ANte dies cum Sanctorum Alexandri, Martyrii, & Sisinnii Natalem festivissime curaremus, hoc præcipue in eorum passione laudavimus, quod dum sacrilegis resistunt, esse Martyres meruerunt, & dum eorum superstitionibus contradicunt, palmam justitiæ sunt adepti. Non enim ea causa morti addicti sunt ab his, cur Christiani essent, sed propterea magis ad pœnam rapti sunt, quod increparentur sacrilegi, cur Christiani, devotique non essent. Pacis ergo tempore, quo nullus Rex persecutor urget, Sanctos viros Martyres fecit non publica persecutio, sed religiosa devotio. Non enim timuerunt salutis propriæ subire discrimen, dum salutem cupiunt providere multorum. Nam cum perspicere in regione sua Gentiles homines adsueto sacrilegio, quod lustrum vocant, funestis circuituionibus loca universa polluerent, & innocentes quosque, vel absentes, si non conscientia, vel conniventia maculare; maculat enim conniventia eum, qui cum contradicendo prohibere potuit, ne fieret, ut fieret quasi dissimulando permisit: Cum igitur hæc Beati viri cernerent, increpaverunt eos constanter, fideliter objurgarunt, & hoc præstiterunt, ut ibi Martyres fierent, & persecutores suos Christianos efficerent. Ergo, Fratres, quia habemus exemplum, imitemur Sanctos viros, si non Passionis Martyrio, vel certe Christianitatis officio. Et quia audimus lustrum a nonnullis sacrilegis mitti solere exemplo sanctorum, objurgemus impios, castigemus errantes; portio enim Martyrii est fecisse, quod Martyres. Cæterum si videntes hæc tacemus, filemus, & patimur, reos nos statuimus, si non operatione sceleris, attamen dissimulationis adsensu. Nam sicut obviare sacrilegiis contradicentem justificat, ita dissimulare quæ videris, maculat retin-

reticentem. Solent enim plerique miseri dicere: Nescio; non jussi, causa mea non est, non me tangit. Sed hæc, ut dixi, loquitur miser quisque vel tepidus; negat enim se jussisse fieri, qui noluit jubere ne fieret. Nam utique malum, quod de consuetudine venit, cum non coerceatur, admittitur. Causa, inquit, mea non est. Falleris, & ignoras. Nescis, quia causa Dei causa cunctorum est, & quod ab uno peccatur, in pluribus vindicatur. Nam sicut unius sanctificantur sanctitate multi, ita unius sacrilegio plurimi polluuntur. Et ideo malum, quod licet ab altero te tamen sciente committitur, tangit te, dum tua conscientia tenetur inclusum. Nescio autem, Fratres, quid illud sit, quod Dei præcepta tam dissimulanter exequimur, qui quod Principes sæculi jusserint, omnes sollicitè obaudiunt, omnes eorum vigilanter jussa custodiunt. Deus præcipit, & ad ejus præcepta dormimus. Quotiens mandavit idem Deus Idolorum sacrilegia destruenda, & nunquam ad hanc partem solliciti esse volumus? Semper dissimulavimus, semper sprevimus. Postea nos admonuit Imperiale præceptum. Videte quanta divinitatis sit derogatio hæc humanæ potestatis adjectio. Aut quid de nobis judicatur, qui quam religiose vivere non devotione cogimur, sed terrore? Principes quidem tam boni Christiani leges pro Religione promulgant, sed eas exsecutores non exerunt competenter. Et ideo exuto a culpa Principe exsecutor remanet in reatu, qui si acrimoniam legis exercet, & ipse peccato absolvitur, & pro salute multorum æterna mercede donabitur.

HOMILIA S. MAXIMI

DE S. EUSEBIO

Martyre Vercellensi.

AD Sancti Martyris Eusebii laudem aliquid adlere velle, decerpere est &c.

Edita est inter Opera S. Ambrosii. Desunt heic paginae quadam, & subsequitur fragmentum sermonis primi S. Maximi de eodem S. Eusebio, qui pariter editus est, sed mutilus; in fine enim post ea verba: Et passibilem carnem, & impassibilem deitatem, hec sequuntur.

Inter ista, Karissimi, de Machabæis fratribus quam maxime exultare nos convenit, quorum mœsta quidem Passio, sed læta victoria hodierna nobis festivitatem multiplici gaudio cumulavit. Quandoquidem propugnator Evangelicæ Fidei, custodesque paternæ legis unum confessi Dominum sub unius Dei certamine triumpharunt. Sicut enim Machabæi ob honorem Dei omnipotentis tyrannica vicere tormenta, ita Beatum Eusebium Dei sui injuriam resellentem persequentum non potuere superare supplicia. Atque ideo nos præsentis die Sanctorum de morte gaudemus, quia perpetuam non dubitamus eos vitam meruisse post mortem,

S E R M O VI.

Item dictum Vercellis.

DUm ad obsequia venerandæ recordationis communis Patris nostri Eusebii confessionis ejus honore concurrimus, religiosum reddimus famularum perpetuo Confessorum auctori. Quidquid enim erga electos Dei devo-

devotionis impendimus , Deo totum , qui electos suos sanctificat , exhibemus . Quis autem Sanctorum memorias Confessorum non pleno , perfectoque amore veneretur , de quibus Dominus , ac Salvator noster ait : *Qui me confessus fuerit coram hominibus , confitebor & ego eum coram patre meo , qui est in Cælis* . Valde ergo nobis est salutare , quod B. Eusebii suspicimus merita , quem pro retributione servatæ Fidei apud sempiternum Patrem cœternus filius constituitur . Advertite itaque , Karissimi , quantam Beato Eusebio paraverit gloriam vixisse Christo , & mortem non timuisse pro Christo , ut ait Apostolus : *Mibi autem vivere Christus est , & mori lucrum* . Erat utique vita illi Christus , quia per spiritualium virtutum tramitem gradens , absque Christo vivere nesciebat . Erat ei & mori lucrum , quia si damno præsentis vitæ transiret e sæculo , ad Christum pergens cœli se noverat divitias lucraturum . Unde & gloriosissimus iste Confessor Christum Dominum & vivens quæsit , & moriens adquisivit . Quæsit vivens Christum , cum salutaria ejus præcepta custodiens indivisam Verbi cum Patre adsevit unitatem . Adquisivit eum moriens , cum ad societatem Regni ejus corporis morte transivit ; & quia unam Patris , Filiique , sicut est , substantiam non negavit , exilia , carcerem , verbera , famem , sitimque sustinuit , quæ omnia fideliter superans , vitam , quam dilexit , invenit , & mortem , quam non timuit , triumphavit . Nam quid aliud est calcare mortem , quam vivendo fideliter vitam possidere post mortem , & obeundo cum Fide perpeti sancti nominis tenere memoriam ? Ecce tempora temporibus cedunt . Generationes generationum successionem prætereunt . Beatus vero Eusebius ætatum nostrarum curricula cuncta transcendens , & in Christi est confessione perpetuus , & in nostra devotione continuus . Nec sane est dubium , quod pie , sancteque viventem & indeficiens vita comitetur , & honor subsequatur æternus . Hic est , Fratres , venerandus Eusebius , qui dum peregrinantem apud perfidos Fidem fideli suæ peregrinatione defendit , ad patriam veræ Fidei tendens , consortium cœle-

coelestis emeruit civitatis. Pulsus quidem est Ecclesia manibus iniquorum, sed vir fidelissimus secum, quocumque ibat, portabat Ecclesiam. Aut non in illo erat Ecclesia, cujus Catholicum, fortissimumque pectus æternus Ecclesiæ auctor habitabat? Sed jam videamus, quos pro Fide Confessor egregius agones egerit, laboresque pertulerit. Fertur namque ita poenali quadam habitatione conclusus, ut homine brevior esset domus, & carcerato carcer angustior, quatenus tali illo in ergastulo stanti, jacentique esset ferale supplicium, ut quidquid cruciatuum sancto de corpore exigere possit tortor immitis, hoc tristissimæ mansionis illius operarentur angustia. Inedia super hæc adstringebatur, & siti; sed nesciebat propugnator salutaris Fidei penuriæ necessitate lassescere. Nesciebat, inquam, Eusebius cibi, ac potus inopia superari, cui verbum Dei vivus erat panis, & quem Sanctus Spiritus effuso desuper ubertatis suæ rore potabat. Nam quæ illi poterat animi corporisque deesse substantia; qui omnipotentis patris, & Unigeniti ejus, & Sancti Spiritus unam, & consempiternam Deitatem confessus in æternum partum Evangelicis uberibus lactabatur? Quid ergo de Martyrio huic defuit, qui tot Martyrii certamina desudavit? Accedit etiam in augmentum lætitiæ nostræ, quod pariter hodie Machabæorum fratrum celebratur Natalis, quos mater fecunda Deo religioso partu edidit, pio lacte nutrit, fidei educatione provexit, ut appareat nobilissimam matrem pignoribus suis non solum terreni corporis contulisse naturam, sed etiam coelestis animi transfudisse propositum; & cum diversa in fratribus ætas etiam membrorum varietate distaret, in confessione tamen divini nominis concors in eis nescivit discrepare germanitas. Propter quod mirabilis femina gloriosius se amittere filios, quam genuisse gaudebat. Quæ de Dei sui certa promissis, suæque securæ de fide, inter tormenta morientium pignorum interrita, & invicta consistens junioris nati vitam, etiam tyranno offerente, contempsit, sciens cum præsentis mercede mortis indefiniti peren-

perennis vitæ tempora mercaturum, docuitque laudabilis mater, ubi Dei agitur de honore, filiis ut recte parcat, non esse parcendum. Quis non hujusmodi feminam toto attonitus stupore miretur, quæ acerbissimo tantorum in obitu filiorum, naturalis dilectionis oblita, immobilem Deo servavit affectum? Quid adhuc de fortissimis adolescentibus loquar, vel quo potissimum sermone dicetur, quantæ illud virtutis, quantæque fuerit fidei, magis illos obedisse matri mortem suadenti, quam cessisse Regi nunc inferenti vulnera, nunc munera promittenti? Mirabiles quidem de suppliciis suis juvenes, sed propriis quisque cruciatibus urgebatur; multo vero mirabilior mater, quæ potuit inflexa persistere, cum tantorum eam pariter filiorum tormenta torquerent. Nam primus ex illis succensa flammis sartagine frigebatur; sed magis matrem totis visceribus igne genuino ardens frigebat affectio. Alterius caput, ut lectum est, cute cum capillis detracta miserabiliter nudabatur; at illa, ne poenis talibus filius vinceretur, velut a vertice innodata crinibus maternæ pietatis metu suspensa pendebat. Alii lingua perfidorum manibus, & ferro est impietatis abscissa; sed adversus furem tyrannum fortior in matre truncati filii lingua vivebat. Et quid plura, Karissimi, ut omnium filiorum suorum mater est adstricta tormentis, ita omnium adornata victoriis, quæ Gentili mox perempta gladio, optabili morte decessit, ut quæ docebat pro Dei honore moriendum, ipsa Deum suo honoraret occasu. Et ideo totis nunc gaudiis exultemus, quia hunc nobis diem in omnem latitiam, & pro defensione paternæ legis Machabææ progenies, & Evangelicæ veritatis adsertor beatissimo obitu semper Deo fidelis Eusebius consecravit.

SERMO VII.

*Item de S. Eusebio, & de Machabæis, quod
primo dictum est Vercellis.*

Licet me, Fratres, debitum Karitatis vestræ exhibere sermonem imperitia, pudorque revocet, & trepida semper rudimenta deterreant, dat tamen fiduciam trepidanti amor venerabilis viri præsentis Antistitis; affectionis etiam vestræ ab incunabulis admodum meis probata dilectio omnem pavidæ vim terroris excludit, & super omnia gratia me beatæ recordationis Domni, patrisque nostri Confessoris impellit, quem pro cœlestium institutione virtutum piæ magis devotionis oblectat officium, quam pompa verborum. Cui quamvis a me exigua, & parva dicantur, placitura non dubito, quæ dicentur ab eo, quem ipse in Ecclesia sua natum, & generatum spiritualis uberis vitali luce nutrit. Etenim pios parentes cum primum parvulos eorum natura provocat ad loquendum, suaviore quodam gaudio infantia ipsius inlimatæ linguæ balbutiens sermo delectat. Et tunc eorum loquendi est dulcior, * cum adhuc trepidantibus labiis per infracta verba nequeunt explicare, quod cupiunt. Unde, Fratres, quamquam tenuis sensu, & lingua paupere, cœlestia reverentissimi viri merita æquiparare non valeam, illa me tamen ratio quam maxime consolatur, quia impossibilitatem stupentis ingenii mei magnitudo dilectionis excusat, nec aliqua me offensio de præsumptione mordebit, ubi imperitiam commendat devotio, & ubi amor verecundiam vincit. Quis itaque, Karissimi, in laudes B. Eusebii non tota animositate prorumpat, cujus gloriam etiam si nostra lingua reticeat, toto pene orbe innumerabilium virtutum ejus monumenta testantur? Hic namque est, de quo tanta fuit divini prærogativa judicii, ut sicut relatio Fidelium Patrum in nostram quoque notitiam pertulit, cum ignotus huc

Tom. IV.

F

pro-

properasset advena, concordantibus repente populorum votis, & Sacerdos Christi, & pater nostræ fieret Civitatis. Nec illud in electione ejus obesse potuit, quod videbatur incognitus, quoniam qui judicia latebat humana, omnipotentis Dei latere præscientiam non potuit. Denique vultis nosse, quam speciali supernæ vocationis sit gratia consecratus, ecce dedit eum vitæ integritas, fideique perfectio, & præcipuum Sacerdotem, & gloriosissimum Confessorem. Hic docuit intra unius diversorii septum varios cohabitantium mores in unam coire concordiam; tantaque apud illum fuit mensura, & disciplina vivendi, ut cotidiano adrescente profectu habitaculum illud non jam diversorum congregatio Clericorum, sed Consacerdotum Collegium videretur tantum, ut tamquam de seminario optimi germinis per complurimas Civitates experientibus populis largiretur lectissimos de sua institutione Pastores. Erat enim in omnibus, tanto principe præcedente, spiritualium officiorum indefessa sedulitas, parsimoniam, sobrietatisque sanitas, caritatis dulcedo, mansuetudinis gratia, custodia castitatis. Quæ omnia, Fratres, etsi generatio nostra adimplere non prævalet, habet tamen in Patre optimo posteritas, quod miretur. Quid illud dicam? quod peregrinationem perpetui, exilia pœnasque multiplices, salutaris Fidei adsertione, promeruit, quod juniorum, vigiliarumque exercitiis roboratus, nec a via veritatis inflexus, constantissimo vigore pectoris de perfidia auctoribus triumphavit. Et inde est, Karissimi, quod mors ejus omni vita est clarior inde, quod Sacerdotium ipsius devotione Fidelium perdurante communem mortalium non sentit occasum. Quid etiam de beatissimis septem Fratribus Machabæis potissimum dicam? Qui dum furentis Antiochi terrore calcato, legalia Testamenti veteris præcepta non deserunt, ad confortium Regis æterni, & beatam Evangelii gloriam pervenerunt. Et sicut fuit illis unius uteri germana nativitas, ita facta est eis unius Fidei fraterna victoria. Qui in modum candelabri illius, quod septeno lumine quondam lucebat

bat in templo, septem Passionum suarum lampadibus mundi faciem radiarunt. Et sicut illi tunc candelabro, Sacerdotis cura oleum pro luminis perseverantia ministrabat, ita his omnipotens Dominus ad inluminandam eorum fidem de thesauro gloriæ suæ sancti Spiritus profudit unguentum. Inter hæc mater venerabilis talium filiorum morte lætissima, una & sola mœrebat tristitia, ne qui dulcium pignorum suorum pro sanctificatione divinæ legis aut noller, aut timeret occidi. Illa vero quanti miraculi res est, quod ad augmentum præsentis lætitiæ in unum diem adsumpti Sancti Eusebii nostri, & Machabæorum victoriæ convenerunt! Quam similis eorum pugna! quam indifferens est triumphus! Illos enim Antiocho sævienti anxia obtulit mater, hunc insaniente Diabolo in spiritale certamen credentium omnium mater sollicita produxit Ecclesia. Machabæi multimoda tormentorum genera patienter, ac fortiter pertulerunt, ne porcinis carnibus, quæ tunc habebantur illicitæ, devota Deo corda polluerent. Beatissimus autem Pater Eusebius innumeros, gravissimosque hæreticorum sustinuit cruciatus, ne Arrianæ inquinamento perfidiæ purissimi pectoris sui conscientiam macularet. Primus ex illis septem fratribus, ut audistis, quia immobilis perstitit, manibus pedibusque truncatus est. Eusebius autem in veritate Fidei perseverans hæreticæ voluntati nec itinere pedum, nec manuum subscriptione consensit. Secundus ex eis, ne caput veræ salutis amitteret, contentus est capitis sui cute nudari. At venerandus Eusebius, dum caput suum pro membris Ecclesiæ persecutoribus objicit, regimentum cœlestis capitis non amisit. Tertius Machabæorum postulatam linguam constantissime protulit impiorum manibus abscindendam, ut quæ pro toto corpore fuerat prolocuta, totum corpus suum præiret ad Deum. Eusebius vero linguam suam adversus Tyrannum Fidei, & expugnationem Diabolici erroris armavit, non timens amittere, quam sciebat sibi & amissam perire non posse. Quartus autem, quintus, & sextus, ut lectum est, sine descriptione poenarum Antiochum

Regem verbis acrioribus increparunt. Eusebius nihilominus inter innumera tormenta, ac diversa supplicia, tam fortia, tam magnifica est locutus, ut increpatione verborum ejus impia perfidorum pectora torquerentur. Septimus etiam in paternæ legis defensione persistens Antiochum doli plenum, honores, ac divitias promittentem mirabili magnanimitate contempsit. Eusebium autem nec honoris Sacerdotalis ambitio, nec paupertas exilii a veræ Fidei propugnatione divertit; sed per sanctam inopiam ineffabiles divitias acquisivit, & Sacerdotium suum Sacerdotii ipsius amissione servavit. Gloriosissima etiam mater non cedentibus filiis iratum superavit Antiochum; & Ecclesia Christi, Eusebio vincente perfidiam, ipsum impietatis auctorem Diabolum, reddita mundo veritate, calcavit. Hæc est igitur Beatissimum Confessori cum Machabæis Fratribus certaminis, gloriæque communio. Hujus diei nobis est annis omnibus multiplicanda, & honoranda festivitas, in quo in æternam Beatitudinem & adsertores Testamenti veteris transierunt, & novi Evangelii propugnator adsumptus est.

SERMO VIII.

Item de S. Confessore Eusebio, & Machabæis.

*Vercellinum
se. esis ostendit.*

AD celebritatem præsentis diei, Fratres Karissimi, omni nos cum alacritate concurrere devotio geminæ festivitatis invitat. Quam nos habere manifestum est de Machabæorum triumpho, & victoria Confessoris. Est namque nobis per Machabæos gaudium generale cum cæteris; est & per B. Eusebium domesticæ gratulationis propria, peculiarisque lætitia. Et licet diversis temporibus diverso ubique agone conflixerint; unus tamen in illis Spiritus dimicavit. Quamvis enim Machabæi pro reverentia legis antiquæ, Eusebius Evangelica pro veritate certaverit; idem tamen est Deus, qui legem dedit, & qui Evangelium revelavit. Quis autem dubi-

dubitet, unum in illis sensum, unam mentem, unum fuisse Spiritum, cum illi pro Domini lege sunt passi, hic pro ipso legis Domino pertulerit passionem? Diligentius nunc intendamus, Karissimi, quæ specialiter Machabæis, quæve B. Eusebio fuerit causa certandi. Igitur cum apud vetusta sæcula in servos Dei Diabolicæ invidiæ facibus Gentilitas accensa serveret, & Antiochi præcipue Regis ferocissimum pectus impia suppleret insania, Machabæos Fratres, eorumque Religiosissimam matrem, raptos ad ferale jubet tribunal adduci, quatenus eos metu mortis, terrore poenarum, oblationibus munerum, in suum transire suaderet errorem. At devotissimam juventutem nec minæ mundi a Deo suo revocant, nec regia blandimenta seducunt. Itaque primus ex illis divinæ dispositione justitiæ palæstram certaminis cœlestis adgreditur, ut qui ætate præibat, passionem præcederet, & nascendi ordo teneret in Fratribus ordinem triumphandi. Hic igitur primævus e Fratribus, sartagine succensa frigi jubetur a Rege; sed refrigeratur a Deo. Manibus pedibusque truncatur, sed multum de sui integratione securus, quia pro illius hæc se noverat lege pati, penes quem solum esse credebatur mandandi reparandique corporis potestatem. Et ob hoc nimirum fortissimus juvenis toto corpore, membrisque conciditur, ut advertat præstante Deo tot se martyria habere, quot membra. Privatur alius lingua, alius capitis cute nudatur, ut poenarum diversitas varietatem gigneret præmiorum. Fremit ergo in omnem sævitiam sanctorum virtutibus exacerbata crudelitas. Lassescunt laniatæ manus, cruenti tabescunt oculi, atque ipsa jam se impietas erubescit, conversoque ordine quæstionis gemit tortor, & tortori suo tortus insultat. Cæsis itaque per hæc, prostratisque Rex Fratribus, septimus, qui & junior, examinandus ingeritur, quem Rex ille Tyrannicus, tot ac talibus expensis frustra suppliciis, mollissima nititur allocutione mulcere; promittit opes, offert honores, suasque insuper amicitias pollicetur, si possit a puero impetrare perfidiam. Sed constantissimus ado-

Iescens Regem , & Regis dona despiciens , Paradisum
 cogitatione deambulans , & cœlum mente percurrens ,
 supplicia sibi censuit commodiora quam munera , elegit-
 que mori pro Deo , quam vivere cum Tyranno . Nec
 sane poterant cum regia inclinare promissa , quem fra-
 terna tormenta non flexerant . Immo , ut exitus docuit ,
 fidelissimus puer in ea magis parte videbatur torqueri ,
 quod tardius torquebatur . Inter ista mater egregia de
 cruciatibus filiorum divinitus inspirata gaudebat , certa
 tot se decorandam coronis , quot funera pertulisset in fi-
 liis . Quis hæc audiens non miretur ? Ob honorem Dei
 materno in pectore genuinus tepescit affectus , fide na-
 tura superatur , & suo mulier fortior sexu , docet filios
 amare supplicia . Præmissis igitur tot ad Deum pignori-
 bus , ipsa etiam spreto mundo gloriosissima morte suc-
 cumbit . Et dignum revera erat , ut Mater Martyrum vi-
 tam Martyrio terminaret . Post ista , Fratres , quod &
 meus concupiscit animus , vestrasque aures jamdiu sistere
 non ambigo , nostrum ad Eusebium veniamus , quem dici
 præsentis adsumptio Machabæorum fecit esse germanum .
 Illi namque moriendo Martyres facti sunt , iste vivendo ,
 An non videtur vitæ suæ temporibus laboriosissimum e-
 gisse martyrium , qui bello perpeti , castitate luxuriam ,
 continentia voluptatem , humilitate superbiam , iracun-
 diam moderatione vincebat ? Numquid non Martyrum
 indeptus est gloriam , qui spiritali proelio cotidiana tem-
 ptaamenta suspirans , occultas continuasque Diabolicæ im-
 pugnationis superabat insidias ? Hic illum animus , Fra-
 tres , hoc propositum , vita huiusmodi Patribus dudum
 nostris Pontificem dedit , qui tantis Sacerdotium suum
 virtutibus sublimavit , ut inter multimoda Ecclesiæ orna-
 menta , velut gemma pretiosior lumine clariore fulgeret .
 Fecit ergo cum , Karissimi , morum probitas Sacerdotem ,
 & plenitudo Fidei Confessorem . Nam cum impietas Ar-
 tiana Ecclesias Dei profunda quiete pacatas Regali pa-
 trocinio accincta vastaret , & ignaros quosque , vel tre-
 pidos nunc suasionem , nunc minis in sua traxisset jura ca-
 ptivos , Eusebii nostri adgressa est adtemptare constan-
 tiam .

tiam. Sed vir iste fortissimus, non ignorans pro Fide Christi, & nomine Apostoli passione provectos Martyres per tormenta crevisse, Arrianorum terrore despecto, coelestis vitæ tranquillissimum portum sæcularium fluctuum tempestate quæsiuit; maluitque spiritalis animus corpus suum procellis subiacere mundanis, quam in navigio perfidorum salutaris Fidei naufragium sustinere. Et quia cogi non potuit prodere veritatem, coactus est exulare. Sed ubi ille exul, ubi esset peregrinus, qui non peregrinabatur a Deo? Libenter & Urbem suam reliquit, & Sedem, cui Christus ubique erat & honor, & patria. Ut autem mihi videtur, illi tunc potius in quodam desolationis loco manebant, a quibus separabatur Eusebius. Recenseamus nunc, prout possumus, quæ Beatissimus Pater noster pro Fidei confessione pertulit, ut advertamus, quantus cum labor, quæve merita ad tantam hanc confessionis gloriam provexerunt. Hic igitur, ut relatio paterna nos instruit, hac nostra raptus ex Urbe, Scythopolim ducitur, ibique trucidandus traditur Arrianis. Non est incognitum, Fratres, quantam possit exercere nequitiam inimico saviendi permissa libertas. Clauditur itaque brevi, angustoque cubiculo, ut præter septum carceris acrius eum ergastuli illius angustiae macerarent. Sed has ille angustias patientissime tolerabat, sciens Jonam Prophetam cæti ventre conclusum in pristinum vivendi statum, atque in officium Propheticum restitutum. Fame etiam perurgebatur, & siti; sed hic, qui verbo magis vivebat Dei, ad omnem satietatem conscientia sua pascebatur, & Fide. Cæsus nihilominus perhibetur, sed magnanimiter sustentabat, quia in ipso jam Christo Domino injuriæ hujus præcessisse videbat exemplum. Et quid plura, Fratres? nunc fortitudine animi, nunc perfectione doctrinæ, & insolentiam persequentium, & hæreticorum vicit errorem. Lætetur itaque, totisque viribus exultemus gratias agentes Domino, ac Deo nostro, qui per abundantiam miserationum suarum ad perfectum tunc præsentium, & patrocinium posterorum, tam magnificum Sacerdotem, tam

*Nota quod
iste Vercellanus
est.*

mirabilem Confessorem Urbi huic & dedit, & reddidit.

S E R M O IX.

De S. Eusebio.

*Nota quod
Vercellinus
est iste.*

QUamquam, dilectissimi Fratres, Beati Patris nostri summi Sacerdotis, & Confessoris Eusebii indignus sim filius, & minimus servus, insignibus tamen meritis, ac virtutibus vel exiguum dependo pro viribus servitutum. Etsi hæc ille in cœlestibus agens, & cœtui associatus Evangelico non requirit, nos tamen nostri memores ingerimus, quod debemus. Quod quidem illa quam maxime confidentia audeo, quia non dubito eum, quamvis a me humilia, & parva dicantur, famuli ac nutriti sui sermonem, non examinantis iudicio, sed diligentis affectione pensare. Atque ideo omni cum gaudio obsequium Patri, officium Sacerdoti, honorem deferimus Confessori. Hic itaque cum in hac Urbe, dispensante Deo, summi gradum Pontificii suscepisset, ut universo Clero suo spiritalium institutionum speculum se cœleste præberet, omnes illos secum intra unius septum habitaculi congregavit, ut quorum erat unum, atque indivisum in Religione propositum, fieret vita, victusque communis. Quatenus in illa sanctissima societate vivendi invicem sibi essent conversationis suæ & iudices, & custodes, & dum alter alterius humilitatem præfert, continentiam stupet, suspicit castitatem, patientiam laudat, miserantis animi prædicat bonitatem, jejunia, vigiliæque miratur, omnes ab omnibus discerent, quod in se singuli non habebant. Quæ cum ita essent, in universorum tamen pectora bonorum omnium plenitudo magni ejus Eusebii de fonte manabat, atque ita fiebat, ut dum in divina præcepta exemplis se mutuis excitant, in diversorio illo non tam hominum esset congregatio, quam virtutum. Cum vero Christianam Fidem & Ecclesiasticam

cam pacem toto orbe Arriana turbaret impietas, & divinitatis rebelles terrore Regio, exiliis, diversisque suppliciis in consensum perfidiæ suæ simplices quosque cogeret Sacerdotes, Eusebius noster supra petram suam constituens fundamentum, tantus, ac talis emicuit, ut eum inter fremitus fluctuum mundanorum nullus error involveret, potestas nulla terteret. Nam, ut relatio paterna nos docuit, ita humili angustoque carcere clausus refertur, ut neque stans neque jacens haberet porrigendi sui corporis libertatem. Premebatur quidem habitatione pœnali, ne inclinum caput erigeret, sed passionis ipsius merito verticem suum attollebat in cœlum. Arctabatur nihilominus carceris brevitate, ne lassantia in requiem genua relaxaret; sed veritatis gradiendo semitas per amœna Paradisi incorruptæ Fidei suæ vestigia dilatabat. Subtrahuntur etiam illi, ut ipsius scripta testantur, cibi, potusque ministeria; sed nulla ille carnalis escæ fatigabatur inedia, qui consistendo æternitatem Christi cœlestis verbi pane vivebat. Nec cogi unquam potuit, ut imperio perfidorum necessitate corpora statum fidelis animæ subjugaret. Et quamvis B. Eusebius in tanto Fidei proelio adversa omnia, Deo, cui militabat, juvante, superaret, omnes tamen illas jacendi angustias, atque illam famis inopiam tolerabilius perferibat * qui exercuerant illum; lætulus durior, & sanctioris propositi continuata jejunia. Hic vere cum Apostolo Paulo & dicit, & docet: *Quis nos separabit a caritate Christi? tribulatio, an angustia? an persecutio? an fames?* & reliqua. Et recte non potuit a Christo tribulationibus, & angustis separari, qui non potuit cogi, ut a Patre Filium separaret. Et quamquam de suavitate gestorum ejus nulla sit invicem nobis dicendi, audiendique satietas, nec Beatissimorum tamen Machabæorum silentio est prætereunda victoria, quia & ipsos hic idem dies ereptos sæculo magno cum triumpho transmisit ad Cœlum. Et quamvis chorus ille fortissimus ad Deum suum inter tormenta transierit, non tamen impar est Eusebius, qui confutata perfidia ad eundem Deum victa post tormenta-

menta migravit. Et, ut manifestius advertamus Eusebii nostri inferiorem non fuisse victoriam, illi veteri prolege certarunt, hic novo pro Evangelio dimicavit: Illi præceptis quidem Dei subjacere suppliciis; Eusebius autem pro Deitatis ipsius veritate confixit. Restiterunt illi Antiocho Regi, ne illicitis tunc carnibus vescerentur; obstitit iste Diabolo, ne hæretici sermonis fermento panem nobis Dominicum macularet. Exulemus itaque, Fratres, Deo nostro agentes gratias, quia sub hac præsentis diei devotione gemina festivitate lætamur, Eusebii quippe suspicientes triumphum, & victoriam Machabæorum tormenta mirantes. An non mirabiles Machabæi, quos nativitatis suæ, passionisque consortio & apud sæculum fratres fuisse, & in Cœlo videmus esse germanos, qui pinguisimo egregiæ matris ab ubere & substantiam vivendi, & vincendi suxere virtutem? In tantam enim perfectionem lacte & sermone adolevere materno, ut inseparabilis esset & in corde eorum sapientia, & in corpore fortitudo. Denique Antiochus lætissimos juvenes Fide propria, & materna adhortatione constantes, ut a reverentia paternæ legis averterer, non accerrimis terrere suppliciis, non magnis potuit avocare promissis. Tantus enim in membris eorum vigor, tantus in pectore spiritus, tanta erat in responsione doctrina, ut spernendo pœnas, & confutando perfidiam impii Regis, & terrorem vincerent, & furorem. Venerabilis autem mater confessione parili, & consimili morte defuncta lætior ad pignora sua de hoc sæculo profecta migravit. Nec mirum, si sævitiam Regis in semetipsam magnanimiter pertulit, quæ tam fortiter eum potuit & in filiis sustinere. Vere beata mulier, atque omnium prosequenda præconiis, quam pro fide Dei sui & in occubibus filiorum nulla carnis fregit affectio, & a tormentis proprii corporis nec sexus revocare potuit, nec senectas. Hæc ergo sunt, Karissimi, diei hujus gaudia votiva fidelium. Hæc semper Beato Eusebio, & gloriosissimis Machabæis exhibeamus obsequia, quos in æternum Regnum tempus quidem diversum, sed Fides eadem, & dies una provexit.

S E R.

S E R M O X.

De Machabæis.

Quid primum, Karissimi, de Machabæis. Fratribus, quorum hodie Natalis est, adgrediar prædicare. Quo me in laudes eorum sermone circumferam, quorum mihi insignia merita nec explicare possibile est, nec sequi probabile? Ut enim una resplenduit in omnibus fides, ita multiplex claruit in singulis fortitudo. Vere venerabiles, atque ore omnium celebrandi fratres, apud quos & in verbis confessio, & triumphus est in virtute. Hi igitur, dum illicitis vesci, & communicare prohibitis metu regio, & tormentorum acerbitate coguntur, una sibi omnes moriendi voluntate succedunt, quia omnibus erat post obitum spes una vivendi. Quam specioso autem iudicio, laudabilique constantia porcinas carnes, quæ coelesti tunc interdictu habebantur immundæ, contingere perhorrescunt, quorum devotio ad immaculati se Agni præparabat adventum! Rapiuntur ergo fortissimi juvenes, ad iniqua, & vetita variis membrorum cruciatibus impelluntur. Persistunt tamen viriliter, nec furori tyrannico cedunt, ut omnipotentis Dei dispensatione mirabili, quos carnis generatio temporales, mortalesque ediderat fratres, æternos faceret pœna germanos. Quis revera non tota admiratione suspiciat, quod pro auctoritate divinæ legis pueri sapientiam præferunt, adolescentes tormenta non metuunt, juvenes & munera Regia, & vitæ ipsius blandimenta contemnunt? Incipit ergo artifex persecutor a primore natu, ut in præcepta sua seniorum supplicio subsequenter animos inclinaret. Sed quod impius argumentatur, ad metam fratribus proficit, & exemplum. Intelligit unusquisque eorum, posse ea, & debere se vincere, quæ vigore germanæ mentis, & fraterna fuerant religione calcata. Sed quid potissimum de venerabili

bili eorum matre sermonis nostri mediocritas prosequetur, cui de tam numerosis orbitatum luctibus gaudia votiva nascuntur; quæ tot funerum exultavit tormentis, quot pignoribus latabatur? Egit Beata femina geminam quodammodo matrem; nam quos lege corpora præfenti fuderat vitæ, fortitudine spiritus perpetuis sæculis parturivit. Quis non mortalium miretur, Fratres, cujus non contremiscat affectus, totis matrem trepidasse visceribus, ne quis filiorum suorum in tam magnifico conflictu aut timeret, aut non mereretur occidi? Atque inter illa peremptorum funera parvulorum materno in pectore non solum nullus tristitiæ gemitus fuit, sed ultra femineæ pietatis affectum exultavit de eorum victoria mater mirabilis, quos se sciebat, non minus fide nutrisse, quam lacte. Transit ergo nativitatibus ordo in ordinem passionis, ut iustissima Martyrii regula tramite, quo eos mundus acceperat, transmittentur ad cælum. O novum pietatis affectum! torquentur filii, & mater exultat, atque ita se in conspectu Domini veram matrem credidit adprobendam, si inter tam funesta supplicia numerosæ sobolis suæ, inflexo pectore, & siccis oculis adstitisset. Immo sibi ipsa congaudet, quod alacritatem mentis suæ suis in pignoribus recognoscit, & quod ei tali morte præmittere contigit filios, ut nihil sibi de eis vindicaret Infernus. Sed posthæc omnia stupenda mulier eadem, qua filii, confessione defuncta, securæ subsequitur, quos tam devota præmisit. Iustissimumque in conspectu Domini fuit, ut tot Martyrum mater de hoc mundo non sine Martyrii consecratione transiret. Nec requiring, Fratres, qua potissimum poena gloriosissimum clausit diem, cum omnia, quæ audivimus, supplicia filiorum materna torferint viscera, & sola acrius senserit, quidquid singuli pertulerunt.

S E R M O X I.

De Machabæis.

U Num esse spiritum novi, ac veteris Testamenti, etiam Machabæorum magnanimitas, fideique declarat, qui de æternitatis gloria Deo promittente securi, cruenti Regis sævitiam pia morte vicerunt. Nam Dominum nostrum Jesum Christum, quem testimonio Euangelii omnis pæne de Cœlo credit venisse Gentilitas, nasciturum in terris esse de Virgine universa dudum per Legem, atque Prophetas Judæa discebat. Et inde est, Karissimi, quod Machabæi Fratres pro severentia legis paternæ ante se passionibus subdiderunt, quam legis Dominus pateretur. Inde, quod prius despererunt mortem, quam per Christum vinceretur Infernus; inde, quod antea pro honore Redemptoris proprium dederunt sanguinem, quam suum pro eis cruorem Redemptor effunderet. Quis autem dubitet tam innumera mundi præsentis mala nec adire eos, nec tolerare potuisse, nisi fide plenissima de bonis futuri sæculi credidissent? Nemo, Fratres, nemo Tyrannum spernit, nisi qui spe legitimi Imperatoris erigitur; nemo mortem præfert vitæ, nisi qui vitam credit esse post mortem; nemo tormenta volens perpetitur, nisi qui sperat præmia post tormenta. Igitur cum Antiochus in feryos Dei effrænata sæviret infania, septem germanorum religiosissimum chorum ad suum jubet tribunal cum matre perducere, ut aut illa tam numerosæ prolis cruciata suppliciiis vinceretur; aut si quem forte ex pueris proprium non terruisset interitus, mors fraterna turbaret. Sed erravit insanus, virtutem Religionis ignorans, in qua est illa vel maxima pietas, Deum fratribus, Deum filiis, Deum prætulisse parentibus. Præcipit ergo eos contra decreta Cœlestia manducare carnes porcinas: Recusantibus adhibet genera diversa poenarum. Sed

ne.

nesciunt corda fidelium voluntatibus * perfidorum. Agitur itaque cum eis ferro, flammis, variisque suppliciis. Huic caput cute nudatur; huic lingua præciditur; frigitur ille manibus pedibusque truncatus. Sed inter tam funesta torquentium manus nec filios instantis matris inclinat affectio, nec matrem morientum frangit turba natorum. Atque ita in germanis pueris, & muliere senissima eadem pro lege Dei fuere vota moriendi, ut & ipsa videatur filios spiritu magis genuisse, quam carne; & illi æstimentur non tam lactis substantiam de matre suxisse, quam Fidei. Quis non perfidorum, Fideliumque miretur, quod senissima mulier tot dulcium pignorum non congemiscit interitum? quis non obstupescat, quod de tam crudelibus filiorum suppliciis furenti Regi læta mater insultat, illiusque potius persecutor magnanimitate torquetur, quam meditatione impia cogitabat, aut prævaricatione pollueret, aut orbitate damnare? Nam quod supra omne miraculum est, juniori filio mater, quem a Rege susceperat inclinandum, sic ait: *Peto fili, ut condignus fratribus tuis effectus suscipias mortem, ut in illa misericordia Dei cum fratribus tuis te recipiam.* Vere gloriosissimæ mulieris incomparabilis fides! Adstat in conspectu Regis secunda de mortuis, trepida de vivente. Sciebat enim hunc se solum filium perdituram, si solus timuisset occidi. Sed non degener juvenis, qui fratrum agones patienter aspexerat, matrem libenter audivit, & torquentem Regem non solum non metuait, sed digna ferum increpatione castigat. Et bene, Karissimi, mirabilis femina, certa de filiorum triumpho, certa de retributione cœlesti; insultabat Regi, exultabat in Domino, quæ se tunc magis credebat beatius parituræ, cum videret filios suos gloriosa ad Deum morte præcedere. Et supplicia quidem multiplicabat Antiochus; sed fidelis anus pro illa temporalium poenarum multitudine triumphantium parvulorum præmia numerabat æterna, post quorum occasum inter dulcissima corpora.....

*Deest pagina. Sequitur Sermonis fragmentum, editum inter
Opera S. Ambrosii.*

..... quæ & Dominum suscitavit. Nam licet
viam passionis ejus experti sunt, ita experiuntur & vi-
tæ. scriptum est enim in Psalmo: *Notas mihi fecisti vias*
vita. Hoc utique in Resurrectione ex persona dicitur
Salvatoris, quod dum post mortem ab Inferis redit,
ad superos incipit notam habere viam vitæ, quæ ante
habebatur ignota. Ignota enim erat ante Christum via
vitæ, quod nullius adhuc resurgentis fuerat temerata
vestigio. At ubi Dominus resurrexit, nota facta solo at-
trita est plurimorum, de quibus Sanctus Evangelista
ait: *Multorum corpora Sanctorum resurrexerunt cum eo,*
& introjerunt in sanctam Civitatem. Unde cum Dominus
in Resurrectione sua dixerit: *Notas mihi fecisti vias vi-*
ta, possumus & nos jam dicere Domino: *Notas fecisti*
nobis vias vitæ. Ipse enim nobis notas fecit vias vi-
tæ, qui nobis semitam manifestavit ad vitam; notas e-
nim mihi fecit vias vitæ, cum me docuit Fidem, mi-
sericordiam, justitiam, castitatem; his enim pervenitur
itineribus ad salutem. Et licet nos sui resolutione cor-
poris mortis umbra circumdet; tamen gressus suos vi-
ta non deserit, sed inter ipsas medias Inferni leges in-
cunctanter Christi virtutibus ambulamus. Unde ait Pro-
pheta: *Nam etsi ambulavero in medio umbra mortis, non*
timebo mala, quoniam tu mecum es. Quod manifestius Do-
minus ait de fideli dicens: *Qui autem credit in me, non*
moriatur, & licet moriatur, vivet. Ergo, Fratres, cum
Sanctis Martyribus Paschæ Domini gloriam conferamus.
Conferamus, inquam, & licet melius noverint omnia,
tamen nos illis prædicemus, quemadmodum de sepul-
cri gremio resurrexit ad superos. Illi nobis revelent,
quo pacto de Inferi profundo remeaverit ad sepulcrum.
Notum, inquam, nobis faciant, quemadmodum in exa-
nime etiam corpus, & frigidum sese calor insinuaverit,
spiritus ingesserit, sanguis infuderit, & gelatas humore
venas

venas pristini vigoris pulsus agitaverit . Notum , inquam nobis faciant , quemadmodum organum corporis dissipatum in priorem statum nervorum rursus cooptaverit resoluta compago , & armoniam viscerum jam silentem in veterem conceptum spiritus vivificans animaverit Sacerdotes . Ergo prædicent , quæ Salvator post Resurrectionem mirabilia gessit ad superos . Martyres revelent , quanta in ipsa morte refrigeria operatus sit indefunctis .

S E R M O

*De Natale Sanctorum Octavii , Adventi , &
Solutoris , qui Taurinis passi sunt .*

CUm omnium Sanctorum Martyrum festivitatem ,
Fratres , devotissime celebrare debeamus &c.
Editus est inter Opera S. Maximi .

S E R M O

De Barbaris non timendis .

SEpe dixisse me memini , quod hos tumultus bellicos
timere minime debeamus &c.
*Est editus a Mabillonio sub nomine S. Maximi in Mus.
- Ital. ex hoc Codice .*

SERMO II.

Item sequentia.

Mirum forsitan videatur, quod ante dies Sancti Helisæi gratiam describentes diximus &c.
Editus ibidem a Mabillonio sub nomine S. Maximi ex hoc Codice.

SERMO

De tumultibus bellicis, XXII.

Movet fortasse vos Fratres, quod tumultus bellorum, & incursiones proeliorum &c.
Editus est inter opera S. Ambrosii.

In hoc codice ad ea usque verba procedit Sermo: Et ad plenam tuitionem urbium portas principum. Tum deficiente pagina subsequitur fragmentum.

..... recte autem Moysen & Prophetas micas possumus nominare, quoniam integer panis ipse Salvator est juxta quod idem de se dicit: *Ego sum panis, qui de Cælo descendi*. Cujus panis refectioem Cananæa illa mulier cum rogaret, dicit illi Dominus: *Non est bonum tollere panem filiorum, & dare canibus, hoc est gentibus*. Quod intelligens illa mysterium respondit dicens: *Domine, nam & canes de micis Dominorum suorum edunt*. Cujus fidem Salvator mirans statim filium ejus perfectæ sanitatis medicina donavit. Ita mulier magna dum fide micas quærit, panem salutis invenit, & dum catulorum fragmenta desiderat, filiorum epulis faginatur. O beata Domini vulnera, quæ perpetuum a nobis excludunt dolorem! o uberes micæ, quæ repellitis jejunium semper.

Tam. 17. G ter-

98
ternum! Quisquis enim ulcera Salvatoris ore suo fove-
rit, ipse ulterius non dolebit, quicumque panis ejus mi-
cas sumpserit, famem non sentiet sempiternam.

SERMO XXIX.

De Kal. Gentilium.

BEne quodammodo Deo providente dispositum est,
ut inter medias Gentilium festivitates &c.

*Editus est ex hoc Codice a Mabillonio sub nomine S.
Maximi in Museo Italico.*

SERMO XXX.

De defectione Luna.

ET ipsi videtis, Fratres, quod mea non cessat humi-
litas &c.

Editus est inter Opera S. Maximi.

SERMO XXXI.

Sequentia de eadem re.

A Nec dies persecuti sumus, Fratres, adversus illos
&c.

*Editus est a Mabillonio sub S. Maximi nomine in Mus.
Italico ex hoc Codice.*

SER-

SERMO XXXII.

De Idolis auferendis de propriis possessionibus.

ANte dies commonueram caritatem vestram, Fratres, ut tamquam Religiosi, & Sancti Idolorum omnem pollutionem de vestris possessionibus auferretis, & erueretis ex agris universum Gentilium errorem. Fas enim non est, ut qui Christum habetis in cordibus, Antichristum in habitaculis habeatis; cum vos Deum adoretis in Ecclesia, vestri Diabolus veneretur in Fanis. Nec se aliquis excusatum putet dicens: Non iussi fieri, non mandavi. Quisquis enim intelligit, in re sua exerceri sacrilegia, nec fieri prohibet, quodammodo ipse præcipit; tacendo enim, & non arguendo consensum præbuit immolanti. Dicit autem B. Apostolus, criminosos esse non solum qui faciunt, sed etiam qui consentiunt facientibus. Tu igitur, Frater, cum tuum sacrificare rusticum cernis, nec prohibes immolare: peccas, si non data copia, attamen permissa licentia; si non iussio tua in crimine, attamen voluntas in culpa est. Dum enim taces, placet tibi quod fecit rusticus tuus, quod si non faceret, forsitan displiceret. Non autem sibi tantum peccat subditus, cum sacrificat, sed & Domnedio, qui non prohibet, qui si prohiberet, utique non peccaret. Grande igitur malum est Idolatria, polluit exercentes, polluit habitantes, polluit intuentes, penetrat ad ministros, penetrat ad conscios, penetrat ad tacentes. Immolante enim rustico inquinatur Domnedius. Non potest non esse pollutus ubi cibum capit, quem sacrilegus cultor exercuit, terra cruenta edidit, tetrum horreum conservavit. omnia enim ibi inquinata, omnia sunt nefanda, ubi Diabolus habitat in ædibus, in agris, in rusticis. Nihil ibi liberum est ab scelere, ubi totum versatur in scelere. Cum cellam ingressus fueris, reperies in ea pallentes cespites, mortuosque

carbones, dignum sacrificium Dæmonis, cum mortuo Numini rebus mortuis supplicatur. Et si ad agrum processeris, cernis aras ligneas, & simulacra lapidea, congruens mysterium, ubi Diis insensibilibus aris putrescentibus ministratur. Cum maturius vigilaveris, & videris faucium vinorusticum, scire debes, quoniam sicut dicunt, aut Dianaticus aut aruspex est; insanum enim Numen amentem solet habere Pontificem; talis enim Sacerdos parat se vino ad plagas Deæ suæ, ut dum est ebrius, poenam suam miser ipse non sentiat. Hoc autem non solum de intemperantia, sed & de arte faciunt, ut minus vulnera sua doleant, dum vinobrietate jactantur. Vanus plane vatis est, qui putat crudelitate adstruere pietatem. Quam misericors in alienos Deos ille, qui in suos est Pontifices tam cruentus! Nam ut paulisper describamus habitum vatis hujusce, est ei adulterinis crinibus hirsutum caput, nuda habens pectora, pallio crura semicincta, & more gladiatorum paratus ad pugnam ferrum gestat in manibus, nisi quod gladiatore pejor est, quia ille adversus alterum dimicare cogitur, iste contra se pugnare compellitur. Ille aliena petit viscera, iste propria membra dilaniat; & si dici potest, ad crudelitatem illum Lanista, istum Numen hortatur. Hoc igitur indutus habitu, hac cruentus cæde, judicate utrum gladiator sit, an Sacerdos. Ergo sicut gladiatorum publicum facinus religiosa Principum devotione sublatum est, ita & amentes gladiatores isti Christianitatis observatione de propriis domiciliis auferantur.

Ejusdem.

S E R M O XXXIII.

De eadem re.

Non parum tractatu Dominicæ superioris profecisse vos credimus, siquidem prædicatio nostra ab omni Idolorum inquinamento corda vestra purgavimus. Nostra

fra enim corda mundantur ; cum Diaboli sordibus polluta nostra conscientia non tenetur . Pollutam autem is conscientiam non habet , qui exerceri sacrilegia in sua possessione non patitur . Cæterum qui scit in agro suo Idolis immolari ; nec prohibet , quamvis ipse longe in Civitate consistat , pollutio tamen illum nefanda continget . Et licet aris adsistat rusticus , ad Domnedium contaminatio execranda regreditur . Particeps enim ejus efficitur , si non conscientia , certe notitia . Profecisse ergo nos credimus , cum sacrilegii cultum in vestris possessionibus inhihent ; dicimus enim , ut Christiani hominis , hoc est mundi viri , sit munda possessio . Ait autem Salomon : *possessio pretiosa vir mundus .* Si ergo vir purus possessioni pretiosissimæ comparatur , quanto ipsa possessio majoris est pretii , si sit sinceris , & pura , nec aliqua Diaboli contagione vilescat ? Cur autem vir mundus possessio munda dicatur , scire debemus , scilicet quia pretiosum illum facit non fragilitas corporis , sed sinceritas honestatis , & quia cum pro ipsa puritate mentis Dominus possidere dignatur , sicut ait Propheta ex persona Sanctorum &c.

Hæc desunt aliquot pagine . sequitur fragmentum .

..... suscipit , sed alios excutit in profundum , alios sublimat ad cælum , aliis lapsum tribuit ad ruinam , aliis resurrectionem operatur ad gloriam , sicut scriptum est in Evangelio dicente ad Mariam Sancto Symeone : *Ecce positus est hic in ruinam , & resurrectionem multorum .* Ruit enim a Christo , qui mandata ejus præteriens , lapsum , dum evagatur , incurrit ; resurgit in Domino , qui præcepta ejus metuens , a peccatis se erigit ad virtutem . Sic igitur iste hæreticus ruinam in ipso itinere patitur , dum viam veræ Religionis ignorat ; Catholicus incedit sine offensiculo , quia recto Fidei tramite graditur ad salutem .

S E R M O XXXVIII.

De Speculatore posito filiis Israhel.

INterdum, Fratres, cum prædicamus, plerisque sermo noster videtur asperior, & ea, quæ secundum regulam prosequimur, ita a nonnullis accipiuntur, quasi nostræ severitatis austeritate promantur. Dicunt enim: quam dure, & amare prædicavit Episcopus, ignorantes quod Sacerdotibus dicendi necessitas major est, quam voluntas. Necessitas, inquam, major est dicendi, non quod verum prosequendi desit voluntas, sed quia tacendi silentium statuti poena depellitur. Necessitatem patimur, dum timemus, ac per hoc cogimur plus posse, quam velle, & metuenda aliis ingerimus, dum ipsi salutis propriæ formidamus. Hæc autem est conditio prædicantis, ut non alterius peccata taceat, si sua vult declinare peccata, & emendet oburgando fratrem, ut in se possit non perdere Sacerdotem. Cæterum si voluerit dissimulare, filere, celare, & illum tacendo non corrigit, & se non prædicando contemnit. Melius est igitur increpando emendare peccantem, quam silendo peccantis delicta suscipere. In hoc enim positi sumus, ut si delinquentibus non eorum scelera dixerimus, scelerum ipsorum etiam nos reatus involvat. Nam sic utique dicit Dominus per Prophetam: *Es tu fili hominis speculatorem te dedi domui Israhel, & audies ex ore meo verbum, cum dicam peccatori: morte morieris, & non loqueris, ut caveat impius de via sua; ipse iniquus in iniquitate sua morietur, sanguinem autem ejus de manu tua exquiram, & reliqua.* Evidens plane, & manifesta sententia, quæ speculatorem, cur taceret, sanguine polluit criminoli; nec contenta est, quod iniquum sua damnat iniquitas, nisi & illum reum statuatur, qui eandem iniquitatem noluit increpare. Videte ergo, quantum malum sit delinquentis; delinquens ipse peccat, & Sacerdos arguitur. Ipse se delictis suis jugulat,

&

& de manu Episcopi sanguis exquiritur. Loquendum est igitur, & clamandum, ne silentium nostrum in die iudicii idem peccator excuset, & qui nunc dissimulat esse particeps sanctitatis, tunc socium criminetur erroris: *Et tu*, inquit, *fili hominis speculatorem dedi domui Israel*. Quid est speculator? Speculator utique dicitur, qui velut in quadam sublimi arce consistens; adjacenti populo prospicit, ne quis in eum subito hostis obrepit, sed illo solícite curam agente plebs pacis dulcedine potiatur; qui si aliquid adversi repente conspexerit, mox indicet, constanter adnunciet, ut & civis ad cavendum periculum sit paratus, & hostis fugiat deprehensus. Cæterum si ingruente adversario speculator dissimulaverit, tacuerit, neglexerit, tunc fit ut inopinatus præoccupetur populus, & inimicus superveniens debacchetur, atque ideo omnis culpa ei adscribitur, qui loqui noluit, ut salvaret plurimos, sed tacere maluit, ut periret ipse cum pluribus. Hos ergo Speculatores a Domino constitutos quos esse dicimus, nisi Beatissimos Sacerdotes, qui velut in sublimi quadam arce sapientiæ collocati ad tuitionem populorum supervenientia mala eminus intuentur, & adhuc longe positi contemplantur futura supplicia, non oculi carnalis intuitu, sed prudentiæ spiritualis aspectu. Et ideo tacere non possunt, sed clamare coguntur, ne per silentium gregem Christi Diabolus hostis invadat. Ecce enim prævidemus diem advenire iudicii, & peccatorum poenas jam ipsa cogitatione sentimus. Atque ideo adnunciamus unicuique, ut avertat se a via impietatis suæ, scilicet temulento ut sobrietatem sectetur, quoniam ebrietati comes est inimica luxuria; avaro ut pecunias suas erogat, ne custodiendo eas, non ad utendum, sed ad colendum videatur habere divitias; quisquis enim quod diligit hoc colit, tuetur, & quodammodo veneratur. Unde ergo, avare, ne vascula mentis tuæ tibi cedant pro Idolio, dum his non uteris ut Dominus, sed ea recondita custodis ut servus?

Ejusdem.

S E R M O XXXIX.

De eadem re.

Cum semper, Fratres, non cessaverim vos paterna pietate corripere, miror nihil vos tot meis commotionibus profecisse, & doleo quod frequens prædicationis mea non vos profectu aliquo salutis corrigat, sed quadam contestationis poena constringat. Prædicationis enim Sacerdotis in plebe salvandis est correctio, contestatio judicandis. Contestamur enim illis ante judicii diem, quid illos maneat in ipso judicio, ut tunc omni excusatione sumpta & rei sint de peccatis, & obnoxii de contemptu. Unde & ego interdum parcens vobis tacere velim, sed malo vos contumaciæ causas reddere, quam me negligentiae sustinere judicium. Comperi enim, Fratres, quod per abstinentiam meam ita rari quique ad Ecclesiam veniatis, ita pauci admodum procedatis, quasi me proficiscente mecum pariter veniretis, & quasi cum a necessitatibus ego pertrahor, vos mecum traxerit ipsa necessitas. Pariter ergo a Domo Dei absentes sumus; sed hoc interest quod me absentem necessitas efficit, vos voluntas. Nescitis quia etsi ego ab Ecclesia desum, Christus tamen ab Ecclesia sua, qui est ubique, non deest? Venis frater ad Ecclesiam, non invenis ibi Episcopum; sed, si fideliter venis, invenis ibi Episcoporum Episcopum Salvatorem. Nam Christianus, qui tunc tantum procedit ad Ecclesiam, quando Episcopus præsens est, non tam Dei causa videtur processisse, quam hominis, nec implese Christianæ mentis officium, sed amici deferentis obsequium. Quid autem ego vos arguo, cum possitis me uno sermone convincere? Convincor enim, cum in hac parte Clericos vobis magis video negliges. Quomodo enim possum corrigere filios, cum fratres emendare non possim? aut qua fiducia succenseam Laicis, cum a consortibus pudoris verecundia con-

conticescam? Ego autem, Fratres, non de omnibus loquor. Sunt certi, quique devoti sunt; & alii negligentes. Ego neminem nomino, conscientia sua unumquemque conveniat.

S E R M O XL.

Unde supra.

De eadem re.

A Marior fortasse fuerit, Fratres, prædicatione mea superiore Dominica, quod plerosque de vestris acrius magisteriis, & veritate convenerim, & sim profectus, quæ aliquantis blandimenta non deferant, sed tristitiam inrogarent. Verum nihil mea interest; ego enim gaudeo, sciens discipuli tristitiam magistri esse lætitiā. Tunc enim auditor proficit, quando austeriora adnunciat prædicator; tunc ei salus gignitur, quando tristitia emendationis ingeritur. Dicit enim B. Apostolus: *Nam quæ secundum Deum est tristitia, salutem stabilem operatur.* Recte ergo lator, quia salutem operor, cum objurgo. Licet mœreat filius mei asperitate sermonis, me tamen delectat, cum proficere illum intelligo per mœrorem. Ait Salomon Sanctus: *Quis est autem filius, quem non verberat pater?* non enim semper pater osculatur filium, sed & aliquando castigat. Ergo quando castigatur qui diligitur, tunc circa eum pietas exercetur; habet enim & amor plagas suas, quæ dulciores sunt, cum amarius inferuntur. Dulcior enim est religiosa castigatio, quam blanda remissio, unde ait Prophetæ: *Dulciora sunt vulnera amici, quam voluntaria oscula inimici.* Igitur, Fratres, quia post tot increpationis meæ utilia verbera credo vos benignitate sensuum profecisse, de sacris literis aliqua conferamus; sicut enim fons, qui non solito humore destillat, exagitur surculis, & ita largior invenitur; ac primum ex eo turbida aqua producit, ut unda purior subsequatur; sic & sanctitas vestra exasperata quidem fuerat austeritate sermonis, sed devo-

devotior facta est dulcedine pietatis. Turbulentum enim quiddam vestri animi forsitan retinebant, sed jam ex vestris moribus profuit omne, quod purum est. Videamus ergo quid sit quod ait ad discipulos suos Dominus: *Vos autem quem me dicitis?* Non igitur tamquam ignarus interrogat Dominus, quid de eo populi, discipulique sentirent; sed tamquam sciens universorum mentes, fidem manifestare voluit singulorum, ut quod corde credebant, ore narrarent. Alii enim Heliam esse credebant Dominum, alii Hieremiam, alii Johannem Baptistam. Petrus solus Christum Dei filium confitetur. Gradus quidam sunt Fidei, & qui devotius credit, religiosius confitetur. Pro hac devotione dicitur Petro: *Beatus es tu Simon Bar Jona, quoniam caro, & sanguis non revelavit tibi, sed Pater meus, qui est in Caelis; & ego dico tibi: Tu es Petrus, & super hanc petram edificabo Ecclesiam meam.* Cum vocaretur ergo Simon, pro hac devotione nuncupatus est Petrus. Legimus dicente Apostolo de ipso Domino: *Bibebant de spiritali petra; petra autem erat Christus.* Recte igitur quia petra Christus, Simon nuncupatus est Petrus, ut qui cum Domino Fidei societatem habebat, cum Domino haberet & nominis Dominici unitatem, ut sicut a Christo Christianus dicitur, ita & a petra Christo Petrus Apostolus vocaretur. Sed nec populorum opinionem possumus reprobare, qui unum de Prophetis Dominum aestimabant. Nam ideo nonnulli velut Heliam Salvatorem forsitan putaverunt, quia ad coelos Helias, sicut Salvator, ascenderit. Sed non sicut Helias Christus est; ille enim ad Coelos rapitur, iste regreditur. Ille tamquam infirmus ignea quadriga subvehitur; hic tamquam Deus propria virtute portatur. Ille sicut homo ducitur, hic sicut Salvator ascendit. Ille ducente sequitur Angelo; comitantes sibi Angelos iste praecedat. Denique iidem Angeli remeantes in terram a Domino Salvatore dixerunt ad Apostolos: *Viri Galilai, quid statis aspicientes in Caelum? Hic est Jesus, qui receptus est a vobis. Sic veniet, quemadmodum vidistis euntem cum in caelo.*

SER-

SERMO XLI.

De unitate Caritatis.

LEgimus in libro, qui Apostolorum Actibus adscribitur &c.

Editus est inter Opera S. Maximi.

SERMO XLII.

Eiusdem.

De eadem re.

Retinet Sanctitas vestra, Fratres, ante dies cum plebis ejus, quæ sub Beatissimis Apostolis &c.

Est editus inter Opera S. Maximi.

Tum desunt pagina, & sequitur fragmentum.

..... git, & commendat. Nam pro illa tantum aqua daturum se pretium spondet, quam servulis ejus, qui utique in hoc sæculo minimi reputantur, manus religiosa porrexerit. Et ipsa fit aqua acceptabilior Deo, quæ credentibus Christo pro nominis ejus fuerit honore delata. Ait itaque: *Quicumque potum dederit calicem aqua frigida tantum in nomine meo.* Multos videmus, Fratres, non tam gratiæ coelestis intuitu, quam usu, & necessitate conversationis humanæ suis aut familiaribus, aut patronis plurimas opes, & magnifica dona conferre, quæ cum hoc mundo lapsura manifestum est, quia non Deo in æternum manenti, sed discessuris hinc continuo mortalibus tribuuntur. Quæcumque enim pro sæculi ambitionibus impenduntur, cum sæculo necesse est dilabantur. At vero Dominus noster pauperum suorum, atque humilium consolator, non invidiosa auri metalla elargienti, non fulgentium gemmarum inlecebrosa monilia,

nilia, non sericas pretiosasque vestes expetit; sed retributionem etiam pro aqua frigida pollicetur. Aquam frigidam poscit, ut in opus religiosæ misericordiæ omnis possit abundare paupertas. *Quicumque*, inquit, *potum dederit calicem aquæ frigida, non perdet mercedem suam*. Hæc sententia, Karissimi, in obsequium cœlestium mandatorum & inopes invitat, & incitat locupletes. Nam cui pauperi potest aqua deesse, quam exhibeat sitienti? aut quis fidelium dumtaxat divitum non ambiat potiora largiri, cum videat apud munificentissimum Deum magnis præmiis & parva dotari? In hac quippe communione non quæritur muneris pretium, sed devotio porrigentis, sicut egena illa, ac religiosissima femina, quæ in gazophylacium duo æra minuta mittebat, Dominica sententia cunctis est prælata divitibus. Et recte, Fratres, quia sapientissimus iudex non tam operarii quærebat affluentiam, quam operantis affectum, nec intendebat, quantum dives in dona Dei de plenissimis suis proferret ædibus, sed quantus apud mulierem victus, quæ nihil sibi reliquerat, resideret. Divites enim illi sic magna Deo offerebant munera, ne divites esse desinerent; pauper vero mulier tanta fidei magnanimitate Deum sibi prætulit, ut despiciens egestatem suam, totum, quod habebat, offerret. Plus ergo ab omnibus misit, quia minus sibi ab omnibus reservavit. *Qui dederit*, inquit, *calicem aquæ frigida, non perdet mercedem suam*. Quæ igitur sub tanta piissimi Judicis liberalitate sine præmio potest esse paupertas, apud quem & aqua facit oblata mercedem? Abundans quidem est aqua, & ipsa sui inundatione vilissima; at cum obentu Religionis offertur, facit eam Christi confessio pretiosam. Hinc jam, dilectissimi, vestrum est perpendere, quæ quantaque cœlestium divitiarum referenda sint præmia; cibum aut vestimentum, vel pecuniam largienti, cum otiosum non erit aquæ calicem propinasse. Cavendum sane divitibus, ne hæc eos benignitas Christi ad largiendum faciat pigriores, quia illis specialiter oblatio aquæ præmium gignit, quibus nihil est aliud, quod possint offerre

re pauperibus . Nam quæ hæc religio , quantave devotio est , multa redundare substantia , & exiguo minimo-
 quæ de opere cœlum velle mercari ? Post ista , Karissimi , vi sensum nostrum ad spiritalem intelligentiam derivemus , & aliam reperiemus aquam , quæ delectabili multum gratia corda valeat refrigerare iustorum . Quicumque igitur sermonem Sanctorum virorum prædicantium Deum credula aure susceperint , omnia interiora eorum , quæ utique vitam sitiunt audientum , fidei suæ simplicitate rorabunt , sicut ipse Dominus Jesus cum fatigatus super puteum , & sitiens resedisset , qui revera salutem mortalium sitiebat Samaritanæ mulieris , & prodeuntium de civitate turbarum uberrima est credulitate potatus . Nam quamvis ariditatem cordis eorum salutariter Dominus sermone rigaverit , est tamen spiritalis verbi natura huiusmodi , ut si subsequatur effectus , alterno quodam munere , & audientem refrigeret , & loquentem . Et ita sit , ut cum veritatis adsertor Euangelicum seminat germen , si suscipiens illud fidei superinfundat humorem , cœlestium frugum seges copiosissima nutriatur . Unde , Fratres , uterque salutis nostræ proficit , ut & misericordiam promptissime faciamus , & sancta docentibus obedientiam commodemus , quatenus plenam , perfectamque speremus Domino retribuente mercedem .

SERMO LXIX.

De eo quod scriptum est :

*Venite ad me omnes , qui laboratis , & onerati estis ,
 & rel.*

Cum omnipotentis Dei Unigenitus , quibus quantusve esset , manifestare hominibus vellet , & bonitatis suæ fontem proposuisset aperire mortalibus , sic ait : *Omnia mihi tradita sunt a Patre meo , & nemo novit Filium ,*

lium, nisi Pater, neque Patrem quis novit, nisi Filius, & cui voluerit Filius revelare. Hæc, Karissimi, alterna Patris, Filiique cognitio unam sine dubio, atque indivisam ostendit eis esse substantiam. Sollicitius nunc intendite, Fratres, quæ quantaque sit apud Dominum, ac Redemptorem nostrum divinæ virtus naturæ, coelestique doctrinæ sapientia, & clementissimi ejus pectoris incomprehensa benignitas. Postquam enim a Deo Patre suo, sicut Evangelicus sermo testatur, tradita sibi universa professus est, neque &c.

deest pagina. sequitur fragmentum.

... de dolosis simplices; de iracundis placidos, humiles de superbis. Reficit ergo, immo refacit nos Christus, cum aut severioribus monitis committenda prævenit scelera, aut indulgentiæ suæ munere perpetrata remittit. Tollite, ait, *jugum meum super vos, & discite a me, quia mitis sum, & humilis corde.* Vere mitis est Christus, qui ob hoc descendit de Cælo, ut per obprobria injuriæque suas peccantibus semper mortalibus indulgentiam largiretur. Et vere est humilis, qui ut mori pro mortuis posset, carnalem sibi dignatus est consociare naturam. *Mitis sum, inquit, & humilis corde.* Corde se esse humilem Dominus proferitur, quia illa vere humilitas sancta est, quæ de religiosæ mentis proficiscitur puritate, non quæ de vitioso pectore conscientia trepidante descendit. *Discite, ait, a me, quia mitis sum, & humilis corde.* Quam bene docet talis magister, qui discipulis suis in semetipso imitanda Doctrinæ sanctæ proponit exempla. Vos autem, Karissimi, non ad humanam fragilitatem, sed ad illum semper intendite, qui quæ faciebat loquebatur, & quæ locutus est fecit. Tollite, ait, *jugum meum super vos, quia jugum meum suave est, & onus meum leve.* Jugum Christi, Fratres, omnia Diabolici jugi conligamenta dissolvit. Jugum Christi non inurit colla, sed ornat. Jugum Christi non deprimit capita nostra, sed continet. Jugum Christi sul-

can-

cante voverē fidei, vitiorum omnium gramina sentescit
que succidit. Jugum Christi concordibus caritatis vinculis
in æternam societatem Deum hominemque conjungit.
Quid etiam de onere Dominico prosequar, quod quidem
hujusmodi est, ut cervicibus nostris peccatorum omnium
pondus avertat? Onus enim Christi pudicitia est, onus
Christi humilitas est, onus Christi patientia est, onus
Christi contemptus est mundi, & pro confessione nominis
ejus beati tormenta Martyrii. Hæc nobis, Fratres, saluberrima
vitæ onera Salvator imponit, ne mortiferis mundi
hujus ponderibus obruamur. Atque ideo devotioribus
studiis capita nostra jugo Evangelico summittamus,
subjiciamus & humeros nostros delectabilibus sanctæ
conversacionis oneribus, quatenus omnipotens nos
Deus noster a durissimo Diabolicæ captivitatis jugo, &
ab onere miseræ servitutis, ut vere bonus, & ut veromitis,
cruere, & liberare dignetur.

SERMO LXX.

De eo quod scriptum est:

Intrate per angustam portam.

CUm multis magnisque præceptis Dominus, & Salvator
noster audientum turbarum corda repleffet, ait illis inter cætera: *Intrate per angustam portam.* Quam
lata porta, & spatiosa est via, quæ ducit ad perditionem,
& multi sunt, qui intrant per eam; & quam angusta
porta, & difficilis via, quæ ducit ad vitam, & pauci
sunt, qui inveniunt eam! *Intrate, inquit, per angustam
portam.* Angustum est, Fratres, quicquid adquire
re necesse est per laborem. Angusta nostræ Religionis
est via, quam gradientibus nobis spinæ hujus Mundi,
sentescique concludunt. Sed angustæ istæ amplitudinem
Paradisi, immensaque spatia Regni coelestis aperiunt.
Spatiosa itaque luxuriæ via, & angustum est iter casti
tatis.

tatis. Lata deliciarum sæcularium porta est, sed angusto nimis fine concluditur. Jejuniorum autem, vel continentiae arcta quidem via, sed amplissimis egressibus dilatatur. In spatiosis agit iter, qui abundantia divitiarum suarum per ludicra inutilis voluptatis abuitur. Angustum autem vitae tramitem videtur incedere, qui sibi suam substantiam denegans, in alimonias eam distribuit egenorum. Latum agit iter, qui linguam suam in vaniloquia, & maledica verba dissolvit. Angustas incedit semitas, qui amore Dei os suum ab omni fallacia, & indisciplinato sermone custodit. Latas ingreditur vias, qui repulso timore cœlesti petulantem in feminam defigic aspectum. Angustam graditur viam, qui subripientes in lasciviam oculos suos pudici cordis lege sanctiore compescit, a semetipso religiosi pectoris sui vigore corripit, & emendat, ne aspiciendo turpius incurrat æternam lenocinio suorum luminum cæcitatem. Angustum conficit iter, qui Christi nomine parentum odia, amicorum obprobria, persequentium furorem, verbera etiam, carceres, vincula, acerbæ facultatum damna, & sæva corporis tormenta perpetitur. Angustum nimium mundi hujus ingressi sunt iter Beâtissimi Christi Martyres, ille, vel ille, quos ob honorem Dei omnipotentis gladius Gentilis occidit; ne Idolis serviendo impiè viverent, elegerunt servantes Deo fidem cum pietate succumbere. Unde necesse est, Fratres, divino repensante judicio, ut eos, qui hic in spatiosis sine fide agunt, futuro in sæculo, loca tristitiæ arcta concludant; eos vero, qui in præsentī vita ob honorem Christi virtutum angusta sectantur, lux beatorum, & sedes ampla suscipiat. In qua re exemplo nobis sunt, Evangelio protestante, dives, & pauper. Nam ille dives, qui apud mundum sine misericordia abundantibus nimis conviviis affluebat, in Inferno perpétuo, ut lectum est, crematur incendio. Pauper autem, quem apud sæculum exulceratum corpus escæ penuria, & epulantis divitis inhumanitas adfligebat, in Patriarcharum requie, atque omnium Sanctorum consortio delectatur. Et ideo, Karissimi,

simi,

simi, solícite nobis cavendum est, ne nos ampla hujus sæculi carnalium deliciarum oblectamenta decipiant. Adgrediamur itaque iter angustum, difficiliores semitas expetamus, fugiamus iniquarum voluptatum impios luxus, ut mereamur in retributione cœlesti delectabile cum pauperibus Christi habere consortium.

SERMO LXXI.

De eo quod in Euangelio scriptum est:

Vos estis Sal terræ.

COElestis prudentiæ Dominus Redemptor hominum Filius Dei, qui sapientiam sæculi stultitiam reputat, & stultitiam rursus mundi sapientiam esse pronunciat, discipulos suos sub comparatione salis adloquitur, dicens: *Vos estis Sal terræ*. Id est, sapore sermonis vestri terrenorum hominum stultitia condietur; doctrina enim de cœlo veniens, atque ore Apostolico prædicata, suavissimum præstat mortalibus condimentum. Quidquid revera stolidorum cordi hominum Diabolus vanitatis injecerit, Apostolici Salis aspersione purgatur. Nam sicut aquis dissolutæ carnes, nisi salibus contingantur, putredini subjacent, ac foetori: ita omnis homo post spiritualium aquarum lavacrum, nisi vigorem Apostolici sermonis acceperit, sæculi mox corruptionibus evanescit. Ait iterum Apostolis suis: *Vos estis lux mundi*. Quam propriis a Domino Patres nostri comparationibus appellantur, ut sales dicantur, per quos Dei sapientiam discimus, & lux vocentur, per quos pectoribus nostris tenebræ perfidiæ cœcitas submovetur! Rectissime itaque Apostoli lux nuncupantur, qui inter obscura sæculi, lumen cœli, & splendorem æternitatis adnunciant. Numquid non mundo huic, cunctisque mortalibus lux factus est Petrus, cum Domino diceret: *Tu es Christus filius Dei vivi*? Aut quod majus genus hominum lumen

Tom. IV.

H

potuit

potuit accipere, quam ut per Petrum disceret vivi Dei filium suæ esse lucis auctorem? Et Beatissimus nihilominus Paulus magnum lumen est mundi, qui cum universus orbis impietatum tenebris obcæcaretur, ad cælum pergens, & rediens æternæ claritatis mysteria revelavit. Et ideo nec latere, sicut civitas fundata super montem, potuit, neque abscondi sub modio, quia eum ut electam lucernam repletam Sancti Spiritus oleo majestatis suæ lumine Christus accenderat. Propter quod, Karissimi, si cordi est, ut deponentes vana mundi, saporem cœlestis sapientiæ requiramus, Apostolico de sale gustemus. Si inluminari sensus nostros radiis supernæ lucis optamus, ad Dominica festini monita concurramus, quia, ut scriptum est, *Præceptum Domini lucidum, inluminans oculos*; & alibi: *quia lux præcepta tua super terram*. Semper ergo, Fratres, expetamus Euangelicum Salem; nulla in cordibus nostris cogitatio stulta prævaleat; intendamus ad lumen verum, ut scelerum tenebras, & noctem perfidiæ declinantes, filii lucis, & dici effici mereamur.

SERMO LXXII.

De eadem re.

CUm Redemptor humani generis Christus Dei Filius ipse perfecta sapientia, & ipse sit lumen verum, discipulos tamen suos sapientiæ, & luminis dignatur adornare præconiis, dicens eis inter cætera: *Vos estis Sal terræ*; & iterum: *Vos estis lumen mundi*. Justissime, Fratres, ministros suos Dominus Sal esse pronunciat, quibus se noverat saporem cœlestis intelligentiæ, ut perfectiora saperent, inspirasse. Et quam congrue veritatis præcones sal terræ esse dicuntur, qui ut homines stultarum superstitionum longa vanitate desipientes mystico sale condirent, plenitudinem sapiendi ab ipso sapientiæ fonte sumpserunt! Vere ergo sal terræ sunt, qui per-

perversa iniquorum studia vigore justitiæ, & prædicatione divinæ voluntatis emendant. Sal terræ sunt, cum per eos putredines carnalium voluptatum, & torpentia luxuriantum pectora mandatorum coelestium condimentis, & falsi sermonis asperione curantur. Nam & Beatissimus Paulus in hoc ipsum nos edocet dicens: *Sermo vester sit sale conditus*. Lumen vero mundi sunt, cum caligantis perfidiæ nubilum fulgentis Fidei serenitate discutunt. Lumen mundi sunt, per quos universus orbis jamdudum mortifera Diaboli obscuritate cœcatus incorrupti Solis inluminatione resplenduit. Lumen mundi sunt, qui purgantes tenebrosam mortalitatis aspectum, ad intuendum promissorum coelestium claritatem novos credentibus oculos addiderunt. An non videtur nova lumina contulisse mortalibus B. Johannes cum dicit: *In principio erat Verbum, & Verbum erat apud Deum, & Deus erat Verbum, & Verbum caro factum est*? Numquid non novus videtur coruscasse radius, cum gloriosissimus Petrus ait Domino: *Tu es Christus Filius Dei vivi*? Videtis, Karissimi, quia Johannes locutus est, quod coelestia nesciebant; & Petrus aperuit, quod humana capere corda non poterant? Hi profecto sunt & Sal, & lumen, quibus adnuntiantibus humanum genus veritatem Dei omnipotentis, & sapere didicit, & videre. Dicendo enim Johannes: *Et Verbum erat apud Deum, & Deus erat Verbum, & Verbum caro factum est*, ostendit hunc, qui carnem suscepit humanam, divinam habere naturam. Nam cum Deus esset apud Deum, & homo factus est, & Deus esse non destitit. Hunc ergo, qui dicitur Verbum, quique factus est caro, ipsum esse Dei Filium Petro consentiente cognovimus, cum dicit ad Dominum: *Tu es Christus Filius Dei vivi*. Id est, tu es Christus, qui Verbum factus es caro, & tu es Filius Dei, qui Deus es apud Deum. Hæc, dilectissimi, Beati Petri responsio indefessum lumen est mundi, qua veraciter nos edocti & Christum, & Verbum unum vivi Dei Filium confitemur. Quis enim inter carnem, & Verbum, inter Christum & Filium velut cœcus erraret,

ret, nisi nobis hæc omnia inluminatus Spiritu Petrus ante vidisset? Denique ait illi Dominus : *Beatus es Simon Bar Jona, quia non caro, & sanguis revelavit tibi, sed Pater meus, qui est in Cælis*. Non inquit: Caro, & sanguis revelavit tibi, sed *Pater meus, qui est in Cælis*. Non inquit: Caro, & sanguis revelavit tibi: Nec mirum, si mysterium carnis Dominicæ carnalis sensus revelare non potuit, quia qualiter de carne est natus Dei Filius, nec ipsa poterat scire caro, quæ peperit, sed solum revelat hoc Pater, qui mysteriū sui Filiique naturæ solus testis est, solus est conscius. Et ideo nulla omnino potest esse cunctatio, hanc vitæ nostræ esse Fidem, quam Pater revelat, & Filius attestatur. *Nemo enim, ut legitur, novit Filium, nisi Pater, neque Patrem quis novit, nisi Filius*. Igitur quod Pater de Filio noverat per naturam, hoc Petro dedit videre per gratiam. Ob hanc nimirum confessionem audire B. Apostolus Dominico ore promeruit : *Tu es Petrus, & super hanc petram adificabo Ecclesiam meam, & tibi dabo claves Regni cælorum*. Id est, tu me confessus es primus in terris, ego te in Cælo Regnoque meo perpetuum faciam habere primatum. Et quid justius, Fratres, quam ut supra eum fundaretur Ecclesia, qui tantum dedit Ecclesiæ fundamentum? Quid fieri potuit sanctius, quam ut ille acciperet claves Cælorum, qui Cœlestis Regni Dominum revelavit, quatenus qui portas Fidei credentibus patefecit, ipse illis & Cœli januas referaret? Propter quod, dilectissimi, Evangelico jam Sale conditi, atque Apostolico lumine radiati, caveamus, ne unquam nobis vel vana, vel tenebrosa subripiant; decet enim semper Ecclesiæ Filios justis operibus, & vera Fide inter stultra sapere, & inter obscura fulgere.

S E R M O LXXIII.

De eadem re.

Naturalis doctrinæ Magister, & vere incomparabilis Doctor Omnipotentis Dei Filius, cum vidisset discipulos suos ab omni mundanarum curarum vanitate purgatos, devotissimo secum corde consistere, ait illis, sicut audistis: *Vos estis Sal terræ*. Quid est, Karissimi, sal terræ, nisi terrenorum hominum condimentum? Quid est esse Salem terræ, nisi insipido pectori gustum prudentiæ coelestis infundere? Vilis est quidem, parvique pretii species salis; sed ille, qui venerat de parvis magna componere, magna revelat in parvis. Numquid hujusmodi magnificentius sale, cujus admirabili suavitate in escam Christi universus saporatus est orbis? Pulcherrime itaque Redemptor noster Apostolos suos comparat sali, qui incolas mundi dudum vitiis, & corruptionibus vanescentes

Reliqua desiderantur.

F I N I S L I B R I.

THE UNIVERSITY OF CHICAGO

LIBRARY

100 EAST 57TH STREET, CHICAGO, ILL. 60637



THE UNIVERSITY OF CHICAGO

C. J.

STAMP

ANTIPHONARIUM
Monasterii
BENCHORENSIS.

MURRAY'S
HISTORY
OF THE
UNITED STATES

IN ANTIPHONARIUM

Monasterii

BENCHORENSIS.

EX Codice MS. Ambrosianæ Bibliothecæ num. 10. Lit. C. descriptum per me fuit hoc Opusculum. Mutilus est Liber non uno in loco; vetustatem autem illius ad Annos pæne mille ascendere conjeci, caractere ad Saxonicum accedente, literisque nonnullis minio distinctis. Celebre autem olim fuit in Ultonia Hiberniæ Provincia Benchorense, sive Banchorense Monasterium diversum ab altero Benchorensi Cœnobio in Wallia Angliæ Provincia sito. Usserius in Britannicar. Ecclesiar. Antiquitatibus Pag. 476. & 531., ad Benchorense Hibernicum Cœnobium refert locum desumptum e Lib. 2. Cap. 2. Hist. Eccles. Bedæ, cujus verba sunt: *Erant autem plurimi eorum de Monasterio Bangor, in quo tantus fertur fuisse numerus Monachorum, ut, quum in septem portiones esset cum præpositis sibi, Rectoribus Monasterium divisum, nulla harum portio minus quam trecentos homines haberet, qui omnes de labore manuum suarum vivere solebant.* Similia habet Gotselinus Monachus Bertinianus in Vita S. Augustini Cantuat. Episc. At hæc potius spectare ad alterum Cœnobium Benchorense in Angliæ Provincia Wallia positum, præter alios C. V. Maillonius arbitratur in Notis ad laudatam Vitam S. Augustini scriptam a Gotselino Monacho Bertiniano Tom. I. Act. SS. Ord. S. Benedicti. Et re-
vera

vera animadvertere heic possumus, Benchoren-
 sium Monachorum cladem Bedæ memoratam in
 eo Monasterio contigisse, cui præfuerat *Dinoorb*
Abbas, de quo tamen nullam mentionem habet
 Catalogus priorum Benchorensium in Hibernia.
 Abbatum, qui in Antiphonario nostro occurrit.
 At Usserii sententiam roborat locus e Vita S.
 Congalli descriptus, quem ipse adfert Pag. 472.
 Ita vero scribit ejus Vitæ Auctor. *In diversis*
Monasteriis & cellis tria millia Monachorum sub
cura S. Patris Congalli fuerunt; sed major & no-
minatio ceteris prædictum Monasterium Beanchor
est &c. Sanctus iidem Bernardus Clarevallensis
 Abbas in Vita S. Malachiæ Cap. VI. laudes Hi-
 bernici Benchorensis Monasterii persequitur, eique
 adscribit, quæ Britannico tribuere videtur Bedæ,
 loco citato.

Ad usum itaque insignis illius Monasterii in
 Hibernia siti fuit Antiphonarium nunc a nobis
 evulgatum. E Bobiensis autem Cœnobii Biblio-
 theca in Ambrosianam transiit Codex curæ am-
 plissimi Cardinalis Friderici Borromæi, cui Biblio-
 theca illa suum ortum debet, Urbs, & Archiepi-
 scopatus Mediolanensis, omnesque Literati pluri-
 ma æternum debebunt. Neque mirum, quod in
 Bobiensi Cœnobio monumentum hoc adservaretur.
 Celeberrimi hujus Monasterii institutor fuit
 S. Columbanus Abbas, qui ut Jonas Bobiensis
 Monachus in ejus vita narrat, non alibi Mona-
 chorum albo nomen primum dederat, quam in
 Monasterio, *cujus est Vocabulum Banchor*, illo nem-
 pe, quod in Hibernia situm fuisse diximus. Pro-
 inde inter Bobienses & Benchorenses Monachos
 magna in posterum quoque necessitudo interces-
 sit, ac amoris commercium. Et quamquam exco-
 gita-

123

glitare non possumus, ab ipso S. Columbano delatum in Italiam Antiphonarium istud fuisse, quum ibi quædam habeantur, quæ aliquot dumtaxat post ejus mortem annis contingere; attamen ab ejus discipulis, proximisve Successoribus id factum non immerito opinor.

Quando autem in usu Benchorensium fuerit hocce Antiphonarium, conjicere possumus ex ipsius postremis lineis, ubi *Memoria Abbatum nostrorum exhibetur*. Primus Benchorensis Monasterii Abbas ibi numeratur S. Comgillus, qui S. Columbani Magister ac in eruditione Pietatis Pater fuit. Ita de Columbano laudatus Jonas: *Dedit deinde operam, ut Monachorum neceretur Societati, & Monasterium, cujus est vocabulum Banchor, petiit, in quo virtutum Præsentia abertate cluebat B. Commgellus, egregius inter suos Monachorum Pater*. Quamobrem S. Comgillus floruit circiter Annum Ch. DLXXX. & adhuc Benchorensi Monasterio præerat, quum S. Columbanus ex Hibernia in Gallias processit, nova Monasteria instituturus: quod paulo ante Annum Ch. DXC. accidisse Mabillonius contendit in Notis ad eandem S. Columbani Vitam Sec. II. Aët. SS. Ord. S. Benedicti. Balæus Centur. I. Cap. 53. Script. Britann. S. Comgilli ætatem nimium anticipat, quum illum Cœnobio Benchorensi præpositum Anno Ch. DXXX. scribit, eique regendum Britannicum, non verò Hibernicum, Benchorense Monasterium tribuit. Usserius ejus mortem figit in An. Ch. DCI. Pag. 494. Antiq. Britannicarum.

Succedunt in Antiphonario Abbates Beognous, Ædeus, Simlanus, Fintenanus, Micblaisreus, Seganus, Beracnus, Cumnenus, Columba, Aidanus, Bantberius, Cronanus, Camanus, & Cronanus. De postremo hæc ibi leguntur.

C bri.

*Christo nunc sedet supremus
 Hymnos canens quindecimus
 Zoen ut carpat Cronanus,
 Conseruet eum Dominus.
 Quos convocabit Dominus
 Calorum Regni sedibus.*

Quæ sane indicare videntur, Cronanum tunc etiam temporis in vivis fuisse, quum ei Zœ, id est *vita*, optetur, & dicatur *convocandus* ad Cælorum Regni Sedes. Attamen quum scriptum ibi sit *quos convocabit*, non vero *quem convocabit*, vehemens oborta mihi dubitatio est, ne *convocabit* idem sit atque *convocavit*; quod in superioribus repetitum videas; & præcipue quum postremus etiam ex his Abbatibus inter Sanctos invocandos enumeretur.

Quod si revera Cronanus Abbas tunc vivebat: tempus, quo Antiphonarium illud concinnatum fuit, aut in usu erat, divinare fortasse liceret. In antiquo Catalogo *Sanctorum Hiberniæ*; quem Usserius publici juris fecit. Pag. 473. laudati Operis, *Cronanus* nescio quis Presbyter Sanctus enumeratur. Tres vero *Cronanos* deinde agnoscit Usserius ipse. Pag. 502. Primus An. Ch. 640. vixisse in Hibernia fertur. Secundus An. Ch. 665. mortem obisse dicitur in Hibernicis Annalibus. Tertius Abbas fuit magnificique Monasterii fundator in Tipperariensi Comitatu. Videndus etiam Bollandus ad diem primam Januarii, ubi refert Vitam S. Mochuæ, sive Cronani, quem facit discipulum S. Comgilli, & Abbatem. Nos in Catalogo Benchorensium Abbatum duos Cronanos reperimus. A vero non abhorret, recentiorum inter eos floruisse circiter An. Ch. 660. quamquam si recte memini, Gabriel Bucelinus in Libro de Sanctis

Viris

Viris Ord. S. Benedicti, quem olim vidi, scribit; Cronanum Benchorensem Abbatem vixisse circiter An. Ch. 636. Quæ tamen ita dicta velim, ut non putem propterea, Codicem ipsum, quo sum usus, ad eam ipsam ætatem esse referendum, quum exemplar in Ambrosiana adservatum, & certe vetustissimum, ex antiquiore tamen Codice describi subinde per Monachos Bobienses, sive Benchorieneses potuerit.

Quod est ad reliquos Abbates, eruditus locus erit inquirendi eorum tempus ac memoriam in antiquis Annalibus, atque Hagiologiis, ac potissimum in vastis Bollandistarum Libris, eamque in rem plurimum opis conferent, quæ de Sanctis Hiberniæ viris vaganti, sed magni tamen facienda, eruditione congestit memoratus Usserius in Libro Antiquitatum Britannicarum. Heic interim adnotasse juvabit, priorem Hymnum, qui in hoc Antiphonario occurrit, tribui S. Hilario Pictaviensi Episcopo illis verbis: *Hymnum S. Hilarii de Christo*. Et profecto compertum est inter eruditos, teste S. Hieronymo, Hymnorum Librum a S. Hilario fuisse compositum. Ex iis etiam nonnullos in Ecclesia decantari solitos fuisse tradit Concilium Toletanum IV. Anni 633. At in Hymno nunc a nobis producto majorem fortasse elegantiam desiderabunt nonnulli, ut cum S. Hilario adscribant.

Ad hæc legimus in Antiphonario nostro *Hymnum S. Patricii Magistri Scotorum*. Memini autem, Cl. Virum P. D. Bernardum de Montefaucon, dum olim Mediolani ageret, conspecta Codicis hujus, ac monumenti vetustate, mihi ostendenti fuisse gratulatum. Narrabat quippe, in Galliis esse eruditum quemdam, cui nata suspicio fuerat, non ipsas solum S. Patricii res gestas, sed

cum-

cumdem S. Patricium inter Fabulas Romanenses esse amandandum : tantis nempe anilibus commentis deturpata fuerat Sancti illius Episcopi Historia . At profecto unus hic Hymnus satis esse potest ad confirmandam veritatem cum insignium Patricii operum , tum celeberrimæ famæ , quæ de S. Viro ad nostra usque tempora permanavit . Tu uberiora , etsi non paria antiquitate , ab Usserio pete Cap. XVII. Pag. 425. & seq. Britannic. Antiquitatum .

In nomine DEI summi.

Canticum Moysi.

Audite Cœli, quæ loquor &c.

Hymnum S. Hilarii de Christo.

H ymnum dicat turba visam
fidelium
Hymnum cantus person....
Christo Regi concinnentur
Laudes.	Cum jubet parvos necari,
Tu Dei de.	Turbam fecit Martyrum;
.....	Fertur infans occulendus,
.....	Nili flumen quo fluit.
.....	Qui refertur post Herodem
Dextra Paris, mons, &	Nutriendus Nazareth.
Agnus,	Multa parvus, multa adul-
Angularis tu lapis,	tus
Sponsus idem, vel colum-	Signa fecit cœlitus.
ba,	Quæ latent, & quæ leguntur
Flamma, Pastor, Janua.	Coram multis testibus;
In Prophetis inveniris	Prædicans cæleste regnum
Nostro natus sæculo	Dicta factis adprobat.
Ante sæcla tu fuisti	Debiles fecit vigere,
Factor primi sæculi.	Cæcos luce inluminat,
Factor cœli, terræ factor,	Verbis purgat lepræ mor-
Congregator tu maris,	bum,
Omniumque tu creator	Mortuos resuscitat.
Quæ Pater nasci jubet.	Vinum, quod deerat Hi-
Virginis receptus membris,	driis,
Gabrielis nuntio	Mutari aquam jubet.
Crescit alvus prole sancta	Nuptiis mero retentis
..... erius credere. populo.

..... bino
.....

Turba ex omni discumbente
Jugem laudem pertulit,
Duodecim viros probavit,
Per quos vita discitur.

Ex quibus unus invenitur
Christi Judas traditor,
Instruuntur missi ab Anna
Proditoris osculo.

Innocens captus tenetur,
Nec repugnans ducitur,
Sistitur falsis, grassantur
Offerentes Pontio.

Dicerent Christum negan-
dum;

Turbis Sanctus traditur;
Impiis verbis grassantur;
Sputa, flagra sustinet.
Scandere Crucem jubetur
Innocens pro noxiis;
Morte carnis, quam gere-
bat,

Mortem vicit omnium.
Tum Deum clamore magno
Patrem pendens invocat
..... membra Christi
.....

Vela templi scissa pendent;
Nox obscurat sæculum;
Excitantur de sepulchris
Dudum clausa corpora.

Adfuit Joseph Beatus;
Corpus myrra perlitum
Linteo rudi ligatum
Cum dolore condidit.

Milites servare corpus
Anna Princeps præcipit,
Ut videret, si probaret
Christus, quod sponde-
rat.

Angelum Dei trementes
Veste amictum candida,
Quo candore claritatis
Vellus vicit sericum.
Demovit saxum sepulchro
Surgens Christus integer;
Hæc vidit Judæa mendax,
Hæc negat, cum videret.

F.
.....
.....

Seque a mortuis paterina
Suscitatum dextera
Tertia die rediisse
Nuntiat. Apostolis.
Mox videtur a beatis,
Quos probavit, fratribus,
Quod redisset ambigen-
tes,

Intrat januis clausis.
Dat docens præcepta legis,
Dat divinum Spiritum,
Spiritus Dei perfectum,
Trinitatis vinculum.

Præcipit totum per orbem
Baptizari credulos,
Nomen Patris invocantes,
Confitentes Filium.

Mystica Fide revelat
Tinctos Sancto Spiritu,
Fonte tinctos innovatos,
Filios factos Dei.

An-

Ante lucem turba : . . . :
 Concinit

 Galli cantus, galli plausus
 Proximum sentit diem
 Nos canentes, & precan-
 tes

Quæ futura credimus.
 Majestatemque inmensam
 Concinnemus uniter;
 Ante lucem nuntiemus
 Christum Regem sæculo.
 Ante lucem nuntiemus,
 Christum Regem sæculo.
 Qui in illum recte credunt
 Regnaturi cum eo.
 Gloria Patri ingenito,
 Gloria unigenito
 Simul cum Sancto Spiritu
 In sempiterna sæcula.

Hymnum Apostolorum.

PRecamur Patrem
 Regem omnipotentem,
 Et Jesum Christum,
 Sanctum quoque Spiritum.
 Alleluja.

Deum in una
 Perfectum substantia
 Trinum

Univerforum
 Fontis jubar luminum
 Ethereorum,
 Et orbi lucentium.

Tom. IV.

Hic enim dies
 Velut primogenitus
 Coeli ab arce
 Mundi olim micuit.
 Sic Verbum caro
 Factum a principio
 Lumen æternum
 Missum Patre sæculo.
 Illeque proto
 Vires adimens Cabo,
 Tum improviso
 Noctem pepulit mundo.
 Ita æterno
 Iste hoste subacto
 Polum nodoso
 Solvit mortis vinculo.
 Tenebræ super
 Ante erant abyssum;
 Quam radiaret
 Primus dies dierum.
 Hæc quam prodiret
 Vera lux mortalia
 Contextit alta
 Corda ignorantia.
 Eodem die
 Rubrum, ut ajunt, mare
 Post tergum liquit
 Liberatus Israhel.
 Per hoc docemur.
 Mundi acta *spernere*,
 Et in deserto
 Virtutum consistere.
 Summerso sævo
 Cicni canunt æmulo
 Certatim Deo
 Laudes Duci igneo.
 Sicque erepti
 Nequam jubemur fretis
 I Lau;

Laudare Deum
 Exploſis inimicis.
 Et ſicut ille
 Lucis fuit initium,
 Ira & iſti
 Salutis exordium.
 Loquatur primus
 In tenore diei
 Secundus vero
 In calore Fidei.
 In fine mundi
 Poſt tanta myſteria
 Adeſt Salvator
 Cum grandi clementia.
 Tamque aperte
 Elementa prætendunt,
 Quam vatum hora
 Lucide concelebrant.
 Natus ut homo
 Mortali in tegmine
 Non deeſt cœlo
 Manens in Trinitate.
 Vagit in pannis,
 Veneratur a Magis,
 Fulget in ſtellis,
 Adoratur in Cœlis.
 Statura vili
 Continetur præſepi,
 Cujus pugillo
 Poſteſt orbis concludi.
 Primumque ſignum
 Portendit diſcipulis
 Aquæ converſæ
 In ſapore neſtaris.
 Tum per Prophetam
 Complectur ut dictum:
 Saliet claudus
 Ut cervus perneciter.

Planaque ſatur
 Abſoluto vinculo
 Lingua mutorum
 Imperante Domino.
 Surdi ſanantur,
 Cæci, atque leproſi,
 Fune retroſo
 Suſcitantur mortui.
 Totidem panes
 Quinque dividit virum
 Saturaturis
 Procul dubio millibus.
 Poſt tantas moles
 Divinæ clementiæ
 Exoſus ille
 Stimulo invidiæ.
 Qui invidere
 Et odire animam
 Pro inimicis
 Prorogans
 Adverſus eum
 Initur conſilium,
 Qui magni dictus
 Conſilii eſt nuntius.
 Accedunt ei
 Ut latroni cum gladiis
 Furem æternis
 Tradituri æſtibus.
 Tandem humano
 Traditur iudicio
 Mortali Rege
 Damnatur perpetuus.
 Cruci confixus
 Polum mire concutit,
 Lumenque Solis
 Tribus obtondit horis.
 Saxa rumpuntur,
 Velum ſcinditur templi,

Vivi confurgant
 De sepulchris mortui.
 Conrosum nodis
 Annos fere millibus
 Extricat senis
 Inferni feralibus
 to-plaustum
 oſa ſoboles,
 Abjeſta mali morte
 Sæva ultrice.
 Quemque antiquum
 Paradifo incolam
 Recurſu ſuo
 Clementer reſtituit.
 Exaltans caput
 Univerſi corporis,
 In Trinitate
 Locavit Eccleſiæ .
 In hoc cælitus
 Jubet portas Principes
 Regi cum ſociis
 Eternales pandere.
 Errantem propriis
 Evehens certiffimam
 Supernis ovem
 Humeris ovilibus .
 Quem expectamus
 Adfuturum Judicem
 Juſtum cuique
 Opus ſuum reddere.
 Rogo quam tantis
 Talibusque donariis
 Vicem condigne
 Poſſumus rependere?
 Quid tam mortales
 Temptamus micrologi
 Narrare, quivir
 Quæ nullus edicere?

Solum oramus
 Hoc, idemque maximum:
 Noſtri æterne
 Miſerere Domine. Alleluja.

Canticum Sancti Zachariæ .

Benedictus Dominus
 Deus Iſrahel &c.

Canticum .

CAntemus Domino, glo-
 rioſe enim honorifica-
 tus &c.

Benedictio trium puerorum:

Benedicite omnia opera
 Domini Dominum,
 hymnum dicite, & super-
 exaltate eum in ſæcula &c.

Hymnum in Die Dominico .

LAudate pueri Domi-
 num, laudate nomen
 Domini . Te Deum lau-
 damus, te Dominum con-
 ſitemur .

Te æternum Patrem omnis
 terra veneratur : Tibi o-
 mnes Angeli, tibi Cœli ,
 & univerſæ poteſtates .

Tibi Cherubin, & Seraphin
 inceſſabili voce procla-
 mant: Sanctus, Sanctus,
 Sanctus Dominus Deus Sa-
 baoth .

I 2 Ple-

Pleni sunt cœli, & universa terra honore gloriæ tuæ.
Te gloriosus Apostolorum chorus, te Prophetarum laudabilis numerus.

Te Martyrum candidatus laudet exercitus. Te per orbem terrarum sancta confitetur Ecclesia.

Patrem immensæ majestatis.
Venerandum tuum verum, unigenitum Filium.

Sanctum quoque Paraclitum Spiritum. Tu Rex Gloriæ Christe.

Tu Patris sempiternus es filius. Tu ad liberandum mundum suscepisti hominem.

Non horruisti Virginis uterum. Tu devicto mortis aculeo aperuisti credentibus regna Cœlorum.

Tu ad dexteram Dei sedens in gloria Patris judex crederis esse venturus.

Te ergo quæsumus nobis tuis famulis subveni, quos pretioso sanguine redemisti.

Æterna fac cum Sanctis gloria munerari.

Salvum fac populum tuum Domine, & benedic hereditati tuæ, & rege eos, & extolle illos usque in sæculum.

Per singulos dies benedici-

mus te, & laudamus nomen tuum in æternum, & in sæculum sæculi. Amen.
Fiat Domine misericordia tua super nos, quemadmodum speravimus in te.

Hymnum quando communicarent Sacerdotes.

Sancti venite,
Christi Corpus sumite,
Sanctum bibentes,
Quo redempti, Sanguinem.
Salvati Christi
Corpore & Sanguine,
A quo refecti
Laudes dicamus Deo.
Hoc Sacramento
Corporis & Sanguinis,
Omnes exuti
Ab Inferni faucibus.
Dator salutis
Christus Filius Dei
Mundum salvavit
Per Crucem, & Sanguinem.
Pro universis
Immolatus Dominus
Ipse Sacerdos
Existit, & hostia.
Lege præceptum
Immolari hostias,
Qua adumbrantur
Divina Mysteria.
Lucis indultor
Et Salvator omnium
Præclaram Sanctis
Largitus est gratiam.

Acce-

Accedant omnes
 Pura mente creduli;
 Sumant æternam
 Salutis custodiam.
 Sanctorum custos
 Rector quoque Dominus
 Vitæ perennis
 Largitur credentibus.
 Cælestem panem
 Dat esurientibus.
 De fonte vivo
 Præbet sitientibus.
 Alpha & Omega
 Ipse Christus Dominus
 Venit venturus
 Judicare homines.

*Hymnum quando Caria
 benedicitur.*

Ignis creator igneus
 Lumen donator luminis,
 Vitaque vitæ conditor,
 Dator salutis, & salus.
 Nec noctis hujus gaudia
 Vigil lucerna deferat,
 Qui hominem non vis
 mori,
 Da nostro lumen pectori.
 Ex Egypto migrantibus
 Indulges geminam gra-
 tiam,
 Nubis velamen exhibes,
 Nocturnum lumen porri-
 gis.
 Nubis columpna per diem
 Venientem plebem prote-
 gis,

133

Ignis columpna ad vespe-
 rum
 Noctem depellis lumine.
 E flamma famulum provo-
 cas,
 Rubum non spernis spi-
 neam,
 Et cum sis ignis concre-
 mans,
 Non uris quod inluminas.
 Fusco depasto nubilo
 Tempus decoctis sordibus
 Fervente Sancto Spiritu
 Carnem lucere cercam.
 Secretis jam condis favi
 Divini mellis alius
 Cordis repurgans intimas
 Verbo replesti cellulas.
 Examen ut foetus novi
 Ore prælectum, spiritu
 Relectum cœlum sarcinis
 Quærat securis pinnulis.
 Gloria Patri ingenito,
 Gloria Unigenito,
 Simul cum Sancto Spiritu
 In sempiterna sæcula.

Hymnus media noctis.

Media noctis tempus
 est,
 Prophetica vox admonet,
 Dicamus laudes Deo
 Patri semper, ac Filio;
 Sancto quoque Spiritui;
 Perfecta enim Trinitas,
 Uniusque substantiæ
 Laudanda nobis semper est.

I 3 Ter

Terrorem tempus hoc habet,

Quocum vastator Angelus
Egypto mortem intulit,
Delevit primogenita.

Hæc iustis hora salus est,
Et quos idem tunc Angelus
Aulus punire non erat
Signum formidans sanguinis.

Egyptus flebat fortiter
Tantum diro funere;
Solutus gaudebat Israhel
Agni protectus Sanguine.
Nos vero Israhel sumus
Latamur in te Domine,
Hostem spernentes & malum,

Christi defensi Sanguine.
Ipsam profecto tempus est
Quo voce Evangelica
Venturus Sponsus creditur,

Regni cœlestis conditor.
Occurrunt Sanctæ Virgines
Obyiam tunc adventui,
Gestantes claras lampades
Magno latantes gaudio.

Stultæ vero remanent,
Quæ extinctas habent lampades,

Frustra pulsantes januas
Claustræ jam Regni Regiæ.

Quare vigilemus sobrii
Gestantes mentes splendidas,

Adventui ut Jesu
Digne curramus obviam.

Noctisque medio tempore
Paulus quoque, & Silas
Christum vincti in carcere
Conlaudantes soluti sunt.
Nobis mundus hic carcer est,

Te laudamus Christe Deus,
Solve vincla peccatorum
In te sancte credentium.
Dignos nos fac Rex agie
Futuri Regni gloriæ
Æternis ut mereamur
Te laudibus concinere.

Gloria Patri ingenito,
Gloria Unigenito,
Simul cum Sancto Spirite
In sempiterna sæcula.

*Hymnum in Natale Martyrum,
vel Sabbato
ad Matutinam.*

Sacratissimi Martyres
summi Dei
Bellatores fortissimi,
Christi Regis potentissimi
Duces exercitus Dei,
Victores in cœlis
Deo canentes. Alleluja.

Excelsissime Christe,
Cœlorum Deus Cherubin,
Cui sedes cum Patre sacra.
Angelorum ibi, & Martyrum

Fulgens chorus,
Tibi sancti proclamant.

Magnifice tu prior
Omnium passus crucem
Qui

Qui devicta morte refulsisti
Mundo, ascendisti ad cœ-
los

Ad dexteram Dei,
Tibi Sancti proclamant.

Armis spiritalibus
Munita mente Apostoli
Sancti te sunt secuti,
Qui cum ipsa cruce
Paterentur morte
Tibi sancti caneant.

Christe Martyrum tu es
Adjutor potens prælian-
tium

Sancta pro tua gloria.
Qui cum victores
Exirent de hoc sæculo,
Tibi sancti caneant.

Illustris tua Domine
Laudanda virtus, quæ per
Spiritus
Sanctum firmavit Marty-
res,

Qui consternerent Zabul-
um,
Et mortem vincerent;
Tibi sancti caneant.

Manu Dei excelsa
Profecti contra Diabolum
Steterunt firmati,
Semper Trinitati fidem
Toto corde servantes.
Tibi Sancti caneant.

Vere regnantes erant
Tecum Christe Deus,
Qui passionis merito coro-
nas
Habent, & centenario

Fructu repleti gaudent,
Tibi Sancti proclamant.
Christi Dei gratiam
Supplices obsecremus,
Ut in ipsius gloriam
Consummemur, & in san-
ctam
Hierusalem Civitatem Dei
Trinitati cum Sanctis
Dicamus Alleluja.

*Hymnum ad Matutinam in
Dominica.*

Spiritus divine
Lucis gloriæ
Respice in me
Domine.

Deus veritatis
Domine Deus Sabaoth,
Deus Israel
Respice.

Lumen de lumine
Referemus Filium Patris
Sanctumque Spiritum
In una substantia.
Respice.

Unigenitus, & primogenitus,
A te obtinemus
Redemptionem nostram.
Respice.

Natus es Spiritu Sancto
Ex Maria Virgine
In idipsum in adoptionem
Filiorum, qui tibi
Procreati ex fonte vivunt.
Respice.

Hæredes, & quohæredes

I 4

Chri-

Christi tui, in quem,
Et per quem cuncta creasti,
Quia in prædestinatione
A sæculis nobis est
Deus Jesus, qui nunc cœ-
pit.

Respice.

Unigenito ex mortuis
Deo obtinens corpus;
Claritatem Dei, manens
In sæcula sæculorum
Rex æternorum.

Respice.

Quia nunc cepit, qui sem-
per

Fuit naturæ tuæ Filius,
Divinæ lucis gloriæ tuæ,
Qui est forma, & plenitudo
Divinitatis tuæ frequens.

Respice.

Persona Unigeniti,
Et primogeniti,
Qui est totus a toto
Diximus lux de lumine.

Respice.

Et Deum verum a Deo vero
Semper semper confite-
mur,

Tribus personis
In una substantia.

Respice in me Domine.

*Hymnum Sancti Patris
Magistri Scotorum.*

Audite omnes amantes
Deum sancta merita
Viri in Christo beati

Patrici Episcopi
Quomodo bonum ob a-
ctum

Similatur Angelis,
Perfectamque propter vi-
tam

Æquatur Apostolis.

Beata Christi custodit
Mandata in omnibus
Cujus opera resurgent
Clara inter homines
Sanctumque cujus sequun-
tur

Exemplum mirificum,
Unde & in cœlis Patrem
Magnificant Dominum.

Constans in Dei timore
Et fide immobilis
Super quæ ædificatur;

Ut Petrum Ecclesia
Cujusque Apostolorum
A Deo sortitus est,
In cujus portæ adversum
Inferni non prævalent.

Dominus illum elegit
Ut doceret barbaras
Nationes, & piscaret
Per doctrinæ retia,
Et de sæculo credentes
Traheret ad gratiam
Dominum qui sequerentur
Sedem ad ætheream.

Electa Christi talenta
Vendit Evangelica,
Quæ Hibernas inter gentes
Cum usuris exigit,
Navigiis hujus laboris
Tum operæ pretium

Cum

Cum Christo Regni cœle-
 stis
 Possessurus gaudium.
 Fidelis Dei minister,
 Insignisque nuntius
 Apostolicum exemplum,
 Formamque præbet bonis,
 Qui tam verbis, quam &
 factis
 Plebi prædicat Dei,
 Ut quem dictis non con-
 vertit
 Fructu provocet bono.
 Gloriam habet cum Christo,
 Honorem in sæculo
 Qui ab omnibus, ut Dei
 Veneratur Angelus.
 Quem Deus misit ut Pau-
 lum
 Ad Gentes Apostolum,
 Ut hominibus ducatum
 Præberet Regno Dei.
 Humilis Dei ob meritum
 Spiritu & corpore,
 Super quem bonum ob-
 ætum
 Requiescit Dominus,
 Cujusque iusta in carne
 Christi portat stigmata,
 Et cujus sola sustentans
 Glorietur in cruce.
 Impiger credentes pascit
 Dapibus cœlestibus,
 Ne qui videntur cum Chri-
 sto
 In via deficiant,
 Quibus erogat ut panes
 Verba Evangelica,

Et cujus multiplicantur
 Ut manna in manibus
 Kastam qui custodit carnem
 Ob amorem Domini,
 Quam carnem templum pa-
 ravit
 Sanctoque Spiritui,
 A quo constanter cum
 mundis
 Possidetur actibus,
 Quam & hostiam placen-
 tem
 Vivam offert Domino.
 Lumenque mundi accensum
 Ingens Euangelicum,
 In candelabro levatum
 Toro fulgens sæculo,
 Civitas Regis munita
 Supra montem posita,
 Copia in qua est multa,
 Quam Dominus possidet.
 Maximus namque in regno
 Cœlorum vocabitur,
 Qui quod verbis docet fa-
 eris,
 Factis adimplet bonis,
 Bono præcedit exemplo,
 Formamque Fidelium
 Mundoque in corde habet
 Ad Deum fiduciam.
 Nomen Dei audenter
 Adnuntiat gentibus,
 Quibus lavacris salutis
 Eternam dat gratiam,
 Pro quorum orat delictis
 Ad Deum cotidie,
 Pro quibus ut Deo dignas
 Immolatque hostias.
 Omnem

Omnem pro divina lege
Mundi spernit gloriam,
Qui cuncta ad ejus men-
sam

Æstimat quisquilia,
Nec ingruenti movetur
Mundi hujus fulmine,
Sed in adversis lætatur,
Cum pro Christo patitur.
Pastor bonus, & fidelis

-Gregis Evangelici,
Quem Deus Dei elegit
Custodire populum,
Quamque pascere plebem
Divinis dogmatibus,
Pro qua ad Christi exem-
plum

Suam tradit animam.
Quem pro meritis Salvator
Provenit Pontificem,
Ut in cœlesti moneret
Clericos militis,
Cœlestem quibus anno-
nam

Erogat cum vestibus,
Quod in divinis impletur,
Sacrisque assatibus.

Regis nuntius invitans
Credentes ad nuptias
Qui ornatur vestimento
Nuptiali indutus,
Qui cœleste haurit vinum
In valis cœlestibus,
Propinansque Dei plebem
Spiritale poculum.

Sacrum invenit thesaurum
Sacro in volumine,
Salvatorisque in carne

Deitatem pervider,
Quem thesaurum emittit fan-
ctis,

Perfectisque meritis,
Israël vocatur hujus
Anima videns Deum.

Testis Domini fidelis
In lege Catholica
Cujus verba sunt divinis
Candida oraculis
Ne humanæ putent car-
nes

Esseque a vermibus,
Sed cœlesti alleantur
Sapore ad victimam.

Verus cultor, & insignis
Agri Evangelici,
Cujus semina videntur
Christi Evangelia,
Quæ divino serit ore
In aures prudentium,
Quorum quoque corda
ac mentes

Sancto arat Spiritu.
Christus illum sibi elegit
In Terris Vicarium,
Qui de gemino captivos
Liberat servitio,
Plerosque de servitute
Quos redemit hominum,
Innumeros de Zabuli
Absolvit dominio.

Hymnos cum Apocalypsi
Psalmosque cantat Dei,
Quosque ad ædificandum
Dei tractat populum,
Quam legem in Trinitate
Sacri credit nominis,

Tri-

Tribusque personis unam
 Docetque substantiam
 Zona Domini præcinctus
 Diebus ac noctibus,
 Sine intermissione
 Deum orat Dominum,
 Cujus ingentis laboris
 Percepturus præmium
 Cum Apostolis regnabit
 Sanctus super Israel.
 Patricius Episcopus
 Oret pro nobis omnibus,
 Ut deleantur protinus
 Peccata quæ commisimus.
 Patricii laudes
 Semper dicamus,
 Ut nos cum illo
 Semper vivamus.

*Hymnum Sancti Comgilli
 Abbatis nostri.*

Recordemur justitiæ
 Nostri patroni fulgide
 Comgilli Sancti nomine
 Refulgentis in opere
 Adjuti Dei flamine
 Sancto claroque lumine,
 Trinitatis celsissimæ
 Cuncta tenentes regimine,
 Quem Deus ad æthera
 Conduxit habitacula
 Ab Angelis custodita,
 Permanfura in sæcula.
 Audite pantes et erga
 Allati ad Angelica
 Athletæ Dei abdita
 A juventute florida

Aucta in legis pagina,
 Alta Sancti per viscera
 Aperta fide iustitia;
 Ad Dei ducta gaudia,
 Alti adlata merita
 Assarum concordantia,
 Ab Angelis.

Bonam vitam, justitiam
 Benignitatem floridam,
 Caritatem firmissimam,
 Deo primo adhibitam,
 Juxta mandatum solidam
 In regno præstantissimam,
 Proximis sæpe debitam,
 Corde sereno placitam
 Efficiebat cognitam
 In suepro fructiferam,
 Quem Deus.

Contemptum mundialium
 Voluptatum, præsentium
 Vitiolorum firmissimum
 Infirmos devastantium
 Verborum cogitamentum
 Parte læva versantium
 Continebat per viscera
 Secreta vigilantium
 Ab Angelis.

Doctus in Dei legibus
 Divinis dictionibus
 Dictatus sanctis opibus
 Deo semper placentibus,
 Dedicatus in moribus,
 Dei Stephanus agius
 Docebat sic & cæteros
 Dicta docta operibus
 Quem Deus.

Elegit a primordio,
 Quod erat in principio,
 Æter-

*Eternum Verbum paterno
Erectatum sanctissimo
Corde verum altissimo
Carus eidem lucido
Pignus præclaro animo
Constans opere placido.*

Ab Angelis.

*Fulgebat alti fulgore
Solis vice in vertice
Rutilantis meridie
Fidei claritudine,
Confirmatus ex viscere
In Dei semper fidere
Confidens sanctimonie
Præcipuo munimine.*

Quem Deus.

*Gaudium Sancti Spiritus
Habeat in visceribus
Regnum quod est sublimi-
bus*

*Deo dignum, & fortius.
Gladium quoque Spiritus
Levatum ad nequissimos
Quo prosterneret superbos
Tenens Sanctis in mani-
bus.*

Ab Angelis.

*Humilis, Sanctus, beni-
gnus*

*Probus in Dei legibus
Humanus, justus, commo-
dus,*

*Laudabilis in moribus,
Hilaris vultu, sobrius,
Caritatis in floribus,
Decoratus ordinibus,
Factus palam mortalibus
In Scripturis eruditus,*

*Inspiratus divinitus,
In Sacramentis providus,
Canonicis affectibus
Testamenti præfulgidus,
Fervens spiritu, placidus,
Deo carus, & piissimus.*

Ab Angelis.

*Kalcavit mundum subdolum
Karitatis per studium
Kastitatis firmissimum
Contempnens omne vitiū,
Inserens agrum floridum,
Pectus adornans lucidum,
Divinum habitaculum
Trino nomine sancitum.*

Quem Deus.

*Lampadem sapientiæ
Constituit in pectore
In thesauro sapientiæ
Condito Dei munere,
Inflammat magnopere
Luce veræ justitiæ,
Exaltatus munimine
Legis, Spiritus, Literæ.*

Ab Angelis.

*Magnum adprehendit bra-
dium*

*Eterna vita condignum,
Adeptus Sanctū præmium
Post laborem firmissimum,
Cujus perfectum meritum
Vocamus in auxilium,
Ut mereamur omnium
Vitiū excidium.*

Quem Deus.

*Notus Sanctorum coetibus
Abbatem in ordinibus
Monachorum militibus*

Ana-

Anachoretarum sensibus
Synodum Sanctis plebibus
Immo vir Apostolicus
Clarus cunctis in fortibus,
Adauctus in sublimibus

Ab Angelis.

O petram solidissimam
In fundamento positam,
O contemptorem omnium
Rerum nequā præsentiū,
O ducem Sanctum militum
Domino militantium,
O Tyronem fortissimum
Domino totum deditum.

Quem Deus.

Positus muri ferrei
Vice in luce populi
Dissipare, disperdere,
Cuncta mala destruere,
Ædificare, plantare
Bona tota in commune
More Sancti Hieremiæ
Constituti in culmine.

Ab Angelis.

Quis contempsit præsentia
Hujus ævi decidua?
Quis ascendit ad superna
Toto animo gaudia?
Quis volebat in æthera
Carne volare possit?
Qualiter iste talia
Adeptus sancta merita.

Quem Deus.

Rexit sanctam Ecclesiam
Catholicam per regulam,
Retinens fidem solidam
Malam contra nequitiam,
Suam exercens animam

Sanctæ legis per paginam,
Cujus exopto gratiam
Mihi adornat animam:

Ab Angelis.

Sapiens suos internos
Sanctos elevans oculos
Deducebat ad superos
Capite sancto intentos;
Parte sancta in dextera
Collocans sua viscera,
Centurionis opera
Habens sancta per studia:
Quem Deus.

Tulit suam memoriam
Ad mansionem supernam
Caram Deo, & floridam
Suam exercens animam,
Contempnens terram sub-
dolam,

Vanam omnem insaniam
Domans cum Abraham
Ad terram illam optimam.

Ab Angelis.

Vitam æternam fulgida
Adeptus est sub corona,
Ubi adsumet præmia
Permansura in sæcula
Comitaturus agmina
Angelorum præcipua
Inquirens semper talia
Vigilans in Ecclesia.

Quem Deus.

Christum orabat Magistrū,
Summum ornans obse-
quium,
Christi gerens officium
Actum per Apostolicum.
Hujus sequens vestigium
Du-

Ducens Deo exercitum
In sanctum habitaculum
Trinitatis lectissimum.

Ab Angelis.

Hymnum Deo cum cantico
Immolabat Altissimo,
Diei noctis circulo
Orans sæpe cum triumpho
Nunc cantavit sub numero
Canticum novum Domino
Junctus choro Angelico
Summo Sanctis in júbilo.

Quem Deus.

Zona cinctus justitiæ
Castitatis eximiæ
Mundo opertus sindone
In signo castimonie
Foeminalia lucidæ
Habens toto ex viscere,
Cujus sancto pro opere
Reddetur mercis condigne.
Quem Deus ad æthera
Conduxit habitacula
Ab Angelis custodita
Permansura in sæcula.

Per merita, & Orationes
S. Comgilli Abbatis nostri
omnes nos Domine
in tua pace custodi.

Hymnum Sancti Camelaci.

Audite bonum exemplum
Benedicti pauperis
Camelaci Cumiensis
Dei justī famuli.

Exemplum præbet in toto,
Fidelis in opere,
Gratias Deo agens,
Hylaris in omnibus,
Jejunus, & mansuetus;
Kastus hic servit Deo,
Lætatur in paupertate,
Mitis est in omnibus,
Noctibus, atque diebus
Orat Dominum suum,
Prudens, justus, ac fidelis,
Quem cognati diligunt.
Regem Deum aspexit,
Salvatoremque suum
Tribuit huic æternam
Vitam cum fidelibus.
Christus illum insinuavit
Patriarchæ Abrahamæ.
In Paradiso regnabit
Cum Sancto Eleazaro.

Collect. ad Secundam.

Esto nobis protector in
ista die, Domine sancte
Pater omnipotens æterne
Deus, & miserator,
& misericors, & auxiliator,
& dux nobis, & illuminator
cordium nostrorum. Custodi
Domine cogitationes, sermones,
opera, ut possimus placere in
conspectu tuo Domine, &
perficere voluntatem tuam,
& ambulare in via rectato-
ris nostræ vitæ tempore.

Item

Item alia ad Secundam.

TE oramus altissime
Exorto solis lumine
Christo oriens nomine,
Adesto nobis Domine
Qui regnas in sæculā.

Ad Tertiam.

Christi per horam ter-
tiam
Deprecamur clementiam
Uti nobis perpetuam
Suam tribuat gratiam,
Qui regnas.

Ad Sextam.

Tuis parce supplicibus
Sexta hora orantibus
Qua fuisti pro omnibus
Christe in Cruce positus.
Qui regnas.

Ad Nonam.

Exaudi preces omnium
Nona hora orantium,
In qua Christe Cornelium
Visitasti per Angelum.
Qui regnas.

Ad Vesperas.

Vespertino sub tempo-
re

143
Te invocamus Domine,
Nostros precibus annue,
Nostros peccatis ignosce.

In hora dimidti noctis.

Noctis tempus exegi-
mus
Christe in tuis laudibus,
Miserearis omnibus
Te ex corde precantibus.
Qui regnas.

Ad Nocturnum.

Jesu clementer visita
Nocte orantes media,
Qua divina potentia
Petri solvisti vincula.
Qui regnas.

Ad Matutinum.

Deus subveni omnibus
Te ter sanctum lau-
dantibus
Unumque confitentibus
Sacris hymnorum canti-
bus.
Qui regnas.

Item ad Matutinum.

Gallorum Christe can-
tibus.
Te deprecor sonantibus
Petri ob quondam fletibus
Nostros intende precibus.
Qui regnas.

Item

Item alia ad Matutinum.

DEus qui pulsas tenebris
Diei lucem tribuis,
Adventum veri luminis
Tuis effunde famulis.

Item ad Secundam.

EXaudi nos Domine supplices tuos, qui in hac hora prima diei referimus tibi gratias Domino Deo nostro, qui nos redemisti tuo Sancto Sanguine, ut preces, ac petitiones nostras vice primitiarum tibi oblatas pie, clementerque suscipias. Qui regnas.

Ad horam Tertiam.

Tibi subnexis precibus Christo Domino supplicamus, qui in hora tertia diei Spiritum Sanctum Apostolis orantibus emisisti, ejusdem gratiæ participationem nobis poscentibus jubeas concedi. Qui regnas.

Ad horam Sextam.

Omnipotens æterne Deus, qui nobis magna fecisti, sexta hora sanctam Crucem ascendisti,

& tenebras mundi inluminasti, sic & corda nostra inluminare digneris. Qui regnas.

Ad horam Nonam.

Nona agitur diei hora; Ad te Domine directæ supplicatione, qua cultoribus tuis divina monstrantur miracula, nostra quoque eorum imitatione corda inluminata. Qui regnas.

Ad Vespertinam.

Vespertina oratio nostra ascendat ad aures divinæ majestatis tuæ, & descendat benedictio tua Domine super nos, quem admodum speravimus in te. Qui regnas.

Ad initium Noctis.

DEus, qui inextricabiles tenebras inluminas noctium, densitatem caliginis inlustras, corda nostra in opere mandatorum tuorum, te oramus Domine, custodias. Qui regnas.

Ad

Ad initium noctis.

E Volutis nunc diei temporibus, nocturnisque spatiis supervenientibus, Dei misericordiam deprecemur, ut suppleti divinis sensibus, tenebrarum operibus renuntiare possimus. Qui regnas.

Ad pacem celebrandam.

I Njuste egimus. Redemisti nos Domine Deus veritatis in tuo sancto sanguine, nunc adjuva nos in omnibus Jesu Christe, qui regnas.

P Ax multa diligentibus, pax tua Domine Rex cœlestis permaneat semper in visceribus nostris, ut non timeamus a timore nocturno. Qui regnas.

Incipit Symbolum.

C Redo in Deum Patrem omnipotentem invisibilem, omnium creaturarum visibilibus, & invisibilibus conditorem.

Credo & in Jesum Christum Filium ejus unicum Dominum nostrum, Deum omnipotentem, conceptum

Tom. IV.

de Spiritu Sancto, natum de Maria Virgine, passum sub Pontio Pylato, qui crucifixus, & sepultus descendit ad Inferos, tertia die resurrexit a mortuis, ascendit in cœlis, seditque ad dexteram Dei Patris omnipotentis exinde venturum judicare vivos, ac mortuos.

Credo & in Spiritum Sanctum Deum omnipotentem unam habentem substantiam cum Patre & Filio. Sanctam esse Ecclesiam Catholicam, abremissa peccatorum, Sanctorum communionem, carnis resurrectionem. Credo vitam post mortem, & vitam æternam in gloria Christi. Hæc omnia credo in Deum. Amen.

Oratio Dominica.

P Ater noster &c.

Ad Nocturnum.

P Er horam mediæ noctis tunc gavisi sunt Angeli de nativitate Domini N. J. C. Ita & nos letari debemus in tua sancta pace omnipotens Deus, qui vivis &c.

K

Ad

Ad Matutinum.

TU es Domine inluminator caliginum, conditorque elementorum, remissor criminum; misericordia tua Domine magna est super eos, qui te toto corde requirunt. Majestas tua Domine mane nos exaudiat, & deleat delicta nostra, quæ tibi non sunt abdita. Qui regnas &c.

Item ad Matutinum.

TU es spes, & salus. Tu es vita, & virtus. Tu es adjutor in tribulationibus. Tu es defensor animarum nostrarum, Deus Israel in omnibus. Qui regnas &c.

Oratio communis Fratrum.

NE memineris iniquitatum nostrarum antiquarum. Cito anticipent nos misericordiae tuæ, quia pauperes facti sumus nimis. Adjuva nos Deus salutaris noster propter gloriam nominis tui. Domine libera nos, & propitius esto peccatis nostris propter nomen tuum. Ne tradas bestiis a-

nimam consistentem tibi. Animas pauperum tuorum ne obliviscaris in finem. Respice in testamentum Domine. Deus in adiutorium meum intende, Domine ad adjuvandum me festina. Festina Domine liberare nos ex omnibus peccatis nostris.

Pro Baptizatis.

SAlvum fac populum tuum Domine, & benedic hereditati tuæ, & rege eos, & extolle Domine illos usque in sæculum. Misere Ecclesie tuæ Catholicæ, quam in tuo sanguine redemisti. Qui regnas.

Exurge Domine in requiem tuam. Tu es arca sanctificationis tuæ. Sacerdotes tui induantur iustitiam, & sancti tui &c. Qui &c.

Lætentur in te Domine omnes Sancti tui, qui sperant in te in omni veritate.

Pro Abbate.

Dominus conserve te, & vivificet eum, & beatum faciat eum in terra. Dominus custodit te ab omni

omni malo; custodiat animam tuam Dominus. Dominus custodiat introitum tuum ex hoc nunc, & usque in sæculum.

Custodi nos Domine ut pupillam oculi, sub umbra alarum tuarum protege nos.

Protegere, & sanctificare digneris omnibus omnipotens. Qui regnas &c.

Pro Fraternitate.

TU Domine servabis nos, & custodies nos a generatione hæc in æternum.

Exaudi orationes nostras pro Fratribus nostris, ut illis Deus miserearis.

Pro pace populorum, & Regum.

Dominus virtutem populo suo dabit. Dominus benedicet populo suo in pace.

Pacem præstare digneris omnibus omnipotens Deus. Qui regnas &c.

In Blasphemantibus.

Domine misericordia tua in sæculum; opera manuum tuarum ne despicias.

Domine Deus virtutum ne statuas illis hoc in peccatum.

Pro Impiis.

Judica illos Deus; decedant a cogitationibus suis; usque irritaverunt te Domine.

Confundantur illi, qui confidunt in se, & non nos Domine, qui confidimus in te.

Pro iter facientibus.

O Domine salvum fac; o Domine bene prosperare. Prosperitatem itineris præsta famulis tuis. Qui &c.

Confiteantur tibi Domine omnia opera tua, & Sancti tui confiteantur tibi.

Tibi gratias agunt animæ nostræ pro innumeris beneficiis tuis. Qui regnas &c.

Pro Eleemosynariis.

Disperfit, dedit pauperibus. Justitia ejus manet in sæculum sæculi, cornu ejus exaltabitur in gloria.

Eleemosynas facientibus in hoc mundo retribue Domine in regno tuo Sancto.

Pro infirmis.

Exclamaverunt ad Dominum, cum tribularentur, & de necessitatibus eorum liberabit eos.

Tribue Domine tuis famulis sanitatem mentis, & corporis.

Exurge Domine, adjuva nos, & redime nos propter nomen tuum.

Adjutorium nostrum in nomine Domini.

Salvare nos digneris per invocationem Sancti tui nominis. Qui regnas &c.

Deus qui sanctis Martyribus, & electis tuis coronam Martyrii præstitisti, te oramus Domine, ut eorum meritis obtineamus veniam, qui tantam gloriam non mereamur. Qui regnas &c.

Ad te Domine clamabo. Deus meus ne sileas a me.

Dominus virtutum nobiscum, susceptor noster Deus Jacob.

Adjutor noster Deus Jacob miserere nobis Domine. Qui regnas &c.

Ad collectas.

Sanctus in sanctis, Agnus immaculatus, gloriosus in Coelis, mirabilis in terris, præsta nobis Domine secundum magnam misericordiam tuam Deus, quæ te petimus, & oramus. Qui regnas.

Ad Martyres.

Æternum virtutis tuæ nomen omnipotens Deus oramus, uti nos Martyrum, & omnium Sanctorum tuorum meritis socios fide pares, devotione strenuos, passione consimiles in resurrectione feliciam facias coquari. Qui regnas &c.

Miserere mei Deus secundum magnam &c.

Tribue Domine petentibus te ex fide secundum magnam misericordiam tuam Deus, qui regnas &c.

Ad

Ad Nocturnum.

Media nocte clamore facto, ut nos inveniamur parati sponso, qui regnas &c.

Ad Matutinum

Deus Deus noster ad te de luce vigilare debemus, & tu excita de gravi somno, & libera de sopore animas nostras, & in cubilibus nostris compungamur, ut tui esse memores mereamur. Qui regnas &c.

Tu es spes & salus. Tu es vita, & virtus. Tu es adjutor in tribulationibus. Tu es defensor animarum nostrarum Deus Israhel in omnibus. Qui regnas &c.

Ad Matutinum.

O Qui in altis habitas, & humilia respicis in coelo, & in terra, in mari, & in omnibus abyssis, de profundo cordis te deprecamur, ut firmes manus nostras ad praelium, & digitos nostros ad bellum, quo possumus in matutino interficere omnes peccatores.

Tom. II.

terrae nostrae ac nos indeficere mereamur & templum sanctum tuum Christe. Qui regnas &c.

Ad Martyres.

Deus, qui Sanctos tuos cum mensura approbas, & sine mensura glorificas, cujus praecepta finem habent, & praemia terminum non habent, exaudi per illorum merita preces nostras, & tribue, ut eorum patrocinia adjuvent nos ad Fidei profectum, ad bonorum operum fructum, ad prosperitatis bonum, ad salubritatis commodum, ad Religionis cultum, ad divini timoris augmentum per Dominum N. J. C. Filium tuum, qui est Rex regum, & Dominus dominantium, & gloria futurorum, regnans, & permanens una cum aeterno Spiritu Sancto in saecula saeculorum.

Collectio post Canticum.

Deus, qui exeunti ex Aegypto populo tuo maria divisisti, & suspensis utrinque marginibus in specie muri erigi fluentia iussisti, animas quoque nostras

K 3 a di-

a diluvio peccatorum liberare digneris, ut transire vitiorum gurgitem valeamus hoste contempto, Salvator Mundi, qui cum æterno Patre vivis, dominaris ac regnas cum Spiritu Sancto in sæcula sæculorum.

Collectio post benedictionem puerorum.

EXaudi preces nostras, omnipotens Deus, & præsta, ut sicut in decantato Hymno beata puerorum instituta sectamur, ita tuo munere peccatorum laqueis absoluti æterni ignis non ambiamur incendiis, Salvator Mundi, qui cum Patre vivis &c.

Collectio post tres Psalmos.

TE Domine de Cœlis laudamus, tibi ut canticum novum cantare meramur. Te Dominum in sanctis tuis venerabiliter deprecamur, ut omnia nostra vota suscipias, peccata dimittas Salvator Mundi. Qui regnas &c.

Collectio post Evangelium.

EXultantes gaudio pro reddita nobis hujus diei luce omnipotenti Deo laudes gratiasque referamus, ipsius misericordiam obsecrantes, ut diem Dominicæ Resurrectionis nobis solemniter celebrantibus, pacem, & tranquillitatem, lætitiâ præstare dignetur, ut a vigilia matutina usque ad noctem clementiæ suæ favore protekti, exultantes lætitiâ perpetua gaudeamus per Dominum N. J. C. &c.

Super Hymnum.

SAncte Domine, illuminatio, & salus vera credentibus, Resurrectio Dominicæ claritatis, illumina cor nostrum, ut Trinitatis scientia, & Unitatis cognitione, filii lucis, & membra Christi, ac templum Sancti Spiritus esse mereamur, qui regnas in sæcula sæculorum.

De Martyribus.

HI sunt Domine, qui felici cruore perfusi, dum

dum blandientem mundi huius inlecebram gloriosa passione despiciunt, mortem, morte vicerunt, confiderantesque tenebras huius lucis certo termino, ac sine ruituras, sumpserunt de pœna vitam, & de morte victoriam. Rogamus te Christe, ut eorum precibus adjuvari mereamur, quorum consortes esse non possumus per te Christe, qui cum Patre vivis, dominaris, & regnas.

Super Cantemus Domino gloriam.

DEus, qui cotidie populum tuum iugo Egyptiæ servitutis absolvis, & per fluentia spiritalis lavacri in terram repromissionis devicto hoste transducis. Da nobis de vitiorum impugnatione victoriam, & devictis tenebris nostris deducas hereditatem in Sanctuario, quod præparaverunt manus tuæ, Salvator mundi, qui cum æterno &c.

Super benedictionem trium puerorum.

SANCTE Domine, & gloriose mirabilium virtutum effector, qui tribus pueris inter supplicia constitutis adfistis, cui factum facile est ignium temperare naturam, & vim quodammodo exultantium coercere flammæ, ut inter incendia frigida hymnum tibi canentes cum magna victoria exultarent, eandem nunc Domine ad liberandos, ac protegendos nos dona virtutem Salvator Mundi.

Super Laudate Dominum de Celis.

Quem cuncta canite elementa Dominum laudent. Cujus confessio sacra eadem in Cælo, & Terra, & pignora Sion novum tonantem ~~dicite~~ *hymnum*, facturi iudicium nefandiis in fine conscriptum, perstrepite diversis spiritalis melodiarum modis, ut Christum conlaudent spiritus per sæcula omnes, qui cum Patre vivit.

Super Canticum.

DEus, qui impiam Ægyptum dienniis corruptionibus multas, & diviso mare planum iter populo præstas, preces exaudi quæsumus nostras, & nos nostris taliter hostibus salva Salvator Mundi. Qui regnas &c.

*Post benedictionem trium
puerorum.*

DEus, qui pueris fide ferventibus fornacis flammam frigidam facis, & tribus invictis morte devicta quartus adsisitis, precamur nobis æstibus carnistalem virtutem præstes adsisitis per te Jesu Christe, qui regnas &c.

*Post Laudate Dominum
de Calis.*

DEus noster, Deus omnium animarum, te adoramus, ut in hac vigilia solemnitate ad missa pervenire præstes, quo usque tenebræ iniquitatis nostræ convertantur in lumine, sicut Sol in meridie splendescit, Salvator Mundi, qui regnas &c.

Post Evangelium.

DOminicam, nostræ Resurrectionis initium, venerantes, Trinitati Deo nostro debitas laudes, & grates unito referamus affectu, obsecrantes misericordiam ejus, ut nobis Domini, & Salvatoris nostri beatæ Resurrectionis participium tam in Spiritu, quam etiam in corpore concedat, qui cum Patre vivit &c.

Post Hymnum.

Respice Domine ad preces nostras, qui infirmitates visitasti humanas, & tuam nobis sanctificationem largire, & immortalitatem Christe, qui regnas &c.

Item post Canticum.

Summerfo in mari Pharaone liberatur Israel. Nos quoque per Baptismi gratiam, & Crucis triumphum ab omni malo quæsumus liberari per te Christe &c.

Item

Item post Benedicite.

DEus, qui tres pueros de fornace eripuisti, sic nos eripias de suppliciis inferni, qui regnas in sæcula.

Post Laudate Dominum de Calis.

TE laudamus Domine cum Sanctis tuis, ut preces nostras suscipere digneris, qui regnas &c.

Post Evangelium.

Resurgentem in hoc diluculo Dominum deprecamur, ut & nos in vitam æternam resurgamus per omnia sæcula sæculorum.

Post Hymnum.

Resurrectionem tuam Christe veneramur, per quam in æternum salvari mereamur per omnia sæcula.

Christe Deus, qui in salutem populi tui Israhel adjutor, & protector fuisti, quem per siccum mare ab Ægypto duxisti, sal-

va nos hoc modo ab jugo peccati. Qui regnas in sæcula.

Post Hymnum trium Puerorum.

TE enim omnipotens Deus benedicimus juve, qui tres pueros libera-
sti ab igne, nos quoque de supplicio mortis æternæ propter misericordiam tuam eripe, qui regnas &c.

Post Laudate Dominum de Calis.

DEus altissime Rex, Angelorum Deus, laus omnium elementorum, Deus gloriæ, & exultatio Sanctorum, custodi animas fervorum tuorum, qui regnas in sæcula.

Post Evangelium.

Canticis spiritalibus delectatim nos Christe consonantes canimus tibi, quibus tua majestas possit placari oblata laudis hostia spiritali, qui tecum vivit &c.

Item

Item post Evangelium.

Diluculo lucis auctore
resurgente exultemus
in Domino devicta morte,
quo peccata possimus sem-
per obire, vitæque ambu-
lemus in novitate, qui te-
cum vivit &c.

Post Hymnum.

Lux orta est in luce pri-
ma, exordio dierum
antiquo facta, Unigenitus
tuus Domine, qui nostra
abluerit venit per Crucem
peccata, qui tecum vivit
&c.

De Martyribus.

Triumphalium memo-
res Martyrum tuo-
rum, qui pro te tolerave-
re vexilla passionum, pre-
camur, ut per sancta me-
rita ipsorum nostrorum ve-
niam mereamur peccato-
rum. Qui regnas &c.

Post Cantemus.

Plebs Israel in figuram
nostriliberatur in tran-
situ maris. Nos ergo per
gratiam Baptismi libera tu

ab exitiis mundi. Qui re-
gnas &c.

Post Benedicite

Ut tres pueros in flam-
ma salvasti descensu
in fornacem coelestis nun-
tii, sic nos per Angelum
magni consilii liberare di-
gneris ab igne Inferni. Qui
regnas.

*Post Laudate Dominum
de Calis.*

Deus, quem exercitus
canit coelorum, quem-
que Ecclesia laudat Sancto-
rum, quem hymnizat spi-
ritus universorum, misere-
re obsecro omnium nostro-
rum, qui regnas &c.

Super Cantemus.

Cantemus tibi Domine
exercituum Christe, o-
rantes, ut quemadmodum
exemisti dilectum populum
tuum captivitatis acerrimæ
jugo, iter demonstrante eis
nubis columpna per diem,
eadem ignis quoque per
noctem. Finditur ergo ma-
re dextera, lævaque in ab-
ruptum; digestis aggeribus
stupens unda solidatur; tuus
po-

populus navigat plantis .
Mira res! iter ejus nec e-
ques potest sequi, nec ra-
tis. Maria tympanum qua-
tit, hymnus iste canitur,
grex peculius tuetur. Ita
& nos ab insectatione ve-
teris inimici, & ab omni
periculo mundi liberare di-
gneris Salvator mundi, qui
cum æterno Patre vivis,
dominaris, ac regnas una
cum æterno Spiritu Sancto
in sæcula sæculorum.

*Super benedictionem trium
puerorum*

TRES Hebrei venerabiles
numero, Sacramento
muniti, ætate teneri, sed
Fidei soliditate robusti, a-
more divinæ religionis Re-
gis adorare imaginem con-
tempserunt, utpote qui ip-
sum contempserant Regem,
qui ira sufflatus solito se-
pties amplius caminum jus-
sit incendi, ac pice, & stup-
pa armatum citari incen-
dium æstuantibus globis.
Erubescit quoque ipsum a-
lienis ignibus coelum. Illo
præcipitantur infantes, ibi-
demque te, propter quem
præcipitantur, inveniunt
Christe. Taliter & nos ex
Tyranni intellectualis fu-

rore, & ab ingenito igni
digneris liberare, Salvator
mundi, quicum æterno Pa-
tre vivis &c.

*Post Laudate Dominum
de Cælis.*

LAudent te Domine An-
geli, Virtutes, Syde-
ra, Potestates, & quæ or-
tum suum tibi debent offi-
cio tuæ laudationis exul-
tent, ut per universitatis ar-
moniam ~~sibi~~ concinnen-
tem fiat, ut in Cœlo, ita
& in terra voluntas tua. Sit
tibi precamur Domine be-
neplacitum in populo tuo,
ut per exaltationes tuas in
ejus faucibus collocatas,
maneat in singulis & verbi
tui armatura, qua doceas,
& vitæ nostræ veritas, qua
semper adspicias, & salus,
qua mansuetos exaltes, quia
secundum multitudinem ma-
gnitudinis tuæ te laudamus
Domine ~~gratia~~ laudationis
ostensæ immolatione per
Psalterium, mortificatione
per tympanum, congrega-
tione per chorum, exulta-
tione per organum, jubila-
tione per cymbalum, ut
semper misericordiam tuam
habere mereamur Christe
Sal-

Salvator mundi, qui cum
æterno Patre vivis &c.

Super Cantemus Domino.

Domine, qui Cinchrim
fugientes tueris bis se-
nas per invisâ tribus æmu-
luminera, prius fluctibus
in binis montium utrimque
redactis celsorum, ceu ju-
gis abrupte arentibus talis
æquore murum quasi & de
petra lymphas producens;
~~mergatur ergo~~ ut olim pio-
rum supplicium hostis æter-
ni quæsumus statores cur-
rum, quod est cujus affa-
tus, actusque cum cogita-
tu celeri nequam sit Pha-
raoni Rex Israhalem ve-
rum, quæ unda salvat, ut
Christo carmina canat, per
sæcla, qui cum Patre vi-
vit.

Verficuli familia Benchuir.

Benchuir bona regula,
Recta, atque divina;
Stricta, sancta, sedula,
Summa justa, ac mira.
Munther Benchuir beata
Fide fundata certa,
Spe salutis ornata,
Caritate perfecta.
Navis numquam turbata,
Quamvis fluctibus tonsa,

Nuptiis quæque parata
Regi Domino sponsa.
Domus deliciis plena
Super petram constructa,
Nec non vinea vera
Ex Ægypto transducta.
Certe civitas firma,
Fortis, atque munita,
Gloriosa, ac digna,
Supra montem posita.
Arca Cherubin testâ
Omni parte aurata,
Sacrosanctis referta
Viris quatuor portata.
Christo Regina apta
Solis luce amicta,
Simplex, simulque docta,
Undecumque invicta.
Vere regalis aula,
Variis gemmis ornata,
Gregisque Christi caula,
Patre summo servata.
Virgo valde fecunda,
Hæc & Mater intacta,
Læta, ac tremebunda,
Verbo Dei subacta.
Cui vita beata
Cum perfectis futura,
Deo Patre parata,
Sine fide mansura.
Benchuir bona regula.

*Collectio super hominem, qui
habet Diabolum,*

Domine sancte Pater o-
mnipotens æterne Deus
expelle Diabolum, & gen-
tili-

tilitatem ab homine isto de capite, de capillis, de cerebro &c.

Oratio de Martyribus.

DEus, qui Martyribus tuis largitus es regnum, nobis autem peccatoribus veniam præstare digneris. Hi coronam suam passione per Fidem meruerunt; nos vero pro iniquitatibus, & prævaricationibus nostris remissionem a te, & misericordiam postulamus per te Jesu Christe.

*Incipit Antiphona in Natale Domini super:
Domine refugium
ad Secundam.*

AB hodierno die nox minuitur, dies crescit, concutiuntur tenebræ, lumen augetur, & in lucro lucis nocturnæ dispendia transferentur.

*Incipiunt Antiphona super
Cantemus, & Benedicite.*

EDUCTI ex Ægypto Patres nostri & pertransierunt, pedibus rubrum mare, dixeruntque laudem Domino nostro.

Tres pueri in camino missi sunt, & non timuerunt flammam ignis, dixeruntque laudem Domino nostro.

Filii Hebræorum penetraverunt, Israeliticæ plebes transierunt per siccum mare, laudemque dixerunt.

Tres pueri te orabant de medio ignis, ad te clamabant ex una voce, hymnumque dicebant.

Gloriosus in Sanctis, mirabilis in majestatibus, faciens prodigia.

Benedicamus Deum Patrem, & Filium, & Spiritum Sanctum Dominum.

Dextram, lævamque Moyses aspexit viam regalem, * polum eduxit, ad littus maris usque perduxit.

Fornacis flammæ pueri contemplerunt, Christo jugiter immolaverunt, viam iniquam dereliquerunt.

*Super Laudate Dominum
de Cassis.*

DE coelis Dominum laudate, psalterium jocundum immolate, laudate eum in sono tubæ.

Pharao demersus est in Rubrum mare. Moyses pertran-

* fort. populum.

transit in sicco pede maria,
dixit Deo cantate.

De Martyribus.

Post ignes & laminas,
cruces, atque bestias
Sancti cum magno trium-
pho vchuntur in regno, &
in refrigerio.

In invocatione Sancto-
rum Martyrum miserere
Deus supplicum tuorum.

*Super: Domine refugium
in Dominicorum die.*

Convertere Domine us-
quequo, & deprecabi-
lis esto super servos tuos.

Item alia.

Respice in servos tuos,
& in opera tua Do-
mine

Item alia.

Repleti sumus mane mi-
sericordia tua.

Alia cotidiana.

Sit splendor Domini Dei
nostri super nos.

Ad communicare.

Corpus Domini accepi-
mus, & Sanguine ejus
potati sumus, ab omni ma-
lo non timebimus, quia Do-
minus nobiscum est.

Item alia.

In labiis meis meditabor
hymnum Alleluja; cum
docueris me, ego iustitias
respondebo. Alleluja.

Item alia.

Gustate, & videte Al-
leluja, quam suavis
est Dominus, Alleluja.

Alia.

Hoc sacrum corpus Do-
mini, & Salvatoris
sanguinem sumite vobis in
vitam perennem. Alleluja.

Item alia.

Quam dulcia faucibus
meis eloquia tua Do-
mine.

Item alia.

Hic est panis vivus, qui
de Coelo descendit.
Alle-

Alleluja. Qui manducat ex
eo, vivet in æternum. Al-
leluja.

Item alia.

R Efecti Christi corpo-
re, & Sanguine tibi
semper Domine dicamus.
Alleluja.

*Ad Vesperum, & ad
Matutinam.*

Gloria in Excelsis Deo,
& in terra pax &c.

*Memoria Abbatum
nostrorum.*

Sancta Sanctorum opera
Patrum, Fratres, for-
tissima

Benchorensi in optima
Fundatorum Ecclesia,
Abbatum eminentia
Numerum, tempora, no-
mina

Sine fine fulgentia,
Audite magna merita,
Quos convocavit Dominus
Cœlorum Regni sedibus.

~~Amavit Christus Congil-~~
lum

Bene & ipse Dominum,
Carum habuit Beognoum,
Domnum ornavit Ædeum,
Elegit Sanctum Simlanum
Famosum mundi Magi-
strum,

Quos convocavit Domi-
nus

159
Cœlorum Regni sedibus.
Gratum fecit Fintenanum,
Heredem, alium, incluy-
tum,

Illustravit Machlaisreum;
Kaput Abbatum omnium,
Lampade sacra Seganum
Magnum Scripturæ medi-
cum.

Quos &c.

Notus vir erat Beracnus,
Ornatus & Cumnenus,
Pastor Columba congruus,
Querela absque Aidanus,
Rector bonus Bautherius,
Summus Antistes Crona-
nus.

Quos &c.

Tantis successit Camanus
Vir admirabilis omnibus.
Christo nunc sedet supre-
mus

Hymnos canens quindecim-
mus,

Zoen ut carpat Cronanus,
Conserve cum Dominus.

Quos convocabit Domi-
nus

~~Cœlorum Regni sedibus.~~

Horum Sanctorum merita
Abbatum fidelissima

Erga Congillum congrua
Invocamus altissima,

Uti possimus omnia
Nostra delere crimina

Per Jesum Christum æter-
na

Regnantem in sæcula.

The first part of the paper discusses the importance of the study of the history of the United States. It is argued that a knowledge of the past is essential for a full understanding of the present. The author then proceeds to a detailed examination of the early years of the Republic, from the time of the signing of the Declaration of Independence to the end of the War of 1812. This section covers the political, social, and economic developments of the period, and the role of the various states in the formation of the new nation.

The second part of the paper deals with the period from 1812 to 1860. This was a time of great change and growth for the United States. The country expanded its territory to the Pacific Ocean, and its population increased rapidly. The author discusses the various factors that contributed to this growth, including the discovery of gold in California, the invention of the steam locomotive, and the development of the cotton gin. He also examines the political and social tensions that arose during this period, particularly the issue of slavery.

The third part of the paper covers the years from 1860 to 1890. This was a period of great conflict and struggle for the United States. The Civil War, which began in 1861, was a turning point in the nation's history. It resulted in the abolition of slavery and the preservation of the Union. The author discusses the causes of the war, the course of the fighting, and the consequences of the conflict. He also examines the Reconstruction period, which followed the war, and the efforts to rebuild the South and integrate the freed slaves into society.

The fourth part of the paper deals with the period from 1890 to 1914. This was a time of rapid industrialization and urbanization in the United States. The author discusses the growth of the manufacturing sector, the rise of big business, and the development of the modern city. He also examines the social and political reforms of the Progressive Era, which sought to address the problems created by industrialization and urbanization.

The fifth and final part of the paper covers the years from 1914 to 1945. This was a period of great change and upheaval for the United States. The country entered World War I in 1917, and emerged as a major world power. The author discusses the causes of the war, the course of the fighting, and the consequences of the conflict. He also examines the New Deal, which was implemented by President Franklin D. Roosevelt in response to the economic crisis of the Great Depression.

In conclusion, the author argues that the study of the history of the United States is essential for a full understanding of the present. He believes that a knowledge of the past can help us to identify the problems of the present and find solutions to them. He also believes that the study of history can help us to develop a sense of national identity and pride.